

記事文
學說部

變子史



大達圖書供應社刊行

上海图书馆藏书



A541 212 0011 7800B

小引

辨說文云：一乳二子也。辨史云者，節取古今史乘相合之事實，彙集成書，盡亦類書之流焉。全書內容，自盛治、賢臣、賢士、孝行，以至隱語、異徵、祥瑞、名勝、奇聞等，凡四十八門，蒐羅宏博，類列精審。至其發刊之旨趣，以及所含之義蘊，於黃序、趙序及自序中已詳言之，是以不論論其在文學上之價值如次：

我國史籍，其體例不外編年與傳記二種。古史皆爲編年體，至漢司馬遷始變春秋之例而成史記，開傳記體之先。後之作者，皆取法焉。是書之作，則又變史記之例而自成一家，開史界之新紀元，不僅排類纂拾，以備詩文詞賦之資而已也。

語云：「一部廿四史，從何說起？」盡極言卷帙浩繁，讀史之難也。今舉一事欲與當代或異世相同者固難，而於相同者之外更舉若干事與當代或異世相同者爲尤難。如本書竟欲將上下數千年異代相同或並時相同之史實，各以類從，羅列無遺，自非胸中貫穿全史者所能道其隻字也。我國古籍，浩如烟海，其間義理湮沒，急待整理以廣流傳者，比比皆是。苟能繼編纂辨史之精神，以整理其他古籍，則對於國學之貢獻，當能發揚光大也。



序

史者，古今得失之林也。尙書春秋，史也。聖人定之爲經。太史公變春秋之例，綜漢以前千百年事而成史記，瞭如指掌。後之作者宗之。蓋其於君德之隆替，世運之盛衰，禮樂政刑之興廢，以及賢奸出處，一才一藝之奇能，靡不備具。考古者，於是乎得所折衷焉。迨百家者流，逞其陸離怪誕之談，炫異爭奇，分立門戶，而書籍典故，乃紛然淆雜於兩間。讀史者，每有望洋之歎。余不敏，出宰虞陽，適值水潦，饑饉薦臻，出入以星，而無補於事。爾時欲爲仕優之學，固無此餘閒矣。明年時和日暇，乃卽古循史酷吏傳，卒讀之，欲知所法戒；因而及於其他。乃日知者月忘，而亂我心曲，則於人異事同者尤甚。爰思天下之物，獨無而必有對，倘將瑯環諸典，撮爲一書，日置案頭，以備記問，庶健忘其有瘳乎？適吳門王君雪香，以手輯學史一編惠余。余取而讀之，其間博引繁徵，無少遺憾；而於同異參差諸事實，引證尤極詳明。自帝德王猷，以至祥瑞災異，雖不若史家之曲備，而古今之大略，亦概可知矣。是又變史遷之例，而簡捷出之者也。顧或者曰：三都成而洛紙貴，四部作而遺籍全。今王君以淵博才，作爲學史，其將等諸排纂類，拾以備詩文詞賦之資乎？抑亦於古今得失，學士大夫之見聞，有以參觀而借考也。淹博大雅，倘有取焉，當不以余言爲河漢！咸豐元年歲次辛亥，七月望日，容州弟黃金韶拜序。

序

廿二史上下三千餘年，時異世殊，一代有一代之人，一人有一人之事，然而其間有無心而合者，有有心而合者；有合於異代者，有合於並時者；有合不一合者，有不盡合而仍合者；層見疊出，難以枚舉。知其一不知又有一，則陋；知其又有一不知一之外更有不一而足者，則仍陋。自非胸羅全史，貫穿靡遺，鮮有不掛一漏萬者也。盟兄吳縣王君雪香，博極羣書，尤喜讀史。見古今事跡有相合者，輒筆之書；積久成帙，因而詳加釐訂，分門別戶，各以類從彙成若干卷，名之曰變史，而索序于余。余閱其書，見其綱舉目張，采摭宏博，上自帝王卿相，下逮讖緯術數，旁及山川谿谷，細至草木禽魚，無不蒐羅掇拾。始歎古今人，果非不相及，而先後同揆之正不少也。猶憶向者友人出蓼我輟讀圖一屬題，余止知有王裒也；雪香出所輯示余，則王裒之外，更有數人。始歎雪香之博，而自愧余之陋；則所謂胸羅全史，貫穿無遺者，舍雪香其誰屬哉？雪香工詩善古文，著作甚富，此特其緒餘。然已足沾溉千人，學者循是求之，將知人所難知，並知人所未及知。原原本本，殫見洽聞，固陋之譏，吾知免矣！則此一書也，洵藝林之寶筏，讀史之津逮也。抑又有進焉者，善惡報施，僅見於一人一事，人猶以爲偶然也；若至再至三，未有不悚然動容者。是書於此三致意焉。觸目警心，法戒昭然，感發懲創，胥於是乎！在是不特恢廓見聞，且幸可檢束身心矣。嘉惠後生，豈淺鮮歟！

咸豐四年歲在甲寅季秋，昭文如弟趙同鈞拜撰。

自序

余自束髮後，愛觀諸史，雖有一知半解，而愚鈍善忘，每事之相類者，隨手記之，以備參考，名曰「辨史」。積之久而案頭盈尺許矣。家叔亮生先生，見而賞之，曰：「是可傳也！當爲汝釐正之。」未幾，先生赴道山，事遂不果。適太倉明經季崧耘先生借觀，爲之編次，從惠付梓。余以管窺蠡測之意，又乏汗牛充棟之書，掛漏之譏，知不免矣。兵燹後，強半遺失，無可搜羅。極蒙兩先生獎許殷殷，而又未忍棄置，爰就所存者，草草錄出，合爲若干卷；至於當否，還俟質諸博雅君子。

光緒紀元，歲次乙亥，冬十月二十四日，燈下，雪香王希廉識。

新式
標點
變
史目次

盛治

以身禱	一
盤銘	一
列屏自警	一
講孝經賜帛	一
講無逸	二
講泰卦	二
却鸚鵡	二
却外夷美女	二
三賞	二
肅慎貢楛矢	三
帝修師弟之禮	三
書羣臣姓名于屏風	三
御製喜雨詩	四
御製喜雪詩	四

御製賞花釣魚詩	五
御製嘉穀詩	五
御製文宣王贊	五
飛白博學二字	五
帝御浣衣	五
解火獄	六
推溝	六
却千里馬	六
池苑假貧民	六
不圖今日復見	七
賜貂裘	七
鑄幣救荒	七
賢臣	七
刻方療氏	七
示解蠱藥	八

辨服毒誣仇	八
易瓦息火	八
植柳比甘棠	八
植柏比甘棠	八
異政致白鳥	九
異政致嘉禾	九
異政致嘉麥	九
異政致白雀	九
俸賜分齋	九
王佐才	一
宰相器	一
一言取相	一
比長城	一
吏民自勵	一
教民牛耕	一

閉閣自責……………一二

留太守一年……………一三

吏賢民不取遺……………一三

夜不閉戶……………一三

車不得前……………一三

慨然有澄清天下之志……………一四

舉代……………一四

以天下爲己任……………一四

鐵漢……………一五

比汲黯……………一五

無逸圖……………一五

懷人勿剪……………一五

中興第一……………一五

民呼爲父……………一六

善政弭雹……………一六

長吏引罪兄弟息訟……………一六

禁殺子……………一六

賢士

葬立四石……………一七

十才子……………一七

李杜齊名……………一七

三俊……………一八

恥厮役棄家家爲制服……………一九

改里名高陽……………一九

太學六君子……………一九

言孝言弟……………一九

玉筍班……………一九

飯後鐘……………一九

孝行

舍肉遺母……………二〇

水漿不入口者七日……………二〇

讀書感孝……………二〇

嚙指悟子……………二〇

負米養親……………二一

親病心痛心驚……………二一

不切割噉炙……………二一

珍膳獨奉母……………二一

爲母求魚魚躍冰而出……………二二

感蓼莪……………二二

廢蓼莪……………二二

孝可却病……………二二

新弄別體……………二二

旌孝改里名……………二二

手植松柏……………二三

獨葬十三喪……………二三

孝感致雙鶴……………二三

孝感神藥……………二三

身痛親亡……………二四

親病衣不解帶……………二四

亡親現形示孝子……………二四

親喪險水安流……………二五

親歿不食親嗜……………二五

表里門……………二五

刺血寫經……………二五

女擊虎救親……………二六

女代親爲虎噫……………二六

虎豹環廬……………二六

孝感生芝……………二六

鳥獸助哀……………二七

代親蚊啮……………二七

母病不食子亦不食……………二七

割脅療親……………二八

額成瘡……………二八

孝女碑……………二八

墓不沾雨……………二八

刲股療母……………二八

忠勇

食雪……………二九

被殺上馬……………二九

無令土汚鬚……………二九

煮筋革……………三〇

開肉鑿骨……………三〇

一身是膽……………三〇

殺愛妾食將士……………三一

引衣……………三一

江表虎臣……………三一

捋主鬚……………三一

寧死不生……………三二

輿棺入諫……………三二

匈奴不敢近雲中……………三二

劫使說降反辭慰免……………三二

大樹將軍……………三二

壞宰相麻……………三三

忠義刺身自誓……………三三

友愛

異母弟與兄同死……………三三

讓爵與弟……………三三

兄弟同臥起……………三四

義樹感兄弟復合……………三四

父愛少子讓爵於弟……………三四

迎姊祿養西土稱之……………三四

隱己子官猶子……………三四

焚分券……………三五

義士

棄親破齋自殺……………三五

漆身吞炭……………三五

失勢不去……………三六

舉幡鳴冤……………三六

服舉主……………三六

劫質并擊……………三六

還金……………三六

酬禾……………三六

高士

丈人……………三七

造謁不遇迫請不還……………三八

大丈夫當爲雄飛……………三八

自污避辟……………三八

牧豕守志……………三八

徵君……………三八

閉門却掃……………三八

賢母

母死勉子……………三九

非此母不生此子……………三九

母願子盡忠諫職……………三九

慈親老猶箠勸……………三九

子叛而母得免……………四〇

賢女

割耳守節……………四〇

割鼻守節……………四〇

女尙書……………四〇

女將……………四一

女學士……………四二

婦擊虎救夫……………四二

神仙

龍負升天……………四二

不樂升天……………四三

巨靈……………四三

玉衣……………四三

投書叩樹……………四三

神女吐成瘡……………四四

步水上……………四四

滅火雨皆酒氣……………四四

米麥化珠……………四四

赤松子……………四四

入山妻二仙女……………四四

朝曾羅得屐履……………四五

孕產本濟經……………四五

神兵相助……………四六

宮亭神遣鯉還物……………四六

遇仙歸而年遠……………四六

致月……………四七

杖成龍……………四八

用藥活樹……………四八

伎術

造指南車……………四八

乘木鳥而翔……………四八

刻鳥能翔……………四九

病魂避醫……………四九

辨雀語……………四九

挑怒已疾……………五〇

辨馬語……………五〇

湔洗腸胃……………五〇

吐蛇病已……………五〇

青囊書……………五〇

取魚作脍……………五一

藥戕物命滯仙果……………五一

畫像生光……………五一

畫鷹毆鳥……………五一

符致魚……………五一

帝飛白書……………五二

活死馬……………五二

占火烟……………五二

木人樂戲……………五二

酒不盡杯不去……………五三

畫去……………五三

畫清濟貫河圖……………五三

琵琶號雷……………五四

夢虎……………五四

讓爲閒田……………五四

還帶……………五四

護蟄蟲……………五五

朱黑銘黑白豆……………五五

畫作夜書……………五五

敏慧

船人舌辨……………五五

獻珥美一勸所欲立……………五六

見物知名……………五六

童子郎……………五七

彊記口疏……………五七

半面……………五八

易人示匈奴……………五八

想當然耳……………五八

文不加點……………五八

下水船……………五八

聽曲知亡……………五九

耳目手口齊用……………五九

刻燭賦詩……………五九

童年以經諫……………五九

三刻成詩……………六〇

三刻課詩……………六〇

手腕脫……………六〇

十事無遺……………六〇

孫代祖筆……………六〇

一日千里……………六〇

置貴妃膝……………六〇

鞋者諧也……………六一

口占數吏不給……………六一

九經不遺一字……………六一

文成奪賞……………六一

辨水……………六一

四歲能詩文……………六二

五歲能詩文……………六二

六歲能詩文……………六二

七歲能詩文……………六二

德行

八歲能詩文……………六三

九歲能詩文……………六三

十歲能詩文……………六三

七歲通春秋……………六五

七歲通論語……………六五

童子及第……………六五

勤學

君子四時……………六五

八世爲博士……………六五

乘馬不知牝牡……………六五

流粟梳麥……………六五

記衣裳……………六六

講論忘食……………六六

石經……………六六

鐵硯……………六六

被中學習……………六六

書得筋……………六七

學耕……………六七

晝糜……………六七

跨驢讀書失道不覺……………六七

雅度

繫解自結……………六七

不勝衣……………六七

貧也非病……………六八

隱食中蟲免庖人罪……………六八

疑盜不辨後白……………六八

某掾所爲……………六八

進止不失尺寸……………六八

侍婢讀書……………六八

犢鼻褌……………六九

贈帛化盜……………六九

行部去帷……………六九

雅歌投壺……………六九

不見則鄙吝生……………六九

望若神仙……………六九

欲止郵亭不名而去……………七〇

松下風……………七〇

乘笨車……………七〇

登龍門……………七〇

白羽扇……………七〇

命葬近先賢……………七〇

獨坐……………七一

妻子希見其面……………七一

爲酒求官……………七一

口不言財……………七一

任鄰侵地……………七一

直入看竹……………七一

手如白玉……………七一

無喜慍……………七一

角巾引見……………七一

不欲知清……………七一

書忍字……………七一

雪中無惜容……………七二
 噉拭肉餅……………七三
 釣鰲客……………七三

才略

步東西極……………七三
 如鷹鷂之逐鳥雀……………七三
 晝日垂簾……………七三
 蒲鞭……………七三
 斫樹書名伏弩殺敵……………七三
 囊沙……………七四
 醉不廢政……………七四
 著書字值百金……………七四
 手畫地形……………七四
 建節出關……………七五
 立功絕域……………七五
 聚米圖……………七五
 交縛火炬疑兵拒虜……………七五

新論……………七六
 閉閣不通豪右……………七六
 取矢於敵……………七六
 輕盜重殺子……………七六
 比鷹……………七六

破林邑象陣……………七六
 辟蹊手……………七七
 置鼓息盜……………七七
 聞寇宴飲……………七七
 賊魁死不輕上聞……………七七
 對奕決事……………七七
 處變奕棋……………七八

剛正

饜嚴儲訓……………七八
 用法殺子……………七八
 臣卜其晝未卜其夜……………七八
 君問可非問讎……………七九

執法待薦主主喜得人……………七九
 廷理破太子駕……………七九
 不入朝歌……………八〇
 分肉平……………八〇
 重足……………八〇

賣病畜不欺……………八〇
 不發私書……………八〇
 非吾友也……………八一
 不鼓琴……………八一
 病畜不鬻……………八一
 欲贈不敢……………八一
 不視求官書……………八一
 賣宅不欺……………八一
 掘太歲無禍……………八一
 卿欲效邳君章……………八二
 諫人主不可觀史……………八三
 不肯尙公主易妻……………八三
 董狐……………八三

所謂呈身御史……………八四

明哲

寢安非就封……………八四

豺狼之聲……………八四

聲知休咎……………八四

三不祥……………八五

不移災……………八五

弄印……………八五

人主自爲主司……………八六

毀書安反側……………八六

疾風知勁草……………八七

虜在吾目中……………八七

功曹斷馬鞍止太守謁客……………八七

書籍相付……………八七

娶婦……………八八

黑頭公……………八八

徙戎論……………八八

當成宅相……………八八

似舅……………八八

天贊我也……………八八

朝官乞爲道士……………八九

與吾門者此兒……………八九

辨殺弟誣告……………八九

辭黃白術……………八九

清廉

食一肉飯脫粟……………八九

飲馬投錢……………九〇

却光夷金……………九〇

賜贖不受……………九〇

妻子炊爨……………九〇

羊皮板榻……………九〇

休假單步……………九〇

妻子不入官舍……………九〇

還嫁隣……………九一

取絹不食……………九一

妻布裙……………九一

船載土……………九一

無地起樓臺……………九一

才辨

讀書古人之糟粕……………九二

天子子過誤殺人……………九二

不取粟……………九三

畏法而至……………九三

同姓名今勝於昔……………九三

嘲姓……………九三

曠達

遊五嶽不知所終……………九四

不如一經……………九四

家無擔石之儲……………九四

貴不如賤……………九四

官職山天……………九五

博聞

酒解冤獄……………九五

長頭……………九五

武庫……………九六

易聖……………九六

勇力

髮上指冠……………九六

射石……………九六

灣弓三百觔……………九七

斬蛟江水俱赤……………九七

中矢復戰……………九七

中雷股……………九八

弓力十石……………九八

左右射……………九八

矢不虛發……………九九

手舉石獅……………九九

一發雙貫……………九九

渴飲血……………九九

節儉

衣不重帛……………一〇〇

不重席……………一〇〇

澣冠洗幘……………一〇〇

飯脫粟……………一〇〇

藜藿不糝……………一〇〇

食不重味……………一〇〇

夫人衣不曳地……………一〇〇

食乾飯……………一〇〇

葬不用棺……………一〇一

布襦……………一〇一

食韭……………一〇一

禮賢

管平公魏文侯……………一〇二

帝日送……………一〇二

尚書令脚疾於府攝事……………一〇三

金蓮炬送還院……………一〇三

識名殿柱……………一〇四

帝手和藥賜臣……………一〇四

交誼

刎頸交……………一〇四

新起宅殮友人……………一〇五

僑札之分……………一〇五

知遇

富貴不歸故鄉如衣錦夜……………一〇五

行……………一〇五

臥治……………一〇五

河東吾股肱郡……………一〇六

給筆札……………一〇六

轉連比蕭何……………一〇六

賢臣喻左右手……………一〇六

鷺鳥累百不如一鸚……………一〇七

一軍皆驚……………一〇七

比子房……………一〇七

家中視事……………一〇七

將門有將……………一〇七

佳句書扇……………一〇七

文傳異域……………一〇八

騏驎妻女……………一〇八

田藻

可人……………一〇八

蘇李……………一〇八

臥龍……………一〇九

非百里才……………一〇九

如蒼生何……………一〇九

聊必坐此……………一〇九

比明珠……………一〇九

比孔明……………一〇九

天才……………一一〇

優賞

得善言而賞……………一一〇

婦人封侯……………一一一

谷量牛馬……………一一一

一言取相……………一一一

靈壽杖……………一一一

延年杖……………一一一

絕席……………一一一

東南西北將軍……………一一一

蓋覆……………一一二

給追鋒車……………一一二

兩妻……………一一二

改鄉爲賢相……………一一二

刺本州……………一一二

緇流有爵……………一一三

築沙隄……………一一三

帝鬚療臣疾……………一一三

賜瑞錦……………一一三

羽流有爵……………一一四

帝手書揭旗以賜……………一一四

名譽

三高……………一一四

三才……………一一四

三君……………一一四

三老……………一一四

三少……………一一五

四皓……………一一五

四賢……………一一五

四真……………一一五

四友……………一一五

五老……………一一六

九君	一一六
七賢	一一六
八士	一一六
八達	一一六
八俊	一一七
八顧	一一七
八及	一一七
九老	一一八
一龍	一一八
二龍	一一八
五龍	一一八
六龍	一一九
二驥	一一九
雙壁	一一九
二馮	一一九
二陸	一一九
二蘇	一一九
三張	一一九

兄弟九人並知名	一一〇
大小兄弟	一一〇
五絕	一一一
三絕	一一一
二絕	一一一
比孔子	一一二
比曾子	一一二
儒宗	一一二
文宗	一一二
書聖	一一二
第一人	一一三
荒穀儉梁	一一三
有祖風	一一三
雲中白鶴	一一三
改里名高陽	一一三
詩文託人見重	一一三
童烏	一一三

蛇身	一一四
獸乳烏覆	一一四
日角	一一四
四乳	一一四
狼頰	一一四
蒙魃	一一五
犀角	一一五
重瞳	一一五
駢脅	一一五
長頸烏喙	一一五
耳三漏	一一五
兌上豐下	一一六
方瞳	一一六
耳長七寸	一一六
咸星娘子	一一六
甫生能言	一一六
豺聲	一一六
體白如瓠	一一七

異稟

孕二十四月而生……………一二七

烏爪……………一二七

鳶肩……………一二七

食祿七十年……………一二七

垂手過膝……………一二七

木生……………一二八

臂垂過膝……………一二八

有濟勝之具……………一二八

食石……………一二八

食沙石……………一二八

學龜吞氣不亂……………一二八

妒婦賜鳩……………一二九

伏犀貫玉枕……………一二九

人中馬中……………一二九

斬湧白膏……………一二九

處變鼻息自如……………一三〇

火從口出……………一三〇

先兆

夢食天……………一三〇

雨爲兵祥……………一三〇

久陰不雨廢立之兆……………一三一

屋倒不傷人……………一三一

劍有名字……………一三一

星隕大臣災……………一三二

夢日三分取一後爲二分……………一三二

主……………一三二

屋咤……………一三二

木妖……………一三二

禍人自禍……………一三三

作梅詩爲狀元宰相之識……………一三三

夢魁天下……………一三四

疑獄夢告……………一三四

夢人授筆……………一三四

夢人授墨……………一三四

誠感

造書鬼哭……………一三五

鶚不至……………一三五

六事自咎而雨……………一三五

民從賢君亡……………一三五

降人以義不以攻……………一三六

匿兒袴中……………一三六

市無二價……………一三六

二月催花盡開……………一三六

塚樹交枝……………一三六

如廁心動……………一三七

擊地水出……………一三七

移文河伯出屍……………一三七

約婚別嫁旣死還魂復爲夫婦……………一三八

夫死入夢……………一三八

受賂賜錢……………一三八

請以身塞隄……………一三八

夷戎望慕哭泣……………一三九

賊不犯	一三九
化鄉里爭訟	一四〇
主人避盜	一四〇
盜還物	一四〇
郡縣善政致芝草	一四〇
太極殿材缺神木自至	一四一
因孝致疾夢親授藥	一四一
灑淚樹變	一四一
掩骨致雨	一四一
爲詩感夫	一四二
井變甘泉	一四二
鹿乳	一四二
解虎爭	一四二
人稱佛	一四二
郡縣美政木連理	一四三
誠乞泉出	一四三
鸚鵡滅火	一四三

盤盛物同色	一四三
琉璃盤	一四四
煖玉	一四四
屈伸劍	一四四
誦諫	一四四
諫刑人數三當死	一四四
獵得善言	一四五
酒勸柱	一四五
效技獨誦古	一四五
豪奢	一四六
肉林	一四六
殺賭牛	一四六
錦維舟	一四六
食萬錢猶言無下箸處	一四六
一食萬錢	一四六
一食二萬錢	一四六

彫人執燈	一四七
殺生子入鏤	一四七
吝嗇	一四七
和嶠王戎李	一四七
讒誑	一四七
獻胙加毒以讒賜死	一四七
掩鼻進讒	一四八
姦凶	一四八
驢王	一四八
炙手可熱	一四八
四凶	一四八
五鬼	一四九
隱語	一四九
當歸	一四九
茶藥合中內召	一四九

異徵

遺杖成林……………一四九
 以疾得福……………一四九
 鶴言城郭是人民非……………一五〇
 爲形示罰禍中其人……………一五〇
 臣死還冤……………一五〇
 預銘犯墓……………一五〇
 以賊誣亡鬼來會計……………一五一
 牛糞金銀……………一五一
 爲后妃宿疾頓愈……………一五一
 虎送禽獸報德……………一五一
 文成夢吐鳳……………一五二
 誦法華舌不壞……………一五二
 文愈頭風……………一五二
 樂致鳥……………一五二
 石自移……………一五三
 火不燬經……………一五三

物異

手出香……………一五三
 字識……………一五三
 銅鐘出……………一五四
 上有龍……………一五四
 負錢作牛……………一五四
 用僧物作牛……………一五五
 雷收籽……………一五五
 殺龍天譴……………一五五
 斷牛舌生子病舌……………一五五
 鴉鳴遷官……………一五五

石磬……………一五六
 劍作龍虎吟……………一五六
 草活死人……………一五六
 切玉刀……………一五六
 白狐……………一五六
 駁馬伏虎……………一五六

陰虹屬項……………一五七
 龍門……………一五七
 穿井得羊……………一五七
 石相隨行下海……………一五七
 樹精爲青牛……………一五七
 鞭石出血……………一五八
 能言龜……………一五八
 聞歌草舞……………一五八
 刀飛……………一五八
 四目龜……………一五八
 六目龜……………一五八
 八目龜……………一五九
 金鳳飛去……………一五九
 石鼓鳴……………一五九
 斬石人……………一六〇
 鳥擁車……………一六〇
 樹生血……………一六〇
 蠅傳赦……………一六〇

魚爲美人	一六〇
虎檻墮人出檻成虎	一六一
獼奴	一六一
犬作人言	一六一
犬與人通好	一六二
肉芝	一六二
五色龜	一六二
懷中龍	一六二
舞象	一六三
呼虎見客	一六三
蚌蛤在佛菩薩像	一六三
試劍石	一六四
枕中得志	一六四
冰成花	一六四
鸚鵡問安	一六五
令人不畏雷	一六五
鳥衛火	一六五
不飢之草	一六五

食之不妒	一六五
山驗豐歉	一六五
冶石爲刀劍	一六五
風井	一六六
金霧	一六六
蛇陷宅爲湖	一六六
蛟哭母	一六六
觸正依邪之獸	一六七
蟲致丈夫憐愛	一六七
鳥解人語	一六七
鳥聲合樂	一六七
石鏡	一六七
石鳴	一六八
山樂	一六八
石鳥飛	一六八
泉如酒	一六九
九井汲一皆動	一六九
飛魚	一六九

醒酒石	一六九
山自遷	一六九
山聞鼓角	一六九
塚聞鼓角	一七〇
知更鳥	一七〇
食鐵獸	一七〇
樹酒	一七〇
已瘳	一七一
木麵	一七一
草夜明	一七一
竹爲船	一七一
飲酒久不醒	一七一
忘憂	一七二
牛拜	一七二
妻夢夫見	一七二
父子同名	一七四
惡感凶神善感吉神	一七四
筆落于地	一七四

雲母窗……………一七四
 攝魂入夢……………一七四
 入火不燒……………一七五
 虎食人有定數求代獲免……一七五

祥瑞

河圖……………一七七
 日五色……………一七七
 醴泉……………一七八
 朱草……………一七八
 景星……………一七八
 麒麟見……………一七九
 鳳皇見……………一七九
 青龍見……………一八一
 黃龍見……………一八一
 龍負圖……………一八一
 屈軼草……………一八二
 洛躍瑞魚……………一八二

白鹿見……………一八二
 龍負舟……………一八三
 白狼見……………一八三
 白鳩見……………一八三
 赤雀……………一八三
 赤鳥……………一八四
 白魚入舟……………一八四
 白雉……………一八四
 白麟見……………一八四
 白龍見……………一八五
 白鳥見……………一八五
 馴象……………一八五
 獲麟改元麟嘉……………一八五
 五色鴈……………一八五
 白虎見……………一八五
 神魚……………一八五
 野蠶成繭……………一八六
 龜書……………一八六

榮光出河……………一八六
 日月如合璧……………一八七
 五色雲……………一八七
 景雲……………一八七
 黃雲……………一八七
 雲覆其上……………一八八
 白雲……………一八八
 紫雲……………一八八
 青雲……………一八八
 慶雲……………一八八
 棠莢……………一八九
 蓬蒿……………一八九
 甘露降……………一八九
 祠壇神光……………一八九
 九莖芝……………一九一
 山稱萬歲……………一九一
 誕生赤光滿室……………一九一
 夢乘龍上天……………一九二

蒼鳥	一九二
白雀見	一九二
御座生芝	一九二
太廟生芝	一九二
薯立	一九三
瑞木有天下太平字	一九三
夢筆點額作主人	一九三
宅邊桑樹如蓋與王之祥	一九三
明珠	一九三
華平生	一九四
白毫生於左角	一九四
河清	一九四
殿上生芝	一九四
蠶自成被	一九五
老人星	一九五
日有五色雲	一九五
日重輪	一九六
月重輪	一九六

瑞麥兩歧	一九六
嘉禾異畝同穗	一九六
嘉禾四穗	一九六
嘉禾九穗	一九六
嘉禾六穗	一九七
嘉禾四穗	一九七
嘉禾五穗	一九七
四星聚	一九七
五星聚	一九八
嘉瓜異實同蒂	一九八
木連理	一九八
李木連理	一九九
甘棠連理	一九九
再熟稻	一九九
竹一本兩歧	一九九
天雨水銀	一九九
天開眼	一九九

名勝

馬鞍山	二〇〇
龍蟠虎踞	二〇〇
避秦	二〇〇
絕境再訪迷路	二〇一
菊水多壽	二〇一
虎跑泉	二〇一
百花洲	二〇一
千人石	二〇一
山有仙書	二〇一
青草湖	二〇二
墨池	二〇二
劍池	二〇二
煙雨樓	二〇二
琴臺	二〇二
災異	二〇二
天雨水	二〇二
日門	二〇三

日中黑子	二〇三
六月隕霜	二〇三
兒在腹有聲	二〇三
牛作人言	二〇三
日夜出	二〇三
木冰	二〇三
天雨冰	二〇四
枉矢	二〇四
桑生忽長	二〇四
山鳴	二〇四
天雨肉	二〇四
天雨土	二〇四
天雨灰	二〇五
天雨石	二〇五
井溢	二〇五
日暈再重	二〇六
日暈三重	二〇六
日暈五重	二〇六

星隕如雨	二〇六
天雨蝨	二〇六
狼入咸陽市	二〇六
襲月	二〇六
天裂	二〇六
日食三朝	二〇七
天狗	二〇七
長星	二〇七
蚩尤旗	二〇七
四月隕霜	二〇八
雹殺蜚鳥	二〇八
天雨毛	二〇八
天雨魚	二〇八
人生角	二〇八
黃霧四塞	二〇八
無雲而雷	二〇九
樹生人	二〇九
日死	二一〇

陰爲陽下人爲上	二一〇
門鳴	二一〇
太白入月	二一〇
熒惑入月	二一〇
水變血	二一一
雌雞化爲雄	二一一
槐樹自拔倒豎	二一一
生兒兩頭四臂	二一一
生兒兩頭共身	二一一
人死復生	二一一
燕生鷹	二一一
彗星竟天	二一一
赤雪	二一一
地中得雌雄犬	二一一
日中飛燕	二一一
日光四散赤如血	二一一
豕八足	二二三
水中有火	二二三

電如斗	二一三
日中鳥見	二一三
妻見夫失頭	二一三
掘石有字	二一三
白芝兆禍	二一四
雀生鷓	二一四

聞奇

食龍	二一四
通淫塚屍	二一四
無鬼論	二一四
野葛藥鬼	二一五
祖先不饗過繼子食	二一六

吐金	二一六
鐵券分界	二一六
外壁內亂	二一六
日中無影	二一七
樹影不移	二一七
龍卵	二一七
佛髮	二一七

雜志

墮深谷中乘龍以出	二一八
登聞鼓	二二〇
銅鼓	二二〇
釣臺	二二〇

黃袍被體	二二一
還妾生貴子	二二一
鼠啣試卷	二二二
丹脂效妝	二二二
遺命不得請諡立碑	二二二
三字獄	二二三
毀壁得書	二二三
子婦美自取	二二三
銅鑄人	二二三
凶宅得金	二二四
孤女如女嫁之獲冥報	二二四
沒字碑	二二四

學

史

目次

二四

盛治

【以身禱】

禹之治水，以身禱于陽盱之河。（淮南子）湯之旱，以身禱于桑山之林。（同上）

【盤銘】

湯之盤銘曰：「苟日新，日日新，又日新。」（大學）武王之盤銘曰：「與其溺于人也，寧溺于淵；溺于淵，猶可遊也；溺于人，不可救也。」（大戴禮）

【列屏自警】

唐太宗覽魏徵十漸疏曰：「朕聞過矣！以所上疏，列爲屏障，庶朝夕見之。」（唐書魏徵傳）李絳擢進士宏辭，元和二年，授翰林學士，兼知制誥。帝欲庶幾二祖風烈，絳因進諫，憲宗曰：「

美哉斯言！朕將書諸紳。」詔絳與白居易等搜次君臣成敗五十種，爲連屏，張便坐。帝每閱視。（本傳）元和四年，御製前代君臣事迹十四篇，書于屏風，列御座右，宣示宰臣，李藩等表謝之。（舊唐書）唐宣宗書貞觀政要于屏風，每正色拱手讀之。（通鑑）咸平中，田錫取經史，切要之言，爲屏風十卷，請置御座之側，上嘉納。（玉海）景祐二年，正月，置邇英延義二閣，寫尙書無逸篇于屏。（同上）乾道三年，鄭聞奏司馬光進五規簡道明白，乞命翰墨之臣，書爲連屏，如唐太宗以諫疏爲屏障。又以法仁宗邇英故事，上從之。（宋史）王昭素博通九經，著易論三十篇。太祖命講易，因訪以民事，益嘉之。又問治世養身之術，昭素曰：「治世莫若愛民，養身莫若寡欲。」太祖重其言，書於屏風間。（本傳）紹興六年，言者請命館職編纂前古中興與君臣事迹，有資治法者，分以篇目，總爲一書，寫之御屏，置之便殿，萬幾之暇，得以參驗古今，鑒觀善惡，從之。（玉海）

【講孝經賜帛】

北齊廢帝，駕幸晉陽，令太子監國，集諸儒講孝經，賚國子助教，許散愁絹百疋。（孝經集靈

（孔穎達數諍太子承乾過失，撰為孝經章句，因文以盡箴諷；帝說，賜黃金綵絹。○龍昌期，蜀人，嘗註孝經。嘉祐中，詔取其書，野服自詣京師，賜緋魚，并絹百疋。○紹興中，王恂獻孝經解義，詔賜粟帛。○林獨秀進孝經指解，賜束帛。（俱同上）趙弘智篤孝，永徽初，為陳王師講孝經，高宗喜，賜絹二百疋，名馬一，進國子祭酒。（史學璧珠）

【講無逸】

元祐六年，駕幸國子監祭酒，豐稷講無逸終篇。（玉海）崇寧四年三月辛酉，太學命祭酒章壽隆講書無逸，司業權邦彥講詩下武。（同上）

【講泰卦】

李覺遷國子博士，太宗幸國子監，令有司張幃幕，設別坐，詔覺講周易之泰卦。覺因述天地感通，君臣相應之旨。太宗甚悅，改判國子監。（政要）馮元字道宗，舉進士，為江陰尉。會詔擇明經，舉元為國子監直講。真宗召元講易泰卦，因推君道至尊，臣道至卑，卑而能上下交感，所以輔相天地，裁成萬物也。真宗悅，除直龍圖閣。（合璧事類）紹興中，車駕幸太學，高閔講泰卦，賜三品服。（玉海）盧士宗舉五經，仁宗御延和殿，詔講官悉升殿，聽其講易。明日，復命講泰卦，授天章閣侍講，賜三品服。（宋史本傳）

【卻鸚鵡】

益州獻鸚鵡，劉斐奏曰：「此鳥無益有損。」獻帝詔令卻之。（後漢書）交州獻能歌鸚鵡，武帝不納。（梁書）貞觀五年，林邑獻五色鸚鵡，數訴苦寒，適新羅獻美人，魏徵以為不宜受。太宗喜曰：「鸚鵡猶能自言苦寒思歸，况女子遠別親戚乎？各付使者歸之。」（唐書）

【卻外夷美女】

貞觀五年，新羅遣使獻女樂二人，皆鬢髮美色。太宗謂侍臣曰：「朕聞聲色之娛，不如好德；且山川阻遠，懷土可知。近日林邑獻鸚鵡，尚解思鄉，訴情還國，鳥猶如此，况人情乎？宜付使者聽遣還家。」（舊唐書）二十年，高麗遣使來謝罪，并獻二美女。太宗謂其使曰：「歸謂爾主美色者，人之所重，爾之所獻，信為美麗，憫其離父母兄弟于本國，留其身而忘其親，愛其色而傷其心，我不取也。」並還之。（同上）

【二賞】

齊威王令下曰：「有能面折寡人者，受上賞；獻書諫者，受中賞；勝議于市朝而聞者，受下賞。」

（白帖）晉張實字安遜，下令國中曰：「有面刺孤者，酬以束帛翰墨；陳孤過者，答以筐篚；謗言于市者，致以羊米。」（同上）

【肅慎貢楛矢】

仲尼在陳，有隼集于陳侯之庭而死，楛矢貫之石罅，其長尺有咫。陳惠公使人以隼如仲尼之館，問之。仲尼曰：「此肅慎之矢也。昔武王克商，通道于九夷八蠻，肅慎氏貢楛矢石罅，以分大姬，配虞胡公而封諸侯於陳。」（國語）魏明帝青龍四年夏五月丁巳，肅慎氏獻楛矢。（魏志）陳留王景元三年夏四月，肅慎國遣使重譯入貢，獻其國弓三十張，長三尺五寸，楛矢尺一寸八寸，石罅三百枚。（同上）常道鄉公景元三年，肅慎獻楛矢石罅。（晉紀）晉武帝咸寧五年，肅慎來獻楛矢石罅。○元帝太興二年八月，肅慎獻楛矢石罅。（並本紀）

【帝修師弟之禮】

漢孝明帝幸太常府桓榮，東向設几杖，會百官，及榮門生數百人，天子親自執業曰：「太師在是。」（通鑑）張酺以經授憲宗，後爲東郡太守。元和二年，巡狩幸東都，引酺及門生并郡縣掾吏，並會庭中。帝先備弟子儀，使酺講尚書一篇，然後修君臣之禮。（玉海）

【書羣臣姓名于屏風】

唐太宗嘗曰：「朕思天下事，內夜不安枕，永惟治人之本，莫重刺史。」故錄姓名于屏風，臥起對之，得材否狀，輒疏之下，方以擬廢置。故時州郡無不率理。（循吏傳序）梁鼎守吉州，太守賞其彊幹，代還賜緋魚，舊例當給銀瓶帶。太宗特以犀帶賜之，記其名于御屏。（宋史本傳）呂夷簡治開封，有聲。真宗識其姓名于屏風，將大用之。（宋史本傳）乾道元年七月，御選德殿，御座後，有金漆大屏，分畫諸道，各列監司郡守爲兩行，以黃簽標識，職位姓名，上指示。洪适奏曰：「唐太宗嘗列守令姓名于屏風，今日之舉，遠過前代。」（玉海）何琬字子溫，仁宗嘗疏其名于屏曰：「政事何琬，文章葉濤。」濤亦同里。（永嘉人物志）紹興七年，上謂宰執曰：「安民之道，無過慎擇監司，可令侍從，公舉中書置籍，朕亦書之屏風，置

諸左右。」（合璧事類）

【御製喜雨詩】

唐太宗詠雨詩：「和風吹綠野，梅雨灑芳田；新流添舊澗，宿霧足朝烟。」（初學記）唐文宗幸龍首池，觀內人賽雨，因賦暮春喜雨詩。（舊唐書本紀）唐開成元年三月庚申，幸龍

首池，甘澤屢降，賦暮春喜雨詩，百官屬和。（會要）太平興國五年三月丙申，御製喜春雨詩，賜近臣俾屬和。（玉海）祥符四年三月庚辰，上作喜雨述懷歌。○八年二月庚辰，大雨，上作甘澤應祈歌，賜近臣。○九年八月甲寅，又作甘雨應祈詩。○天禧元年正月己未，作喜春雨詩。○慶曆七年春旱三月辛丑，西太一宮祈雨，徹蓋不御，及還而雨。四月丁未，幸太一宮謝雨，又賦喜雨詩一章。（並玉海）

【御製喜雪詩】

穆王誓獵萃澤，日中天寒，北風雨雪，有凍人，天子作詩三章，以哀民曰：「我徂黃竹，口貞闕寒，帝收九行，嗟我公侯，百辟冢卿，皇我萬人，旦夕忽忘。」（穆天子傳）顯慶三年十月八

日，呂才以御製雪詩為白雪歌。（唐書禮樂志）麟德二年，封禪，十一月丁酉，至平陰頓，是日降雪，帝賦詩。○唐太宗望雪詩云：「素雪凝曉華。」○玄宗御製喜雪詩云：「為知勤恤意，先此示年豐。」又喜雪詩云：「朝如玉已會，庭似月猶明。」○雍熙二年十一月戊子，以時雪未降，命羣臣分禱京師祠廟，是日雨雪，上悅，製詩三首，賜近臣，屬和丙戌，幸建隆觀相國寺，祈雪。十二月乙未朔，大雨雪，上大悅，宴近臣於玉華殿，書御製雪詩一首，令屬和。○端拱元年正月庚申，製喜雪五言二十韻，賜宰相李昉。○二年十二月丙辰，大雪，詔近臣宴，中書令各賦詩，上製瑞雪歌賜之。○淳化三年正月癸卯，大雨雪，賜近臣於中書燕飲，御製詩賜之。○又十二月丁卯，大雪，上喜賜近臣宴於中書，詔令盡醉，上賦詩，親以八分書遣中使就宴所賜之。○四年正月乙未，大雨雪，上作立春日瑞雪詩三首，賜近臣。○咸平四年十一月丁亥，上作雪詩一首，示呂蒙正等。○五年十二月乙丑，大雪，上作七言雪詩，令屬和。○景德二年十二月十六日雪，帝作七言雪詩，令屬和。○三年十一月癸亥日，南至大雨雪，甲子，宴近臣，作雪詩賜之。○四年

十一月辛巳，宴近臣於中書，帝作瑞雪五言詩。○祥符三年，十一月己丑，大雪，賜輔臣飲於中書，上作再降瑞雪七言詩賜之。○四年，十二月丁未，大雪，宴近臣，上作瑞雪詩賜之。○七年，十一月甲子，作瑞雪歌。○天禧二年，十月乙未，雪，上作瑞雪五言詩二首，以賜輔臣。○四年，正月乙卯，雪，上作詩五首。（並玉海）

【御製賞花釣魚詩】

嘉祐六年，三月戊申，幸後苑，賞花釣魚，宴太清樓，出御製詩一首，命從臣屬和。（玉海）景祐三年，三月乙酉，曲宴後苑，賞花釣魚，帝賦詩，羣臣席上和進。○天禧三年，

三月庚午，宴後苑，帝作賞花釣魚五言詩，命皇太子書以示近臣，羣臣皆賦。○祥符六年，三月丙申，賞花宴于後苑，帝作賞花釣魚七言詩，從臣皆賦。○雍熙四年，三月己卯，賞花宴於後苑，上臨池釣魚，命羣臣賦詩，上亦賦詩，出五言御製一章，賜宰臣李昉等。○淳化五年，三月戊午，召近臣賞花宴後苑，上臨池釣魚，命羣臣賦詩，上亦賦詩，以賜宰相呂蒙正等。○咸平三年，二月丙子，賞花宴於後苑，作仲春賞花釣魚七言詩，羣臣皆賦。（並同上）

【御製嘉穀詩】

祥符六年，七月己未，召輔臣觀粟于後苑，復閱嘉禾圖，上作嘉穀詩，賜輔臣。（玉海）天禧四年，八月，戊戌，出玉宸殿瑞穀圖，示輔臣，作歌六首。（同上）

【御製文宣王贊】

建隆二年，上幸學御製先聖文宣王及亞聖堯國公贊。（玉海）祥符二年，以御製御書玄聖文宣王贊示輔臣。○宣和四年，製文宣王贊。○紹興十四年，御製御書宣聖贊。（並

同上）

【飛白博學二字】

慶歷中，御書飛白「博學」二字，賜翰林學士楊偉。（實錄）慶歷中，飛白書「博學」二字，賜侍讀學士張錫。（玉海）（按書斷唐李綽云飛白始于蔡邕在鴻都門

見匠人施聖帝成字遂創意焉）

【帝御浣衣】

永平十八年，肅宗即位，十二月癸巳，有司奏孝明皇帝劬勞日昃，身御浣衣，食無兼味，不以天

下爲樂。(漢本紀)馬廩上疏長樂宮，元帝罷服官，成帝服浣衣，哀帝罷樂府，而侈費不息，至於衰亂者，百姓從行不從言也。(漢書本傳)文宗嘗與六學士對便殿，帝稱漢文帝恭儉，因舉袂曰：「此三滯矣！」學士皆賀，獨公權無言。帝問之，對曰：「人主當進賢退不肖，納諫諍，明賞罰，服浣濯之衣，此小節耳，非有益於治道者。」(柳公權傳)

【解火獄】

仁宗時，會禁中火，詔核火所從起。滕宗諒上疏諫曰：「伏見掖庭遺燼，延熾宮闈，雖沿人事，實係天時，宜急下明旨，引咎滌瑕，而詔獄未釋，鞫訊尙嚴，恐違上天垂戒之意，累兩宮好生之德。且婦人柔弱，箠楚之下，何求不可？萬一懷冤，足累和氣。」書奏，爲罷詔獄。(滕宗諒傳)范諷拜右司諫，玉清昭應宮災，下有司治火所起，諷曰：「此天之戒告，乃復置獄以窮之，非所以應天也。」獄由是而得解。(宋史本傳)宮焚火，且馳入，帝曰：「兩朝所積，朕不妄費，一朝殆盡，誠可惜也！」且曰：「陛下富有天下，財帛不足憂，所慮者，政令賞罰之不當，臣備位宰相，天災如此，當罷免。」隨上表待罪。帝乃降詔罪己，許中外封事言得失。後有言榮王宮火所延，非天災，請置獄，劾當坐死者百餘人。且獨語曰：「陛下已罪己，詔天下，臣等皆上章待罪，今反歸咎於人，何以示信？且火雖有迹，寧知非天譴耶？」當坐者皆免。(宋史王旦傳)

【推溝】

禹稷自布衣，思天下有不得所者，若己推而納之溝中。(鹽鐵論)伊尹思天下之民，有不與被堯舜之澤者，若己推而納之溝中。(孟子)

【卻千里馬】

文帝時有獻千里馬者，詔曰：「鸞旗在前，屬車在後，吉行日五十里，師行日三十里，朕乘千里馬，獨先安之？」於是還馬與道里費。(文帝本紀)符堅時，大宛獻天馬，千里駒，皆汗血朱鬣，五色，鳳膺麟身，及諸珍異五百餘種。堅曰：「吾思漢文之反千里馬，咨嗟美詠，今獻馬，其悉返之，庶克念前王，髣髴古人矣。」乃命羣臣作止馬詩而遣之。(載記)

【池苑假民貧】

詔有司京師果園，悉以假貧人。(東觀漢記)安帝永初九年，詔以廣成苑遊獵地，可墾闢

者假與貧人。○三年春，詔以鴻池假與貧民。夏四月，詔上林廣成苑可墾闢者，賦與貧民。（俱本紀）

【不圖今日復見】

更始將都洛陽，以劉秀行司隸校尉，使前整修府宮。秀乃置僚屬作文移從事司察，一如舊章。時三輔吏士東迎更始，見諸將過，皆冠幘而服婦人衣，莫不笑之。及見司隸，僚屬皆歡喜不自勝。老吏或垂涕曰：「不圖今日復見漢官威儀！」由是識者皆屬心焉。（光武紀）
肅宗至德二年，子儀從廣平王收長安。翌日入京師，老幼夾道呼曰：「不圖今日復見官軍！」（郭子儀傳）

【賜貂裘】

建初六年冬，東平王蒼上疏求朝。明年，帝許之。帝以蒼冒涉寒露，遣謁者賜貂裘，及大官食物珍果。（漢書東平王蒼傳）
太宗討遼東，詔河北諸州皆取挺節度，以便宜。帝親解貂裘及中廢馬賜之。（唐書韋挺傳）
建隆二年，慕容延釗爲山東道節度。是冬大寒，遣中使賜以貂裘百子氈帳。（玉海）
乾德二年十一月，命王全斌等伐蜀。冬暮大雪，上設氈帷于講武殿，紫貂裘帽視事，謂左右曰：「我被服如此，體尙覺寒，西征將帥，衝犯霜雪，何以堪處？」卽解裘帽，遣中黃門馳驛賜全斌，且諭諸將以不能徧及也。全斌感泣。（宋史）

【鑄幣救荒】

禹五年水，以歷山之金鑄幣，以救人之困。（管子）
湯七年旱，以莊山之金鑄幣，以贖人之無餽而賣其子者。（同上）

賢臣

【刻方療民】

陳堯叟遷廣南西路轉運使。嶺南風俗，病者禱神，不服藥。堯叟有集驗方，刻石柱州驛。（宋史本傳）
王嗣宗轉運淮南，兼江浙荆湖發運使，揚楚間有窄家神廟，民有疾不餌藥，但竭致祀以徼福。嗣宗撤其廟，選名方刻石州門，自是風俗稍變。○范旻知邕州，俗好淫祠，輕醫藥，重鬼神。旻下令禁之，且割

已奉市藥以給病者，愈者千計，復以方書刻石，置廳壁，民感化之。（並同上）

【示解蠱藥】

陳安石，嘉祐中爲夔陝轉運判官，民蓄蠱毒殺人，捕誅其魁，并得良藥，圖揭示。由是遇蠱者得不死。（宋史本傳）趙尙寬，字濟之，知忠州。俗畜蠱殺人，尙寬揭方書市中，教人服藥療治，索爲蠱者窮治，置于理，大化其俗。（同上）

【辨服毒誣仇】

王臻字及之，知福州道。閩人欲報仇，多先食野葛，而後趨家求門，卽死其處，以誣仇人。臻辨察格鬥狀，被誣者往往釋去，俗爲之少變。（宋史本傳）吳道字幾道，通州靜海人，年十七以進士起家，爲侯官尉。閩俗多自毒死，以誣仇家，官司莫能辨。及悉爲讞正，前後活五十三人，提點刑獄移其法于一路。（同上）

【易瓦息火】

葉康直字景溫，知光化縣。縣多竹，民皆編爲屋。康直教用陶瓦，以寧火患。（宋史本傳）鄭興裔字光錫，知揚州。州民人舊皆茅舍易焚，興裔貸之錢，命易以瓦，自是火患乃息。又奏免其償，民甚德之。（宋史外戚傳）

【植柳比甘棠】

李錫爲虞城令，蠡邱館東有三柳，錫往來憩之，去後，河洛勿剪，比於甘棠。（萬花谷）王敬則使魏，植柳北館，後虞長曜北使還，敬則問以此柳大小，長曜曰：「虜中以爲甘棠。」（南齊書）白居易爲忠州刺史，單車問俗，民不忍欺，閭巷所習誦，皆白使君詩也。嘗植柳龍昌寺，旁民護此柳，比之甘棠。（名宦記）宋王剛中，知成都，濬萬歲池淤澱，溉田三鄉，上植榆柳，表以石柱，郡人指爲「王使君甘棠。」（蜀名宦記）

【植柏比甘棠】

荊州巴東有寇萊公祠，祠有二柏，乃公作令時手植。民比之甘棠。（荊州祠廟記）廖德明教授漳州，爲學者講明聖賢心學之要，手植三柏於學。漳士愛敬，比之甘棠。（宋史廖德明

本傳)

【異政致白鳥】

王阜為幽州刺史，有神馬白鳥見。(晉書)虞□為都陽太守，勸勵學業，風化大行，白鳥巢郡庭棗樹上。(王隱晉書)元和中，蜀郡王追為益州太守，政化尤異，神馬四匹出滇池中，甘露降，白鳥見，始興起學校，漸變其俗。(玉海)太守李儀，臨郡三年，白鳥見南昌。(豫章舊志)豆盧勣拜渭州刺史，甚有惠政，有白鳥翔止廳事。(北史)

【郡國異政感甘露】

吳郡陸閔為潁川太守，致鳳皇甘露之瑞。(謝承後漢書)吳郡沈豐為零陵太守，到官一年，甘露降泉陵，佻陽五縣，流被山林，膏潤草木。○山陽百里嵩為濟南相，甘露降於郡，安帝嘉之，徵拜大鴻臚。○百里嵩為徐州刺史，甘露再降廳事前樹。(並同上)秦彭守潁川，有嘉禾甘露之瑞，集其郡境。肅宗巡幸，恩寵甚異。(本傳)王阜為益州太守，甘露降，連有瑞應，世謂其用法平正，寬慈惠化所致。(東觀漢記)黃穆字伯開，為山陽太守，有德政，致甘露、白兔、神雀、白鳩之瑞。(襄陽耆舊傳)吳祐為弘農令，勸善懲奸，貪濁出境，甘露降，年穀豐。(後漢書)孝懸為具州刺史，甘露徧降庭樹，其邑人皆曰美政所致。(唐書)

【異政致嘉禾】

孟業字敬業，遷東郡太守，嘉禾一莖九穗，咸以為政化所感。(北史)謝承遷吳郡督郵，歲穫嘉禾六穗，生於郡屬。(虞預會稽典錄)蕭憺荊州刺史，江水敗隄，憺率吏冒雨修築，雨甚水壯，或請稍避。憺曰：「王曾欲以身塞河，我獨何心哉！」言畢，而水退隄立。是歲嘉禾生，一莖六穗。(荊州名宦記)

【異政致嘉麥】

孟業守東郡，以寬著；其年麥一莖五穗，其餘三穗四穗，共一莖。(北齊書)魏蘭根為岐川刺史，郡內麥多一莖五穗。(北魏書)後魏許謙子洛陽為雁門太守，田家三生嘉麥，異畝

同類。(魏舒後魏書)

【異政致白雀】

雀等瑞。遜上清德頌十首，鑿大加賞，重擢爲主簿。(北史樊遜傳)

【俸賜分資】

書本傳)馬援扶風茂陵人，嘗歎曰：「凡殖財貨，貴能施賑也，否則守錢虜耳！」盡以殖昆弟故舊。(後漢書本傳)

崔沔字善冲，京兆人，儉約自持，祿廩隨散宗族，不治居宅，嘗作陋室銘以見志。(本傳)程駿字麟駒，仕魏爲著作郎，詔曰：「駿歷官清謹，門無挾貨之資，室有懷道之士，賜帛六百匹，旌其儉德。」駿悉散之親舊。(北史)第五

倫拜會稽太守，受俸裁留一月糧，餘相賤賣與民之貧羸者。(漢書本傳)公孫弘起徒步，至宰相，身食一肉飯，脫粟布被，俸祿以給故人賓客，無有所餘。(本傳)寇恂經明行修，名重朝廷，所得秩俸，厚施親友，嘗曰：「吾因士大夫以致此，可獨享之乎？」時人歸其長者。(後漢書本傳)宋弘官大司空，所入租俸，悉分贍九族。(本傳)宣秉

字巨公，拜大司徒，司直清白篤義，所得俸祿，俱以收養內外宗族。(續漢書)竇武得兩宮賞賜，悉與親族。(白帖)

華歆字子魚，官太尉，賜祿悉以賑親族故交，而清窮自若。(魏志)晉李燕官中丞，抗言正色，不畏彊禦，俸入悉

周故人，所居僅蔽風雨。(沁州人物考)元德秀爲魯山令，所得俸，悉散孤貧，任滿筒存一縑，駕柴車而去。(名宦考)

房彥謙爲涇陽令，所入俸廩，悉以周故舊，謂子玄齡曰：「吾無所遺，但清白二字耳。」(本傳)劉德威平生

所得俸祿，分宗親。(唐書)李白藥得俸祿，與親黨共之。(合璧事類)盧懷謹所得祿，散於故人親戚。○薛萃所

得祿，卽分親戚故人。(俱同上)王都中清白之操，得于家傳，所賜田宅，外不增一疇，不易一椽，廩祿悉以給族姻之

貧者。(元史)朱邑少爲桐鄉齋夫，廉介，遷北海太守，以治行第一，拜大司農。祿賜悉以供族黨，家無資。(本傳)

【王佐才】

顏子有王佐才，故問治天下之道。(論語注)王允字子師，世仕州郡，爲冠蓋。郭林宗見而奇之，曰：「王生一日千里，王佐才也。」後允至司徒。(漢書)延篤字叔堅，受左氏傳，能著文章。

有名京師。舉孝廉後，拜議郎，著作東觀。徙京兆尹，李文德謂公卿曰：「延叔堅有王佐才，奈何屈千里之足乎？」(後漢書)

司馬景王命中書侍郎虞松作表，再呈不可，令松更定之。竭思不能改，髮形于色。鍾會問之，松以實對。會取草視之，爲定五字。松悅服，以呈景王。景王曰：「不當爾耶？」松曰：「鍾會也。」王曰：「如此可大用，眞王佐才也。」

(郭頒魏晉世語)唐秦王引杜如晦爲府兵曹參軍，時府屬多外遷，王患之。房玄齡曰：「去者雖多，不足吝，如晦王佐才也。」(唐書)

牛弘見李靖曰：「王佐才也。」(同上)富弼字彥國，篤學，有大度。范仲淹見而識之，曰：「彥國有王佐才。」(本傳)

蘇綽累世二千石，綽有王佐才，對周文指陳帝王之道，周文不覺膝之前席。(北史)齊瀚少開敏，年十四，見李嶠，嶠稱有王佐才。(唐本傳)

李師中杜衍、范仲淹、富弼皆薦其有王佐才。(宋本傳)呂大防知青城縣，韓絳鎮蜀，稱其有王佐才。(本傳)

雷簡夫在雅州，蘇洵往見之，簡夫謂曰：「子王佐才也。」(宋史)王曾咸平中，由鄉貢試禮部，廷對皆第一。楊億見其賦，歎曰：「王佐才也。」(宋史本傳)

何武初爲郡吏時，太守何壽知武有宰相器。(前漢書本傳)寇恂經明行修，名重一時，人皆謂有宰相器。(後漢書本傳)

武元衡舉進士，德宗欽其才，擢御史中丞，嘗對延英，帝目送之，曰：「是真宰相器。」(唐書)

夏竦舉制科，對策庭下，有老宦者曰：「閱人多矣，賢良他日必貴。」以吳綾手巾乞詩，公題曰：「殿上袞衣明日月，硯中旗影動龍蛇。縱橫禮樂三千字，獨對丹墀日未斜。」楊徽嘆曰：「眞宰相器也。」

(宋史)孟宗一名仁，少從南陽李肅學，讀書夙夜不懈。肅奇之，曰：「卿宰相器也。」(吳錄)范質，唐長興中舉進士，爲忠武軍推官。晉天福中，擢監察御史。周太祖征李守眞，每朝廷遣使齎詔，處分軍事，皆中機會。太祖問誰

宰相器也。寇恂經明行修，名重一時，人皆謂有宰相器。(後漢書本傳)

武元衡舉進士，德宗欽其才，擢御史中丞，嘗對延英，帝目送之，曰：「是真宰相器。」(唐書)

夏竦舉制科，對策庭下，有老宦者曰：「閱人多矣，賢良他日必貴。」以吳綾手巾乞詩，公題曰：「殿上袞衣明日月，硯中旗影動龍蛇。縱橫禮樂三千字，獨對丹墀日未斜。」楊徽嘆曰：「眞宰相器也。」

(宋史)孟宗一名仁，少從南陽李肅學，讀書夙夜不懈。肅奇之，曰：「卿宰相器也。」(吳錄)范質，唐長興中舉進士，爲忠武軍推官。晉天福中，擢監察御史。周太祖征李守眞，每朝廷遣使齎詔，處分軍事，皆中機會。太祖問誰

爲此辭使者以質對，太祖曰：「宰相器也！」（本傳）龐籍字醇之，爲黃州司理參軍，知州夏竦以爲有宰相器。調開封府兵曹參軍。（宋史本傳）錢若水有人倫鑒，見王旦曰：「真宰相器也！」（本傳）

【一言取相】

田千秋無他材能，特以一言寤主，旬月間取宰相，世未嘗有也。（後漢書）房琯以忠義自奮，一言寤主，而取宰相。（唐書本傳）

【比長城】

厥不敢南，賢長城遠矣！（唐書）田弘正以功加司徒，同平章事。來朝上眷勞殊等，固請留闕下。帝勞曰：「魏人樂卿之政，四隣畏卿之威，爲朕長城，又安用辭？」（唐書）遇春克襄陽，乃以愈爲湖廣行省平章，往鎮其地，賜以書曰：「爾戍襄陽，宜謹守法度，山塞來歸者，兵民悉仍故籍，小校以下悉令屯種，且耕且戰。爾所戍地，鄰擴廓若爾愛加於民，法行於軍，則彼所部，皆將慕義來歸，如脫虎口，就慈母，賴爾如長城，爾其勉之！」（明史鄧愈傳）

【吏民自勵】

袁安爲河南尹，十餘年，吏民人人自勵。（續漢書）司馬芝爲河南尹，抑強扶弱，吏民莫不自勵。（魏志）

【教民牛耕】

任延拜九真太守，民牧不好田作，常告糴交阯，每致困乏。延乃令鑄作田器，教民牛耕，置吏循行。（華嶠後漢書）王景遷廬江太守，先是百姓不知牛耕，致地力有餘，而食嘗不足。郡界有楚相孫叔敖所起芍陂稻田，景乃驅車率吏民修起蕪廢，教用犂耕，由是墾闢倍多，境內豐給。（後漢書本傳）李周字純之，通判施州，州介羣獠，不習服牛之利。周爲辟田數千畝，選謫戍，知田者市牛使耕，軍食賴以足。（宋史李周傳）

【閉閣自責】

韓延壽爲左馮翊，行縣勸農。至高陵，有昆弟相訟。延壽傷之曰：「骨肉爭訟，是吾教不行也！」

乃入傳舍，閉閣自思過，於是訟者自相責讓，皆肉袒願以田相移，至死不爭。（漢書）嚴翊遷潁川太守，掾吏有過，輒閉閣自責，而吏皆勉勵。（謝承後漢書）

【留太守一年】

寇恂爲潁川太守，代朱浮爲執金吾。潁川盜賊羣起，上謂恂曰：「朕念獨卿能平之耳。」恂對曰：「臣願執銳前驅。」即日車駕南征，恂從至潁川，盜賊悉降，而竟不拜。郡百姓遮道曰：「願從陛下復借寇君一年。」上乃留拜之。（續漢書）侯霸爲臨淮太守，王莽之敗，霸保固自守，卒全一郡。更始徵之，百姓老弱相攜，號哭遮使者車，或當道而臥，皆曰：「願乞侯君復留期年。」（同上）

【吏賢民不取遺】

鄭弘爲縣令，政化大行，民王逢得路遺寶物，懸於衢道，求主還之。（續漢書）閻憲爲綿竹令，有男子杜咸，夜行於路，得遺裝，開視有錦二十疋。明蚤送詣吏曰：「縣有明府，犯此則慚。」（益都耆舊傳）桓階爲趙郡太守，民有得遺者，皆推尋其主還之。（白帖）劉敞爲鄆州鄆比易守，政不治，敞至，決獄訟，明賞罰，境內肅然。客行壽張道中，遺一囊錢，人莫敢取，以告里長。至長爲守，視客還取得之。又有幕遺物市中者，且往訪之，故在。（宋史本傳）

【夜不閉戶】

王渙爲河南溫縣令，土俗豪強。渙到縣，舉賢誅猾，臥不閉戶，皆放牛於野。（續漢書）羅衡爲萬年令，誅鋤惡黨，縣界肅然。民夜不閉戶，牛馬皆繫於道旁，曰：「以屬羅公。」（益都耆舊傳）曾公亮知鄆州，有能聲，盜悉竄他境，至夜戶不閉。嘗有使客亡橐中物，移書詰盜，公亮報：「吾鄆不藏盜，殆從者之度耳。」索之果然。（宋史本傳）

【車不得前】

顏斐爲京兆，勤勵禮樂，風化大行，人多無車牛。斐課人間月取車材，使轉相教作車，又課民無牛者，命畜豬，貴時賣，以買牛。始人以爲煩，一二年間，家各有丁車大牛。遷平原太守，吏人啼哭遮道，車不得前。（魏略）劉寵爲東平陵令，視事數年，後以母病棄官，百姓攀車距輪，充塞道路，車不得前。（續漢

書

慨然有澄清天下之志

范滂字孟博，少厲清節，爲州里所服。時冀州饑荒，羣盜並起，乃以滂爲清詔使，按察之。滂登車攬轡，慨然有澄清天下之志。及至州境，守令自知賊污，望風解

印綬去。其所舉奏，莫不厭塞衆望。（後漢書本傳）時置司隸官，以房彥謙公方宿著，時望所歸，徵受司隸刺。史謙亦慨然有澄清天下之志。凡所舉薦，皆人倫表式。（北史）高歡自洛陽還，傾產以結客，親故怪問之，答曰：「吾至洛陽宿衛，羽林相率焚領軍張彝第，朝廷懼其亂而不問，爲政若此，事可知也。財物豈可長守耶？」自是乃慨然有澄清天下之志。（北齊記）

舉代

蕭何不與曹參相能。及何病，惠帝自臨視之，因問曰：「君卽百歲後，誰可代君？」對曰：「知臣莫如主。」帝曰：「曹參如何？」何頓首曰：「帝得之矣！臣死不恨矣！」（合璧事類）丙吉病，上問可以自代者，吉曰：「羣臣行能，明主所知。」上固問，吉乃曰：「西河守杜延年，明於法度，曉國家事。前爲九卿十餘年，今在郡治有聲。廷尉于定國，執憲詳平，天下目以爲不冤太僕。陳萬年，事後母孝，謹此三人，能在臣右。」上許之，相次用以爲相。○周瑜病，因上疏曰：「魯肅知略，足任，乞代瑜。」○呂蒙至都，權曰：「誰可代卿者？」蒙對曰：「陸遜，意深長，才堪負重。」乃召遜，拜偏將軍、右都督，以代蒙。○韓愈薦錢徽自代表，云：「時名年輩俱在臣前，擢以代臣，必允衆望。」（並同上）

以天下爲己任

高穎蒙任寄之後，竭誠盡節，以天下爲己任。蘇威、楊素、賀若弼、韓擒虎，皆穎所推薦，各盡辭情慷慨，上爲之改容。由是軍國事多謀於穎。瑄亦以天下爲己任。（玉堂綱鑑唐肅宗紀）郭崇韜位兼將相，復領節旄，以天下爲己任。權侂人主，由是嬖倖嫉之於內，勳舊怨之於外。（唐莊紀）史彌遠卒，帝始親政，勵精求治。

鄭清之亦慨然以天下爲己任，收召賢才擢之。（玉堂綱鑑宋理宗紀）初馬延己以取中原之策說唐主，由是有寵。與其黨談論，常以天下爲己任，更相唱和。（綱目）趙普性深沉，剛毅果斷，雖多忌刻，而能以天下事爲己任。故其常揆，惟義是從，假武修文，慎罰薄斂，以立宏規於後世，其功大矣。（通鑑）初范仲淹以忤呂夷簡放逐者數年，帝以其士望所屬，拔起而大用之。中外想望其功業，仲淹亦以天下爲己任，與富弼同心輔政，裁削倖濫，考覈官吏，日夜謀慮，與致太平。（同上）

【鐵漢】

蘇軾稱劉安世爲「鐵漢」。（宋史哲宗紀）李道愨正色立朝，人號爲「鐵漢」。（宋史）李遵懿仕僞蜀，有婦態，蜀平，太祖曰：「有此態耶？」以羶頭箭射之，正中其腹，李不動，太祖曰：「外柔內勁。」授供奉官，後握兵江淮，號「鐵漢」。（該聞錄）

【比汲黯】

李彪遷御史中尉，遠近畏之，豪右屏迹。高祖從容謂羣臣曰：「吾之有李生，猶漢之有汲黯。」（北魏書）竇默面折廷諍，時人比之汲黯。（元史）宋璟手寫尙書，無逸爲圖以獻，勸帝觀省。（通鑑）宋仁宗朝，學士孫奭進無逸圖。（五車韻瑞）

【無逸圖】

「蔽芾甘棠，勿剪勿伐，召伯所茇。」（國風召南）大將軍高穎負坐朝堂，北槐下廳事，其樹不依行列，有司請伐之，上令勿剪，以示後人。（隋書）寇準知歸州巴東縣，每期會賦役，不出符移，唯具鄉里姓名，揭縣門，民莫敢後者。手植雙柏於庭，至今民愛護之，比於甘棠，謂之「萊公柏」。（宋名臣言行錄）

【懷人勿剪】

行錄）

【中興第一】

承少有重譽，而推誠接物，盡弘恕之理，故衆咸親愛焉。渡江名臣，王導、衛玠、周顛、庾亮之徒，皆出其下。爲中興第一。（晉書王承傳）光弼用兵謀定而後戰，能以少覆衆，治師訓整，天下服

其威名軍中指顧諸將不敢仰視。初與郭子儀齊名世稱李郭而戰功推為中興第一。唐李光弼傳世忠親提騎兵駐大儀以當敵騎勒五陣設伏二十餘所鳴鼓伏兵四起奮擊人馬俱斃遂擒擄不野等二百餘人所遣董收等皆取勝捷聞羣臣入賀帝曰「世忠忠勇朕知其必能成功。」參政沈與求曰「自建炎以來將士未嘗與金人迎敵一戰。今世忠連捷厥功不細。」論者以此舉為中興武功第一。宋史韓世忠傳。

【民呼為父】

召信臣遷南陽太守教化大行郡中莫不耕稼力田吏民親愛信臣號之曰「召父。」漢書本傳。昱子德為南陽太守時歲多荒災惟南陽豐穰吏人愛悅號為「神父。」後漢書鮑昱傳。杜預為荊州刺史人號為「杜父。」晉書。楊簡知岷縣丁艱服除知樂平專以德化民民呼為「父。」

宋史

【善政弭雹】

韓稜字伯師除下邳令視事未周吏民愛慕時鄰縣皆雹傷稼稜縣界獨無。漢記袁安為陰平長有惠化縣先有雹淵冬夏未嘗消釋歲中即出飛布數十里大為民害安乃推誠潔齋引愆貶己至誠感神雹遂為沉伏不起。世說。

【長吏引罪兄弟息訟】

韓延壽為馮翊守行縣至馬陵有兄弟訟者延壽曰「是馮翊政教不至。」乃閉閣不出遣吏作告縣中惶懼訟田兄弟悔過謝罪以田相移。漢書。許荆為桂陽守行春至耒陽民有蔣均兄弟爭財荆乃對之歎曰「教化不行罪在太守。」乃上書陳狀乞詣廷尉兄弟感悔求受罪。白帖。

【禁殺子】

張奐為武威太守俗二月五日生子及與父母同日者悉殺之。奐嚴賞罰重殺子之令風俗遂改。後漢書。王吉為沛相人生子不養者斬其父母以土棘令埋之。白帖。

賢士

【葬立圓石】

趙岐初名嘉年，四十餘重疾，乃爲遣令勅兒子曰：「可立一圓石於我墓前，刻之曰：『漢有逸民趙姓名嘉，有志無時，命也奈何。』」其後疾愈。（漢書）燕黃門郎明岌將死，誠其子曰：「吾所以在此朝者，非貪貴也，直是避禍全身耳。葬可埋一圓石於我墓首，引之：『晉有微臣明岌之塚。』」以遂吾本志。（三十國春秋）

【十才子】

虞仲工詩。大歷中，與韓翃、錢起、盧綸等，文詠唱和，馳名都下，號「大歷十才子」。（舊唐書李虞仲傳）夢陽與何景明、徐禎卿、邊貢、朱應登、顧璘、陳沂、鄭善夫、康海、王九思等號「十才子」。（明史李夢陽傳）高啓字季迪，號青邱，長洲人。博學工詩，家北郭，與王行比隣。其後徐賁、高遜志、唐肅、宋克、余堯臣、張羽、呂敏、陳則皆卜居與相近，號「北郭十友」。以能詩號「十才子」。（明史本傳）林鴻字子羽，福清人。閩中善詩者稱「十才子」，鴻爲之冠。十才子者：閩鄭定侯、官王褒、唐秦長樂、高棅、王恭、陳亮、永福、王偁及鴻弟子周元、黃元。時人目爲二元者也。（明史本傳）劉溥字原博，長洲人。與湯胤勳、蘇平、蘇正、沈愚、王淮、晏鏗、鄒亮、蔣忠、王貞慶號「景泰十才子」。（明史本傳）

【李杜濟名】

先是李固見廢，內外喪氣，羣臣側足而立。唯杜喬正色無所回撓。由是海內嘆息，朝野瞻望焉。在位數月，以地震免官者。唐衛左悺等因共譖於帝曰：「陛下前當卽位，喬與李固抗議，言上不堪奉宗祀。」帝亦怨之。及清河王祿事起，梁冀遂諷有司，劾喬及李固與劉鮪等交通，請逮案罪，而梁太后素知喬忠，但策免而已。冀愈怒，使人脅喬曰：「早從，宜妻子可得全。」喬不肯，明日冀遣騎至其門，不聞哭者，遂白執繫之死獄中。妻子歸故郡，與李固俱暴尸於城北，家屬故人莫敢視者。喬故掾陳留楊匡聞之號泣，星行到洛陽，乃著故赤幘，詣爲夏門亭吏，守衛尸喪，驅護蠅蟲，積十二日，都官從事執之，以聞太后，義而不罪。匡於是帶鐵鎖詣闕上書，并乞李杜二公骸骨。太后許之，成禮殯殮，送喬喪還家葬，送行服隱匿不仕。（後漢書）李雲素剛，愛國將危，心

不能忍，乃露布上書，移副三府，曰：「臣聞孔子曰：『帝者諦也。』今官位錯亂，小人諂進，財貨公行，政化日損，尺一拜用，不經御省，是帝欲不諦乎？」帝得奏，震怒，下有司逮雲。詔尙書都護劍戟送黃門北寺獄，使中常侍管霸與御史尉維考之。時弘農五官掾杜衆傷雲以忠諫獲罪，上書願與雲同日死。帝愈怒，遂并下廷尉。時帝在濯龍池，管霸奏雲等事，霸詭言曰：「李雲野澤愚儒，杜衆郡中小使，出於狂癡，不足加罪。」帝謂霸曰：「帝欲不諦，是何等語？」而常侍欲原之邪？顧使小黃門可其奏，衆皆死獄中。後冀州刺史賈琮使行郡，過祀雲墓，刻石表之。○李膺性簡亢，無所交接，唯以同郡荀淑、陳實爲師友。是時朝廷日亂，綱紀頽弛，膺獨持風裁，以聲名自高。及遭黨事，當考實膺等，案經三府太尉、陳蕃卻之，曰：「今所考案，皆海內人譽，憂國忠公之臣，此等猶將十世宥也，豈有罪名不章，而致收掠者乎？」不肯平署。帝愈怒，遂下膺等於黃門北寺獄。杜必爲人沈質，少有厲俗志，爲司徒胡廣所辟。後桓帝徵拜尙書令，遷河南尹，轉大僕。黨事既起，免歸本郡，與李膺同坐，而名行相次。故時人亦稱李村焉。（同上）杜甫字子美，少貧，李邕奇其才，先往拜之。舉進士，不中第，因留長安。天寶十三載，玄宗朝獻太清宮饗廟及郊，甫奏賦三篇，帝奇之，使待制集賢院。數上賦頌，高自稱道，言：「先臣恕預以承儒，守官十一世。迨審言以文章顯，臣七歲屬辭，且四十年衣不蓋體，常寄食於人。述作雖不足鼓吹六經，至沈鬱頓挫，隨時敏給，揚雄枚臯可企及也。有臣如此，陛下其忍棄之！」肅宗拜右拾遺，與李白齊名，時號「李杜」。（唐書）李商隱號義山，杜牧號牧之，詩名匹敵，爲晚唐之冠。時人稱爲「李杜」。（同上）李韶應詔上封事，累數千言，彈劾權貴，指斥乘輿，當時杜範亦在列。二人廉直，中外稱爲「李杜」。（宋史本傳）

三三 俊

顧榮字彥先，風神朗悟，與陸機兄弟入洛，號江東三俊。（吳中人物記）李紳字公垂，官學士，與李德裕、元稹齊名，號三俊。（鳳陽名宦記）宋劉元高字仲山，少有異質，援筆千言，官御史，居常與姚勉、胡仲雲論天下事，慷慨激烈，時號「高安三俊」。（瑞州人物記）

【恥廝役棄家家爲制服】

馬良字君郎，少作縣吏；年三十，爲尉從佐，奉檄迎督郵，卽路慨然，恥在廝役，乃壞車殺馬，毀裂衣冠，遁至犍爲，從杜撫學。妻子求索蹤跡，斷絕發制喪服，積十許年而歸。（後漢書）趙曄字長君，少嘗爲縣吏，奉檄迎督郵。曄恥於廝役，遂棄車馬而去。至犍爲資中，詣杜撫受韓詩，積二十年，絕問不還。家爲發喪制服。曄後乃歸。（後漢書儒林傳）（曄別作偉）

【改里名高陽】

荀儉兄弟八人，並有名稱。穎陰令以高陽氏有才子八人，改其所居西豪里爲高陽里。（漢書）賀德仁兄弟八人，時比漢荀氏。太守王伯仁改所居廿謗里爲高陽里。（史學彙珠）太學生楊宏中，周端朝、張術、林仲麟、蔣傅、徐範，天下號爲六君子。（宋寧宗紀）太學生陳宜中、黃鋪、林則祖、曾唯、劉黼、陳宗士，論號爲六君子。（宋理宗紀）

【言孝言弟】

管寧與人子言孝，與人弟言弟，與人臣言忠。（本傳）邵康節居洛，與人言必依於孝弟忠信，樂道人善，不及其惡，故賢不肖無不親之。（同上）

【玉筭班】

李宗敏知貢舉，門生多清秀，號「玉筭班」。（唐書）蔣凝美風標，朝士號爲「玉筭班」。（同上）

【飯後鐘】

王播少孤貧，常客揚州木蘭院僧齋，僧厭之，播至已飯矣。後二紀來鎮是邦，向題字碧紗幕其上。播作詩曰：「二十年前此院遊，木蘭花發院新修；而今再到經行處，樹老無花僧白頭。」上堂已了各西東，慚愧闍黎飯後鐘；二十年來塵撲面，如今始得碧紗籠。」（王保定撫言）唐段相文昌家寓江陵，少以貧窶修進，常患口食不給，每聽曾口寺齋鐘動，輒詣謁餐，爲寺僧所厭。自此乃齋後扣鐘，冀其晚至而不逮食也。後入登台座，連出大鎮，拜荆南節度，有詩題曾口寺云：「曾遇闍黎飯後鐘。」蓋爲此也。（孫光憲北夢瑣言）

孝行

【舍肉遺母】

穎叔考爲穎谷封人，有獻於鄭莊公。公賜之食，食舍肉。公問之，對曰：「小人有母，皆嘗小人之食矣，未嘗君之羹，請以遺之。」（左傳）歐陽守道字公權，吉州人，初名巽，自以更名應舉非是，當祭必稱巽。嘗爲里人子弟師，主人闢其每食舍肉，密歸遺母，爲設二器馳送，乃肯食肉，鄰媪兒無不歎息感動。（宋史本傳）

【水漿不入口者七日】

會子謂子思曰：「伋吾執親之喪也，水漿不入口者七日。」子思曰：「先王之制禮也，過之者俯而就之，不至焉者跂而及之。故君子之執親之喪也，水漿不入口者三日，杖而後能起。」（檀弓）劉士儁性至孝，丁母憂，絕而復蘇者數矣。勺飲不入口者七日。（隋書）徐霖字景說，衢州西安人。丁外艱，哀毀號絕，水漿不入口者七日。（宋史本傳）徐積字仲車，以父名石，終身不用石器。行遇石，則避而不踐。母亡，水漿不入口者七日，悲慟嘔血，廬墓三年。（宋史卓行傳）陳思道，江陰人，喪父，事母兄以孝悌聞。母喪，水漿不入口者七日。（本傳）

【讀書感孝】

會子每讀喪禮，泣下沾襟。（尸子）武帝每讀孝子傳，不終軸而悲慟。（漢書）趙郡王子叙，四歲喪父，初讀孝經，至資於事父，輒流涕歔歔。（北齊書）楊欽其舅子問欽讀詩至渭陽末耶？欽使號泣，舅子亦對之歔歔。（本傳）

【嚙指悟子】

會參採薪在野，門人樂正來候。參母嚙右指，旋頃參歸，跪問母何患。母曰：「無。」參曰：「負薪在楚，而心動，辭歸問母，母曰：『思汝嚙指。』」孔子聞之曰：「參之至誠也，精感萬里。」（搜神記）周暢至孝，每出，母欲呼之，自嚙指，暢心痛，卽馳歸。（同上）蔡順少孤，養母，嘗出求薪，有客卒至，母望順不還，乃嚙其指，順卽心動，棄薪馳歸，跪問其故。母曰：「有急客來，吾嚙指以悟汝耳。」（後漢書）

【負米養親】

子路曰：「昔者由也爲親百里負米。」（家語）張昭七歲，能誦古樂府詠史詩百餘篇。未冠，徧讀九經，盡通其義。處亂世，躬耕負米以養親。（宋史張昭傳）楊芾字文卿，性至孝。紹興五年，大饑，負米百里外，歸以奉二親。（宋史孝義傳）

【親病心痛心驚】

鄭子產聘晉，中道心痛，遣人還家問母，母曰：「忽身體不調，憶想汝耳。」（俗說）南陽宗元卿爲祖母所養，祖母病，元卿在遠，輒心痛，大病則大痛，以此爲常。（齊書）庾黔婁

從屏陵令時，父易在道遘疾，婁忽心驚，舉身流汗。卽日棄官歸視，父病幾不濟。（同上）阮孝緒於鍾山聽講，母王氏忽有疾，兄弟欲召之。母曰：「孝緒至性，冥通必當自到。」果心驚而返。（梁書）裴納之從平原公至并州，其母留鄴，得心痛，納之是日不勝思慕，心亦驚痛，乃急請還。（北史）張志寬爲里尹，在縣忽稱母疾，取假縣令，問故志寬曰：「母嘗有所苦，志寬亦有所苦，向患心痛，是以知母有疾。」令疑以爲妄，遣人馳驗，如言乃異之。（唐書本傳）齊王憲母太妃，舊患屢經發動，憲衣不解帶，扶持左右。憲或東西從役，每心驚，母必有疾。（後周書）司馬迪嘗奏名禮部，將入試殿廷，一日心動不能寐，曰：「吾母素多疾，能無恙否？」及至內門，徘徊不能入，蓋母亡爲友人所匿也。因語其友，止告以聞有疾，遂號慟而歸。（本傳）

【不切割噉炙】

吳郡陸衷，父閔被刑，衷終身布衣蔬飯，雖葷菜有切割，皆不忍食。居家惟以稻藁供廚。（顏氏家訓）江陵姚子爲母，以燒死，終身不噉炙。（同上）

【珍膳獨奉母】

孔奮爲姑臧長，治有異道。姑臧爲河西富縣，每前長居官數月，輒致貲產，奮積四歲，財產不增。奮素孝，在姑臧，唯母極膳，妻子飲食，但葱韭。（續漢書）樂頤字文德，少時父亡，郢中，卽號泣徒步而往，負歸營葬。嘗得疾，忍而不言，噉被至碎，恐母聞之也。吏部郎庾杲之造訪，頤設具唯菜菹而已。杲之不能食，母聞之，自出其常膳，魚羹數種，以餉杲之。杲之曰：「卿過於茅季偉，我非郭林宗耳。」（豫中人物記）茅

容字季偉，年四十餘，耕於野。時與等輩避雨樹下，衆皆夷踞，容獨危坐盡恭。郭林宗見而異之，遂與共言，因請寓宿。旦日，容殺雞爲饌。林宗謂爲己設，既而以供其母，自以草蔬，與客同飯。林宗起拜之曰：「卿賢乎哉！」因勸令學，卒以成德。（後漢書）

【爲母求魚魚躍冰而出】

王祥性至孝，盛寒之月，後母思食生魚，祥脫衣將剖冰求之，冰解，有魚躍出，因奉以供。（魏志呂虔傳注）王延性至孝，繼母卜氏嘗盛冬思生魚，勸延求而不獲，杖之流血，延尋泐叩凌而哭，忽有一魚長一尺躍出冰上，延取以進母。（干寶搜神記）

【感 蓼 莪】

孟元方誦詩至蓼莪篇，必哀咽不已。（史系記）河水西有孝子墓，河南秦氏，性至孝，事親無倦，親歿之後，負土成墳，常泣血墓側，人有詠蓼莪者，氏爲涕泣，悲不自勝。（水經注）

【廢 蓼 莪】

顧歡早孤，讀詩至「哀哀父母，生我劬勞」，輒執書慟哭。由是受學者廢蓼莪篇，不復講焉。（南史）王哀字偉，元父儀，以直言忤司馬昭，見殺，哀終身未嘗西向坐，示不臣晉也。廬墓悲號，流涕著樹，樹爲之枯。讀詩至「哀哀父母，生我劬勞」，則三復嗚咽，門人輒廢蓼莪篇。（本傳）

【孝可卻病】

有病邪者，問顧歡，歡問家有何書？曰：「有孝經。」歡令取仲尼居置病者枕邊，恭敬之。病者遂瘥，人問其故，答曰：「善禳惡，正勝邪，此病者所以瘥也。」（南史）唐初有孝子王漸，作孝義五十卷，鄉有病者，即請漸來誦書，尋亦得愈。（龍城錄）徐陵子份，性至孝，陵常疾篤，醫禱百方不愈，份燒香泣涕，跪誦孝經，日夜不息，如是者三日，陵疾豁然而愈。（孝經集靈）

【新弄別體】

戴顓及兄勃，俱授琴於父。父沒，所傳之聲，不忍復彈，各造新弄。（本傳）劉孝綽善草隸，自以書似父，乃變爲別體。（本傳）

【旌孝改里名】

張敷以毀死，孝武改所居爲孝張里。（晉書）郭世道孝行淳備，元嘉中散騎常侍袁愉表

其淳行，太祖嘉之，勅郡榜表閭門，蠲其稅調，改所居獨楓里爲孝行里。（宋書）宋王明家貧，無以營葬，兄弟二人，晝則傭力，夜則號哭。鄉里並哀之，乃各出夫力助作磚。磚須水，而天旱，穿井數十丈，泉不出。募去淮五里，荷擔遠汲，困而不周。一旦大霧，磚竈前忽生泉，葬竟，水復自竭。元嘉九年，太守劉伯龍依事表言，改其里爲通靈里。（廣博物志）王文殊父沒，虜中文殊思慕泣血，蔬食山谷，三十餘年。永明十一年，太守孔琇之表曰：「文殊性挺五常，心符三教；以父歿，殯庭，抱終身之痛，專席恆居，銜罔極之卹。服紵縞以經年，餌蔬菽以俟命，婚義滅於天情，官序空於素抱。宜降異典，旌其閭里。」詔榜門改所居爲孝行里。（南齊書）

【手植松柏】

山濤年老，居母喪，過禮，手植松柏。（王隱晉書）甄琛喪父，於塋兆之內，手植松柏；隆冬之月，負水掘土，鄉老哀而助之，十餘年，墳成木茂。（後魏書）李詢遭父母喪，六年，躬自負土樹柏，常住塚下。（東觀漢記）樊衡性至孝，喪父，負土成墳，植松柏，方樹十畝，朝夕號哭。（北齊書）

【獨葬十三喪】

夏方家遭疫癘，父母伯叔，羣從死者十三人。方年十四，夜則號哭，晝則負土，十有七載，葬送得畢。因慮於墓側，種植松柏，烏鳥猛獸，馴擾其旁。（晉書）吳達經荒飢饉，益以疫疾，父母兄嫂，及羣從小功之親，男女死者十三人。達時病困，鄰里以葦席裹之，埋於村側。旣而親屬皆盡，唯達夫妻獲全，家徒四壁，立冬無被褥。晝則傭賃，夜則伐木燒磚。妻亦同勞，無有懈倦。達夜行遇猛獸，猛獸輒下道避之。期年中成七墓，葬十三棺，鄰里嘉之。（南史）

【孝感致雙鶴】

隱之事母孝謹，及其執喪，哀毀過禮。家貧，無人鳴鼓，每至哭臨之時，恆有雙鶴警叫。及祥練之夕，復有羣雁俱集。時人咸以爲孝感所致。（晉書吳隱之傳）域母好鶴，唳，域在外營求，孜孜不息，一旦雙鶴來下，論者以爲孝感所致。（南史）

【孝感神藥】

晉末黃祖至孝，母病篤，祖庭中稽顙。俄頃天漢間有一老翁，以兩丸藥賜母，服之，衆患頓消。（

幽明錄）齊鴈門解叔謙徵爲朝請不赴。母疾，叔謙夜於庭中稽顙祈福。聞空中云：「得丁公藤爲酒，便瘥。」訪醫及本草，無識者。乃崎嶇求訪，至宜都境，遙見山中老翁伐木，問其所用，答曰：「此丁公藤，治風奇驗。」叔謙再拜流涕，具款行求之意，此翁愴然以藤與之，并示漬酒之法。叔謙受領，此人不復知處。依法爲酒，母疾便愈。（齊春秋）梁彥先七歲，父疾篤，求紫石瑛，不得。彥先憂悴，忽園中見一物持歸，乃紫石瑛。（北史）袁孝叔者，陳郡人，少孤，事母盡孝。母嘗得疾，恍惚躒日不痊。孝叔忽夢一老父，謂曰：「子母疾可治，明旦迎吾於石壇之上，當有藥授子。」所居十里外有廢觀古石壇，往而見老父在焉。拜迎至家，卽於囊中取九靈丹一九，以新汲水服之，卽日得瘳。（南史）梁阮孝緒母疾，合藥須得人參。孝緒隨一鹿至一所，遂滅，就視果得參。（同上）

【身痛親亡】

余齊仁爲邑書吏，謂人曰：「比者肉痛心煩，有如割截，必有異故。」已乃其父在家病亡，信至。宋書）臧盾有至性，嘗隨父宿直廷尉府，母劉夜暴亡，盾左手中指忽痛，不得寢。及曉，家中凶問至。（梁書）劉璠隨蕭暉在淮南，母居建康，遘疾，璠弗之知。忽一日，舉身楚痛，尋而家信至，云母病，卽號泣歸。常身痛之辰，卽母死之日。（本傳）

【親病衣不解帶】

殷仲堪父師病，積年衣不解帶，躬學醫術，究其精妙。（晉書）北齊孝昭帝性至孝，太后不豫，衣不解帶者四旬。（本紀）高定子父得疾，定子衣不解帶者六旬。（宋史）

【亡親現形示孝子】

甄恬字彥約，父標之州從事，恬數月喪父，哀戚有若成人。家人矜其小，以肉汁和飯飼之，恬不肯食。年八歲，問其母恨生不識父，遂悲泣累日。忽若有見，言其形貌，則其父也。時以爲孝感。（梁書）宜都王蕭鏗字宣儼，齊高帝十六子也。生三歲，喪母，及有識，問母所在，左右告以早亡。便思慕，蔬食，自悲不識母，祈請幽冥，求一夢見。至六歲，遂夢見一女人，云是其母。鏗悲泣，向舊左右說容貌衣服，皆如平生，聞者莫不歔歔。（南齊書）

【親喪險水安流】

梁庾子輿字孝卿，父域，出守巴西。子輿以蜀路艱險，啓求侍從。父感心疾卒，奉喪還鄉。秋水猶壯，灑灑石高出二十許丈。次有瞿塘大灘，行旅忌之。子輿撫心長叫，其夜五更，水忽退滅，安流南下。既渡，水復如初。（南史）袁昂字千里，明帝時，爲豫章內史。丁母憂去職，以喪還江。路風濤暴駭，昂乃縛首著柩，誓同沉溺。及風止，餘舟皆沒，惟昂船獲全。（齊書）柳遐字子昇，有孝行，其父卒於揚州。遐自襄陽奉喪而歸，中流風橫，幾至覆沒，舟中相顧失色。遐抱棺號慟，愬天求哀，俄頃風止浪息。（廣博物志）

【親歿不食親嗜】

曾皙嗜羊棗，曾子不忍嗜羊棗。（孟子）刁少雍少爲祖父紹先所愛。紹先性嗜羊肝，嘗終身不食蔗。（本傳）任昉父遙本性重檳榔，以爲常餌。臨終求之不得好者，昉深以爲恨，終身不食檳榔。（齊書）陶子鏘母嗜蓴，母歿後，嘗以供奠。及後一冬，營蓴不得，痛恨慟哭，久而始甦，遂長斷蓴味。（梁書）張根母嗜河豚及蟹，母終，根不復食。（同上）

【表里門】

李德饒字世文，仕隋轉監察御史，糾正不避權貴。性至孝，丁父母憂，甘露降庭，鳩巢其廬，因改所居村爲孝敬村，里爲和順里。（合璧事類）李孝伯弟謐字永和，少好學問，覽百氏，以琴書爲業。初師孔璠，後璠還，就謐請業。門生語曰：「青成藍，藍謝青。師何常在明經？」屢辭徵辟，謐曰：「貞靜處士。」表其門曰「文德」。里曰「孝義」。○王文殊字令章，父歿，終身蔬食，不衣帛服，詔榜門，改所居里爲孝行。○王知玄喪親，哀毀而卒，詔改所居青苦里爲孝行里。○孝義余齊人，少有學行，父亡，號叫而絕。有司改其里爲孝義里。（俱同上）

【刺血寫經】

萬敬儒喪親，廬墓側，刺血寫浮屠書，斷手二指，輒復生，改所居曰成孝鄉。（唐書）元德秀事母以孝聞，母亡，廬於墓所，食無鹽酪，藉無茵席，刺血畫像寫經佛。（本傳）查道字湛然，侍母

渡江奉養以孝聞。母嘗病，封臂血寫佛經，母病尋愈。（宋史本傳）

【女擊虎救親】

唐章氏二女採桑，母為虎攫，二女號呼搏虎，虎遂棄去，母得免。（菽圃雜記）元餘杭姚氏母汲澗邊，遇虎。女手毆虎脇，鄰人執械器以從，虎置之而去。○元至大間，建德王氏父耘田

舍旁，為虎所攫，曳之升山。王以父所棄鋤連擊虎腦，殺之。父乃得生。（俱同上）宋嘉祐中，南昌分寧女彭氏，隨父泰入山伐薪，父遇虎，抽刀斫虎，奪其父而還。事聞，詔賜粟帛，勅州縣歲時存問。（宋史列女傳）宛陵女子，其母為猛獸所取，女隨母拏猛獸，獸毛盡落，獸乃置母去。（梁史）楊豐女香，隨父刈稻，豐為虎所噬，香方十四，手無寸刃，遽搯虎頸，虎奔逸，父得脫。太守孟肇之上其事，詔旌門閭。（異苑）姚孝女餘姚人，適吳氏。父早世，迎母養於家。母出汲，被虎啣去，女追掣虎尾，虎欲前，女掣益力，尾遂脫，虎痛甚，舍母而逝。藥之復愈，奉其母二十年。（明史列女傳）成化間，武康有蔡孝女，隨母入山采藥，虎攫其母，女折樹枝格鬥，三百餘步，虎舍其母，傷女，血噴丈許，竹葉為赤，女亦復全。（同上）

【女代親為虎噬】

宋鄞縣女童氏，虎噬其大母，女手曳虎尾，祈以身代。虎棄其母，啣女以去。事聞，祠祀之。（宋史列女傳）宋永嘉盧氏女，與母同行，虎將噬母，女以身當之。虎得女，母乃免。理宗朝

封其廟曰「孝姑」。（菽圃雜記）

【虎豹環廬】

成象事父母以孝聞。淳化中，盜據郡縣，父母驚悸而死。象廬墓側，以衰服襟缺，飾土為墳，日三斗，未嘗食肉衣帛，或贈之，亦不受。虎豹環廬而臥，象無畏色。燕百餘集廬中，禾生墓側，吐九種

（宋史孝義傳）陳思道喪母，結廬墓側，日夜悲泣。其妻時攜兒女詣之，拒不見。夏日種瓜以待過客，書則白兔馴狎，夜則虎豹環其廬，而臥。咸平元年，知軍上其事，詔賜東帛旌其門。（同上）

【孝感生芝】

劉說居母喪，盡禮。有雙芝生墓側，人以為孝感。（宋史本傳）易延慶父貧卒，延慶居喪擗股，

廬於墓側，且出守墓，夕歸侍母。紫芝生於墓數年，又生玉芝，十八莖。本州將表其事，延慶懇辭，或畫其芝來京師，朝士多爲詩賦以紀之。（宋史孝義傳）苟與齡志尚高潔，事親生養，死葬力竭而禮盡。母歿，廬墓側，有芝十九莖，生於墓亭，詔旌其門。○王珠以孝謙聞，居父憂，芝數本生墓側。（並同上）孔收葬其父，廬墓三年，臥破棺中，日食米一溢，壁間生紫芝數十本。州以行義聞，賜粟帛，又給復其家。（宋史隱逸傳）燧子堪在家聞父訃，率兩弟墀、陞赴之。會宸濠已擒，乃扶柩歸。兄弟廬墓蔬食三年，有芝一莖九葩者數本，產墓上。（明史孫燧傳）

【鳥獸助哀】

王襲字公世，丁母憂，廬墓側，有一鹿，每至襲哭，輒踞墓悲鳴。（孝子傳）支漸七十持母喪，既葬，廬墓三年，三時號泣，有五色雀至萬餘，回翔悲鳴，若助哀者。（宋孝史義傳）許孜字季義，親歿，哀毀，每一悲號，鳥獸翔集。（自帖）庾子興父宦蜀卒，子興扶柩還，初發蜀，有雙鳩巢舟中。及至家，又棲廬側，每聞哭泣聲，必飛翔簷宇，悲鳴激切。（南史）甄恬字彥約，居喪廬墓側，恆有烏玄黃雜色集於廬樹，恬哭則鳴，哭止則止。始興王憺表其行，武帝旌其門，賜爵。（同上）程堅，南陽人，喪母哀號，櫪下有馬，每聞堅哭，輒淚出，輟駕。（魏略）宗慄遭母憂，哭嘔血，每有羣鳥數千集於舍，候哭而來，哭止乃去。（後周書）齊蕭放喪居，以孝聞。廬前有二慈烏來集，飲啄馴擾，每臨時舒翼悲鳴，全似哀泣。（北史）吳隱之執喪過禮，家貧，無人助哭，每臨時常有雙鶴鳴叫。（晉書）

【代親蚊嗜】

展勤少失父，與母居傭作傭，時多蚊，臥母床下，以身當之。（蕭廣濟孝子傳）吳舍人猛，小兒時，在父母膝下，夏日多蚊，而終身不搖扇。有同宿人覺，問其故，答曰：「懼蚊蟲去嗜我父母耳。」（續搜神記）

【母病不食，子亦不食】

汝郁陳郡人，五歲，母病不食，郁亦不食。母憐之，強食。郁能察色知病，輒復不食。族人號曰「異童」。（廣小學）許法慎，甫三歲，已有知。時母病，不飲乳，慘慘有憂。

色。或以珍餌詭說之，輒不食，還以進母。（同上）

【割脅療親】

哈都赤母嘗有疾，醫治不痊。哈都赤礪佩刀，拜天泣曰：「慈親生我劬勞，今當捐身報之。」乃割開左脅，取肉一片作羹，進母，母曰：「此何肉也？其甘如是。」數日愈。（元史）胡伴侶父實嘗患心疾，幾死。伴侶乃焚香告天，以所佩刀於右脅旁，割其皮，取脂一片，煎藥以進，遂瘳。（同上）

【額成瘡】

王恩聰父嘗病劇，憂甚，拜祈於天，額膝皆成瘡，得神泉飲之，遂愈。（元史）王士弘父搏有疾，傾家費求醫，見醫輒拜，徧禱諸神，扣額成瘡。（同上）

【孝女碑】

孝女曹娥者，會稽上虞人也。父盱，能絃歌，為巫祝。漢安帝二年五月，於縣江泝濤迎婆婆神，溺死，不得屍骸。娥年十四，乃沿江號哭，晝夜不絕聲。旬有七日，遂投江而死。至元嘉元年，縣長度尚改葬娥於江南道傍，為立碑焉。（後漢書）符縣長趙祉遣吏先尼和拜檄巴郡守，過成瑞灘，死，子賢求喪不得。女絡，年二十五，迺分金珠二錦囊，繫兒頭下。至二年二月十五日，女絡乃乘小船，至父沒所，哀哭自沉，見夢告賢曰：「至二十一日，與父尸俱出。」至日，父女浮出，縣言郡太守蕭登高上之尚書，遣戶曹掾為之立碑。（華陽國志）

【墓不沾雨】

楊皞母牛氏，歿，哀毀特甚。葬之日，大雨，獨皞墓前後數里，密雲蔽之，雨不沾土，送者大悅。（元史）王庸母李氏，卒，哀毀幾絕，露處墓前，旦夕悲號。一夕雷雨暴至，隣人持蓆席欲往蔽之，見庸所坐臥之地，獨不沾濕，咸歎異而去。（同上）

【割股療母】

襄陵王冲，秋憲王第二子，太祖孫也。忠孝有至性。母病，籲北辰，割股和藥，病良已。及卒，終喪毀瘠，每展墓，必率子孫躬畚培家，卒諡「莊穆」。（明史）韓憲王列傳：「範址，襄陵王冲秋子也。母荆，罹危疾，割股肉和湯進之愈。（同上）儲璫，字靜夫，泰州人，九歲，能屬文，母疾，割股療之。（明史本傳）

忠勇

【食雪】

蘇武持節使匈奴，不屈，單于幽武置大窖中，絕不與食。天雨雪，武臥嚼雪與氈毛并咽之，數日不死。匈奴因以為神。漢書：段熲破羌，明年春，羌復與燒河大豪寇張掖。熲自下馬大戰，刀折矢盡，虜亦引退。熲追之，且門且行，晝夜相攻，割肉食雪，四十餘日。（東觀漢記）

【被殺馬上】

漢武時，蒼梧賈雍為豫章太守，有神術，出界討賊，為賊所殺，失頭。雍上馬還營，營中咸來視雍，雍胸中語曰：「戰不利，為賊所傷，諸君視有頭佳乎？無頭佳乎？」吏泣曰：「有頭佳！」雍曰：「不然，無頭亦佳！」言畢，遂死。（錄異傳）花敬定至德中，從崔光遠入蜀討段子璋，有功封嘉祥縣公。後又平寇，單騎鏖戰，已喪其元，猶騎馬荷戈，至鎮下馬，沃盥適浣紗女語云：「無頭何以盟為？」遂僇仆。（同上）（按眉州城西有花卿廟）魏攻淮陽，齊高帝遣軍主成買戍角城，及買與魏戰死，首見斬，尸猶據鞍，犇還軍，然後僇仆。（南史）漢朱遵仕郡功曹，公孫述僭號，遵擁郡人不服，述攻之，為述所害。既失頭，退至營中，絆馬訖，以手摸頭，始知失首。土人感而義之，為置祠，號「健兒廟」。後改為「勇士廟」。後漢縣圖經：太原王穆，唐至德初，為魯晏部將，於南陽戰敗，軍馬奔走，穆形貌雄壯，馬又奇大，賊騎追之甚衆，及以劍自後祚穆頸，殪而墮地，筋骨俱斷，唯喉尚連，初冥然不自覺死。至食頃，乃悟，而頭在臍上，方始心惋，旋覺食漏，遂以手力扶頭，還附頸，須臾復落，悶絕如初。久之方蘇，正頸之後，以髮分繫兩畔，乃能起坐，心亦茫然，不知自免。而所乘馬，初不離穆，穆起亦來止其前，穆扶得立，左膊髮解，頭墜懷中。食後方蘇，繫髮正首之後，穆心念馬臥方可得，上馬忽橫伏，穆前因得上馬，馬隨之起，載穆東南行。穆兩手附兩頰，馬行四十里，穆麾下散卒十餘人，羣行亦便路，求穆見之，扶寄村舍。其地去賊界四十餘里，衆心恟懼，遂載還。晏軍軍城尋為賊所圍，穆於城中養病二百餘日，方愈，繞頸有肉如指，頭竟小偏。（廣異記）

【無令土汚鬚】

溫序拜謁者，遷護羌校尉行郡，至襄武，為隗囂將苟宇所拘，刼宇謂序曰：「子若與我異威，同力，天下可圖也。」序大怒，叱宇曰：「此義士，可賜以劍。」序受劍銜鬚於口，顧左右曰：

「既爲賊所迫殺，無令鬚汚土。」遂伏劍死。（後漢書）劉聰以讒慝故，誅詹事曹光。光臨刑，舉止自若，謂刑者曰：「取席敷之，無令土汚吾鬚。」（前趙錄）

【煮筋革】

耿泰在疏勒城，車師與匈奴共圍之，數月糧盡，乃煮鐵弩，食其筋革。恭與士推誠同死，故無二心。（東觀漢記）袁紹與兵圍臧洪，歷年不下。洪掘鼠煮筋革食之。（魏志）

【開肉鑿骨】

關羽常爲流矢貫其左臂，後倒雖愈，每陰雨輒痛。醫曰：「矢鏃有毒，毒入於骨，當破臂刮骨去毒，然後此患乃除耳。」羽便伸臂，令醫鑿之。時適與諸將相對飲食，臂血流離，盈於槃器，而羽割炙飲酒，言笑自若。（蜀志）長孫子彥仕後周，常墜馬折臂，肘上骨起寸餘。乃命開肉鏃骨，流血數升，言笑自若。（南史）高開道作亂幽州，矢陷其頰，召醫出之，對以鏃深，輒斬之。如是者再。又召一人曰：「可出，然王須忍痛。」因鉞面回鑿骨，裂開寸餘，抽出鏃箭。開道奏伎進膳不輟。（劉餗餘隋唐嘉話）裴從簡嘗中流矢，鏃入髀骨，命工鑿之，工遲疑不忍下，從簡叱令急鑿。左右侍者皆若不勝其毒，而從簡言笑自若。（五代史）趙匡刺擊咎，萬壽被三創，矢鏃中左肩，不得出。元帥欽察惜其驍勇，以敢死囚二人封其肩，視骨節淺深，知可出，即鑿其創，拔鏃出之，匣刺神色不爲動。（元史）

【一身是膽】

趙雲以數十騎遇曹軍，前突其陣，且鬪且卻。曹軍散已復合，雲陷敵還入營，更大開門，偃旗息鼓。曹軍疑雲有伏引去。雲擂鼓震天，以戎弩於後射曹軍，曹軍驚疑，自相蹂踐，墮漢水死者甚衆。先主明日自來至，雲圍視戰處，曰：「子龍一身都是膽也！」（本傳）王雅周文時從戰芒山，時大軍未利，諸將皆退，雅獨拒之。敵人見其無繼，步騎競進，雅左右奮擊，斬九級，敵衆稍退，雅乃還。周文歎曰：「王雅舉身悉是膽也！」（北史）憲宗即位，問趙璧曰：「天下何如而治？」對曰：「請先誅近侍之尤不善者。」憲宗不悅。璧退，世祖曰：「秀才，汝渾身是膽耶？吾亦爲汝握兩手汗也！」（元史）王登字景宋，吳淵爲制置使，招登共事，屢立奇功。

葵爲制置使，見登握手曰：「景宋一身是膽，惜相見晚也。」（宋傳）（按楊揆見登於沙市，極談至夜分，揆退曰：「王景宋滿身是膽，惜欠沉細，如揆副之何事不可爲也，但恐終以勇敗，後登死人以爲知言，見楊揆傳。」）

【殺愛妾食將士】

臧洪爲袁紹所圍，初猶掘鼠煮筋革，後無可復食。主簿啓內廚米三斗，請中分，稍以爲糜粥。洪歎曰：「獨食此何爲？」使作薄粥，衆分歠之。殺其愛妾，以食將士。將士流涕，無能仰

視者。（魏志）尹子奇圍睢陽，既久，城中糧盡，易子而食，析骸而炊。張巡乃出其妾對三軍殺之，以饗軍士。曰：「請公爲國家戮力守城，一心無二，經年乏食，忠義不衰。巡不能自割肉，以啖將士，豈可惜此婦人，坐視危迫乎？」將士皆泣下不忍食。（舊唐書）

【引衣】

辛毗字佐治，遷侍中。文帝欲徙冀州士卒入河南，毗固諫，帝不答。起入，毗隨而引帝裾，因徒其半。（魏志）寇準嘗奏事，殿中不合，帝怒起，準輒引帝衣，令帝復坐，事決乃退。上由是嘉之曰：

「朕得寇準，猶文皇之得魏徵也。」（本傳）陳禾請竄童貫，帝拂衣起，禾引落帝裾。帝曰：「正言碎朕衣矣！」內侍請易衣，曰：「留以旌直臣。」（宋史陳禾傳）宋陳傳良字君舉，官中舍，光宗以疾不朝，重華宮傅良引帝裾，泣諫，朝論避之。（温州人物記）

【江表虎臣】

黃蓋凡守九縣，所在平定，赤壁之役，建策火攻，後加偏將軍，爲江表之虎臣。（吳志）凌統字公績，餘杭人在軍旅，親賢接士，輕財重義，有國士之風，後拜偏將軍。○甘寧字興霸，建方略，以禽黃祖，破曹公於烏林，攻曹仁於南郡，江表之虎臣也。○陳武仁厚好施，鄉里遠方客，多依託之，累有功劳，進位偏將軍，江表之虎臣也。○程普字德謀，性好施與，喜士大夫，遷盪寇將軍，江表之虎臣也。（俱同上）

【捋主鬚】

朱桓還屯濡須，孫權餞之，桓奉觴曰：「臣當遠去，願一捋陛下鬚，無所恨。」權憑几前席，桓進捋鬚。（吳錄）陳宣帝因內宴，王軌侍坐，上壽，捋帝鬚曰：「可愛好老公，但恨後嗣弱耳。」以

叔寶非社稷之主也。(陳書)

【寧死不生】

宋褚彥回歸心齊高帝，世頗以名節譏之。於是百姓語曰：「可憐石頭城，寧為袁粲死，不作彥回生。」(宋書)齊高帝遣沈攸之子司徒左長史元琰齋廢帝刳之具，以示攸之。攸之曰：

「寧為王陵死，不作賈充生。」(南史)

【輿棺入諫】

後魏宗室匡為尚書，宣武委政高肇，匡切諫，輿棺詣闕論高肇罪惡。(魏書)李師道圖不軌，賈直言持刀負棺入諫。穆宗召為諫議。(唐書)

【匈奴不敢近雲中】

馮唐曰：「魏尚為雲中守，其軍市租，盡以饗士卒，私養錢五日一椎牛，饗賓客舍吏人，是以匈奴遠避，不近雲中之塞。虜曾一入，尚率車騎擊之，所殺甚衆。」(史記)廉范為雲中太守，會匈奴大入塞，烽火日通。故事，虜入過五千人，移書傍郡，吏欲傳檄求救，范不聽，自率士卒拒之。虜衆盛，而范兵不敵。會日暮，令軍士各交縛兩炬，三頭爇火，營中星列。虜遙望火多，謂漢兵救至，大驚，待旦將退。范乃令軍蓐中食，晨往赴之，斬首數百級，虜自相憐藉，死者千餘人。由此不敢復向雲中。(後漢書)

【刼使說降反辭慰免】

劉感為薛仁杲所執，令約城中降。感給諾，至城下大呼曰：「賊大饑，亡在朝暮，秦王數十萬衆，且至，勉之無苦。」仁杲怒，執感，埋其半土中，馳射之，至死置益甚。(唐書)

張吉，慶州卒也，為淮安鎮守烽。夏人寇東谷，掠得之，脅以兵，使呼城中曰：「淮安諸砦已破，宜速降。」吉反其辭曰：「努力諸砦無虞，賊糧盡且去矣，毋庸降賊。」怒害之。詔贈內殿崇班，又錄其子。(宋史忠義傳)

【大樹將軍】

馮異為人謙退，不伐行，與諸將相逢，輒引車避道，進止皆有表識。軍中號為整齊。每所止舍，諸將並坐論功，異獨屏樹下。軍中號曰大樹將軍。(後漢書)馮道根性謹厚，木訥少言，為將能檢御部曲，所過村陌，將士不敢虜掠。每征伐，終不言功，其部曲或怨非之。道根喻曰：「明公自鑒功之多少，吾將何

事」武帝嘗指道根示尙書令沈約，美其口不論勳。約曰：「此陛下之大樹將軍也。」（南史）

【壞宰相麻】

李甘遷御史曰：「李注何人，得宰相白麻出，我必壞之。」（李甘傳）德宗欲相裴延齡，陽城爲諫議，曰：「白麻出，我必壞之。」哭於庭，遂不相。（裴延齡傳）

【忠義刺身自誓】

呼延贊有膽，勇鷙悍，常言願死於敵。編文其體，爲「赤心殺賊」字。至於妻孥僕，使皆然。諸子耳後別刺字曰：「出門忘家爲國，臨陣忘死爲主。」（宋史本傳）岳飛爲秦檜所誣，初命何鑄鞫之。飛裂裳以背示，刺有「盡忠報國」四大字，深入膚理。旣而閱實，無左驗。鑄明其無辜。（宋史本傳）

友愛

【異母弟與兄同死】

衛宣公爲伋取齊女而美，公奪之，生壽及朔。朔與其母愬伋於公，公令伋之齊，使賊先往，賊殺之。伋至曰：「君命殺我，壽有何罪？」賊又殺之。國人哀之，爲賦「二子乘舟」。（邯鄲風毛傳）陳玄字子元，陳侯太子。七歲喪母，父更取周有子曰昭。周說陳侯將殺玄，昭欲先死，玄不聽，引白羊誓曰：「孝者羊血逆上，一丈三尺。」一如誓言。周又說之，侯怒，令玄自殺。玄投遼水，有大魚負之。玄曰：「我罪人也。」魚乃去。昭從後來，以問漁者，云：「投水死矣。」昭氣絕，良久曰：「吾兄也。」又投水而死。（蕭廣濟孝子傳）

【讓爵與弟】

鄧彪父卽世，祖中興，以功封鄧侯。彪少修孝行，厲志清高。卽薨，以嫡長當嗣爵，讓國與異母弟鳳。明帝高其節，詔書聽許。彪仕州郡。（東觀漢記）劉愷以當襲父般爵，讓與弟憲，遁逃避封久之。章和中，有司奏請絕愷國，肅宗美其義，特優假之。愷猶不出，積十歲，至永元十年，有司復奏之。侍中賈逵因上

書曰：「孔子稱能以禮讓爲國乎，何有竊見居巢侯劉般嗣子愷，素行孝友，謙遜潔清，讓封弟憲，潛身遠迹，有司不原樂善之心，而繩以尋常之法，懼非長克讓之風，成含宏之化。前世扶陽侯章玄成，近有陵陽侯丁鴻，郟侯鄧彪，並以高行潔身辭爵，未聞貶削，而皆登三事。今愷景仰前修，有伯夷之節，宜蒙矜宥，全其先功，以增聖朝尙德之美。」和帝納之。（後漢書）

【兄弟同臥起】

姜肱字伯淮，與二弟仲海季江，俱以孝行著聞。其友愛天至，常共臥起。肱博通五經，士之遠來就學者，三千餘人。諸生爭加辟命，皆不就。二弟名聲相次，亦不應徵聘。時人慕之。（後漢書）張弘策兄弟，友愛不忍暫離，雖各有室，常同臥起，世比之「姜肱兄弟」。（南史）章放性弘厚篤實，輕財樂施，於諸弟尤雍睦。每將遠別，及行投初還，常同一室臥起，時稱爲「三姜」。（梁書）

【義樹感兄弟復合】

田真兄弟欲析產，庭中有紫荆樹一株，一夕忽枯瘁。兄弟感歎，不復議析，荆還榮茂。（白帖）樊景溫，陝州芮城人，榮恕旻，雄州歸信人，兄弟異居積年。大中祥符中，景溫家樗樹五枝，并爲一，恕旻家榆樹兩本自合，兩家感歎，復義聚，鄉人異之。（宋史孝義傳）

【父愛少子讓爵於弟】

晉馮恢父愛少子淑，欲以爵傳之。恢父終還鄉，結草爲廬，佯瘖不言。淑得襲。（白帖）耿國字叔慮，以父况愛少子霸，上疏請讓，詔許之。（同上）

【迎姊祿養西土稱之】

新野庾彥達爲益州刺史，攜姊之鎮，祿秩平分，西土稱焉。（宋書）樂藹爲州迎姊之官，祿秩參與，西土稱之。（梁書）

【隱己子官猶子】

邢晏爲南兗州，例得一子解褐，乃啓其孤弟子子慎爲請。子慎年方十二，而其子已弱冠矣。後爲滄州，復啓孤兄子昕爲府主簿，而其子並未從宦，世人以此多之。（北史）房亮爲東荊州刺史，時邊州刺史例得一子出身，亮不言其子，而啓其弟子，啓爲奉朝請，議者稱之。（同上）

【焚分券】

(同上)

朱顯自至元間祖父已分財至顯念姪彥助等年幼無恃乃會弟耀拜祖墓下取分券焚之復與同居。(元史)楊一懷憐其叔清家貧密以分契詣神祠焚之與清同居者三十年無間言。

■ 義士

【棄親破敵自殺】

楚申鳴養父盡孝。楚王欲以為相，鳴不可。父命之，乃入朝。居三年，白公作亂，殺司馬子期。申鳴將往死之，父曰：「棄父而死，可乎？」鳴曰：「仕者身歸於君，祿歸於親，得無死其難乎？」遂往，以兵圍白公，白公劫其父以要之。申鳴流涕曰：「始吾父之孝子也，今君之忠臣也，吾何以得全？」援桴鼓之，遂殺白公，其父亦死。王賞之金百斤。申鳴曰：「食君之食，避君之難，非忠也。定君之國，殺臣之父，非孝也。名可兩立，行不可兩全也。如是而生，何面目立於天下？」遂自殺。(劉向說苑)趙苞守遼西時，遣使迎母，道值虜劫，質以攻郡。苞督兵禦之，虜出母示苞，母遙謂曰：「無負忠義。」遂力戰破賊，母被害。苞葬母訖，謂鄉人曰：「食祿以避難，非忠也。殺母以全義，非孝也。何面目立於天下？」嘔血而死。(後漢書)

【漆身吞炭】

韓魏趙共滅智伯，智伯之臣豫讓欲為之報仇，乃詐為刑人，挾匕首入襄子宮中塗廁。襄子如廁，心動，獲豫讓，左右欲殺之。襄子曰：「智伯死無後，而此人欲為報仇，真義士也。吾謹避之耳。」乃舍之。讓又漆身為癩，吞炭為啞，行乞於市，其妻不識也。行見其友，識之，為之泣曰：「以子之才，臣事趙孟，必得近幸。子乃為所欲為，顧不易耶？何乃自苦如此！求以報仇，不亦難乎？」讓曰：「既以委質為臣，而又求殺之，是二心也。凡吾所為極難耳。然所以為此者，將以媿天下後世之為人臣懷二心者也。」(通鑑)聶政父為韓王治劍，過期不成，王殺之。時政未生，及壯，問母知之，乃入泰山遇仙人，學琴操，漆身為癩，吞炭變音，七年琴成，入韓以刀納琴。

中，刺韓王。（琴操）（按史記刺客傳絕不同）

【失勢不去】

齊王廢孟嘗君，諸客皆去，獨馮驩說秦迎孟嘗君，而齊王復相孟嘗君。（史記）任安嘗為衛青門客，後青日衰，故客皆歸霍去病，安獨不去。（漢書）

【舉幡鳴冤】

鮑宣拜司隸，以摧辱宰相下廷尉，博士弟子王咸舉幡太學下曰：「欲救鮑司隸者會此！」諸生會者千餘人，遮丞相車，又守闕，遂得減死一等。（漢書）虞詡為司隸校尉，時中常侍張防特用權勢，詡輒案之，屢寢不報，乃自繫廷尉，書奏防，流涕訴帝，詡坐論輸左校，帝疑焉。於是詡子頤與門生百餘人舉幡，候中常侍高梵車，叩頭流血，訴言枉狀，梵入言之，防坐徙邊，詡即日赦出。（後漢書）

【服舉主】

後漢袁逢舉荀爽不應，及卒，制服三年。（白帖）向苗舉桓鸞為膠東令，苗卒，奔喪終三年。○傅燮再舉孝廉，聞所舉卒，棄官行服。○管仲遇盜，舉為公臣，及仲死，桓公使為之服。（並同上）

【劫質并擊】

魏夏侯惇與呂布將僞降，因共執惇，責以寶貨，惇將韓浩乃勒兵營門，遂詣惇所持劫者曰：「汝執劫大將，復望生耶？吾受詔討汝，寧以一將軍縱爾乎！」因泣謂惇曰：「奈國法何！」但召兵擊持質者，惶怖，斬之，惇亦免。太祖因著令，有持質者，皆當并擊，勿顧。（魏書）喬玄遷太尉，以疾罷，就醫里舍，玄少子十歲，獨游門次，有三人持杖劫之，登樓求貨，時司隸圍守，恐殺其子，未欲迫之。玄瞑目呼曰：「姦人無狀，豈以一子之命，而縱國賊？」玄子亦死。玄乃詣闕請刦質者，不得贖，以財寶，以開長姦之路，自此遂絕。（後漢書）

【還金】

王向字文德，豫章人，嘗行於路，得遺金囊，乃訪主還之。（後漢書）（或作王向字文章）甄彬有行業，鄉人稱之，嘗以紵質人，後贖紵，於東中得金一餅，即送還之，後為益州錄事參軍，帶鄭縣令將行，同列五人，梁武戒以廉慎，至彬獨曰：「卿昔有還金之美，故不復以此言相屬。」（梁書）

【酬禾】

鹿愈嘗詣徐州，馬疲，附船至大梁，夜睡，從者上岸竊禾四束飼馬，船行數里，愈覺，即停船至取

禾處，以縑三丈，置禾束下而去。（北史）趙軌召爲司馬，在道夜行，其左右馬逸入田中，暴人禾。軌駐馬待明，訪知禾主，酬直而去。（同上）

高士

丈人

子路從而後，遇丈人，以杖荷篠。子路問曰：「子見夫子乎？」丈人曰：「四體不勤，五穀不分，孰爲夫子？」植其杖而芸。（論語）子貢南遊於楚，反於晉，過漢陰，見一丈人，方將爲圃畦，鑿隧而入井，抱甕而出，灌搗搨然，用力甚多，而見功寡。子貢曰：「有械於此，一日浸百畦，用力甚寡而見功多。夫子不欲乎？」爲圃者仰而視曰：「奈何？」曰：「鑿木爲機，後重前輕，挈水若抽，數加沃湯，其名爲槲。」爲圃者忿然作色而笑曰：「吾聞之吾師，有機械者，必有機事；有機事者，必有機心；機心存於胸中，則純白不備；純白不備，則神生不定；神生不定者，道之所不載也。吾非不知，羞而不爲也！」（莊子）伍員亡至江上，欲涉，見一丈人，刺小船，方將漁，而請焉。丈人渡之，絕江間，問其名族，則不肯告。解其劍以予丈人曰：「此千金之劍也，願獻之丈人。」丈人不肯受，曰：「荆國之法，得伍員者，爵執珪，祿萬擔，金千鎰。昔者子胥過，吾猶不取，今我何以子之千金劍爲乎？」伍員至吳，使人求之，則不能得也。每食，必祭之，祝曰：「江上之丈人！」（呂氏春秋）子胥謂漁父曰：「請丈人姓氏。」漁父曰：「今日凶凶，兩賊相逢，吾所以渡空賊也。兩賊相得，得形於默，何用姓氏爲子爲蘆中人，吾爲漁丈人，富貴莫相忘也。」（吳越春秋）稽康聖賢高士傳曰：「安邱望之字仲都，京兆長陵人。少持老子經，恬靜不求，追宦號曰安邱丈人。成帝聞欲見之，望之辭不肯見，爲巫醫於人間也。」（後漢書耿弇傳注）帝嘗與中護軍司馬望侍中王沈散騎常侍裴秀，黃門侍郎鍾會等，講宴於東堂，並屬文論名。秀爲儒林丈人，沈爲文籍先生，望會亦有名流。（魏志三少帝紀注傳陽晉諸公贊）

【造謁不遇追請不還】

高彪謁馬融，辭疾不見。彪復刺與書曰：「聞高風爲日久矣，故不待介者，造君子之門，冀一見龍光，敝腹心之願，不圖辭之以疾。昔周公父兄文武，九命作伯，以君華夏，猶握沐吐餐以接白屋之士，天下歸德，歷載邈矣！今君不能相見，宜哉！」融省書大慚，遣人辭謝，追請，徑去不還。（漢雜事）趙壹爲羊涉所稱，名動京師。西還過弘農，候太守皇甫規，門者不卽通。壹遂遁，規知是壹，大驚追之，壹不顧而去。（白帖）

【大丈夫當爲雄飛】

趙溫爲京兆，歎曰：「大丈夫當爲雄飛，安能雌伏？」遂棄官去。（後漢趙溫傳）陳蕃室有糞不除，薛勤曰：「孺子何不掃灑？」答曰：「大丈夫當爲雄飛，安能事一室乎？」（本傳）

【自污避辟】

高鳳名聲著聞，太守連召，謂恐不得免，自言本巫家，不應爲吏。又與寡嫂訟田，以自污，遂不仕。（後漢書）王烈因太守欲辟爲長史，烈爲商賈自穢，得免。（白帖）

【牧豕守志】

吳祐年二十，喪父獨居，家無擔石，而不受贈遺。常在長垣牧豕，行吟經書以守志。遇父故人曰：「卿二千石子，而自業賤事，縱子自安，奈先君何？」祐辭謝而已，守志如初。（後漢書）孫期家貧，事母至孝，牧豕於大澤中，以奉養焉。遠人往從學，里落化其仁讓。黃巾賊過其里，陌相約無犯。孫先生舍辟舉方正，遣使贖羊酒請期，期驅豕入草不顧。司徒黃琬特辟不就，終於家。（高士傳）

【徵君】

庾乘游學，爲諸生傭。後能講論，自以卑第，每處下坐。諸生博士皆就讐問，每徵不起，號「徵君」。（本傳）黃憲亦號「徵君」。（本傳）

【閉門卻掃】

後漢馮衍閉門卻掃。（王暉齡東坡詩註）葛洪閉門卻掃，未嘗交游。（晉書）沈炯字初明，閉門卻掃，無所交接。（南史）

【母死勉子】

王陵母在項羽軍中，因漢使語陵曰：「漢王長者，終得天下，勿以我爲念。」遂對使伏劍而死。
（通鑑）馮異從光武，其母囑之曰：「汝今盡忠，莫思盡孝。我自爲計，以絕子內顧之念。」遂自縊。光武卽位，命建廟祠之，廟在饒陽縣。（廣輿記）

【非此母不生此子】

張湯死，昆弟諸子欲厚葬湯，湯母曰：「湯爲天子大臣，被污惡言而死，何厚葬乎？」載以牛車，有棺無槨，天子聞之曰：「非此母不能生此子。」（史記）孝廉范達宿於陶侃家，侃母湛氏撤所臥薦，自剄以餉其馬。達聞之歎曰：「非此母不能生此子。」（列女傳）

【母願子盡忠諫職】

劉安世初除諫官，未拜命，入白母曰：「朝廷不以安世不肖，使左言路，倘居其官，須明目張膽，以身任責，脫有觸忤，謹禍立至。主上方以孝治天下，若以老母辭，當可免。」母曰：「不然！吾聞諫官爲天子諍臣，汝父平生欲爲之而弗得，汝幸居此地，當捐身以報國恩，使得罪放流，無問遠近，吾當從汝所之。」於是受命。（宋史劉安世傳）鄒浩初除諫官，恐貽親憂，欲固辭。母張氏曰：「兒能報國，無愧於公論，吾顧何憂？」及浩兩謫嶺表，母終不易初意。（宋史本傳）王義方以義甫害政，將加彈奏，以問其母。母曰：「汝能盡忠立名，我之願也，雖死無恤。」義方乃奏。左遷華州司戶參軍。（史學叢珠）桓彥範以張易之、張昌宗居中用事，欲謀誅之，以白其母。母曰：「忠孝不兩全，先國後家可也。」（唐通鑑）

【慈親老猶筆勅】

李景讓爲浙西觀察使，母鄭氏治家嚴，躬訓諸子，老猶筆勅。（本傳）王大司馬母魏夫人，性甚嚴，王在益時，爲三千人將，年逾四十，少不如意，老猶筆勅，故能成勳業。（顏氏家訓）

【子叛而母得免】

唐偏裨將李日月，從朱泚亂，戰死。日月母罵屍曰：「國家何負於汝，而從賊反？我阻不聽賊！懷恩走免。代宗優禮之。（同上）」

唐書：懷恩之母勸懷恩勿反，不聽，提刀逐曰：「吾為國家殺此。」

賢女

【割耳守節】

沛郡劉長卿妻者，生一男字玉。玉五歲，而長卿卒，懼見誘嫁，既不歸寧。兄弟時往，防漸遠，言不及外。玉年十五死，乃援刀割耳，明已不二。在喪側，無不感傷。（列女傳）

吳孫奇妻范氏，父母以其少寡，欲逼歸，不肯，割耳自誓。○留子直妻者，漢末擾攘，隨夫之從父，客居豫章，從父與賊交通，郡收族之。妻年少，有色，太守客請以為妻，守死不從，以還太守，付吏殺之。臨刑，顏色不變，口無怨言。郡吏及客憐之，更還救請，免。既得釋，乃自割耳。久之，太守聞其夫在，遂還其妻。（並同上）

桓林妹夫劉敬仲早亡，桓氏引刀割耳，以示林。（列女傳）

襄陽衛敬瑜妻，年十六，而敬瑜亡。父母舅姑咸欲嫁之，誓不許，截耳置盤中，為誓乃止。（南史）

【割鼻守節】

梁寡高行者，梁之賢婦，早寡不嫁。梁貴人爭欲娶之，不能得。梁王聞之，使相聘之。高行曰：「妾之夫不幸先夫馬填溝壑，妾宜以身薦棺槨，守養幼孤，不得專意。妾聞婦人之義，一往不改，以全貞信之節。棄義而從利，無以為人。」乃援鏡操刀，以割其鼻。曰：「妾已刑餘之人，殆可釋矣。」王高其節，號曰「高行」。（列女傳）

吳孫奇妻者，廣陵范慎女，名姬，年十八，配奇。一年而奇亡，慎以姬少寡無子，迎還其家。姬不肯歸，迎者以父母命迫之，姬遂操刀割耳及鼻。曰：「父趣我者，不過以我年少而色美，今已殘矣，行將焉如？」於是迎者空返。○後漢周郁妻，納一歲，夫亡，父母欲嫁之，遂援刀而截其鼻。（並同上）

【女尚書】

魏略曰：帝嘗游燕，在內，乃選女子知書可付信者六人，以為女尚書。使典省外奏事。（魏志明）

帝紀注)王丞相有幸妾姓雷，頗預政事，納貨，蔡公謂之雷尙書。(劉義慶世說)

【女將】

馮夫人名嬾，漢宮人也。善史書，乘錦車，持節和戎而歸。(漢書) 譙國夫人者，高涼洗氏之女也。適高涼太守石寶。寶卒，嶺表大亂，夫人懷集百越，數州晏然。及番禺人王仲宣反，圍韋洗於

州城，進兵屯衡嶺。夫人遣孫暄帥師救洗，暄與逆黨陳佛智素相友善，故遲留不進。夫人知之，大怒，遣使執暄，繫於州獄。又遣孫盎出討佛智，戰克，斬之。夫人親被甲乘介馬，張錦傘，詔使裴矩巡撫諸州。其蒼梧首領陳坦等皆來參謁，還令統其部落，嶺表遂定。高祖異之，拜盎爲高州刺史，仍救出暄，拜羅州刺史，追贈寶爲廣州總管。譙國公册夫人爲譙國夫人，仍開譙國夫人幕府，置長史以下官屬，給印章，聽發部落。六州兵馬，若有機急，便宜行事。(隋書譙國夫人傳) 女人有軍功者儘多，然無若願琛之母孔氏。孔年已百餘歲，晉安帝隆安初，王廞吳中作亂，母爲軍司馬琛復以己女爲貞烈將軍，悉以女人爲官屬。及孫恩亂，東土飢荒，人相食，孔氏散家財以賑邑里，活者甚衆。生子皆以孔爲名。(湧幢小品) 北魏楊大眼，以長繩三丈許，繫髻疾走，繩直如矢，馬馳不及，見者驚詫。妻潘氏，亦善騎射，每逢戰，潘必戎裝與大眼並鑣齊驅，還營則同坐幕下，對諸寮言笑自若。大眼每謂諸人曰：「此潘將軍也。」(魏書) 成都節度使崔旰入朝，楊子琳乘虛突入成都。旰妾任氏出家財，募兵得數千人，自帥以擊之。子琳敗走，朝廷加旰尙書，賜名寧任氏，封夫人。成都浣花溪有石刻浣花夫人像，三月三日生辰，傾城出遊，卽任夫人也。(鑑通) 李秀者，天水李毅之女也。光熙元年春三月，毅薨，子釗任洛，還赴到，路塞，停住交州。文武以毅女明達，有父才，遂奉領州事。秀初適漢嘉太守廣漢王載，載將家避地在南，故其推之。又以載領南夷龍驤參軍，秀獎厲戰討，食糧已盡，人但茹草炙鼠爲命。秀伺夷怠緩，輒出軍掩破首尾。三年，釗乃得達，丁喪，文武復逼釗領州府事。(常璩南中志) 秦良玉，忠州人，嫁石柱宣撫使馬千乘。萬歷二十七年，大征播州，明年大敗，賊衆爲南川路戰功第一。賊平，良玉不言功。其後千乘爲部民所訟，庾死雲陽獄。良玉代領其職。良玉爲人饒膽智，善騎射，兼通詞翰，儀度嫺雅。

而馭下嚴峻，每行軍發令，戎伍肅然；所部號曰「桿兵」，夙爲遠近所憚。天啓元年，詔加二品服，卽予封誥。崇禎三年，永平四城失守，良玉與翼明奉詔勤王，出家財濟餉。莊烈帝優詔褒美，召見平臺，賜良玉綵帛羊酒，賦詩旌其功。（明史秦良玉傳）御製詩曰：錦繡征袍手一成，桃花馬上請長纓。世間不少奇男子，誰肯沙場萬里行。又云：從此凌烟閣上功臣先，畫美人圖。

【女學士】

宋庭芬有詞藻，生五女，始教以經藝。既而課爲詩賦，長曰若華，次曰若昭，若倫，若憲，若荀，貞元四年，李抱貞表薦以聞，德宗俱召入宮，試以詩賦，兼問經史大義，深加賞歎。德宗嘉其節槩，不羣，不以宮妾遇之，呼爲學士先生。（舊唐書學女士尙宮宋氏傳）後主以宮人有文學者，袁大捨等爲女學士。（陳書）高越，燕人也，少舉進士，清警有才思。時威武軍節度使盧文進有女，美而慧，善屬文，時稱女學士。越聞而慕之焉，往謁文進，文進以女妻之。（馬令南唐書儒者傳）

【婦擊虎救夫】

元建寧官氏，其夫耕田，爲虎所攫，官棄饑餒，奮挺連擊，虎舍去，負至中途而死。事聞，旌復其家。（圃菽雜記）元濱州人劉平妻胡氏，同夫戍棗陽，幕宿道旁，夫被虎噬，胡以刀刺虎殺之，夫脫至中途而死。（同上）

神仙

【龍負升天】

黃帝採首山銅，鑄於荆山之下，鼎既成，有龍垂胡髯下迎黃帝。黃帝上騎，羣臣後宮從上者七十餘人。（史記）龍川縣傅羅爲東鄉耆夫，有龍潛於川，後負耆夫升天，因以龍川名其地。（襄澗南海記）陶安公六安治師，數行火火，一旦散上紫色衝天，公伏治下求哀，須臾朱雀止治，曰：「安公安公治與天通，七月七日，迎汝以赤龍。」至時，安公騎之，東南上城邑數萬人，豫祖安送之，皆辭。（列仙傳）陵陽子明

乘白龍仙去。(初學記)馬師皇者，黃帝馬醫，有病龍下垂耳，張口，師皇針其唇，飲以甘草湯，而愈。後一旦負之而去。(列仙傳)

【不樂升天】

彭祖問白石生，何不服藥仙去？對曰：「天上多有至尊，相奉甚難，更苦人耳。」常遊行四方，治人疾病，時號隱遁仙人。(列仙傳)馬明生從安期先生受金液神丹方，乃入華陰山，合金液，不樂升天，但服半劑爲地仙。(同上)

【巨靈】

華山對河，東首陽山，黃河流於二山之間。古語云：「此本一山，當河，河水過之而曲行。河神巨靈，以手劈開其上，以足踏離其下，中分爲兩，以通河流。今觀手迹於華嶽上，指掌之形具在，足迹在首陽山下，亦存焉。」(述征記)武帝時，一女人名曰巨靈，帝有青珉唾壺，巨靈乍出入其中，或戲笑帝前。東方朔望見，乃目之。巨靈因而飛去，冀見化成青雀。帝乃起青雀臺，時見青雀往來其上。(述異記)

【玉衣】

周穆王時，西極之國，有仙人來，穆王敬之，爲築中天之臺，日獻玉衣，且薦玉食。(列子)甄皇后生，每寢，家中人髣髴見如有人持玉衣覆其上者。(魏志)

【投書叩樹】

秦人鄭容，爲始皇使，還至函谷關，見華山上有一人，素車白馬，謂容曰：「吾華山使，願托一牘書，致錦池君子之咸陽，道過錦池，見一大梓樹，下有文石，取以款梓，常有應者。」容如其言，果有。有人從樹出受書。(樂資春秋傳)柳毅於涇陽遇一婦人牧羊，謂毅曰：「妾洞庭龍君小女也，嫁涇川次子，而夫婿樂逸，爲婢僕所惑，日以厭薄，訴於舅姑，又復得罪，聞君將還吳，密邇洞庭，欲以尺書寄託侍者。」毅曰：「吾義夫也，聞子之說，氣血俱動，但洞庭深水，吾行塵間，寧可致意耶？」女曰：「洞庭之陰有大橘樹，鄉人謂之社橘，君常解去鐵帶，束以他物，然後擊樹三發，常有應者。」毅訪於洞庭，洞庭之陰，果有社橘，遂易帶向樹三擊，果有武夫出於波間，受書，挹水引毅見洞庭君。(李朝威柳毅傳)(按柳毅吳縣東洞庭山人，至今舊宅有井存焉)

【神女吐成瘡】

秦始皇與神女遊，忤其旨，吐之生瘡。始皇怖，謝乃爲出，溫湯洗除。（辛氏三秦記）漢武帝在甘泉宮，有玉女降，嘗與帝圍棋。帝乃逼之，玉女因吐帝面而去，遂病瘡經年。（幽明宮）

【步水上】

葛仙翁飲酒，常入波中。吳主遇大風，百官皆沒，使人求仙翁船，見仙翁步行水上來，衣履不濕，有酒氣云：「子皆爲設酒。」（白帖）梅姑，秦時丹陽縣人，有道術，能著履行水上。（異苑）

有人數旦，詣河邊拜河水，如此十年，河侯河伯遂與相見，與白璧十雙，教授水行不溺法。（續博物志）

【滅火雨皆酒氣】

邵信臣爲少府，南陽遭火，燬數萬人。信臣時在丞相匡衡座，心動，含酒東向噴之。遭火處見雲西北來，冥晦大雨，以滅火，雨皆酒香。（邵氏家傳）欒巴爲尙書，正朔朝大會，巴後

到又飲酒。巴向西南噴之，詔問之，謝曰：「臣本縣成都市失火，臣故因酒爲雨以滅火。」後驛書問成都果然正且有失火，雨從東北來，乃息。雨皆酒臭。（神仙傳）成武丁于周斯座，嚙酒救臨武火。（同上）郭憲從駕，酒厭齊國火。（後漢書）佛圖澄嘗與石季龍升中堂，忽曰：「幽州當火災。」乃取酒嚙之曰：「救已得矣。」後遣驗之云：「是日火起，西南驟雨滅之，雨中頗有酒氣。」（晉書）

【米麥化珠】

麻姑至蔡經家，適經弟婦新產，姑求米少許，擲地皆成真珠。方平笑曰：「姑年少作此變化，吾已年老，不喜爲之矣。」（王氏神仙傳）元宗嘗欲得真珠數升，耿先生曰：「易致耳！」卽命

取小麥數升，以銀釜炒之，食頃，勻圓成珠，以獻。（南唐近事）

【赤松子】

赤松子，神農時爲雨師，服水玉龍，入火不燒，卽張子房從之遊者。（劉向列傳）晉皇初，平常牧羊，忽見一道士將至金華山石室中。後服松脂茯苓成仙，易姓爲赤，曰：「赤松子。」卽叱石

爲羊者。（葛洪神仙傳）

【入山妻一仙女】

漢明帝永平五年，劉晨阮肇天臺山採藥，迷失道，望山頭有桃樹，共取食之。又見蔓青菜

從洞中來，更有一杯流出，中有胡麻飯屑。二人相謂曰：「去人不遠。」因過水，復度一山，出大溪，見二女顏容絕世，呼劉阮姓名，因邀過家止宿，爲夫婦。留十五日，求還，女曰：「來此皆是宿福所招，流俗何樂？」遂住半年。天氣常如三二月時，百鳥哀鳴，求歸甚切。女曰：「罪根未滅，使君等如此。」喚諸仙女歌吹送之，從洞口去。既還鄉，並無相識。閭里怪異，乃驗得七代子孫，傳聞上世祖翁入山不出，不知何在。太康八年，失二人所在。（續齊諧記）會稽剡縣民袁栢、杜碩（一作袁根）二人，獵經深山，見羣羊逐之。經一石橋，甚狹而峻，向絕崖，崖正赤壁立，名曰「赤城」。有山穴如門，豁然而過。既入內，甚平敞，草木皆茂。見二女子，年皆十五六，容色甚美。遇二人至，忻然云：「早望汝來。」遂爲室家。已而兩人思歸，潛覓歸路。二女追還，已知，乃謂曰：「自可去。」乃以一囊與栢，語曰：「慎勿開也。」于是乃歸。後出行，家人開其囊，囊蓮花揭數，重中有小青鳥飛去。栢還知之，悵然而已。後栢出耕，家餉之，見在田中不動，就視，但有殼如蟬蛻也。（續搜神記）

【朝會羅得隻履】

孝明帝時，尙書郎河東王喬遷爲葉令。喬月朔常詣臺朝帝，帝怪其來數而無車騎，密令太史候望。言其臨至時，常有雙鳥從東南飛來。因伏伺，見鳥舉羅，但得一隻鳥。乃四年所賜，尙書官履也。（風俗通）盧耽者，少好學，得仙後，復仕爲州治中。每時乘空歸家，到晚則反州。嘗元會朝賀，在列時，耽後至，迴翔閣前，欲下次爲威儀，以筓擲，耽得一隻履墜地，耽由是飛去。（仙鑑）（又載鄧德明南康記）

【孕產本濟經】

張玉蘭，張衛女也，幼而潔，素不食葷血。年十七，夢朱光入口，因而有孕。父母叩之，終不肯言。惟侍婢知之一日，謂侍婢曰：「我死爾當剖腹，以明我心。」其夕，遂歿。婢具以其言白之父。母不違其言，剖腹得一物，如蓮花初開，其中有白素金書十卷，乃本濟經也。十餘日間，有大風雨晦暝，遂失其經。（仙鑑）天師雲孫女，無夫而孕。父疑之，欲殺焉。既產，有異光。乃素書一軸，則本濟經也。父以爲師，乃擲其刀。其後於敦信村登仙。今有聖女臺，拋刀池，洗經池焉。（成都記）

【神兵相助】

孔明南征，日夢周公助以陰兵，因立廟於雅州。（本州祠廟志）苻堅入寇會稽，王道子以威儀鼓吹求於鍾山之神，奉以相國之號。及堅至壽春，望八公草木，皆類人形，若有力焉。（晉書）魏永熙元年，神武與爾朱兆戰，大破之。初未戰之前，月章武人張紹夜中忽被數騎將險城，至一大將前，勅紹為軍導。向鄴云：「佐受命者除殘賊。」紹回視，兵不可測，整疾無聲，將至鄴，乃放焉。及戰，爾朱氏軍人見陣外士馬四合，蓋神助也。（北齊紀）

【宮亭神遣鯉還物】

南州有遺吏獻犀簪於孫樓者，舟過宮亭廟，乞靈神。忽下教曰：「須犀汝簪。」吏惶遽不敢應。俄而犀簪已前列矣。神復下教曰：「俟汝至石頭城返汝簪。」吏不得已，遂行。自分失簪，且得死。比達石頭，忽有大鯉魚長三尺，躍入舟，剖之得簪。（搜神記）宮亭湖孤石廟，嘗有估客下都，過之。見廟下二女子，云可為買兩童絲履，自相厚報。估客至都，市好絲履，并箱盛之。自市書刀，亦納箱內。既還，以箱及香置廟中而去，忘取書刀。至河中流，忽有鯉魚躍入船內，破魚腹得書刀焉。（同上）

【遇仙歸而年遠】

信安郡石室山，晉時樵者王質入山伐木，見二童子對奕。質因倚柯視之。童子以一物如棗核與質，質含之，便不復飢。頃童子令其歸，質承聲而去，斧柯已爛。既歸，知已數十年，親舊零落，非復昔時矣。（述異記）按吳郡穹窿山舊名爛柯山，相傳類是。北山有湖，故老相傳云：其下有居民徐公者，嘗登嶺至此處，見湖水湛然，有二人共博於湖間，自稱赤松子。安期先生有酒一壺，因酌以飲徐。徐醉而寤，其側比醒，不復見二人，而宿草攢蔓其上。家人以為死也，喪服三年。見徐公方返，今其處猶為徐公湖。（鄭緝之東陽設記）有人山行，漸深，見洞中二翁搏碁，以馬策拄地觀之。俄鞭爛鞍朽，歸家已隔數十年矣。（異苑）洞庭山有靈洞，採藥人偶入其中，如行十里，迴然天濤霞耀，花芳柳暗，丹樓瓊宇，宮觀異常。乃見衆女霓裳，冰顏醴質，來邀是人。飲以瓊漿，延入璇室，奏以簫管絲桐，餞令還家，贈之丹醴之訣，使絕飢渴而達舊鄉。已見邑里人戶，各非故物。尋

得九代孫問之，云：「遠祖入洞庭山採藥不還，今經三百年也。」拾遺記：晉太始中，北海蓬球字伯堅，入山伐木，忽覺異香，尋至北嶺，廓然宮殿盤鬱，樓臺博敞。球入門窺之，見玉樹森列，稍前有四婦人，端妙絕世，共彈棋於堂上，見球，俱驚起，謂曰：「蓬君何故得來？」球曰：「尋香而至。」立樹下，覺少飢，乃舐葉上垂露。俄一女乘鶴而至，迎悲曰：「玉華汝等何故有此俗人？」球懼而出，回顧忽然不見。至家，乃是建平中，其舊居閭舍皆爲墟矣。（廣記）衛國縣西南有瓜穴，冬夏常出水，望之如練，時有瓜葉出焉。相傳苻秦時有李班者，頗好道術，入穴中行，可三百步，廓然有宮宇，牀榻上有經書。見二人對坐，鬚髮皓白。班前拜於牀下，一人顧曰：「卿可還，無宜久住。」班辭出至穴口，見瓜數枚，欲取，乃化爲石。尋故道，得還家。人云班去已經四十年矣。（列仙傳）

【致月】

長慶初，楊隱之訪道人唐居七，因留宿。是夜月暗而不設燈。唐呼其女曰：「可將一弦月子來。」其女以片紙作月形，貼之壁間，視之曰：「今夕有客，可賜光明。」須臾滿室朗然。（酉陽雜俎）趙知微有道術，皇甫玄真等師事之。中秋積陰不解，衆惜良辰，知微曰：「可備酒肴，登天柱峯玩月。」旣出門，天色開晴，及登山峯，月色如晝。會飲月落方歸，下山則凄風苦雨，陰晦如前。（三水小牘）唐太和，周生有道術，方中秋日，客來，周曰：「我能挈月置之懷袖。」因取數百斤繩架之，云：「我將此撈取月。」乃閉目久之，忽天地俱黑，仰視無雲，俄呼曰：「至矣。」手舉其衣，出月寸許，一室盡明，寒入肌骨，食頃如故。（宣室志）

【杖成龍】

黃仁覽，許真君遜之婿也。盡得真君道妙，嘗任青州從事，單騎之官，而朝夕與真君女相見。每取竹杖化爲青龍，乘之往來。（真仙通鑑）蓋公遣費長房歸，以一竹杖與之，曰：「騎之常還家，以投葛陂中。」長房騎杖，忽然如眠，便到家，以杖投葛陂，顧之乃青龍也。（神仙傳）昔魯人有浮海而失津者，至於壘州，見仲尼及七十二子，遊於海中，與魯人一本杖，令閉目乘之，使歸告魯侯，築城以備寇。魯人出海，投杖水中，乃龍也。具以狀告，魯侯不信，俄有羣燕數萬，啣土培城，魯侯乃大城曲阜，訖而齊寇至，攻魯不克而還。（崔鴻北

燕錄)

【用藥活樹】

一道人宿曹三香店。三香有惡疾，道人針其股。又有戶外皂角樹枯死，以粒藥投窟中。俄道人
不見，翼日樹復生。三香疾亦愈。(鳳陽仙釋記) 府城內北禪寺，宋有回先生者，過之，手植樟
於殿後。數年樟死，回復造焉。問樟公安在，取瓢內藥一丸，瘞根下，樟隨活，人始悟呂仙也。(雲間古蹟)

■ 伎術

【造指南車】

越裳氏來貢，忘其歸途，周公造指南車與之。及到，車轄鐵皆盡。(崔豹古今注) 尙方北門中，
有指南車，車上有木仙人持信旛，車轉而人常指南。(述征記) 黃帝與蚩尤戰於涿鹿之野，
蚩尤作大霧，軍士迷路。帝爲指南車，以示四方，遂擒蚩尤。(古今注) 祖冲之字文遠，稽古有機思，明歷法，解鐘律，
又特善算。嘗造指南車，又造欹器及千里船等。(南史) 燕肅字穆之，青州人，多巧思，以創物。嘗造指南車，記里鼓，
及欹器。又作蓮花漏，世服其精。肅所至，刻石以記其法。(宋國史) 馬鈞與高堂隆、秦朗爭言及指南車，二子謂：「
古無之，記言之虛也。」鈞曰：「古有之。」明帝乃召鈞作之，車果成。(魏書馬鈞傳) 尙方合解飛機，巧若神妙，思
奇，發造指南車。(後趙錄)

【乘木鳥而翔】

魯般燉人，巧侔造化。嘗作木鳶，其父乘之至吳。會吳人以爲妖，殺之。般怨吳人殺其父，於
肅州城南作一木仙人，舉手指東南，吳地大旱三年。卜曰：「般所爲也。」於是賣物巨千謝
之。般爲斷其一手，是月吳中大雨。(西陽雜俎) 魏安釐王觀翔鶴而樂之，曰：「寡人得如鶴之飛，視天下如芥也。
」客有隱遊者，聞之，作木鶴而獻。王曰：「此有形無用者也。夫作無用之器，世之奸民也。」召隱遊者欲加刑焉。
隱遊曰：「大王知有用之用，未悟無用之用也。今臣請爲王翔之。」乃取而騎焉，遂翻然飛去，莫知所之。(異苑)

唐高駢爲呂用之所惑爲宮鶴設機關觸人則飛動駢衣羽服乘之狀若仙去（五車韻瑞）

【刻鳥能翔】

公輸子之刻鳳也，冠距未成，翠羽未樹，人見其身者，謂之鳩鷄，見其首者，名曰鴝鵒，皆訾其醜而笑其拙。及鳳之成，翠冠雲聳，朱距電搖，錦身霞散，綺翻焱發，一翥翻翔雲棟，三日而不集。然後讚其奇而稱其巧。（劉子）天姥山南峯，昔魯班刻木爲鶴，一飛七百里，後放於北山西峯上。漢武帝使人往取之，遂飛上南峯，往往天將雨，則舉翅飛搖，若將飛奮。（述異記）張衡嘗作木鳥，假以羽翮，腹中施機，能飛數里。（文士傳）

【病魂避醫】

晉侯疾病，求醫於秦，秦伯使醫緩治之。未至，公夢二醫子曰：「彼良醫也，懼傷我焉，盍逃之？」其一曰：「居盲之上，膏之下，若我何？」醫至曰：「疾不可爲也。在盲之上，膏之下，攻之不可達之不及，藥不至焉。」公曰：「良醫也！」厚禮而歸之。（左傳）秦王俊有疾，上馳召許智藏治之。王夢其亡妃崔氏泣曰：「本來相迎，許智藏將至，當必相苦，爲之奈何？」明日俊又夢曰：「妾得計矣，當入靈府中避之。」及智藏至，爲王診脈曰：「疾已入心，當即發痲，不可爲也。」後果數日薨。（隋書）

【辨雀語】

公治長辨鳥語云：「嘈嘈噴噴，白蓮水邊，有車覆粟，車脚淪泥，犢牛折角，收之不盡，相呼共啄。」人驗之果然。（海錄）楊宣爲河西太守，行縣有羣雀鳴桑顛，宣謂吏曰：「前有覆車粟，此雀相隨欲往食。」行數里，果有覆車粟。（益都耆舊傳）成武丁，郴人，能達鳥音，爲郡主簿。聞雀鳴，謂座中人曰：「東市糞粟車覆，雀相呼往食之。」衆遣視果然。（桂陽先賢贊）白龜年能辨禽語獸言，後遊潞州，太守召而問之。庭下適有二雀啾啾而過，太守曰：「彼何言也？」曰：「城西民有廩餘粟在地，呼食之。」守令人驗之果然。（翰府名談）安德令劉長仁聞管輅曉鳥語，初不信之。須臾有烏鵲來閣屋上，聲甚急，輅曰：「鵲言東北有婦，昨殺夫，牽引西家人，夫離妻，候不過日，在虞淵之際，告者至矣。」至時果有東北同伍民來告，如輅言，長仁乃服。（魏志）

【挑怒已疾】

文摯視齊王疾，謂太子曰：「非怒王，疾不可活。」摯因不解履登床問疾，王怒，不與言。摯因出，同辭以重王怒。王吐而起，疾遂已。（呂氏春秋）有一郡守病，陀以爲其人盛怒，卽瘥，乃多受其貨而不加功。無何棄去，留書罵之，守果大怒，吐黑血數升而愈。（魏志華陀傳）

【辨馬語】

廣漢相翁仲能聽馬獸之音。嘗乘塞馬之野，而田間有放馬者，相去里許，鳴聲相聞。翁仲謂其御曰：「彼馬目眇，彼馬罵此馬塞，此馬亦罵彼馬眇。」其御不信，往視彼馬，果目眇。（論衡）李南乘赤馬行，道逢他人乘白馬者，白馬先鳴，而南亦馬應之。南謂從者曰：「彼馬言汝常見黃馬，左目盲者，是吾子可爲駛，行相及。」從者不信，行二里許，果逢黃馬，而左目盲。南馬先鳴，而黃馬應之，問其主，果向白馬子也。（抱朴子）

【瀉洗腸胃】

愈附療病，不以湯液，乃割皮解肌，瀉洗腸胃，激滌五臟。（史記）華陀精於方藥，若疾結於內，針藥所不能及者，乃先令以酒服麻沸散，既醉，無所覺，因刳破腹背，抽割積聚，若腸胃則斷截，瀉洗，除去疾穢，旣而縫合，傳以神膏，四五日創愈，一月間皆平復。（魏志華陀傳）

【吐蛇病已】

華陀嘗行道，見有病咽者，因語之曰：「向來道隅賣餅，家有萍蠶，甚酸，可取汁三升飲之，病自當去。」卽如陀言，乃立吐一蛇，疾遂愈。（後漢書）玄俗者賣藥於都市，治百病。河間王病瘕，買其藥服之，吐蛇十許頭，病遂已。俗謂王曰：「王病乃六世殃，非今世所招也。乃嘗放乳鹿，麟母也，仁心感天，故當遇俗。」語竟，遂不見。後見在常山下。（搜神記）

【青囊書】

華陀曉養生之術，精於方藥。曹操積苦頭風眩，陀針隨手而瘥。去家久思歸，乃就操求還取方，因託妻疾，數期不反。操累書呼之，不肯至。操怒殺之。陀臨死出青囊書一卷，與獄吏曰：「此可以活人。」吏畏法，不敢受，索火燒之。（後漢書）郭公者，客居河東，精於卜筮，郭璞從之受業。公以青囊中書九卷

與之，門人趙載嘗竊之，爲火所焚。（晉書）

取魚作膾

左慈字元放，曹公高會，珍羞略備，少松江鱸魚。慈以銅盆貯水，釣水中，引出魚，皆長三尺，以作膾。周浹會者。（搜神記）謝紉嘗會客，以朱書符投井中，忽有雙鯉跳出，卽命作膾，一座皆徧。

（北堂書鈔）

藥戕物命滯仙果

陶隱居修習求僊，多歷年所，而鸞鶴杳然，心甚疑之。他日其都養光上昇者，來告曰：「上帝以子註本草，用水蛭爲藥，殺命良多，故他行雖滿，以是爲譎。」隱居乃悟，改用他藥。（曾端甫護生通）有僊人謂孫思邈著千金方，多以物用爲藥，以害物之故，不獲上昇。其後思邈乃取草木藥以代蟲蟲水蛭，作千金方翼三十篇。（東坡題孫思邈眞詩註）

畫像生光

洛宮故事：天皇寺柏堂有張僧繇圖盧舍那佛，夜有奇光發屋。（萬花谷）晉顧愷之於瓦官寺北殿內，畫摩居士畫筆，光輝月餘不滅。（名畫觀）增家寺有寶月殿，跋摩於殿北壁，手自畫作羅雲及定光儒童布髮之形，像成之後，每夕放光，久之乃歇。（神僧傳）

畫鷹毆鳥

潤州興國寺苦鳩鴿栖止梁間，穢污尊像。張僧繇乃就東壁間畫一鷹，西壁畫一鶴，皆側首向簷外，自是鳩鴿等不復敢來。（朝野僉載）北齊高孝珩，世宗第二子，封廣寧郡王，博涉多才藝。嘗於廳壁畫蒼鷹，觀者疑其爲眞，鳩雀皆不敢近。又畫朝士圖，當時稱妙絕。（名畫記）

符致魚

謝允從武當山還，在桓宣武座，有言及左元放爲曹公致鱸魚者。允曰：「此可得耳！」求大甕盛水，朱書符投水中，俄有鯉鼓鬣水中。（續搜神記）葛玄與吳主坐樓上，時大旱，請雨，玄曰：「雨易得耳。」卽書符著社中，一時大雨流淹。帝曰：「水中有魚乎？」玄復書符擲水中，須臾有大魚數百頭，使人取食之。（神仙傳）

【帝飛白書】

太宗王羲之書，尤善飛白。嘗宴三品以上於玄武門，帝操筆作飛白字，賜羣臣，或乘酒爭取於帝手。洎登御座，引手得之，皆奏曰：「洎登御床，請付法。」帝笑而言曰：「昔聞婕妤好辭，今假六翻。」李敬元曰：「資啓沃，罄丹誠。」崔知悌曰：「竭忠節，贊皇猷。」皆見意於辭云。（唐書戴至德傳）帝飛白書「玉堂之署」四字，以賜翰林承旨蘇易簡。（宋史太宗紀）仁宗萬幾之餘，無所玩好，惟親翰墨，而飛白尤爲神妙。飛白以點畫象形物，而點最難工。至和中，有書待詔李唐卿撰飛白三百點以進，自謂窮盡物象，上亦頗佳之，乃特爲「清淨」二字以賜之。其六點尤爲奇絕，又出三百點外。（歐陽修歸田錄）

【活死馬】

趙固所乘馬，忽死，固甚悲惜之。問郭璞，璞曰：「可遣數十人持竹竿東行三十里，當有邱陵林，樹便攪打，當有一物出，急抱歸。」於是如璞言，果得一物，似猴，入門見死馬，跳梁走向死馬頭，噓吸其鼻，馬卽起，亦不復見猴。（搜神記）謝尚書乘馬忽死，尚甚愛惜，時有夏侯宏自言見鬼神與言語，尙初不信，弘曰：「我能令馬活，信通神不。」乃下牀，立良久，還曰：「廟神愛君馬，今已請得還。」須臾衆人皆見馬從外來，至死馬邊，便滅，死馬卽活。（怪志）

【占火煙】

滎陽麴紹善占，侯景欲試之，使與郭生俱卜。二伏牛，何者先起。卜得火兆，郭曰：「赤牛先起。」紹曰：「青牛先起。」景問其故，郭生曰：「火色赤，故知赤牛先起。」紹曰：「火將然，烟先起，烟上色青，故知青牛先起。」旣而如紹言。（北史）魏璘以卜名世宗，遼太宗得於汴。天祿元年，上命馳馬較遲疾爲勝負，問王白及璘孰勝，白奏曰：「赤者勝。」璘曰：「火雖王，而上有煙，以煙察之，青者必勝。」旣馳，竟如璘言。（遼史）

【木人樂戲】

馬鈞巧思絕世，設爲女樂舞象，至令木人擊鼓吹簫，或跳丸擲劍，緣絙倒立。（傅玄傳）煬帝

別勅學士杜寶修水飾圖經十五卷，與黃袞於苑內造之。新成，以三月上巳日，會羣臣於曲水，以觀水飾。至有木人擊磬、撞鐘、彈箏、鼓瑟，皆得成曲，及爲百戲、跳劍、舞輪、升竿、擲繩，皆如生無異。（大業拾遺）北齊沙門靈昭甚有思，武成帝令於山亭造流杯池船，每至帝前，引手取杯，船卽自住。上有木小兒撫掌，遂與絲竹相應。飲訖，放盃，便有木人引船行，上飲若不盡，船終不去。（太平廣記）

【酒不盡杯不去】

沙門靈昭爲武成帝造流杯池，木人運船至帝前，船輒自住。飲訖，放盃，木人便引船，飲若不盡，盃終不去。（廣記）僊翁爲客設酒，不令人傳，客應飲，盃自至其前。若飲不盡，則杯

不去。（葛仙翁傳）

【畫 去】

寧王善畫馬，開元興慶池南草蓼樓壁上，有「六馬滾塵圖」，內有玉面花驄，明皇最眷愛。風鬃霧鬣，纖悉畢肖。後竟失去，壁上唯五馬存焉。（柳宗元龍城錄）李思訓畫一魚，甫完，有客叩門出迎，尋失畫魚。覓之，乃風吹入池水中，拾視之，惟空紙耳。後思訓臨池，每見一魚，宛如所畫者。（臥遊記）王維爲岐王畫一大石，信筆揮灑，自有天然之致。王寶之。時於眾叢間，獨坐注視，作山中想，悠然有餘趣。數年後，益有精彩。一旦大風雨中，雷電俱作，忽拔石去，屋宇俱壞，不知所之。後見空軸，乃知畫石飛去耳。憲宗朝，高麗遣使言，幾年月日，大風雨中，神嵩山上飛一奇石，下有王維字印。知爲中國物，王不敢留，遣使奉獻。上命羣臣以維手蹟校之，無毫髮謬。上始知維畫神妙，徧索海內，藏之宮中。地上俱洒雞狗血以壓之，恐飛去也。（丹青記）張僧繇嘗於金陵安東寺畫四龍，不點目睛，謂點之則驤騰而去。人以爲誕，固請點之，因爲落墨，纔及二龍，果雷電破壁。徐視畫已失矣。（宣和畫譜）會稽山禹廟，舊傳廟有梅梁，張僧繇畫龍於上。一夕，風雨，飛入鏡湖。次日見梁間水藻，人始異之。（會稽志）

【畫清濟貫河圖】

戚文秀工畫水，筆力調暢，畫「清濟貫河圖」，一筆長五丈，自邊際起，通貫於波浪之間，

於衆毫不失次序，超騰回摺。（夏文彥圖繪寶鑑）畫鑒載常州佛名後濟，有徐友畫水，亦名「清寺貫河」，中有一筆，尋其端末，長四十丈，筆法既老，波浪起伏相對活動，愈看愈奇。（同上）

馮道子琵琶，號「繞殿雷」。（五代史）文宗朝內臣鄭中丞有二琵琶，號大小忽雷。（樂府雜錄）

【夢 虎】 蔡君謨嘗夢爲虎所逼，有一人救之。虎既去，與之坐，曰：「公貴人也，但頭角不正。」手爲按之，曰：「骨已正矣。」翌日，李士寧道人謁君謨，謂曰：「夜夢頗驚惶否？」君謨愕然，視其狀，乃夢

中逐虎正骨者，遂異之。（江寧志）東坡先生知揚州，一夕夢在山林間，忽見一虎來噬，公方驚怖，有一紫袍黃冠，以袖障公，叱虎使去。及旦，有道士投謁曰：「昨夜不驚畏否？」公叱曰：「鼠子敢爾！本欲杖汝脊，吾豈不知子夜內術也？」道士慚懼而退。

德行

【讓爲閒田】 虞芮之君，相與爭田，久而不平，乃相謂曰：「西伯仁人也，盍往質焉？」乃相與朝周，入其境，則

君，感而相謂曰：「我等小人，不可以履君子之庭。」乃相讓以其所爭田爲閒田而退。（毛萇詩傳）元文遙自洛還鄴，唯有地十頃，家貧，所資衣食。有人冒相侵奪，卽以與之。及貴，此人將家逃竄，文遙大驚，追加慰撫，還與之，愧而不受，俱讓，遂謂閒田。（北齊書）王志爲宣城內史，民有爭田久不決者，父老相謂曰：「何忍負王府君德政耶？」

【還 帶】 白中令應舉，屢不第，詣葫蘆生問命，生殊不許。後入安上門，見一婦人，以新紫帕封在關中女

奴力勸，置於門闥，車馬駢集。婦人女奴相失，帕在闥旁，公爲守衛。至日晏，其主竟不至。忽婦人號泣而來曰：「夫犯刑憲，有能救護，唯需寶帶。今辰遺失，夫不免極刑矣！」公以帶還之，其人泣謝而去。明日再見，葫蘆生曰：「秀才近種陰德，來年及第，位極人臣。」（芝田錄）裴晉公質狀眇小，有相者曰：「郎君若不至貴，卽當餓死。」一日遊香山寺，有婦人以父被罪，假得玉帶三，犀帶一，以賂津要，置於欄楯，忘收之而去。公得而授之。後見相者曰：「君必有陰德及物。前途萬里，非某所知也。」度果位極人臣。（摭言）

【護 蟄 蟲】

曹武惠王，彬性仁愛，不忘殺所居堂室弊壞，子弟請加修葺，武惠答曰：「時方大冬，牆壁瓦石之遊且蟄者失其所也。」（宋書趙汝愚傳）（按善應汝愚父）

【朱黑銘黑白豆】

陳宓信道甚篤，嘗爲朱墨銘，謂朱屬陽，墨屬陰，以驗理欲分寸之多寡。（宋史）趙叔平平生用功，以一器盛黑豆，一器盛白豆，中間置一虛器，一善念動，則取白豆投其中，惡念動，則取黑豆投其中；至夜驗其善惡念之多寡。（朱子語錄）徐文靖公溥，亦以二瓶貯黃黑豆，驗起念之善（本傳）

【畫作夜書】

趙抃日所爲事，入夜必衣冠露香，以告於天，不可告者，不敢爲也。（宋史本傳）陸九韶字子美，隱居山中，畫之言行，夜必書之。（撫州人物志）（夫畫作夜書多矣，如劉甲生有自監元許謙有自省編至諸書所載而未見者不少，辨此二則亦不過寓勸懲之意云爾）

敏慧

【船人舌辯】

梁相死，惠子欲之，梁渡河而遽墮水中，船人救之。船人曰：「子欲何之而遽也？」曰：「梁無相，

吾欲往相之。」船人曰：「子居船楫之間而困，無我則子死矣；子何能相梁乎？」惠子曰：「子居艘楫之間，則吾不如子；至於安國家全社稷，子之比我，蒙蒙如未視之狗耳。」（劉向說苑）西閩過東渡河，中流而溺，船人接而出之，問曰：「今者子欲安之？」西閩過曰：「欲東說諸侯王。」船人掩口而笑曰：「子渡河中流而溺，不能自救，安能說諸侯乎？」西閩過曰：「無以子之所能，相傷為也；子獨不聞和氏之璧乎？價重千金，然以之間紉，曾不如瓦礫；隋侯之珠，國之寶也，然用之彈雀，曾不如泥丸；騏驎駉，倚衡負輓而趨，一日千里，此至疾也，然使捕鼠，曾不如百錢之狸；干將莫邪，拂鐘不鏗，試物不知，揚刃離金，斬羽契鐵斧，此至利也，然以之補履，曾不如兩錢之錐；今子持楫，乘扁舟廣水之中，當陽侯之波，而臨澗流，適子所能耳；若試與子東說諸侯王，見一國之主，子之蒙蒙，無異夫未視之狗耳。」（同上）甘戊使於齊，渡大河，舟人曰：「河水開耳，君不能自渡，能為王者之說乎？」甘戊曰：「不然，汝不知也。物各有短長，謹愿敦厚，可事主，不施用兵。騏驎駉，足及千里，置之宮室，使之捕鼠，曾不如小狸；干將為利，名聞天下，匠以治木，不如斤斧。今持楫而上下隨流，吾不如子；說千乘之君，萬乘之主，子亦不如戊矣。」（同上）

【獻珥美一勸所欲立】 薛公相齊，齊威王夫人死，中有十孺子，皆幸於王。薛公欲知王所最寵，請置為夫人。於是為十玉珥，而美其一，獻之。明日坐視美珥之所在，而勸王以為夫人。（韓子）楚王后死，未立后也，謂昭魚曰：「公何不請立后？」昭魚因買五雙珥，令其一善而獻之。王明日視善珥所在，請立之。（國策）

【見物知名】

東方朔與弟子俱行，朔渴，令弟子叩道旁門，不知室主姓名，呼不應。朔復往見博勞，飛集其家，即入取飲與之。（東方朔別傳）釋道安與弟子惠遠等四百餘人，渡河南游。夜行，值雷雨，乘電光而追。前行得人，家見門裏有兩馬柳，柳間懸一馬兜，可容一斛。安使呼林百升，主人驚出，果姓林，名百升。謂是神人，厚相賞接。既而

弟子問何以知其姓氏，安曰：「兩木爲林，兜容百升也。」（高僧傳）

【童子郎】

漢左雄奏汝南謝廉，河南趙建，年十二能通經，拜童子郎。（玉海）臧洪年十五，拜童子郎。○黃琬以公孫拜童子郎。○司馬伯達年十二，試經爲童子郎。○梁岑之敬，年十六，策春秋左氏制旨孝經義，擢高第，召入簡試，除童子奉車郎。（並同上）

【彊記口疏】

應奉字世叔，少聰敏，爲郡決曹史，行部四十餘縣，錄囚徒數百千人。及還，太守備問之，奉口說罪繫姓名，坐狀輕重，無所遺脫。又爲上計吏，許訓爲計掾，俱到京師，訓自發鄉里，在路書頓暮宿，所見賓客、亭長、吏卒、奴僕，目所更見，皆密疏姓名。還郡出疏示奉，奉省讀之云：「前食潁川綸氏都亭亭長胡奴名祿，以飲漿來，何不在疏？」一座中皆驚。（謝承漢後書）宋蕭惠開，明識過人，嘗閱沙門籍，凡三千人，一過退無所失。（北史）馮子琮，皇建初，爲尙書駕部郎中，攝庫部。李昭曾閱簿領試令口，陳子琮，開對無有遺吳。（同上）吳郡陸績，初任郡戶曹史，饑荒，太守尹興使績於都亭設饘粥，績悉簡閱其人，訊以名氏，事畢，興問所賑幾何，績因說六百餘人，皆分別姓名，無有誤謬。（後漢書）吳朱桓，字休穆，爲前將軍，彊識，與人一面，數十年不忘，部曲萬口，妻子盡識之。（白帖）夏侯榮，字幼權，淵子也，七歲能屬文，誦書日千言，經目輒記。文帝聞而請焉，賓客百餘人，人一奏刺，悉書其鄉邑名字，世所謂博里刺也。客視之一寓目，使之徧談，不謬一人。（同上）（或作夏侯湛）崔仁師爲度支郎中，嘗奏府支財物數千，手不執本，太宗怪之，令杜正倫賈本，仁師對唱，一無差殊。（唐書）顏真卿調犀浦主簿，嘗送徒益州，亡其籍，至廷口，記物色凡千人，無所差。長史陸象先異之。（同上）內黃一行，張公瑾，孫自幼穎異，從普寂禪師。唐玄宗召問曰：「卿何能？」對曰：「善記覽。」卽取宮人籍示之，覽畢，覆其本，記念精熟，如所素習，帝呼爲能人。（大名仙釋志）張巡守睢陽，兵三千人，掩簿唱名，一人不差。（本傳）韓顯宗嘗與沙門法撫校試抄百餘人名，各覽一遍，隨卽覆呼，法撫舛謬一二，顯宗了無錯誤。（後漢書）賈毓，旣孤，仕郡戶曹，歲荒人飢，太

守尹興使於都亭設貧人粥，訊名字，畢太守問口說六百人姓名，無錯謬。（同上）唐邕在御前簡閱，雖三五百人，多不執文簿，暗唱官位姓名，未嘗謬誤。（北史）

【半 面】

應奉年二十，時嘗詣彭城相袁賀，賀時出行，閉門造車，匠於內開扇，出半面視奉，奉即委去。後數十年，於路見車匠，識而呼之。（後漢書）楊愔字遵彥，聰明強記，半面不忘。東魏以愔典選，有選人魚漫漫，自言猥賤，不蒙記。惜曰：「卿前在元子思坊騎禿尾草驢，遙見我不下，以方麴障面，我何不識卿耶？」漫漫驚服。（三國典略）

【易人示匈奴】

承宮名播匈奴。時單于使求見宮，顯宗勅自整飾。宮對曰：「夷狄眩名，非識實者也。臣貌寢，不可以示遠人。」帝乃以大鴻臚魏應代之。（後漢書）魏武將見匈奴使，自以形陋，不足雄遠國，使崔季珪代。帝自捉刀立牀頭，既畢，令問誰問曰：「魏王何如？」匈奴使答曰：「魏王雅望非常，然床頭捉刀人，此乃英雄也。」魏武聞之，追殺此使。（世語說新）

【想當然耳】

孔融與曹操書，稱武王伐紂，以妲己賜周公。操不悟，後問出何典，答曰：「古今度之，想當然耳！」（孔融傳）東坡試刑賞忠厚之至論，其間有云：「臯陶曰殺之三，堯曰宥之三。」及入謝，歐陽公問其出處，東坡曰：「想當然耳！」羣公大笑。（蘇文註）

【文不加點】

黃祖大會賓客，人有獻鸚鵡者，祖舉卮酒於衡曰：「願先生賦之，以娛嘉賓！」衡攬筆而作文，不加點，辭彩甚麗。（禰衡別傳）梁武帝招延後進二十餘人，置酒賦詩，蕭介染翰便成，文不加點。（梁書）開皇中，有神雀降於含章門，高祖因召百官賜讖，許善心於座請紙筆製頌，奏之高祖，喜曰：「文不加點，筆無停毫。」嘗聞此言，今見其事。」因賜物二百段。（隋書）

【下 水 船】

吳沈顏，天復初進士，後為吳翰林學士，少有詞藻，場中語曰：「下水船沈顏。」言為文敏速也。

（史學壁珠）朱梁時，張洎爲學士。一日梁祖問及裴延裕曰：「頗知其人思敏。」洎曰：「向在翰林，號下水船。」帝曰：「卿使可謂上水船。」洎甚慚。（同上）

【聽曲知亡】

升平末俗，間忽作靡歌，有扈兼者聞之曰：「廉者臨也，國家其大諱乎？」少時而穆帝晏駕。（晉書）隋樂人王令言，妙達音律。大業末，煬帝將幸江都，令言之子，嘗於戶外彈胡琵琶，作翻調安公子曲。令言時臥室中，聞之驚起曰：「變變！」急呼其子曰：「此曲與自早晚？」其子曰：「頃來有之。」令言遂歔欷流涕，謂其子曰：「汝慎無從行，帝必不返。」子問其故，令言曰：「此曲宮聲，往而不返，宮君也，吾所以知之。」帝竟被弑於江都。（北史）

【耳目手口齊用】

宋劉穆之內總朝政，外供軍旅，決斷如流，事無壅滯，目覽詞訟，手答牋書，耳行聽受，口並酬應，悉皆瞻舉，不相參礙。（本傳）劉炫左手畫方，右手畫圓，口誦目數，耳聽五事同舉，無所遺失。（隋書）文宣啓太后云：「唐邕一人當千。」又云：「邕手作文書，口且處分，耳又聽受，實是異人。」（慧氏類林）元嘉少聰俊，左手畫圖，右手畫方，口誦經史，目數羣羊，兼成四十字詩，一時而就，足畫五言一絕，六事齊舉，號神仙童子。（潮野僉載）

【刻燭賦詩】

齊竟陵王子良，常夜集學士，刻燭爲詩，四韻者刻一寸，以此爲率。（蘇詩注）王泰預朝宴刻燭賦詩。（南史王泰傳）

【童年以經諫】

柳偃平十二，武帝問讀何書？對曰：「尚書。」曰：「何句？」美對曰：「德惟善政，政在養民。」（梁書）蘇長世年僅十歲，周武問讀何書？長世曰：「孝經論語。」曰：「何言可道？」對曰：「爲國不侮鰥寡，爲政以德。」（周書）中宗嘗召宰相蘇瓌、李嶠、崔融、王勃、楊炯之進見。二丞相子皆童年，上近撫於赭袍前，賜與甚厚。因語二兒曰：「爾日憶所通書，可奏爲吾者言之。」頽應曰：「木從繩則正，后從諫則聖。」嶠子（失其名）

亦進曰：「新朝涉之脛，割賢人之心。」上曰：「蘇壤有子，李嶠無兒。」（摭異記）

【三刻成詩】梁武帝限三刻賦詩，三十韻，謝微三刻成詩。（梁書）到沈三刻成詩三百字。（同上）

【三刻課詩】

梁武帝命羣臣賦詩，獨詔到沈，為二百字，三刻便成。沈於座立奏。（廣韻錄奇）魏中山王元略還北，梁武帝餞於武德殿，賦詩三十韻，限三刻成。謝微二刻便就，文甚美。（同上）中大通五年，高祖宴羣臣，樂遊苑，別詔翔與王訓為二十韻，限三刻成。翔於座立奏，帝甚異之。（梁書諸翔傳）

【手腕脫】

時京師臺閣文帙遭火無遺，詔郡國悉上民間所藏。鄧阿魯為郡小吏，差送圖籍至京，奏乞書吏二百人口，占分授并，自布籌敏速如飛。吏曰：「告公緩之，手腕脫矣！」（齊任昉傳）蘇頌字延碩，幼敏悟，一覽至千言，輒覆誦。時玄宗平內難，書詔填委，獨頌在太極後閣，口所占授，功狀百緒，輕重無所差。吏白曰：「丐公徐之，不然手腕脫矣！」（新唐書）

【十事無遺】

虞荔年九歲，隨從伯闡候，太常陸倕，倕問以五經十事，荔對無遺失。（本傳）吾千載字德基，年十二，隨叔父稜，見汴國劉顯，顯問以漢書十事，載隨問，應無疑滯。（本傳）

【孫代祖筆】

到溉孫蓋，早聰慧，溉文章假手於蓋，每和詩，梁武帝戲溉曰：「得毋貽厥之力乎？」（南史）許敬宗孫彥伯，昂子也。敬宗晚年不復下筆，凡大典冊，一凡彥伯所為。敬宗嘗戲昂曰：「吾兒不及若兒！」昂答曰：「渠父不如昂父。」（唐書）

【一日千里】

宋弁字義和，西河人，與李冲言論移日。冲曰：「此人一日千里，王佐才也。」（北史）黃庭堅字魯直，洪州分寧人，幼警悟，從舅李常見之，以為一日千里。（宋史）

【置貴妃膝】

李泌字長源，玄宗嘗與張說奕，召泌賦，方圓動靜，應聲對曰：「方若行義，圓若用智，動若騁才，靜若得意。」時七歲，帝呼為奇童，入宮坐貴妃膝，與太子稱布衣交。（雍州人物志）劉晏

以神童爲祕書正字，方十歲，上召入樓中，貴妃置於膝上，爲施粉黛。（明皇雜錄）

【鞋者諧也】

李泌未相時，宿內院，阿足師旦起，竊泌鞋送之，帝所。帝即送泌曰：「夫鞋者諧也，常爲弼諧事，且諧矣。」（鄴侯家傳）霍小玉與十郎既睽，夢與之鞋，覺而語人曰：「鞋者諧也，嘗相見。」

（虞初志本傳）

【口占數吏不給】

岑文本字景仁，鄧州人，性沉敏，善文詞。時詔誥填委叢遽之中，勅史六七輩泚筆分寫，口占授成，略無遺意。（合璧）裴琰，永徽中爲同州司戶參軍，年甚少，刺史李崇又內輕之。時積案數百，崇又讓使趣斷琰命書吏數人，執紙筆口判，須臾立畢。既予奪當理，而筆詞勁妙，由是名動一州，號「霹靂手」。（同上）陸贄從德宗狩奉天，機務填總，遠道召發，奏請報下書詔，日數百通。贄初若不經意，逮成皆周盡事情，衍釋熟複，人人可曉，旁吏承寫不給。（本傳）徐紇有機辯強力，終日治事，不以爲勞。時有急詔數吏執筆，或行或臥，人別占之，造次俱成，不失事理。（焦氏類林）

【九經不遺一字】

晏元獻年十四歲，默通九經，不遺一字。（葉夢得避暑錄話）楊文公十一歲，真宗嘗親試以九經，不遺一字。（同上）

【文成奪賞】

武后命賦龍門詩，先成者賜錦袍，左史東方虬先成，拜賜坐，未安。宋之問詩成，文理兼美，左右莫不稱善，乃就奪袍衣之。（隋唐嘉話）宋書尙王儉集才學多者賞之，唯盧江何憲爲勝，賞五花箒，白團扇。王摛日至，操筆立成，舉坐歎賞，奪憲箒。（宋史）

【辨水】

李贊皇作相時，有親知奉使京口，贊皇曰：「還日金山下取中泠水，與取壺一來。」其人舉棹醉而忘之。至石頭城，方憶及，汲一瓶，獻李，飲之曰：「此頗似建業石頭城下水。」其人謝過，不敢隱。（中朝故事）真儀陸秀卿至維揚，逢陸鴻漸，李曰：「陸君別茶，聞揚子南瀛水，又殊絕，今者二妙，千載一遇。」

「命軍士深入南瀾，陸利器以俟。俄而水至，陸以杓揚水曰：「江則江矣，非南瀾，似臨岸者。」既而領水及半，陸遽止之，又以杓揚之曰：「自此南瀾矣！」使者蹶然曰：「某自南瀾持至岸，偶覆其半，取水增之，真神鑿也。」（溫庭筠探茶錄）蒲元性為諸葛武侯鑄刀三千，自言漢水鈍弱，不任淬，用蜀江爽烈，是謂「大金之水精」。命人於成都取江水，水至，蒲言雜濟水，不可用。取者悻言不雜，蒲以刀畫水，言雜八升。水取者叩頭云：「於涪津覆水，遂以涪水八升益之。」（太平御覽）

【四歲能詩文】

蕭穎士四歲能屬文。（本傳）權德輿四歲，能屬詩，七喪居父喪，以孝聞。十五為文數百篇，編為童蒙集十卷。（舊唐書權德輿傳）

【五歲能詩文】

元絳生而敏悟，五歲能作詩。（宋史本傳）李詔父文饒，為台州司理參軍，每謂人曰：「吾司臬多陰德，後必有興者。」詔五歲能賦梅花，嘉定四年，與其兄寧同舉進士。（宋史本傳）

【六歲能詩文】

江革六歲，善屬文。（梁書）江淹六歲能屬詩。（梁典）雲字士龍，六歲能屬文賦詩。（晉書陸雲傳）萬適字縱之，陳州宛邱人，六歲即為詩，及長喜學問。（宋史隱逸傳）羅點字

春伯，撫州崇仁人。六歲能屬文。（宋史本傳）苗台符六歲能屬文，聰悟無比。十餘歲，博覽羣籍，著臯心三十卷，年十六及第。（玉保定撫言）

【七歲能詩文】

略賓王七歲能賦詩。（本傳）敬彝少聰敏，七歲解屬文，性又端謹，宗族咸重之。號為「甘露頂」。舊唐書裴敬彝傳）劉孝綽幼聰敏，七歲能屬文。（南史）李伯藥七歲能屬文。（宋史）李璟，七歲能屬文，嘗夢大鳥啣書吐口中，吞咽，自後藻思日進。（顏真卿宋景神道碑）杜甫上書，自言自七歲屬辭，且四十年，然衣不蓋體，常食於人。（雁湖王文公詩注）

李賀年七歲，名動京師。韓退之皇甫湜覽其文曰：「若是古人，吾曾不知；若是今人，豈有不知之理？」二公因詣其門，賀總角荷衣而出。二公合面賦一篇，目爲高軒過。（王保定撰言）楊嗣復父於陵，韓湜有愛女，謂妻柳氏曰：「吾閱人多矣，無如楊生貴而有壽，生子必爲宰相，因以女妻於陵。寓居揚州，而生嗣復，湜見之，撫其首曰：「名位果踰於父，楊門之慶也。」因字爲慶門。嗣復七歲能屬文，後果爲相。（舊唐書）楊億七歲善屬文，十一以童子召對，賦詩五篇，下筆立成。太宗歎異，以爲祕書省正字。（東都事略）夏侯榮字幼權，幼聰慧，七歲能屬文，誦書日千言，經目輒識之。（劉劭幼童傳）王筠字元禮，幼警悟，七歲能屬文。（梁書）莊年七歲，能詩，嘗登沈梨嶺，得句警拔，觀者驚異。（宋史本傳）王褒七歲能屬文，外祖梁司空袁昂愛之，謂賓客曰：「此兒當成吾宅相。」（北史）晏殊字同叔，七歲能屬文，景德初以神童薦帝，召殊與進士千餘人並試廷中，殊神氣不懼，援筆立成。（宋史本傳）劉溫叟字永齡，七歲能屬文，善楷隸。（宋史本傳）盧稹字叔微，杭州人，幼穎悟，七歲能詩。（宋史本傳）郭忠恕字恕先，河南洛陽人，七歲能誦書，屬文，舉童子及第。（宋史）陸持之字伯微，象山先生九淵之子也。七歲能爲文。（宋史）孺嘗七歲能屬文，父嘗謂賓客曰：「此吾家明珠。」（宋書）張昭七歲詠史詩百餘篇。（宋史本傳）歡年七歲，畫甲子，有簡三篇，歡析計，遂知六甲。家貧，父使驅田中雀，歡作黃雀賦而歸，雀食過半，父怒，欲撻之，見賦乃止。（齊書顧歡傳）艾南英字千子，東鄉人，七歲作竹林七賢論。（明史本傳）

【八歲能文詩】

魏文帝八歲能屬文。（北堂書鈔）謝元正八歲爲春日閒居詩，從舅王筠奇之，謂所親曰：「至如風定花猶落，」乃追步惠連矣。（南史謝貞傳）裴秀少好學，有風操，八歲能屬文。時語曰：「後進領袖有裴秀，」後爲司空。（晉書本傳）何遜八歲能賦詩。（梁書）任昉八歲能屬文，褚彥回謂昉父遙曰：「卿有令子，所謂人不爲少。」（南史）徐齊暉八歲能屬文，太宗召試。（玉海）劉晏，玄宗封泰山，八歲獻訟。（同上）李舜臣，字子思，并研人，生四年知讀書，八歲能屬文。（宋史本傳）蔡元定，字季通，生而穎悟，八

歲能詩，日記數千言。（宋史本傳）從典字由儀，幼而聰敏，八歲讀沈約集，見回文研銘從典，援筆擬之，便有佳致。十三作柳賦，其詞甚美。（陳書陸瑗傳）（從典瑗第三子也）劉庠字希道，彭城人，八歲能詩。（宋史本傳）景明字仲默，信陽人，八歲能詩古文。（明史何景明傳）劉溥字原博，長洲人，八歲賦溝水詩，時日爲聖童。（明史本傳）

【九歲能詩文】

高郢九歲通春秋，能屬文。（唐書）元微之九歲能屬文。（唐書本傳）范質之生夕，父母夢神人授以五色筆，九歲能屬文。（宋史本傳）班固字孟堅，九歲能屬文。（北堂書鈔）滕元發東陽人，將生之夕，母夢虎行月中，墮其室，九歲能賦詩。（宋史本傳）王禹偁字元之，九歲能文，畢士安見而器之。○趙師民字周翰，九歲能屬文，舉進士及第。（俱宋史本傳）儲瓘字靜父，秦州人，九歲能屬文。（明史本傳）祝允明字希哲，長洲人，生而枝指，故自號枝山，又號枝指生。五歲作徑尺字，九歲能詩。○歸有光字熙甫，崑山人，九歲能屬文。○朱善字備，萬豐城人，九歲通經史大義，能屬文。（俱明史本傳）

【十歲能詩文】

謝惠川十歲能屬文。（南史）邢子才十歲能屬文。（齊書）謝朓字敬冲，謝莊子，幼聰慧，十歲能屬文。莊遊土山，使朓命篇，攬筆便就。莊撫其背曰：「真吾家千金！」（南史）徐鉉字鼎臣，十歲能屬文。長與韓熙載齊名江南，謂之韓徐。（南唐書本傳）范純祐十歲能爲文章，籍籍有聲。（本傳）○劭元字興宗，幼聰發過人，十歲日誦書五千言，賦詩豪縱。（宋史本傳）朱光庭字公揆，十歲能屬文。○傅堯俞十歲能屬文，登及第，猶未冠。○林特少穎悟，十歲謁江南李景獻，所爲文，景奇之，命作賦，有頃而成。○李肅穆之弟，字季雍，七歲誦書知大義，十歲爲詩多警悟。○錢若水十歲能屬文。○朱台符十歲能屬辭，嘗作黃山樓記，士友稱之。（俱宋史本傳）元十歲部使者行縣，元以諸生見命賦梅花詩，立成十首，晚歸增至百首，見者駭異之。（元史 歐陽元傳）王穉登字百穀，長洲人，四歲能屬對，六歲善壁窠大字，十歲能詩。（明史本傳）

【七歲通春秋】

張霸字伯饒，少知孝讓，鄉人號爲張曾子。七歲通春秋。（後漢書）楊澈字晏如，幼聰警，七歲讀春秋。左氏傳，卽曉大義。（宋史本傳）司馬光七歲聞講左氏春秋，愛之，退爲家人講，

卽了其大指。（本傳）

【七歲通論語】

馬續字季則，七歲能通論語，十三明尚書，十六治詩，博觀羣籍，善九章算術。（後漢書）馬嚴傳）謝莊，年七歲能屬文，通論語，及長，詔令美容儀，太祖見而異之，謂尚書僕射殷景仁領軍將軍劉湛曰：「藍田出玉，豈虛也哉？」（宋書謝莊傳）

【童子及第】

郭忠恕字恕先，七歲能屬文，舉童子及第。（宋史）趙贊七歲誦詩二十七卷，應童神舉。明宗詔曰：「都尉之子，太尉之孫，幼能誦書，弱不好弄，克彰庭訓，宜賜科名，可特賜童子及第。」○趙師民字周翰，九歲能屬文，舉進士第。○傅堯俞十歲能屬文，及登第猶未冠。（俱宋史）

勤學

【君子四時】

子產曰：「朝以聽政，晝以訪問，夕以修令，夜以安身。」（左傳）公父文伯母敬姜，謂文伯曰：「士朝而受業，晝而講貫，夕而習復，夜而計過。」（國語）

【八世爲博士】

孔子之後，鮒弟子襄，生忠，忠生武，及安國，安國生延年，延年生霸，霸生光，八世皆爲博士。（漢書）歐陽欽八世皆爲博士，敦於經學，恭儉好禮。（東觀漢紀）

【乘馬不知牝牡】

鄒子曰：「董仲舒勤學，三年不窺園，乘馬而不知牝牡。」（藝文類聚）孫君諱饒，字鉞，敖，期思人也。乘馬三年，不別牝牡，沒齒無分銖之動，破玉玦，不以寶遺之子孫。（孫叔敖碑）

【流粟流麥】

朱買臣好學，其妻曝麥，以竿授買臣，使守雞。買臣誦書不輟，俄大雨至，不覺。鄒子曰：「朱買臣不覺雨之流粟，志在經傳也。」（嵇康高士傳）高鳳字文通，家以農畝為業。鳳專精誦習，妻嘗之田曝麥於庭，令鳳護雞，以竿授其手中。天忽暴雨，鳳執竿讀經，不覺潦水麥流，妻還怪問，乃省。其後遂為名儒。（同上）（按高文通居鄉時鄰里有爭財持兵而鬥，文通往解之，不已，乃脫巾叩頭請曰：「仁義遜讓，奈何棄之爭者？投兵謝罪。」）

【記衣裳】

劉向校書天祿閣，夜有老人著黃衣植藜杖，杖端出火，用以照向，具說開闢以前。向因受五行洪範之文，恐辭說繁廣，向乃裂衣裳及紳以記其言，至曙而去。請問姓名，曰：「我太乙之精，天帝聞金卯之姓，有博學者，下而觀焉。」（拾遺記）任末好學，觀書有合意處，則題其衣裳，門人常以淨衣易之。（同上）

【講論忌食】

張元字居真，欲專意經書。方其講問，乃不食終日，如不饑渴。（觀漢記）龐士元師事司馬德操，蠶月躬採桑後園。士元往見之，因與共談，遂移日忘餐。德操於是異之。（荊州先賢傳）孫盛字安國，常詣殷浩談論，對食奮擲麈尾，悉落飯食，冷而復暖者四，至暮忘餐。（白帖）尹敏與班彪親善，每相遇與談，常日肝忘食，夜則達旦。（東觀漢記）

【石經】

劉芳經學明辨，時人號為劉石經。（天中記）陸又五經最精，館中謂之「石經」。洪厓先生欲歸河內，舍人劉守璋贈先生楊鐵硯，四皓鹿角枕。（洪厓先生傳）桑維翰主司，惡其姓，人勸其不必舉進士，維翰乃鑄鐵研曰：「硯敵則改。」本以及第。（本傳）

【鐵硯】

【被中學書】

鍾繇問蔡伯喈筆法於韋誕，誕惜不與及。誕死，繇令人盜掘其墓，遂得之。由是繇筆更妙。繇精思學書，臥畫被中，穿過表如廁，終日忘歸。每見萬類皆畫象之。（袁昂書評）王紹宗工草隸，嘗與人書曰：「吳中陸大夫，常以子比虞世南，以不臨寫故也。世南被中畫腹，與子正同。」（書譜）

【書得筋】

衛瓘、索靖，俱善書，時謂瓘得伯英之筋，靖得伯英之肉。（晉書）曼卿之筆，顏筋柳骨。（范文正公祭文）

【學耕】

盛事云：王勃能文，請者遺之金帛，盈積甚富。人謂勃心織而衣，筆耕而食也。（蘇鶚演義）賈逵口授經傳，致粟盈倉，謂之舌耕。嘗語人曰：「人而不學，行尸走肉耳。」（王子年拾遺記）

王韶好學，家人謂其不耕。韶曰：「我自目耕耳。」（史學璧珠）

【畫麀】

范希文幼孤，家貧，讀書長白山僧舍，煮粟二升，作粥一器，經宿遂凝，以刀畫為四塊，晝晚取二塊，斷壘數十莖，醃汁半盂，入少鹽，暖而噉之，如此者三年。（湘山野錄）王磐年方冠，居於郟城，貧甚，日作麀，置一器，畫為朝昏食。（元史）

【跨驢讀書失道不覺】

杜常昭憲皇后族孫也，折節學問，無戚里氣。嘗跨驢讀書，騎驢草，失道不之覺，觸桑木而墮，額為之傷。（宋史杜常傳）江休復字鄰幾，開封陳留人，進士起家，為桂陽監藍山尉。騎驢之官，每據鞍讀書，至迷失道，家人求得之。（宋史江休復傳）

雅度

【繫解自結】

文王伐崇，至鳳黃墟，鞶繫解，因自結。太公望曰：「何為也？」王曰：「上君與處，皆其師，中皆其友，下盡其使也。今皆先君之臣，故無可使也。」（韓非子）晉文公與楚戰，至黃鳳之陵，履繫

解，因自結之。左右曰：「不可以使人乎？」公曰：「吾聞上君所與居，皆其所畏也。中君所與居，皆其所愛也。下君之所與居，皆其所侮也。寡人雖不肖，先君之臣，皆在是，以難之也。」（同上）

【不勝衣】

趙文子其中退然如不勝衣。（檀弓）葉公子高不勝其衣。（荀子）

【貧也非病】

原憲居魯，環堵之室，茨以生草，蓬戶不完，桑樞甕牖，上漏下濕，匡坐而彈琴。子貢相衛，結駟連騎，來見原憲。憲章冠緋履，杖藜而應門。正冠則纓絕，歛衽則肘見，納履則踵決。子貢曰：「嘻！先生何病也！」憲應曰：「憲聞之無財之謂貧，學道而不能謂之病。若憲，貧也，非病也。」（莊子）莊子衣大布之衣，而過魏王。魏王曰：「何先生德之憊耶？」莊子曰：「士有道德，不能行憊也。衣弊履穿，貧也，非憊也。」（同上）

【隱食中蟲免庖人罪】

楚莊王食寒菹，有蛭在內，恐罪庖者，故吞之。不問。王有舊疾，遂泄而出，其病即愈。（說苑）梁昭明太子食中頻獲蠅蟲之類，密置柈邊，恐廚人獲罪，不令人見。（感應篇傳）

（感應篇傳）

【疑盜不辨後白】

直不疑文帝時，其同舍有告歸者，誤持其同舍郎金去。已而同舍郎覺亡金，疑不疑，不疑買金償。後告歸者至而歸金，亡金郎大慚。（本傳）陳重字景公，舉孝廉，為郎。同舍郎有告歸寧者，誤持鄰袴以去。主疑重，重不自申，買市袴償之。後歸寧者至，以袴還主，其事乃顯。（合璧事類）

【某掾所為】

張湯每奏事，上善之，即曰：「臣非知此，乃某掾所為。」其欲揚人之善如此。（漢書）趙廣漢為二千石，每有善政，輒推功於下，曰：「某掾所為，非二千石所及。」發於至誠，吏皆書寫心服。

（白帖）

【進止不失尺寸】

霍光出入下殿門，進止有常處，僕射竊譏視之，不失尺寸。（本傳）魏僕射元忠，每立朝，必有常處，他人記視之，不失尺寸。（劉餗隋唐嘉話）

【侍婢讀書】

鄭玄家奴婢，皆讀書，嘗使一婢不稱旨，將撻之，方自陳說。玄怒，使人曳着泥中。須臾復有一婢來，問曰：「胡為乎泥中？」答曰：「薄言往愬，逢彼之怒。」（世說）劉琰為車騎將軍，素號侈靡，侍婢數十，皆能為聲樂，又悉教誦讀魯靈光殿賦。（蜀志）

靡，侍婢數十，皆能為聲樂，又悉教誦讀魯靈光殿賦。（蜀志）

【幘鼻褱】

司馬相如自着幘鼻褱，與傭保雜作，滌器於市中。（漢書本傳）阮咸與籍居道南，諸阮居道北。北阮富而南阮貧。舊俗七月七日，法當晒衣，諸阮庭中莫非綈錦，咸豎長竿，標大布幘鼻褱，曝於庭中曰：「未能俗免，聊復爾爾。」（七賢論）

【贈帛化盜】

陳實字仲弓，爲太丘長。有盜入其家，伏梁上。實覺，召諸子戒之曰：「不善人未必本惡，習以性成，梁上君子是也。」盜聞，自投伏罪。實曰：「君貌非惡人，當貧耳。」遣布二端而遣之。（北堂書鈔）王烈字彥方，有盜牛者，主得盜，盜者曰：「無令王彥方知。」烈聞，遣布一端以激之。後有遺劍於路，有一人守之以待主，乃盜牛者。（同上）王仁鎬拜安國軍節度，制曰：「眷惟襄國，實卿故鄉，分子龍節之權，成爾錦衣之美。」郡民扶老攜幼，迎於境上，有獻錦袍者四。仁鎬皆重衣之，厚酬金帛。時郡有羣盜，仁鎬遣使遣以束帛，諭之悉遁去，不復爲盜。（宋史本傳）

【行部去帷】

賈琮拜冀州刺史，舊典傳車驂駕，垂赤帷裳，迎於州界。及琮之部，升車言曰：「刺史遠視廣聽，糾察美惡，奈何反垂帷裳以自掩塞乎？」乃命御者褰之。百城聞風震悚。（後漢書）郭賀字喬卿，拜荊州刺史，百姓歌曰：「厥德仁明，郭喬卿，忠正朝廷，天下平。」顯宗賜以三公之服，黻黼冕旒，勅行部去稽帷，使百姓見其容服，以章有德。（同上）

【雅歌投壺】

祭遵爲將軍，取士皆用儒術，對酒設樂，必雅歌投壺。（後漢書本傳）岳飛雅歌投壺。（宋史本傳）

【不見則鄙吝生】

黃憲字叔度，同郡陳蕃周舉相謂曰：「時月之間，不見黃生，則鄙吝之萌復存乎心。」（後漢書）陸象先曰：「季真清談風流，吾一日不見，則鄙吝生矣。」（唐賀知章傳）

【望若神仙】

郭泰字林宗，與李膺友善，名震京師。後歸鄉里，衣冠諸儒，送至河上，車數千輛。林宗唯與膺同

舟而濟，衆賓望之以爲神仙。（後漢書）班景倩入爲大理少卿，過大梁，刺史倪若水餞之行，立望其行處，久之乃返，謂官屬曰：「班生此行，何異神仙！」（本傳）

【欲止郵亭不名而去】

趙孝父普，王莽時爲田禾將軍，任孝爲郎，每告歸，常白衣步擔。嘗從長安還，欲止郵亭，亭長先時聞孝當過，洒掃待之。孝既至，不自名，亭長不肯內。因問曰：「開田禾將軍將來，子當從長安來，何時至乎？」孝曰：「尋到矣。」於是既去。（後漢書）劉寵嘗出京師，欲止亭舍，亭吏止之曰：「整頓洒掃，以待劉公，不可得也。」寵不自言而去。時人稱其長者。（同上）

【松下風】

李膺人謂謾謾如松下風。（世說）周孟玉人稱其瀏瀏如松下風。（青州先賢傳）李膺與郭林宗共乘笨車，上大槐坂，觀者數百人，引領望之，若松喬之霄漢。（漢書）（注笨車，車也）顏延之嘗乘笨車，徜徉自得。（詞林海錯）

【乘笨車】

【登龍門】

李元禮風格秀整，高自標持，欲以天下名教是非爲己任。後進之士，有升其堂者，皆以爲登龍門。（世說新語）王衍善玄言，唯談老易，朝野翕然宗之。謂一世龍門。（晉書）任昉爲中丞，籌裾幅輳，預其宴者，殷芝到，溉劉苞、劉豫、劉孝綽及陸陞而已。號曰「龍門之遊」。（南史）袁昂在朝，嘗謬雅有倫鑒，遊處不雜，入其門者號「登龍門」。（同上）

【白羽扇】

諸葛亮與司馬懿戰於渭濱，乘素輿，著葛巾，捉白羽扇，指揮三軍。（裴啓語林）顧榮攻陳敏，以白羽扇麾之，賊衆大潰。（晉書）陸法和征侯景，將任約至赤沙湖，逆風不便，法和執白羽扇麾風，風卽反，於是大潰約軍。（北史）

【命葬近先賢】

中山恭王袞疾困，勅令官屬曰：「昔衛大夫遽瑗葬濮陽，吾望其墓，常想其遺風，願託賢靈，以弊髮齒，營吾兆域，心往從之。」（魏志）田豫病將亡，戒其子曰：「葬我必於西門豹旁。」

「妻子曰：『豹古之神人，恐未可近。』」曰：「豹履行與我適等，死而有靈，當與我善也。」妻子從之。（魏略）

【獨坐】

王闓選冀州刺史，閔性刻，不發私書，不交豪族，賓客號曰：「王獨坐。」（吳錄）華韻能劇飲，至石餘不亂，常整其衣冠，號曰「華獨坐。」（魏志）

【妻子希見其面】

劉基字敬輿，與羣弟居，夜臥蚤起，妻子希見其面。（自帖）朱博不好酒色之宴，夜寢蚤起，妻子希見其面。（同上）顧愷字子通，待妻有禮，常夜入晨出，妻子罕見其面。（吳志）

（劉繇與羣弟居，常夜臥蚤起，妻妾希見其面。（藝文類聚吳書）

【爲酒求官】

阮籍聞步兵廚有貯酒三百斛，乃求爲步兵校尉。（魏氏春秋）李元忠唯以聲酒自娛，每言寧無食，不可使無酒。元忠嘗爲太常卿，後自中書令，復求爲太常，以其有音樂，而多美酒，故神

武欲用爲僕射，文襄言其放達常醉，不可委以臺閣。其子聞之，請節酒，元忠曰：「我謂作僕射，不若飲酒樂，汝愛僕射時，宜勿飲酒。」（北史）陶潛以彭澤公田可種秫作酒，求爲彭澤令。（晉書）

【口不言財】

崔洪口不言財，貨手不執珠玉。汝南王以琉璃鍾行酒，與洪不執。（自帖）王夷甫口不言錢，婦欲試之，令婢以錢繞床，不得行，夷甫晨起見錢，闔之，命婢舉阿堵物去。（藝文類聚）司

馬康爲人廉潔，口不言財。（宋史本傳）

【任鄰侵地】

鄰民紀伯，夜竊陳置地，器伺伯去，移其藩一丈益伯，覺慚懼，還所侵，又却一丈。太守周府君，高

白玢，玢署紙尾曰：「四鄰侵我，我從伊，畢竟還思未有時。試上舍元殿基望，秋風秋草正離離。」（省身集要）

【直入看竹】

王子猷嘗行過吳中，見一士夫家，極有好竹。主已知子猷當往，乃洒掃施設，在廳事坐相待。王

肩輿竟造竹下，諷嘯良久。主已失望，猶冀還，當通款，遂直欲出門。主人大不堪，便令左右閉門，

不聽出，乃留坐盡歡而去。（世說）袁粲爲丹陽尹，郡南一家，頗有好竹，粲率爾步往，不通主人。直造竹所，嘯詠自得。主人出，語笑欣然。俄而車騎羽儀，併至門，方知是袁尹。（南史宋書）

【手如白玉】

王衍字夷甫，補元城令，終日清談，縣務亦理，每捉白玉柄麈尾，與手都無分別。（晉書）簡文

【無喜慍】

帝器宇寬弘，尊嚴若神，鬚髻如畫，雙眉翠色，手執玉如意，不相分辨。（南史）

【角巾引見】

晉衛玠，嘗謂人有不及，可以情恕，非急相干，可以理遣，故終身不見喜慍之色。（本傳）齊劉

然汾射，茲焉有託。（梁書何點傳）帝遣通事舍人李暹以暉書迎敕，將至，帝勅有司即南

【不欲知清】

儀殿設位，行問道禮。詔見日，山帳葛巾，不名不拜。（唐書武攸緒傳）

【書忍字】

胡質子威，守徐州。帝曰：「卿清何如父？」對曰：「臣清畏人不知，父清畏人知。」（魏書）洪

張公九世同居，北齊隋唐皆旌表其門。高宗封泰山，幸其宅，召見公，問其所以能睦族之

道，公藝請紙筆以對，乃書「忍」字百餘以進。其意以爲宗族所以不協者，由尊長衣食或有

不均，卑幼禮節或有不備，更相責望，遂致乖爭。苟能相與忍之，則家道雍睦矣。（蒙訓）

【雪中無惰容】

光祿卿王守和，未嘗與人
有爭。嘗於案几間大書忍字，至於幃幌之屬，以繡畫爲之。明皇知其姓字，非時引對，問曰：「卿名守和，已知不爭，好
書忍字，尤見用心。」奏曰：「臣聞堅而必斷，剛則必折，萬事之中，忍字爲上。」帝曰：「善！」賜帛以旌之。（天寶遺
事）

長孫儉詣闕奏事，大雪，立雪中待報，自旦達暮，竟無惰容。（後周書）韋斌每朝會，不敢離

位笑言嘗大雪獨賦不徙足雪甚幾至沒靴曾無惰容（唐書韋安石傳）

【噉拭肉餅】

宇文士及嘗割肉以餅拭手帝屢目陽若不省徐噉之（史學璧珠）唐肅宗爲太子時嘗侍膳尚食置熟俎有羊臂臠上顧太子割餘汚漫刃以餅潔之上熟視不憚肅宗徐舉餅噉之上

甚說謂太子曰「福當如是愛惜」（柳氏舊聞）

【釣鰲客】

李白謁相府題板云「釣鰲客」（史學璧珠）張祐謁李紳自名曰「釣鰲客」（同上）

才略門

【步東西極】

帝令豎亥步自東極至於西極五億十萬九千八百八步（山海經）禹使大章步自東極至於西極二億三千五百里七十五步（淮南子）

【如鷹鷂之逐鳥雀】

季文子對宣公曰「先大夫臧文仲數行父事君之禮行父奉以周旋勿敢失墜」曰「見有禮於其君者事之如孝子之養父母也見無禮於其君者誅之如鷹鷂之

逐鳥雀也」（左傳）

子產始見然明問爲政焉對曰「視民如子見不仁者誅之如鷹鷂之逐鳥雀也」（同上）

【晝日垂簾】

宓子賤宰單父晝日垂簾而單父平（史學璧珠）顧愷之令山陰晝日垂簾而山陰治（宋書）

【蒲鞭】

劉寬歷典三郡吏民有過蒲鞭示辱（後漢書）崔景真守平昌有惠政常懸一蒲鞭而未嘗用（異苑）

【斫樹書名伏弩殺敵】

魏與趙攻韓韓告急於齊齊使田忌將而往直走大梁魏將龐涓聞之去韓而歸齊軍已過而西矣孫臏謂田忌曰「三晉之兵素悍勇而輕齊齊號爲怯善戰者

因其勢而利導之，兵法百里而趣利者，軍半。一。至使齊軍入魏地，為十萬竈，明日為五萬竈，又明日為三萬竈。龐涓行三日，大喜曰：「我固知齊軍怯，入吾地三日，士卒亡者過半矣。」乃倍日并行逐之。孫子度其行暮當至馬陵，馬陵道狹，而旁多阻隘，可伏兵，乃斫大樹白而書之曰：「龐涓死此樹下。」於是令齊軍善射者，萬弩夾道而伏。期日暮，見火舉而俱發。龐涓果夜至斫木下，見白書而鑽火燭之。讀未畢，齊軍萬弩俱發，魏軍大亂。龐涓自知智窮兵敗，乃自剄曰：「遂成豎子之名！」（史記孫子列傳）蜀丞相亮出軍圍郝山，始以木牛運糧。司馬宣王命張郃救郝山。夏六月，亮糧盡退還，郃追之至木門道，亮駐軍削大樹皮題曰：「張郃死此樹下。」郃軍到，亮預令軍士夾道而伏，弓弩亂發，中郃而死。（北堂書鈔）

【囊沙】

以囊盛沙布冰上乃渡。（東觀漢記）

韓信擊龍且，夾濰水，陳信乃夜令人為萬餘囊，盛沙以壅水上流，引兵半渡，擊龍且，斬之。（漢書）上令王霸前視水，霸欲如實還報，恐驚官屬，即直言可渡。遂前，比至冰合可渡，馬欲僵，各

【醉不廢政】

為吏部尚書頗嗜酒，每飲或彌月，而精神明贍，不廢簿領。武帝每稱贍有三術，射棊酒也。（梁書）

于定國飲酒至數石，不亂。治獄益精明。（漢書）孔顓為府長史，雖醉日居多，而曉明政事，醒時判決，未嘗有壅。衆咸云：「孔公一月二十九日醉，勝世人二十九日醒也。」（宋書）王瞻

【著書字值百金】

淮南王著鴻烈二十篇，號淮南子。自云字中皆挾風霜之氣，揚子雲以為一出一入，字直百金。（世說）公孫弘著公孫子，言刑名事，亦謂字直百金。（雜記）

【手畫地形】

張安世子千秋，與霍光子禹，俱為中郎將。將兵隨渡遼，將軍范明友擊烏桓還，謁大將軍，光問千秋戰鬥方略，山川形勢。千秋口對兵事，畫地成圖，無所忘失。光復問禹，禹不能記，曰：「皆有文書。」光由是賢千秋，以禹為不才。歎曰：「霍氏世衰，張氏興矣！」（漢書）臧旻有幹才，遷匈奴中郎將，討賊有

巧還見太尉，問其西域諸國土地風俗人物種類，悉口陳，且手畫地形。太尉奇其才，歎曰：「設班固作西域傳，又何以加此！」（謝承後漢書）

【建節出關】

終軍弱冠入關，關吏與繻，棄去曰：「大丈夫西遊，終不復乘傳還鄉。」後果建節出關，吏爭識曰：「此棄繻生也。」（漢書）郭丹字少卿，七歲而孤，事後母孝，母憐之，治笈從師。長安丹慨然歎曰：「不乘使者車，終不出關。」尋拜諫議大夫，果建節乘高車出關。（本傳）

【立功絕域】

傅介子，髫年好學，嘗棄觚而歎曰：「大丈夫當立功絕域，可能坐事散儒？」拜中郎將使大宛，斬樓蘭王首還闕，封義陽侯。（西京雜記）班超少時，相者曰：「燕領虎頭，飛而食肉，萬里侯也。」家貧，傭書養母，嘗投筆歎曰：「大丈夫當立功絕域，可久事筆硯間乎？」後使西域，累功封定遠侯。（本傳）

北周宇文貴，少從師，輟書歎曰：「男兒當提劍汗馬，以取公侯，何能爲博士？」（北史）焦繼勳少讀書，有大志，嘗謂人曰：「大丈夫當立功異域，取萬戶侯，安能孜孜事筆硯哉？」遂棄其業游三晉間，爲輕俠，以飲博爲務。後歷官

彰德節度使，卒贈太尉。（宋史本傳）

【聚米圖】

建武八年閏四月，征隗囂，馬援於帝前聚米爲山谷，指畫形勢。帝曰：「虜在吾日中矣。」（後漢書）康定三年二月，殿直趙珣上聚米圖經五卷，珣隨其父振在西邊訪五路徼外山川，邑居道里，凡地之利害，悉究其實，作爲此書。韓琦薦之，詔取其書，并召之。（玉海）

【交縛火炬疑兵拒虜】

廉范爲雲中太守，會匈奴大入塞，范自率士卒拒之。虜衆甚，而范兵不敵。會日暮，令軍士各交縛兩炬三頭，爇火營中，星列。虜遙望火多，謂漢兵救至，大驚。待旦將退，范乃令軍中蓐食，晨往赴之，斬首數百級，虜自相憐，藉死者千餘人。由是不敢復入雲中。（續漢書）岳飛爲宗澤留守司統制，澤卒，杜充代之，飛居故職。二年，戰胙城，又戰黑龍潭，皆大捷。從閩勅保護陵寢，大戰汜水關，射殪金

將，大破其衆。駐軍竹盧，渡與敵相持。選精銳三百，伏前山下，令各以薪芻交縛而束，夜半爇四端，而舉之。金人疑援兵至，驚潰。（宋史本傳）

【新論】 桓譚作新論。（金樓子）華譚又有新論。（同上）

【閉閣不通豪右】

華松爲司隸校尉，是時貴戚專勢，松下車閉閣，不通私書，不與豪右相見。姦匿犯者，輒奏，豪右施設禁令案法，貴戚斂手，相勅不敢干越。（同上）羊陟爲河南尹，禁絕豪右屬託，書疏不與交通。（同上）

【取矢於敵】

孫權乘大船來觀軍，公使弓弩亂發，箭著其船，偏重將覆，權因迴船，復以一而受箭，箭均船平，乃還。（魏略）畢再遇以六合爲淮西要害，引兵赴六合，金人進攻益急，城中矢盡，再遇使人張青蓋往來城上，金人意其主兵官也，爭射之，須臾矢集樓牆如蝟，獲矢三十餘萬。（宋史本傳）

【輕盜重殺子】

賈彪爲新息長，小民困貧，多不養。子彪嚴其制，與殺人同罪。城南有盜，刼害人者，北有婦人殺子者，彪出按驗，掾吏欲引南彪，怒曰：「賊寇害人，此則常理；母子相殘，逆天違道。」遂驅車北行，按致其罪。（蒙訓）陳仲弓爲太邱長，有刼賊殺財主，主者捕之，未至發所道，聞民有在草不起子者，回車往治之。主簿曰：「賊大宜先按討。」仲弓曰：「盜殺財主，何如骨肉相殘？」（世說新語）

【比鷹】

郅都爲濟南太守，時人號爲「蒼鷹」。（漢書）崔洪清厲骨鯁，爲尙書左丞，時人爲之語曰：「叢生荆棘，來自博陵，在南爲鷄，在北爲鷹。」（晉書）

【破林邑象陣】

宋憇伐林邑，林邑以具裝被象，前後無際。憇曰：「吾聞獅子威服百獸。」乃製其形與象相禦，象果驚奔，遂克林邑。（宋書）隋文帝遣將劉方擊林邑，其王梵志乘巨象而戰，方多掘小坑，草覆其上，方僞北，梵志逐之，其象悉陷，方大破之。（北史）

【霹靂手】

裴琰之爲同州司戶參軍，積案數百。一日省決，人稱爲「霹靂手」。（唐書）錢穆能決滯獄，蘇軾稱爲「霹靂手」。（史學璧珠）

【置鼓息盜】

李崇爲兖州刺史，兖多盜，崇乃村置一樓，樓懸一鼓，盜發即飛擊之。諸村聞鼓，各守要路，遇盜輒擒之，盜遂息。（東魯名宦攷）肅之爲邑宰，多盜，肅之令比戶置鼓，盜發輒擊，遠近皆應，盜遂息。（宋史李肅之傳）

【聞寇宴飲】

李琮知潞州，潞有謀亂者，爲書期日，揭道上部，使者聞之懼，索姦甚急。琮置不問。以是日置酒高會，訖無他。（宋史本傳）盧士宏知廣州，或傳安南舟數百泊海中，將爲害，嚴檄驚搖士宏灼其非，是日從賓客宴游爲樂，民賴以安。（宋史本傳）

【賊魁死不輕上聞】

盧秉知渭州，夏酋仁多崑丁舉國入寇，犯熙河，定西城，秉治兵瓦亭，分兩將駐靜邊。若指夏人來路曰：「吾遲明坐待捷報矣！」及明果至見宋師，驚曰：「天降也！」縱擊之，皆奔潰。或言崑丁已死，有識其衣服者，諸將請以聞，秉曰：「幕府上功，患不實，吾敢以疑似欺朝廷乎？」他日

物色之，崑丁果死。詔褒賜服馬金幣。（本傳）狄青討儂智高，整軍騎一晝夜，絕崑崙關，出歸仁鋪，爲陣，賊已失險，悉出逆戰，青執白旗，麾騎兵縱左右翼出，賊不意大敗之，追奔五十里，斬首數千級。智高夜縱火燒城，遁去邕州，城

下斂屍，饒京觀於城北隅。時賊屍有衣金龍衣者，衆謂智高已死，欲以上聞。青曰：「安知非詐耶？」寧失智高，不敢

誣朝廷以貪功也。（宋史本傳）

【對弈決事】

毛經仕開封戶曹。一日，方與客對弈，尹以疑獄就問，吏白罷局，經曰：「決事弈棋，兩不相礙。」呼二吏讀款，甫畢，棋勝，而事立剖。尹歎異薦之。（平樂人物志）張旌才智敏捷，常從范仲淹使河東，至汾州，民遮道數百趨訴，仲淹悉以付旌決之，旌方與客弈，局未終，處決已竟。（宋史本傳）

【處變弈棋】

苻堅入寇，京師震恐，加謝安征討大都督。安夷然無懼色，指授將帥，各當其任。對客圍棋，既而僚屬問計宗澤，時對客圍棋，笑曰：「何事張皇？劉衍等在外，必能禦敵。」乃選精銳數千，使繞出敵後，伏其歸路。金人方與衍戰，伏兵起，前後夾攻之，金人果敗。（通鑑）韓世忠移師長沙，與賊劉忠對壘相望，弈棋張飲，堅壁不動，衆莫能測。一夕，與蘇格聯騎穿賊營，候者訶問，世忠先得賊軍號，隨聲應之。周覽以出，喜曰：「此天賜也。」夜伏精兵，與諸將拔營而進，賊方迎戰，伏兵已馳入軍中，奪望樓植旗蓋，傳呼如雷，賊回顧驚潰。世忠麾將士夾擊，大破之，忠走降豫。（綱目）

■ 剛正

【饌嚴儲訓】

周文王使太公望傅太子，太子發嗜鮑魚，而公弗與，曰：「禮，鮑魚不登於俎，豈有非禮而可以養太子哉？」（賈子）邢峙爲國子助教，授太子經，廚宰進太子食，有邪蒿，峙令正之，曰：「此菜有不正之名，非殿下所宜食。」文宣聞而嘉之。（北齊書）

【用法殺子】

厚從州吁如陳，石碚使告於陳曰：「衛國褊小，老夫耄矣，無能爲也。此二人者，實弑寡君，敢即圖之。」陳人執之而請泣於衛。九月，衛人使右宰醜泣殺州吁於濮，石碚使其宰獮羊肩泚殺石厚於陳。君子曰：「石碚純臣也，惡州吁而厚與焉，大義滅親，其是之謂乎？」（左傳）墨者有鉅子腹躪居秦，其子殺人，秦惠王曰：「先生之年長矣，非有他子也，寡人已令吏弗誅矣。」對曰：「墨者之法，殺人者死，傷人者刑，王雖已賜，而令吏弗誅腹躪，不可不行墨者之法。」遂殺之。（呂氏春秋）

【臣卜其晝未卜其夜】

陳公子完奔齊，齊侯使爲工正，飲桓公酒，樂公曰：「以火繼之。」辭曰：「臣卜其晝未卜其夜。」

書未卜其夜不敢。」（左傳）晏子飲景公酒，日暮，公呼其火。晏子辭曰：「嬰以下其日，未卜其夜。」公曰：「善舉酒祭之。」再拜而出。（晏子春秋）

【君問可非問讎】

晉文公問於咎犯曰：「誰可使爲西河守者？」對曰：「虞子羔可也。」公曰：「非汝之讎歟？」對曰：「君問可爲守者，非問臣之讎也。」羔見咎犯而謝之。咎犯曰：「薦子者

公也，怨子者私也。吾不以私專害公義。」（說苑）晉平公問於祁黃羊曰：「南陽無令，其誰可？」對曰：「解狐可。」公曰：「解狐非子之讎耶？」對曰：「君問可非問讎也。」平公又問曰：「國無尉，其誰可？」對曰：「午可。」公曰：「午非子之子耶？」對曰：「君問可非問子也。」國人稱善焉。（呂氏春秋）

【執法待薦主主喜得人】

虞邱子舉孫叔敖爲令尹，少焉，虞邱子家干法，孫叔敖執而戮之。虞邱子喜，入見於王曰：「臣言孫叔敖果可使持國政，奉國法而不黨，施刑戮而不骫，可謂

公平。」莊王曰：「夫子之賜也。」（說苑）蕭宣子言韓獻子於靈公，以爲司馬，河曲之役，趙孟使人以其乘車干行，獻子執而戮之，宣子召而禮之，曰：「吾故以是觀汝，汝勉之！」告諸大夫曰：「二三子可以賀我，吾舉厥也而中！」（國語）

【廷理破太子駕】

荆莊王有茅門之法，曰：「羣臣大夫諸公子入朝，馬蹄踐露者，廷理斬其轡，戮其御。」於是太子入朝，馬蹄踐露，廷理斬其轡，戮其御。王曰：「法者所以敬宗廟，尊社稷，故能立法從令，尊敬社稷者，社稷之臣也，焉可誅也？夫犯法廢令，不尊敬社稷者，是臣乘君，而下尙控也。臣乘君則主失威，下尙控則上位危，社稷不守，我將何以遺子孫？」於是太子乃還走避舍，露宿三日，北面再拜，請死罪。（韓非子）楚王急召太子，楚國之法，車不得至苑門，天雨庭中有潦，太子遂驅車至於苑門，廷理止之。太子曰：「王召急不得，須無潦。」遂驅之。廷理父而擊其馬，敗其駕，太子入爲王泣曰：「王必誅之！」

王曰：「是守法之臣也。」乃益爵二級，而後開門出太子。（同上）

【不入朝歌】邑號朝歌，墨子迴車。（鄒陽上梁孝王書）邑名朝歌，顏淵不舍。（論撰考識）

【分肉平】邑中人民俱出獵，任安常分麋鹿雉兔，人皆喜曰：「任少卿分則平！」（史記）陳平爲社宰，分肉甚均，里父老皆曰：「善陳孺子之爲宰！」（同上）

【重足】義縱爲南陽太守，至郡按甯氏成坐有罪，破碎其家。及孔氏暴氏，皆犇亡。吏民重足一迹。（漢書）權懷恩更五州刺史，所居威名赫然，吏重足立。（唐書）嚴挺之遷濮州刺史，所歷

皆嚴整，吏不敢犯。及莅大郡，人乃重足側息。（舊唐書本傳）劉贊治宣十年，第以剛猛立威，官吏重足一迹。（通鑑）宣帝時，石顯威權日盛，公卿以下，畏顯重足一迹。（同上）

【賣病畜不欺】公沙穆養猪，有病，使賣之，云當告買者言病，賤取其值。賣者不言，取價過值。穆知之，齋半值追還買者，語以故，買者亦復辭錢不取。穆終不受錢而去。（後漢書）明山賓因家困乏，貨

所乘牛，既售受錢，乃謂買者曰：「此牛經患漏蹄，療瘥已久，恐後脫發，無容不相語。」買者遽追取錢。處士阮孝緒聞之，歎曰：「此言足使還淳反朴，撤薄停澆矣！」（梁書）司馬光居西京，日令老兵賣所乘馬，云此馬夏來有肺病，若售者先語之，老兵笑其拙。（言行錄）

【不發私書】樊準字幼陵，爲別駕從事監職，公正不發私書，世稱冰清。（東觀漢記）王經爲江夏太守，不發私書。（世說）郗都廉正，不發私書。（白帖）王閔遷冀州刺史，閔性清峻，不發私書，不交

豪族。（吳錄）會有言敏中在法寺時，皇甫侃監無爲軍權務，以賄敗發書，歷詣朝貴，求爲未減。敏中亦受之事，下御史按實。嘗有書及門，敏中觀其名，不啓封，遣去。俄捕得侃私僮，詰之云：「其書尋納箝中，瘞臨江傳舍。」馳驛掘得，封題如故。太宗大驚異，召見慰諭，賞激遂決於登用。（宋史向敏中傳）

【非吾友也】

管寧、華歆共園中鋤菜。見地有片金，管揮鋤與瓦石不異；華捉而擲去之。又嘗同席讀書，有乘軒冕過門者，寧讀書如故，歆廢書出看。寧割席分坐曰：「子非吾友也。」（世說）劉瓛與友人會稽孔暹，同舟入東於塘上，遇一女子，盪目送之，曰：「美而黠。」瓛曰：「此豈君子所宜言乎？非吾友也。」於是解裳自隔，不復同坐。（南史）

【不鼓琴】

嵇紹嘗詣齊王問諮事，遇問讌會，召董艾、葛旛等共論時政。艾言於問曰：「嵇侍中善於絲竹，公可令操之。」左右進琴，紹推不問，問曰：「今日爲慳，卿何吝此耶？」紹對曰：「公匡復社稷，當軌物作則，垂之於後，紹雖虛鄙，忝備常伯，腰鞬冠冕，鳴玉殿省，豈可操執絲竹以爲伶人之事？」問大慚，艾等不自得而退。（晉書）戴逵字安道，性不樂當世，常以琴書自娛。太宰武陵王晞聞其善鼓琴，使人召之。逵對使者破琴曰：「戴安道不能爲王門伶人。」（同上）

【病畜不鬻】

晉庾亮所乘馬的盧，或令賣去。亮曰：「賣之必有買者，卽復害其生，寧可不安己，而移於他人哉？」昔孫叔敖殺兩頭蛇，以爲後人，古之美談，效之不亦遠乎？（世說新語）遼蕭韓家奴始仕，家有一牛，不任驅策，其奴得善價鬻之。韓家奴曰：「利己誤人，非吾所欲，乃歸直取牛。」（白帖）陳策嘗買驢，不得被鞍者，不忍移之於他人，命養於野廬，以自斃。其子與猾鬪，計因經過官人喪馬，卽磨破驢背，以銜買之。旣售矣，策聞，自追及，告以不堪。官人疑其愛也，策請試以鞍，終日不得被，始謝還焉。○宋陳堯咨有惡馬，不可馭。一日諫議入廄，不見是馬。人曰：「內翰賣之矣！」諫議遽謂內翰曰：「汝爲貴官，左右尙不能制旅人，安能畜此？」亟命取馬，還其值。○庾嶷遁世不仕，馬牛有蹄齧者，恐傷人，不鬻於市。（並同上）後周孟信家貧，唯有一老牛，其兄子賣之以供薪米。信從外來，知之，因告買者，此牛先來有病，小用便發，君勿須也。」杖其兄子，買者嗟異，苦請不得。（北史）

【欲贈不敢】

顧協字正禮，少清介，有奇操。初爲廷尉，正冬服單薄，寺卿蔡子度欲解襦與之，憚其清嚴，不敢發口。曰：「顧郎難衣食者。」竟不敢遺之。（梁典）李廙爲尙書左丞，有清德。妹夫劉安方秉權，見其燕室門簾甚敝，潛度廣狹，以筵竹織成簾，將以贈廙。三攜至門，不敢發言而去。（初潭集）陳師道字履常，高介有節，安貧樂道。傅堯俞欲識之，先以問秦觀，曰：「是人非持刺字，俛顏色伺候乎？公卿之門者，殆難致也。」堯俞曰：「非所望也。吾將見之，懼其不我見也。子能介於陳君乎？」知其貧，懷金欲爲餽，比至聽其論議，益敬畏不敢出。（陳師道傳）

【不視求官書】

王惠拜吏部尙書，未嘗接客人。有與書求官，得輒聚閣上，不視。及去職，封印如初。（南史）王球居選職，接客甚稀，不視求官書疏，而銓衡有序。（同上）

【賣宅不欺】

魏陳元方東郡賣小宅，家人將就直矣。元方曰：「此宅甚好，但無出水處。」賣者固辭不賣。（魏書）北齊皇甫亮所居宅洿下，標榜賣之。買者問故，亮每答爲宅中水淹不泄，雨卽流入床

下，宅終不吉。（北史）

【掘太歲無禍】

晁良正性剛，不怖鬼。嘗掘地得一肉物，良正打之三百，送於河。其夜使人視之，三更後，車馬人衆，來至肉所，問曰：「太歲何故受此屈辱，不讎報之？」太歲曰：「彼正榮盛，無奈之何。」旣明，失所在。（廣異記）董表儀家在河沙塘東，嘗欲撤屋掘土，陰陽家云：「太歲居北方，不可興工。」表儀不從，深三尺許，得肉塊，漫漫然。表儀惡之，投諸河，訖亦無禍。（本傳）

【卿欲效邳君章】

文宣嘗近出，令張曜居守。帝夜還，曜不時開門，勒兵嚴備。帝駐蹕門外，久之催迫甚急，曜開門，然後入。差賞久之，賜以金綵。（北史）謝莊爲侍中，領前軍將軍。時宋孝武出行，夜還，勅開門。莊居守以槩信

爲虛，須墨詔乃聞。上後因宴，從容曰：「卿欲效邳君章耶？」對曰：「蒙犯塵露，晨往宵還，容致不逞之徒，妄生矯詐，臣是以伏須神筆。」帝善之。（南史）

【諫人主不可觀史】

唐太宗謂監修國史房玄齡曰：「前世史官所紀，皆不令人主見之，何也？」對曰：「史官不虛美，不隱惡，若人主見之，必怒，故不敢獻也。」上曰：「朕之爲心，異於前世帝王，欲自觀國史，知前日之惡，爲後來之戒，公可撰次以聞。」諫議大夫朱子奢言：「陛下獨覽起居，於事無失，若以此法傳示子孫，或有飾非護短，史官不免刑誅，則莫不順旨全身，千載何所信乎？」上不從。玄齡乃與給事中許敬宗等，刪爲高祖今上實錄，書成，上之上見書，六月四日事，語多微隱，謂玄齡曰：「昔周公誅管蔡，以安周季，友鳩叔牙以存魯，朕之所爲，亦類是矣。史官何諱焉？」卽命削去浮辭，直書其事。（唐太宗紀）魏謩徵之五世孫也，爲起居舍人，上就取記注觀之，謩不可曰：「記注兼書善惡，所以儆戒人君，陛下但力爲善，不必觀史。」上曰：「朕曷嘗觀之？」對曰：「此婦日史官之罪也。若陛下自觀史，則史官必有所諱避，將何以取信於後？」上乃止。（唐文宗紀）

【不肯尙公主易妻】

太宗謂尉遲敬德曰：「人言卿反何也？」對曰：「臣從陛下身經百戰，今之存者，皆鋒謫之餘也。天下已定，乃更疑臣反乎？」因解衣投地，出其癢痍，上流涕撫之。上又欲以女妻之，敬德曰：「臣妻雖陋，相與共貧賤久矣。臣雖不學，聞古人富不易妻，此非臣之所願也。」乃止。（唐太宗紀）建武二年，宋弘爲大中大夫，時帝姊湖陽公主新寡，帝與共論朝臣，微觀其意。主曰：「宋公威容德器，羣臣莫及。」帝曰：「方且圖之。」後弘被引見，帝令主坐屏風後，因謂弘曰：「諺言貴易交，富易妻，人情乎？」弘曰：「臣聞貧賤之交不可忘，糟糠之妻不下堂。」帝顧謂主曰：「一事不諧矣！」（後漢書宋弘傳）

【董狐】

吳兢嘗撰武后實錄，錄張昌宗說魏元忠事及說爲相問競曰：「劉生書魏公事不少，

假借奈何？競曰：「子玄已亡，不可受冤於地下，競實書之。」說屢以情懇辭曰：「狗公則何名實錄？」卒不改，世稱董狐云。（中州人物考）朱敬則字少連，博學高行，官中祕，修國史。韋安石嘗閱其章，歎曰：「董狐筆也。」（同上）

【所謂呈身御史】

王巖叟知定州安喜縣，有詔近臣舉御史。舉者意屬巖叟，而未及識，或謂可一往見。巖叟笑曰：「是所謂呈身御史也。」卒不見。（宋史本傳）李周字純之，爲洪洞令，通判施州，皆有聲。司馬光將薦爲御史，欲使來見，周曰：「司馬公之賢，我固願見，但聞薦而往，所謂呈身御史也。」卒不往見。（宋史本傳）

■明哲

【寢安非就封】

師尙父東就國道，遠行，遲逆旅主人曰：「吾聞時難得而易失，客寢處甚安，殆非就封者也。」太公聞之，夜衣而行，至國，萊侯來伐，與之爭營邱。（史記）鄭桓公會封於鄭，暮夜宿於宋東之逆旅。逆旅叟曰：「時難得而易失，今客之寢安，殆非就封者也。」（說苑）

【豺狼之聲】

楚子良生子越椒，子文曰：「必殺之。是子也，熊虎之狀，而豺狼之聲，弗殺，必滅若敖氏矣。」諺曰：「狼子野心，其可畜乎？」（左傳）叔向娶申公巫臣氏，生伯石，姑視之，及堂，聞其聲，而還曰：「是豺狼之聲也。狼子野心，非是莫喪羊舌氏矣。」遂弗視。（同上）王莽時有用方技待詔黃門者，或問以莽形貌，待詔曰：「莽所謂鷓鴣目虎吻，豺狼之聲者也。故能食人，亦當爲人所食。」（漢書）

【聲知休咎】

師曠曰：「吾驟歌北風，又歌南風，南風不競，多死聲，楚必無功。」（左傳）裴知古路逢乘馬者，聞其聲，竊曰：「此人卽當墮馬。」好事者隨而觀之，行未半坊，馬驚墮，殆死。嘗觀人迎婦，聞

婦佩玉聲曰：「此婦不利於姑。」是日姑有病，竟死。（隋唐嘉話）劉几精於音律，嘗游佛寺，聞鐘磬曰：「聲漸而惡，主者且不利！」是夕主僧死。在保州聞角聲曰：「宮微而商離，至秋守臣憂之。」及期几果遘病。（宋史劉几傳）孫守榮七歲，病瞽，遇異人教以風角鳥占之術，其法以音律推五數，播五行，測度萬物，始終盛衰之理。寶曆開游吳興，聞譙樓鼓角聲，驚曰：「旦夕且有變！」士人當有典郡者，見王元春，即賀之曰：「作鄉郡者必君也。」元春初不之信，越兩月，潘丙作亂，元春以告變，功果典郡。一日謁丞相史嵩之，庭鵲噪，令占之，曰：「來日晡時，當有寶物至。」明日，李全果以玉柱斧爲貢。（宋史方技傳）

【三不祥】

齊景公上山見虎，下澤見蛇，以爲不祥。晏子曰：「國有三不祥：有賢而不知，一不祥；知而不用，二不祥；用而不任，三不祥。」（劉向雜事君道篇）人有三不祥：幼不肯專長，賤不肯專貴，不肯不肯事賢。」（荀子非相篇）

【不移災】

魯哀公五年，有雲如衆赤鳥，夾日以飛。楚王使問周太史，太史曰：「其當王身，若禳之，可移於令尹司馬。」王曰：「除腹心之病，而實諸股肱，何益？」終不禳。孔子曰：「楚昭王知大道矣，其不失國也，宜哉！」（左傳）宋景公時，熒惑守心，公召子革問焉。子革曰：「禍當君，可移於相。」公曰：「相所以治國家也。」曰：「可移於百姓。」公曰：「百姓死，寡人將誰爲君？」曰：「可移於歲。」公曰：「歲飢人餓，必死。」子革曰：「君有至德之言三，天必三賞君。」是夜熒惑退三舍。（呂氏春秋）

【弄印】

趙堯侍高祖，高祖獨心不樂，悲歌，羣臣不知上之所以然。趙堯進請問曰：「陛下所爲不樂，非爲趙王年少而戚夫人與呂后有郤耶？備萬歲之後，而趙王不能自全乎？」高祖曰：「然，吾私憂之，不知所出。」堯曰：「陛下獨宜爲趙王置貴彊相及呂后太子羣臣所敬憚乃可。」高祖曰：「然，吾念之，欲如是，而羣臣誰可者？」堯曰：「御史大夫周昌，其人堅忍質直，且自呂后太子及大臣皆素敬憚之，獨昌可。」高祖曰：

「善」于是乃召周昌謂曰：「吾欲固煩公，公彊爲我相趙王。」周昌泣曰：「臣初起從陛下，陛下奈何中道而棄之於諸侯乎？」高祖曰：「吾極知其左遷，然吾私憂趙王，念非公無可者，公不得已彊行。」於是徙御史大夫周昌爲趙相。既行久之，高祖持御史大夫印弄之曰：「誰可以爲御史大夫者？」熟視趙堯曰：「無以易卿。」遂拜趙堯爲御史大夫。（史記周昌傳）仁宗嘗言臺諫官須重厚知治體者方可用，中丞紀綱之首，須選老成者爲之，朕弄印久矣，無如我同姓。」及趙槩爲中丞，上甚重之。（宋史）

【人主自爲主司】

公孫宏至太常令，所徵儒士各對策百餘人，宏第居下策，奏天子擢爲第一。（史記平津侯傳）上親政策，士諭考官曰：「對策中有陳朝政切實者，並置上列。」十朋以權爲對幾萬餘言，上嘉其經學淹通，議論淳正，遂擢爲第一。學者爭傳誦其策，以擬古晁董。（宋史王十朋傳）俊義以太學上舍選奏，各列其下。徽宗親程其文，擢爲第一，乃賜第。望見容貌甚偉，大悅。顧侍臣曰：「此朕所親擢也。」（宋史王俊義傳）紹興二十四年，孝祥廷試第一，時策問師友淵源，秦損與曹冠皆力攻程氏專門之學，孝祥獨不攻。考官已定，損冠多士，孝祥次之，曹冠又次之。高宗讀損策，皆秦檜語，於是擢孝祥第一，而損第三，授承事郎，簽書鎮東節度判官，諭宰相曰：「張孝祥詞翰俱美。」（宋史本傳）天祥舉進士，對策集英殿，其言萬餘不爲藥，一揮而成。帝親擢第一，考官王應麟奏曰：「是卷古誼若龜鑑，忠肝如鐵石，臣敢爲得人賀。」（宋史文天祥傳）

【毀書安反側】

更始二年，劉秀攻邯鄲，斬王郎，得吏民與郎交關謗毀者數千章，悉燒之，曰：「令反側子自能自保，况衆人乎？」（用書）太宗平王世充，於圖籍中有交關語言，構怨連結，文書數百事，太宗命一石置其中，親褻百重，沉溲沱中，更不復省閱。（龍城錄）宋臨川王道規得江陵，士庶與桓謙謀爲內應，書悉焚，不視。（宋書）王溥漢乾祐中舉進士甲科，爲祕書郎。時李守貞據河中，趙思綰反京兆，王景崇反鳳翔，周祖將兵討之，辟溥爲

從事河中平得賊中文書，多朝貴及藩鎮相交結語。周祖籍其名，將按之。溥諫曰：「魑魅之形，伺夜而出，日月既照，氛氲自消，願一切焚之，以安反側。」周祖從之。（宋史本傳）

【疾風知勁草】

光武渡河，賓客稍稍引去，因謂黃霸曰：「潁川從我者皆去，而子獨留，始驗疾風知勁草。」（東觀漢記）唐太宗賜虞世南詩云：「疾風知勁草，蕩板識忠臣。」（唐詩）代宗幸陝，裴謂徒步挾考功南曹邱赴行在，帝曰：「疾風知勁草，於卿信之。」（唐書）廢帝景和中，明帝疑防賓客，故人無到門者，唯庾仲遠朝謁不替，明帝卽位，曰：「卿可謂疾風知勁草。」（南史）李絳論古今以宦官統帥等事，憲宗怒，絳謝，帝動容曰：「卿告朕以人所難定，疾風知勁草，卿當之矣。」（史學璧珠）

【虜在吾目中】

帝自西征隗囂，至漆，諸將多以王師之重，不宜遠入險阻，計猶豫未決。會召援，夜至，帝大喜，引入，具以羣議質之。援因說囂將帥有土崩之勢，兵進有必破之狀。又於帝前聚米爲山谷，指畫形勢，開示軍衆所從道徑往來，分析曲折，昭然可曉。帝曰：「虜在吾目中矣。」（後漢書馬援傳）何灌知寧化軍豐州，徙熙河都監，張康國薦於徽宗，召對問西北邊事，灌以笏畫御榻，指坐衣花紋爲形勢。帝曰：「敵在吾目中矣。」（宋史本傳）

【功曹斷馬鞅止太守謁客】

周章初仕郡功曹，時竇憲封冠軍侯，就國，章從太守行春，太守欲謁憲。章曰：「今日公行春，豈可越儀私交？且憲椒房之親，退就藩國，禍福難量，明府千里重守，舉止進退，其可輕乎？」太守不聽，便升車，章前拔佩刀絕馬鞅，於是乃止。及憲誅，多以交關得罪，太守幸免。（後漢書）鮑永署功曹時，有矯稱侍中止傳舍者，太守陳興欲謁之，永疑其詐，諫興不聽，遂駕往，永乃拔佩刀截馬鞅，乃止。後數日，王莽詔書果下，捕矯稱者，永由是知名。（同上）

【書籍相付】

王粲徙長安，蔡邕見而奇之。時邕才學顯著，貴重朝廷，常車騎填巷，賓客盈坐。聞粲在門庭，倒

屢迎之。案至，年既幼弱，形狀短小，一座盡驚。邕曰：「此王公孫有異才，吾不如也。吾家書籍文章，盡當與之。」（魏志）孔奐好學，善屬文。法國劉憲以博學稱，每深相歡美。執其手曰：「昔伯喈墳索，悉與仲宣；吾當希彼蔡君，足下無媿王氏。」所保書籍，尋以相付。（南史）

【娶 婦】

虞翻與弟書曰：「長子容當求婦，但小姓足使生子，天之福人，不在貴族；芝草無根，醴泉無源。」（宋書）胡文定瑗嘗言娶婦當取不若我家者。（言行錄）

【黑頭公】

諸葛恢為臨近令，庾亮嘗謂曰：「明府當作黑頭公。」太原中，珣為散騎常侍。（晉書）王珣為桓溫掾，溫稱之曰：「王掾當作黑頭公。」（同上）

【徙戎論】

郭欽作徙戎論。（晉書）段文振請遣突厥出塞，作徙戎論。（隋書）

【當成宅相】

魏舒少孤，為外家甯氏所養。甯氏起宅，相宅者云：「當出貴甥。」外祖母以魏氏甥小而慧，意謂應之。舒曰：「當為外祖成此宅相。」（晉書）王褒七歲，能屬文，外祖梁司空袁昂愛之，謂

賓客曰：「此兒當成吾宅相。」（北史）

【似 舅】

桓玄聞義軍起，大懼曰：「劉裕一世之雄，勇冠三軍；劉毅一擲百萬，何無忌；劉牢之外甥，酷似其舅，共舉大事，何為無成？」（晉書）桓豹奴是王丹陽外甥，形似其舅，桓甚諱之。宣武云：「

不恆相似時似耳，恆似是形，時似其神。」桓逾不悅。（劉義慶世說）

【天贊我也】

李靖討吐谷渾，以侯君集為行軍總管，議所向。君集曰：「王師已至，而賊不走險，天贊我也。若以精兵掩其不防，必有大利。」靖然其計，大戰破之。（唐書）莊宗遣明宗東襲州，高行周

將前軍，夜遇雨，軍皆欲止。行周曰：「此天贊我也！鄆人恃雨不備，我來宜出其不意，即夜入城。」遂取之。（史學壁珠）

【朝官乞爲道士】

賀知章遷祕書，請爲道士還鄉里，詔賜鏡湖剡水一曲。（唐書）李泌乞爲道士，賜紫衣。（同上）

【興吾門者此兒】

柳公綽始生三日，伯父子華曰：「興吾門者此兒也。」（唐書）周燮字彥祖，欽頤折額，貌甚醜，母欲不舉。其父曰：「吾聞諸聖賢狀皆有異於人，興吾門者必此兒。」遂舉之。（周斐汝南先賢傳）顧和字君孝，總角便有清操。族叔榮雅重之曰：「此吾家麒麟，興吾門者必此子也。」（史學璧珠）向敏中，字常之，父瑀，唯一子，教督甚嚴。嘗謂其母曰：「大吾門者此兒也。」（宋史本傳）慕容德豐，幼聰悟。父延釗愛之，嘗曰：「興吾門者必此子也。」八歲，補山南東道衙內指揮，使歷知慶邢滄瀛等州，戰績甚著。（宋史本傳）

【辨殺弟誣告】

郭申錫爲晉陵尉，民訴弟爲人所殺。申錫察其色懼而哭不哀，曰：「吾得賊矣，非汝乎？」執而訊之，果然。（宋史本傳）孫長卿字次公，知和州，民訴人殺弟，長卿察所言無理，問其費，曰：「上等也。」家幾人曰：「唯此弟耳。」曰：「然則汝殺弟也。」鞠之具服，郡人以爲神。（宋史本傳）

【辭黃白術】

胡宿，少與一僧善，僧有祕術，能化瓦石爲黃金，且死將以術授宿，使葬已。宿曰：「後事當盡力，他非所冀也。」僧歎曰：「子之志，未可量也。」（宋史本傳）竇舜卿以蔭爲三班，奉職監平鄉縣酒稅。有僧欲授以化汞爲白金之術，謝曰：「吾祿足養親，不願學也。」（宋史本傳）

■清廉

【食一肉飯脫粟】

公孫弘爲丞相，食一肉，脫粟飯，故人賓客來，仰衣食，家無餘財。（漢書）荀爽爲三公，食不過一肉，脫粟飯，坐皮褥。（張蕃漢記）

【飲馬投錢】

後漢郝子廉常遠行於路，飲馬輒投錢井中。（風俗通）潁川黃子廉，每飲馬，投錢於水中。○安陵項仲山飲馬渭水，日與三錢以償之。（趙歧三輔決錄）

【卻羌夷金】

後漢遷安定屬國都尉羌豪感奐恩德，上馬二十疋。先零酋長上金渠八枚，奐受之，而召主簿於諸羌前，以酒酬地，曰：「使馬如羊，不以入廄，使金如粟，不以入懷。」悉以還之。（續漢書）開元中，杜暹為監察御史，往西覆屯，蕃人贖金以遺，暹固辭，左右以不可失蕃人之情，暹受而埋於幕下，既出境，乃移牒令取之。（唐書）

【賜贓不受】

交趾太守坐贓，詔以班賜羣臣。鍾離意得珠璣，悉委地不拜。帝怪問其故，對曰：「孔子忍渴於盜泉，曾子回車於勝母，惡其名也。」帝乃別賜錢二十萬。（東觀漢記）向敏中判大理寺時，沒入吉贓錢，分賜法吏，敏中獨不受。（本傳）

【妻子炊爨】

第五倫為會稽太守，躬自芻養馬，妻子炊爨。（續漢書）周澤為涇池令，奉公克己，妻子親自釜竈。（東觀漢記）

【羊皮板榻】

高弘字武伯，為琅琊郡，悉出舍中供設付外，冬坐羊皮，夏坐板榻，以桑杯盛漿水。（謝承後漢書）羊茂字叔寶，為郡太守，冬坐白羊皮，夏坐丹板榻，常食乾飯，出界買鹽鼓，妻子不歷官舍。（同上）後漢薛淳為漢中太守，盛夏但坐板榻，榻上不用席，冬坐羊皮。（北堂書鈔）

【休假單步】

許荆字子張，少喪父，養母孝，家貧，為吏無有船車，休假常單步荷擔上下，清節稱於鄉里。（謝承後漢書）范丹字史雲，陳留人，為郡功曹，每休假，上下常單步杖策，同類以車牛與之，不取。

（同上）

【妻子不入官舍】

沈景初為河間太守，妻子不歷官舍。（謝承後漢書）羊茂為郡太守，嘗食乾飯，出境買

鹽鼓，妻子不入官舍。（同上）何並爲潁川守，妻子不入官舍。（白帖）裴潛每之官，不將妻子；妻子貧乏，織荆筑以自供，家人大小，咸并日而食。（魏略）魏霸濟陰人，爲鉅鹿太守，妻子不到官舍，念兄嫂在家勤苦，而獨尊樂，故常服粗糲，不食魚肉，婦親蠶業，子躬耕，與兄弟子同苦樂，鄉里慕其行化之。（東觀漢記）王良字仲子，在位恭儉，妻子不入官舍。（後漢書）高弘爲琅琊相，妻子不歷官舍。（謝承後漢書）

【還嫁奩】

裴坦之娶楊收女，器用皆犀玉，坦命持去曰：「殃我家矣！」（本傳）梁鴻妻孟光，裝飾入門，鴻曰：「吾欲衣裘褐之人，俱隱，今衣羅綺，傅粉墨，豈鴻所願？」孟光悉還裝飾於父，荆釵布裙，與鴻耕織。（本傳）

【取絹不貪】

靈太后賜百官員絹，任意自取。侍中崔光止取兩疋。太后問侍中何少？對曰：「臣有兩手，唯堪兩疋。」朝貴服其清介。（洛陽伽藍記）庫狄士文嘗入朝，遇隋文帝，賜公卿入左藏，任取多少。人皆極重，士文獨口銜絹一疋，兩手各持一疋，上問其故，士文曰：「臣手足口俱有餘，無所須。」（北史）

【妻布裙】

王良在位恭儉，妻布裙曳柴。（白帖）吳蔣欽字公奕，以戰功遷盪寇將軍，權嘗入其堂內，母疎帳縹被，妻妾布裙，權歎其在貴守約，即勅御廚爲母作錦被，妻妾衣服，悉皆錦繡。（同上）涇縣吳矩，時爲廬江太守，有清稱，徵還，船輕載土，時歲暮，遂除者就乞，所獲甚少，矩乃語之，遂除人見土而去。（宣城記）洪規罷會稽，無費，不欲令人知其清，乃以數船載黃土而歸。（白

帖）

【無地起樓臺】

寇萊公出入宰相三十年，不營私第，處士魏野贈詩曰：「有官居鼎鼐，無地起樓臺。」賢萊公南遷時，北使至內宴，宰執使者與坐，歷視諸相，語譯者曰：「孰是無地起樓臺相公？」（蒙訓）葉顛字子昂，仙遊人，第進士，調南海簿屬，攝尉事，有欲以所獲鹽授公，公曰：「仕途發軔，如造屋礎，柱石，柱

石不正，屋隨以傾。吾方入仕，豈宜自欺？後歷左僕射，同平章事，薨贈特進。林光朝以詩哭之：「傳家唯舊德，無地起樓臺。」人以爲實錄云。（合璧事類）

才辨

【讀書古人之糟粕】

桓公讀書於堂上，輪扁斲輪於堂下，釋椎鑿而上，問桓公曰：「敢問公之所讀者，爲之所讀者，古人之糟粕已夫。」桓公曰：「寡人讀書，輪人安得議乎？有說則可，無說則死。」輪扁曰：「以臣之事觀之，斲輪徐則甘而不固，疾則苦而不入，不疾不徐，得之於手而應於心，口不能言，有數存焉。於其間，臣不能以喻臣之子，臣之子亦不能受之於臣，是以行年七十而老斲輪。古之人與其不可傳也死矣，然則君之所讀者，古人之糟粕已夫！」（莊子）

楚成王讀書於殿上，而輪扁在下作，而問曰：「未審主君所讀何書也？」成王曰：「先聖之書。」輪扁曰：「此真先聖王之糟粕耳！」成王曰：「子何以言之？」輪扁曰：「以臣之輪言之，夫以規爲圓，矩爲方，此其可付乎子孫者也。若夫合三木而爲一，應乎心，動乎體，其不可得而傳者也。以爲所傳真糟粕耳！故唐虞之法，可得而改也；其喻人心不可及矣。」（韓詩外傳）

【天子子過誤殺人】

吏民以巫蠱相告言者，案驗多不實。上頗知，太子惶恐無他意。會高寢郎田千秋，上急變，訟太子寃，曰：「子弄父兵，罪當答。天子之子，過誤殺人，當何罪哉？」臣嘗夢見一白頭翁，教臣言：「上乃大感悟，召見田千秋，謂曰：『父子之間，人所難言也。公獨明其不然，此高廟神靈，使公教我。』公常遂爲吾輔佐。」立拜千秋爲大鴻臚，而族江充家。上憐太子無辜，乃作「思子宮」，爲歸來望思之臺於湖天。下聞而悲之。（漢書鑑）

巴東王子響殺僚佐，武帝召戴僧靜使領軍向江陵，僧靜面啓上曰：「巴東王年少，長史

司馬太急忿，太思難故耳。天子兒過誤殺人，有何大罪！今急遣軍西上，人情惶懼，無所不至。臣不敢奉勅。」上雖不答，而心善之。（南史）

【不取粟】

光武詔嚴遵詣行在，遇郡獻楛栗，上賜公卿以下，使各以手所及取之。遵獨不取。上問其故，遵曰：「君賜臣以禮，臣奉君以恭。今賜無所主，臣是以不敢取。」（會稽先賢傳）王泰幼敏悟，年數歲，祖母常呼諸孫散粟於床，羣兒競探之，泰獨不取，問其故，對曰：「不取自當得賜。」中表咸異之。（宋書）

【畏法而至】

郗任字君大，少修清節。光武徵以病不至。永平初，東斗憲王蒼爲驃騎將軍，辟而應焉。後朝會，顯宗戲之曰：「先帝徵君不至，驃騎辟君而來何也？」對曰：「先帝秉德以惠下，故臣可得。來。驃騎執法以簡下，故臣不可不至。」月餘遂去官。（東觀漢記）司馬景王東征，取上黨，李喜爲從事中郎，因問喜曰：「昔先公辟君不就，今孤召君何以來？」對曰：「先公以禮見待，故得以禮進退。明公以法見繩，喜畏法而至耳。」（白帖）

【同姓名今勝於昔】

齊魚復侯子響，武帝四子也。爲都督，荊州刺史，直閣將軍，董蠻粗有氣力。上曰：「人日仲舒，出自私庭；今日仲舒，降自天帝。以此言之，勝昔遠矣。」上稱善。（南史）蜀士李膺，有才辯，爲益州主簿。使至成都，武帝悅之，謂曰：「今日李膺，何如昔日李膺？」對曰：「今勝昔。」問其故，對曰：「昔事桓靈之主，今逢堯舜之君。」帝嘉其對。（同上）

【嘲姓】

徐之才嘲王昕姓云：「有言則証，近犬便狂，加頸足而爲馬，施角尾而成羊。」（北齊書）盧元明戲徐之才云：「卿姓是未入人名，是字之誤。」卽答云：「卿姓在亡爲虛，在正爲虛，生男則爲虜，養馬則爲驢。」（同上）聶崇義，郭忠恕嘗以其姓嘲之曰：「近貴全爲聶，攀龍卽作聶，雖然三個耳，其奈」

「我聽？」崇義答曰：「僕不能爲詩，聊以一聯奉答。」即云：「勿笑有三耳，全勝畜二心。」忠恕大慚。時以爲機捷而不失正，真儒者之譽云。（宋史儒林傳）崔正熊詣都郡，都郡將姓陳問正熊君去崔抒幾世？答云：「民去崔抒如明府之去陳恆。」（世說）

曠達

遊五嶽不知所終

墨子遇神人，授以素書，朱英丸方，道靈教戒，五行變化，凡二十五篇，遂成地仙。至漢武帝時，遣使者楊回，東巾加璧，以聘墨子，墨子不出，周遊五嶽，不知所終。（神仙拾遺）向子平讀易至損益卦，喟然歎曰：「吾已知富不如貧，貴不如賤，但不知死何如生耳！」爲子嫁娶畢，敕家事斷之云：「當如我已死。」（同）同好尚子夏俱遊五嶽名山，不知所終。（世說）

不如一經

韋賢字長儒，子玄成，字少翁，俱以明經，位至丞相。故語曰：「遺子黃金滿籩，不如教子一經。」（前漢書本傳）裴昭明歷郡皆清勤，嘗謂人曰：「人生何事須聚畜？一身之外亦復何須子孫？若不如一經。」（南史）齊柳世隆性清廉，唯盛事典墳，張緒問曰：「觀君舉措，當以清名遺子孫耶？」答曰：「一身之外，亦復何須子孫不才，將爲爭府如其才也，不如一經。」（同上）

家無擔石之儲

柳百萬。（劉毅傳）

貴不如賤

齊沈觀不尚浮華，從叔勃仕貴顯，每還吳興，賓客填咽，觀不至其門，勃就之，觀遂迎不越閭，勃曰：「吾今乃知貴不如賤也。」（合璧事類）向子平讀損益卦，喟然曰：「吾已知富不如貧，貴不如賤，但未知死何如生耳。」（世說）

【官職由天】

魏徵爲僕射，方寢，二典事長候於窗下。甲曰：「吾等官職，總由此老翁。」乙曰：「總由天上。」徵聞之，作書遺甲，送至侍郎處云：「與此人一好官。」其人不知出門心痛，付乙送書，明日引乙存至尊，帝默然。卽以二小金合各書數字，藏於中，先到者保奏給事，有勞推恩，封秘甚嚴。先命乙攜一往內東門，丙及半道，命甲攜一繼往。無何內東門司保奏甲推恩，問之乃乙至半道，足跌傷甚，莫能行，甲遂先到。（能改齋彙錄）海陵時有護衛二人私語，一曰：「富貴在天。」一曰：「由君所賜。」海陵聞之，詔授言由君所賜者，以五品職。其人暴疾，竟不及授。（金史）

博聞

【酒解冤獄】

漢武帝幸甘泉，坂，馳道有蟲蟠而覆地，亦如生肝，頭目鼻耳齒盡具。先驅施頭馳還，以聞。上使視之，莫識也。時東方朔在屬車，令往視之，曰：「此蟲名怪哉！」上曰：「何謂？」對曰：「秦始皇幽殺無辜，衆庶愁怨，咸仰天歎曰：『怪哉怪哉！』憤氣之所生也。此地必秦之故獄處。」詔丞相公孫弘按地圖，果秦獄也。上曰：「善！當何以去之？」朔曰：「凡積憂者得酒而解。」於是使人取蟲置酒中，須臾糜爛。（東方朔別傳）梁大彭郡王劉知俊，鎮同州，因築營牆，掘得一物，重八十餘斤，狀若油囊。召賓幕將校問之，或曰：「地囊。」或曰：「飛廉。」或曰：「金神七煞。」獨留源曰：「此冤氣所結也。古來固圉之地，或有焉。昔王世充據洛陽，修河南府獄，亦獲此物，乃冤死囚人，精爽入地，凝結不散，故有此種。源聞酒能忘憂，請奠以醇醪，或可得消釋耳。」

【長頭】

諸儒爲之語曰：「問事不休，賈長頭。」謂賈逵也。（後漢書）范寔謂人曰：「諸君進止，當問范長頭。」以范岫多識前代舊事也。（南史）

【武 庫】

裴頡字逸民，博學稽古。周弼見而歎曰：「頡若武庫，五兵縱橫，一時之傑也。」（合璧事類）
杜預朝野號之曰「杜武庫」。言其無所不有。（同上）裴令公目夏侯太初曰：「如入宗廟，琅琅但見禮樂器。見鍾士季如觀武庫，但觀矛戟。」（世說）

【易 聖】

唐衛大經，遂於易，人謂之「易聖」。（詞林海錯）唐昭宗時有董賀者，精卜筮，人謂之「易聖」。（同上）

■ 勇力

【髮上指冠】

相如奉璧奏秦王，秦王大喜，傳以示美人及左右，左右皆呼萬歲。相如視秦王無意償趙城，乃前曰：「璧有瑕，請指示王。」王授璧，相如因持璧卻立倚柱，怒髮上衝冠。（史記藺相如列傳）
荆軻至秦，太子及賓客知其事者，皆白衣冠以送之。至易水上，既祖取道，高漸離擊筑，荆軻和而歌，為變徵之聲，士皆垂淚涕泣。又前而歌曰：「風蕭蕭兮易水寒，壯士一去兮不復還。」復為羽聲，慷慨，士皆瞋目，髮盡上指冠。於是荆軻就車而去，終已不顧。（史記荆軻傳）
楚霸王宴漢王於鴻門，噲帶劍擁盾入軍門，交戟之衛士欲止不內，噲側其盾以撞衛士，仆地，噲遂入。帷西嚮立，瞋目視項王，頭髮上指，目眦盡張。（史記項羽本紀）
朱亥大梁人，隱於屠肆。侯嬴薦魏公子，使奉璧謝秦王。秦王怒，寘之虎圈。亥髮上衝冠，瞋目視虎，虎不敢動，遂以禮遣之。（中州人物志）

【射 石】

李廣出獵，見草中石，以為虎而射之，中沒鏃。視之石，因復射之，終不復入。（史記）
楚熊渠子夜行，見寢石，以為伏虎，彎弓射之，沒金飲羽。下視知其石也，因復射之，矢摧無迹。渠子見其誠心而金石為之開，况於人乎？（韓詩外傳）
遠嘗校獵於莎柵，見石於叢蒲中，以為伏兔，射之而中，鏃入寸餘。就

而視之，乃石也。太祖聞而異之，賜書曰：「昔李將軍廣親有此事，公今復爾，可謂世載其德。雖熊渠之名，不能獨擅其美。」（周書李遠傳）

【彎弓三百觔】

蓋延身長八尺，彎弓三百觔，邊俗尙勇力，而延以氣聞。（後漢書本傳）祭彤貴三百觔弓。（東觀漢記）叔偉九歲，爲州主簿，及長，膂力過人，彎弓三百觔，左右馳射。（魏書傳永傳）

【斬蛟江水俱赤】

晉鄧遐爲襄陽太守，城北江水中，有蛟，常爲人害。遐遂按劍入水，蛟繞其足，遐揮劍截蛟流血，江水爲之俱赤。因名曰斬蛟渚，亦謂之斬蛟津。（襄陽耆舊傳）韃爲潭中老蛟爲害，太守趙昱率甲士千人，夾江鼓噪。昱持刀入水，有頃，江水盡赤，昱左手持蛟首，右手持刀，奮波而出。隋大亂，隱去，不知所終。後嘉陵水漲，蜀人見昱青霧中騎白馬，從數獵者于波面過。宋太宗封神勇大將軍，廟食灌江口。（方輿勝覽）

【中矢復戰】

馬超爲司隸校尉，督軍從事，討郭援，爲流矢所中，以囊囊其足而戰，破斬援首，詔拜徐州刺史。（蜀志馬超傳）煬帝遣右禦將軍陳稜以精兵討杜伏威，稜不敢戰，伏威遣以婦人服，書稱

陳姥，怒其軍稜果悉兵至，伏威迎出挑戰。稜軍射中其額，伏威怒曰：「不殺汝，矢不拔！」遂馳入稜陣，大呼衝擊，衆披靡，獲所射將，使拔箭已，斬之。（唐書杜伏威傳）趙立數有戰功，爲武衛都虞侯。建炎三年，金人攻徐，王復拒守，立督戰，中六矢，戰益厲。（宋史本傳）李萬超從杜重威拒契丹於陽城，流矢貫手，萬超拔矢復戰，神色自若。○崔翰從征太原，率先攻城，流矢中其頰，神色不變，督戰益急。○李懷忠從太祖征晉陽，奮銳爲士卒先，中流矢，力疾戰益奮。○劉蒙正，乾德中，王師征江南，命乘傳軍中承事盧絳，以舟師來援潤州，蒙正白部署，丁德裕請分精甲百人出與絳戰，矢中左脅，戰愈力。○王凱徙麟州都監，入兔毛川，遇賊衆三萬，凱以州兵六千陷圍，流矢中面，戰不解，又斬首百餘級。○范旻在邕州時，會鄧存忠劫土人二萬衆，攻州城七十餘日，旻屢出親戰，矢集於胸，猶激厲將卒死。

戰，賊遂少卻。○姜才與北兵戰，楊子橋日暮兵亂，流矢貫才肩，才拔矢揮刀而前，所向辟易。○密與北師張榮實
 呂師襲戰，圍佑數重，矢下如雨，佑面中矢，拔之復戰。又身被四矢三槍，猶揮雙刀，斫圍南走。○杜杲字子所，江淮制
 置使李鈺羅致幕下。滁州受兵，杲提偏師往援。甫至，民蔽野求入滁，守固拒，杲啓鎗納之。金人圍城數重，杲登陣
 中矢，益自奮，后卒全其城。（俱宋史本傳）遇春從徐達攻寧國，中流矢，裹創鬥克之。（明史常遇春傳）湯和字
 鼎臣，濠人，從定太平，獲馬三百，從擊陳瑄先水軍，流矢中左股，拔矢復鬥，卒與諸將破擒瑄先。（明史本傳）錢肅
 繹字文卿，故大學士肅樂同產弟，世稱之爲錢八將軍。錢氏以簪纓禮樂著，而無以勇力見者。有之，自肅繹始。獨能
 射虎命中，飲酒可數斗，愈醉膽愈壯，仰天振纓，意氣橫舉。肅樂起兵，其同產弟之從軍者四，從子一，又族弟二，曰肅
 文、肅度。忽於衆中見肅繹，仗策請自效，以其特勇，恐生蹉跌，遏之不許列名。既乃變姓名，注籍諸將幕下，及誓師，始
 見之。肅樂誠曰：「汝必欲隨征耶？」江上出戰，獨爲先茅，浮白大呼，挺矛直前，嘗中利刃，腸出不及納，一手攬之一
 手，權鬥不止，卒連斫二人仆地，始得還營。一軍皆大驚，而肅繹則意氣自若，若無傷者。（南疆釋史）

〔中雷股〕

中雷不能入。（詞林海錯）

晉楊道和，田中霹靂下擊，道和以鋤格其股，落地不得去。（文海披沙）陳鸞鳳常食黃魚和
 豕肉，致雷及雷欲擊，輒持刃望空仰擊，中雷公之股而墮。自後每所至，雷輒隨之，乃入大巖石

〔弓力十石〕

儀督力過人，弓力十石。（魏書衛王儀傳）羊侃少而雄勇，膂力絕人，所用弓十餘石。（梁書
 本傳）康生性驍勇，有武藝，弓力十石。（魏書奚康生傳）

〔左右射〕

文帝自敍曰：「尙書令荀彧奉使犒軍，見余談論之末，彧言聞君善左右射，此實難能。余言執
 事未親，夫項發口縱俯馬蹄而仰月支也。彧喜笑曰：「乃爾余曰：『埒有常徑，的有常所，雖每發輒
 中，非至妙也。若馳平原，赴豐草，要狡獸，截輕禽，使弓不虛彎，所中必洞，斯則妙矣。』（典略）叔偉膂力過人，彎弓

三百觔，左右馳射。《魏書·傅永傳》：「梁使來聘云：『有武藝求訪，北人欲與相角。』世宗遣猛就館接之，雙帶兩鞬，左右馳射，兼共試力，挽彊弓，梁人引弓兩張，力皆三石，猛遂併取四張，疊而挽之，過度，梁人嗟服。」《北齊書·綦連猛傳》：「遂之曾孫勳，字偉長，便弓馬，能左右射。」《晉書·濟南惠王遂傳》：「李萬全善左右射。」《宋史》：「曹評善射，左右手如一夜或滅燭，能中。」《宋外戚傳》：「孫傅庭號白谷，代州人，長身伉爽，才武絕人，能左右射。」《明史》：

【矢不虛發】

豆代田，代人也。太宗時，以善騎射爲內細射。從攻虎牢，詔代田登樓射敵，矢不虛發。《魏書本傳》：「劉秀貞善騎射，矢不虛發，軍中號曰『劉一箭。』」《陸游南唐書本傳》：

【手舉石獅】

東魏孝靜帝，能挾石獅子，以踰牆。《魏書》：「史弼膂力絕人，里門鑿石爲獅，重四百餘斤，弼舉之，置數步外。」《元史》：「續溪縣大徽村汪節，有神力，入長安至東渭橋，有石獅重千斤，節遂提獅子投之丈餘，尋復置之故地。」

【一發雙貫】

賀拔勝從太祖宴於昆明池，有雙鳧游於池上。太祖乃授弓矢於勝，曰：「不見公射久矣，請以爲歡。」勝射之一發，俱中，因拜太祖曰：「使勝得奉神武，以射不庭，皆如此也！」太祖大悅。《

周書·賀拔勝傳》：「晟與突厥攝圖，每共遊獵，留之竟歲。嘗有二鵬飛而爭肉，因以兩箭與晟，曰：『請射取之。』晟乃彎弓馳往，遇鵬相攫，遂一發而雙貫焉。」《隋書·長孫晟傳》：「代宗敗於苑中，矢一發貫二兔，從臣皆賀。」《舊唐書·代宗紀》：「高駢事朱叔明爲司馬，有二鵬並飛，駢曰：『我且貴，當中之。』一發貫二鵬，衆大驚，號『落鵬侍御。』」《唐書本傳》：「秦王翰弟幹，喜弓馬，以馳從。明元子白登之東北，有雙鷗飛鳴於上，帝命左右射之，莫能中，鷗旋飛稍高，幹以一箭下二鷗。」《後魏書》：「金章宗獵於豁赤火，一發貫雙鹿，是日獲二百二十二。」《金史》：

【渴飲血】

北兵攻文州，州守劉銳通判趙汝彞相誓死守，更迭出戰，被圍旬有五日，汲道絕，兵民水不入口者半月。至吮妻子之血，卒無叛志。《宋史·王翬傳》：「牛富守樊城，六年不拔，富力居多，城破，

富率死士百人巷戰，傷不可計，渴飲血水轉戰，前遇民居，燒絕街道，身被重傷，以頭觸柱赴火死。（宋史本傳）

節儉

【衣不重帛】

晉國苦奢，文公以儉矯之，衣不重帛，食不兼肉。無幾時，國人皆大布之衣，脫粟之飯。（尹文子）

【不重席】

孟懿伯相魯，坐不重席。（韓子）闔閭居不重席。（左傳）

【澣冠洗幘】

晏平仲以齊君奢，故澣其朝冠，振其鹿裘。（風俗通）漢巴祇字敬祖，爲揚州刺史，幘毀壞不復改易，以水澣洗，曝用之。（後漢書）

【飯脫粟】

晏子相齊，衣十升之布，食脫粟之飯。（晏子）公孫弘爲丞相，封侯，食一肉脫粟之飯。（漢書）

【藜藿不糝】

原憲居魯，藜藿不糝。（莊子）孔子窮於陳蔡之間，藜藿不糝。（墨子）

【食不重味】

闔閭食不二味。（白帖）朱博爲人廉儉，不好酒色游宴，自微賤至富貴，食不重味。（漢書）

李恂爲兖州刺史，清約率下，食不重味。（後漢書）幽州刺史劉虞，食不重肴，藍縷繩履。（北

堂書鈔英雄記）司空長孫道生，廉約，身爲三司，而衣不華飾，食不兼味。（魏書）程公許，冲澹寡欲，食无重味，一裘至數十年不易。（宋史本傳）朱家以俠聞，所藏活豪士以百數，其餘庸人不可勝言，然終不伐其能，飲其德，家無餘財，衣不兼采，食不重味。（漢書游俠傳）

【夫人衣不曳地】

漢文帝衣弋綈，所幸夫人，衣不曳地。（漢紀）梁武帝身衣布衣，後宮妃衣不曳地。（梁紀）

【食乾飯】

賀玄爲九江太守，行縣齋持乾糲。（東觀漢記）左雄字伯豪，爲冀州刺史，不舉烟火，常食乾

飯。後漢書）胡劭爲淮南太守，使鈐下閣外炊，暴作乾飯，閣內不設釜瓶。（同上）沈景爲河間相，恆食乾糲。（謝承後漢書）吳郡徐相爲長沙太守，常食乾飯，不發煙爨。（同上）陳修家貧，爲吏恆食乾飯。（會稽典錄）

【葬不川棺】

皇甫謐誠云：「吾本欲露形入坑，以身親土，或恐人情染俗，來久理難頓革，今故摘爲之制，奢不石，槨儉不露形，氣絕之後，便即時服幅巾，故衣以籩簞裹尸，麻約二頭，置尸牀上，擇不毛之地，穿坑深十尺，闊六尺，長一丈五尺，廣六尺，舉牀就坑，去床下尸籩簞之外，便以親土，土以地平還其故草。（皇甫謐篤終篇）盧植病困，勅其子儉葬於山，足不用棺槨，附體單帛而已。（盧植別傳）沐德信年六十餘，自慮無常，豫作終制，誠其子曰：「以儉葬。」至嘉平病困，又勅豫掘塋，誠氣絕令二人舉尸，卽塋，絕哭泣之聲，止婦女之送。後亡者不得入藏，不得封樹，妻子皆遵之。（魏略）楊王孫病且終，先令其子曰：「吾欲羸葬，以反吾真，必亡易吾意，死則爲布囊盛尸入地，七尺既下，從足引脫其囊，以身親土。」其子不忍從，往告王孫，友人新侯以書諫之。王孫報曰：「蓋聞古之聖王，緣人情不忍其親，故制爲禮。今則越之。吾是以羸葬，將以矯世也。夫厚葬誠無益於死者，而俗人競以相告，靡財單幣腐之地下，或致今日入而明日發，此真與暴骸於中野何異？且吾聞之：精神者天之有也，形骸者地之有也，精神離形，各歸其真，故謂之鬼。鬼之爲言歸也。其尸塊然獨處，豈有知哉？裹以幣帛，高以棺槨，支體絡束，口含玉石，欲化不得，鬱爲枯臘，十載之後，棺槨朽腐，乃得歸土，就其真宅。繇是言之，焉用久客？昔帝堯之葬也，窆木爲槨，葛藟爲緘，其穿下不亂泉，上不泄殞，故聖王生易尚，死易葬也。不加工於無用，不損財於無謂，今費財厚葬，留歸商（與隔同）至，死者不知，生者不得，是謂重惑於戲，吾不爲也。」新侯曰：「善。」遂羸葬。（漢書楊王孫列傳）

【布襦】

第五倫雖爲二千石，常衣布襦。（東觀漢記）管寧恆著草帽布襦。（魏志）

【食韭】

庾杲之清貧，食唯韭蘆，並生韭雜菜。任昉戲之曰：「誰謂庾郎貧，食常有二十七種？」言三

九也。(齊書)魏季宗家富，而食常無肉，止有菲蕘。李元祐曰：「季令公一食十八種。」謂二九十八。(世說)

禮賢

【晉平公魏文侯】

晉平公與亥唐坐，有間，亥唐出，叔向入。平公伸一足曰：「吾向與亥子坐，腓痛足不敢伸。」叔向勃然作色不悅，公曰：「子欲貴乎？吾僖子欲富乎？吾祿子。夫亥先生乃無欲也，吾非正坐無以養之，子何不悅乎？」(嵇康高士傳)魏文侯見段干木，立倦而不敢息。及見翟璜踞於堂而與之言，翟璜不悅，文侯曰：「段干木官之則不肯，祿之則不受。今汝欲官則相位，欲祿則上卿，既受吾實，又責我禮，無乃難乎？」(同上)

【帝目送】

絳侯爲丞相，朝罷趨出，意得甚。上禮之恭，常目送之。(漢書袁盎傳)漢十二年，上從破布歸，疾益甚，愈欲易太子，良諫不聽，因疾不視事。叔孫太傅稱說引古，以死爭太子。上陽許之，猶欲易之。及宴，置酒，太子侍，四人者從太子，年皆八十有餘，鬚眉皓白，衣冠甚偉，上怪問曰：「彼何爲者？」四人前對，各言其姓名，上迺驚曰：「吾求公避逃我，今公何自從吾兒游乎？」四人曰：「陛下輕士善罵，臣等義不辱，故恐而亡匿。今聞太子仁孝，恭敬愛士，天下莫不延頸願爲太子死者，故臣等來。」上曰：「陛下輕士善罵，臣等義不辱，故恐而亡已畢，趨去，上目送之。(漢書) (愚謂高帝自言，公不得豈有輕罵之事哉。厥後亦未聞如何歸山如何結局。此不過僞託四人以愚上耳。決非真四皓明矣。迨趙王阼亡，惠帝憂死，向非呂后先殞，安劉平勃，良不幾爲漢室之罪人哉。)梁大同三年，東魏遣散常侍李諧聘於梁。梁主與語，應對如流，因目送之。謂左右曰：「卿輩常言北間無人物，此等何自而來？」(梁書武帝紀)覽意氣閒雅，視瞻聰明。武帝目送良久，謂徐勉曰：「覺此生芳蘭竟體。」(南史謝覽傳)詵子曼情，亦早有令譽。世祖在荊州，辟爲主簿，遷中錄事。每出，世祖常目送之。謂劉之遴曰：「荆南

信多君子。雖美歸田鳳，清屬桓階，賞德標奇，未過此子。」（梁書庾詵傳）玄宗宴於勤政樓下，巷無居人。宴罷，帝猶垂簾以觀。兵部侍郎盧綯謂帝已歸宮掖，垂鞭按轡，橫縱樓下。綯負文雅之稱，而復風標清粹。帝一見，不覺目送之。問左右曰：「誰？」近臣具以綯名氏對之。帝亟稱其蘊藉。（明皇雜錄）沈召入翰林爲學士，嘗侍宴，太宗目送之，曰：「李沆風度端凝，真貴人也。」（宋史李沆傳）帝素賢旦，嘗奏事退，目送之曰：「爲朕致太平者，必斯人。」（宋史王旦傳）趙侍讀師民學問淳德，天下所共稱也。仁廟時，講書後殿，說乾卦四德，至貞字，不以他音代呼，直言其字，近臣皆掩口。公徐曰：「臨文不諱。」講罷，帝目送之，顧左右曰：「此真古儒也。」其尊重如此。（彭乘墨客揮犀）堯俞還右諫，同知諫院，英宗眷遇，嘗雪中賜對。堯俞自東廡升，帝傾身東向以待，每奏事退，多目送之。（宋史堯俞傳）寇準自瀘淵還，頗自矜其功，帝亦待準甚厚，王欽若深嫉之。一日會朝，準先退，帝目送之。欽若因進曰：「陛下敬準，爲其有社稷之功耶？」帝曰：「然。」欽若曰：「城下之盟，春秋恥之。瀘淵之舉，是以萬乘之貴，而爲城下之盟，其何恥如之？」帝愀然不悅。（通鑑）（此與袁盎譖絳侯相同，人臣能有功不伐，庶胥小無得而問之。易曰：謙而彌光。此郭汾陽之所以永保富貴也。）紹興三十年，秋七月，以朱倬參知政事。倬初以張浚薦，自宜興簿入對時，帝方以劉豫爲憂，倬策其必敗，帝大喜，而秦檜惡之，乃出爲越州教授。檜死，倬知惠州，陛辭，因言前事，帝問曰：「卿何久淹如此？」倬言爲檜所扼，帝愀然慰諭，目送之，且曰：「人不知卿，惟朕獨知。」遂累擢至中丞。（綱目）

【尙書令脚疾於府攝事】

謝石遷尙書令，石上表以脚疾不敢朝拜，乞依尙書王彪之例，於府綜攝。詔聽之。（晉中興書）王述患脚疾，就拜尙書令於府攝事。（徐廣晉記）

【金蓮炬送還院】

令狐綯爲翰林承旨，夜對禁中，燭盡，帝以乘輿金蓮炬送還院。吏望見，以爲天子來。及纒至，皆驚。（唐書本傳）軾嘗鎖宿禁中，召入對便殿，宣仁后問曰：「卿前年爲何官？」曰：

「臣爲常州團練副使。」曰：「今爲何官？」曰：「臣今待罪翰林學士。」曰：「何以遽至此？」曰：「遭遇太皇太后皇帝陛下。」曰：「非也。」豈大臣論薦乎？」曰：「亦非也。」軾驚曰：「臣雖無狀，不敢自他途進。」曰：「此先帝意也。先帝每誦卿文章，必歎曰：『奇才奇才。』但未及進用卿耳。」軾不覺哭失聲。宣仁太后與哲宗亦泣，左右感涕。已而命坐賜茶，徹御前金蓮燭送歸院。（元脫脫撰蘇軾傳）丁酉九月丙辰，宣召侍讀史少保浩錫宴澄碧殿。抵暮，送以金蓮燭，宿玉堂直廬，上命作詩敘此會，史進古詩三十韻，上御製俯同其韻。（周必大玉堂雜記）

【識名殿柱】

呂夷簡之亡也，仁宗思之，問知公弼名識於殿柱。（呂公弼傳）李參字清臣，神宗久知其才，書名於殿柱。（宋史本傳）陳恕拜鹽鐵使，釐去宿弊，太宗深器之，親題殿柱曰：「真鹽鐵陳

恕。」（宋史本傳）

【帝手和藥賜臣】

杜鎬直龍圖閣，眞宗開樽酒，親封題賜鎬。鎬素不飲，飲之疾作，幾至不救。眞宗親至閣下臨問，手調藥餌撫慰。三朝寶訓：王旦疾甚，遣內侍問者，日或三四，帝手自和藥賜之。（宋史本傳）曹彬拜樞密使，咸平二年，被疾，上趣駕臨問，手爲和藥，仍賜白金萬兩。（宋史本傳）

交誼

【刎頸交】

相如位在廉頗之右，廉頗曰：「我爲趙將，有攻城野戰之大功，而藺相如徒以口舌爲勞，而位居我上，且相如素賤人，吾羞，不忍爲之下。」宣言曰：「我見相如，必辱之。」相如聞，不肯與會。相如每朝時，常稱病不欲與廉頗爭列。已而相如出，望見廉頗，相如引車避匿。於是舍人相與諫曰：「臣所以去親戚而事君者，徒慕君之高義也。今君與廉頗同列，廉君宣惡言，而君畏匿之，恐懼殊甚。且庸人尚羞之，況於將相乎？臣等不肖，請辭去。」相如固止之曰：「公之視廉將軍，孰與秦王？」曰：「不若也。」相如曰：「夫以秦王之威，而吾

廷叱辱其羣臣；相如雖驚，獨畏廉將軍哉！顧吾念之，強秦之所以不敢加兵於趙者，徒以吾兩人在也。今兩虎相鬥，其勢不俱生，吾所以爲此者，以先國家之急而後私讎也。」廉頗聞之，肉袒負荊，因賓客至，相如門謝罪曰：「鄙賤之人，不知將軍寬之至此也。」卒相與驩爲刎頸之交。（史記藺相如廉頗傳）陳餘年少，父事張耳，兩人相與爲刎頸交。（史記張耳陳餘傳）

【新起宅殮友人】

范雲少與王暎善。雲起宅新成，移家始畢，暎亡於官舍，屍無所歸。雲以東廡給之，移屍自門入，躬自營瘞，招復如禮。（感應篇續傳）周侍制仁榮築一室，纔落成，友人楊公道輿疾至門曰：「願假君新宅以死。」仁榮讓正寢居之，未幾楊死，箱財十八，莫有主者。楊之弟來求分，榮曰：「若兄害死於我，意固在是。」喪費俱自己出，終不利其一毫，對衆封籍，自平陽呼其子來付之。（輟耕錄）

【僑札之分】

周瑜爲居巢長，過魯肅求資糧，肅指困米與周瑜，瑜益知其奇，遂相親結定僑札之分。（本傳）陸抗與羊祜推僑札之分。（晉楊秋）

■ 知遇

【富貴不歸故鄉如衣錦夜行】

韓生說項羽關中可都，羽懷思東歸，曰：「富貴不歸故鄉，如衣錦夜行。」（史記）武帝以朱買臣爲會稽太守，謂曰：「富貴不歸故鄉，如衣

錦夜行。」（漢書本傳）

【臥治】

武帝召汲黯爲淮陽太守，黯伏謝不受印綬，詔數強予，然後奉詔上殿，黯泣曰：「臣自以爲填溝壑，不復見陛下，不意陛下復收之，臣常有狗馬之心，今病力不能任郡事，臣願爲中郎，出入禁闕，補過拾遺。」上曰：「君薄淮陽邪？吾今召君矣。」顧淮陽吏民不相得，吾徒得君重臥而治之。」（漢書）

蘇况攻破弘農，主獲郡守景丹，時病，帝以其舊將，欲令強起領郡事，夜乃召入，謂曰：「賊迫近京師，但得將軍威重，臥以鎮之足矣。」（後漢書）

【河東吾股肱郡】

季布任俠有名，為河東守。孝文時，人有言其賢者，召欲以為御史大夫。復有言其使酒難近至邸，留一月，見罷，布進曰：「陛下以一人之舉而召臣，以一人之毀而去臣，臣恐天下聞之，有以窺陛下。」上曰：「河東吾股肱郡，故召君耳。」（通鑑）魏杜畿字伯侯，為河東太守，政崇寬惠。魏初為尚書令，帝語之曰：「將授卿以納言之職，顧念河東吾股肱郡，故且煩卿臥鎮之。」在郡十六年，常為天下最。（本傳）

【給筆札】

蜀人楊得意為狗監侍上。上讀子虛賦而善之，曰：「朕獨不得與此人同時哉！」得意曰：「臣邑人司馬相如，自言為此賦。」上驚，乃召問相如，相如曰：「有是，然此乃諸侯之事，未足觀，請為天子游獵上林之賦。」上令尚書給筆札。（司馬相如傳）雄為郎三歲，自奏少不得學，願不受三歲俸，得肆心廣意以自克。就詔可，令尚書給筆札，得觀書石渠。（北堂書鈔揚雄答劉韻書）帝召賈逵救蘭臺，給筆札，使作神雀頌。（東觀漢記）荀悅尚書給筆札。（玉海）上銳以太平責成宰輔，數下詔，督弼與范仲淹等。又開天章閣，給筆札，使書其所欲為者。（富弼傳）

【轉運比蕭何】

光武拜寇恂為河內太守，謂曰：「昔高祖留蕭何鎮關中，吾今委公以河內，堅守轉運，給足軍糧。」於是轉運不絕。（後漢書）代宗立，劉晏領東都河南江淮轉運常平使，盡以漕事委之，故晏得盡其才。歲輸至，天子大悅，馳使勞曰：「卿朕鄼侯也。」凡歲致四十萬斛。（唐書）

【賢臣喻左右手】

竇融以兄弟並受爵位，久專方面，懼不自安。數上書求代，詔報曰：「吾與將軍如左右手耳，數執謙退，何不曉人意，勉循士民，無擅離部曲。」（後漢書竇融傳）玄齡居宰相，以

權寵隆極，累表辭位。帝遣使謂曰：「讓誠美德，然國家相眷賴久，一日去良弼，如亡左右手，毋多讓。」（唐書玄齡傳）

【鷺鳥累百不如一鶚】

龐參爲江陵令。先零反，御史中丞樊準薦參曰：「鷺鳥累百，不如一鶚。」（漢書）
廬陵賊熾，諸將不能下，孫權曰：「鷺鳥累百，不如一鶚。」令呂蒙討平之。（吳書）

書）

【一軍皆驚】

蕭何薦韓信于漢王曰：「王計必東，能用信，信卽留；不能用信，信終亡耳。」王曰：「吾爲公以爲將？」何曰：「雖爲將，信亦不留。」王曰：「以爲大將？」何曰：「幸甚！」于是王欲召信拜之。何曰：「王素嫚無禮，今拜大將，如召小兒，此乃信所以去也。王必欲拜之，擇日齋戒，設壇場具禮乃可。」王許之。諸將皆喜，人人各自以爲得大將。至拜，乃韓信也。一軍皆驚。（漢書）先主爲漢中王，遷魏延治成都，當得重將以鎮漢中。衆論以爲必在張飛，飛亦以心自許。先主乃拔延爲漢中鎮遠將軍，領漢中太守，一軍盡驚。（蜀志）

【比子房】

曹操以荀彧爲吾子房。（漢紀）魏祖欲遷都洛陽，任城王澄贊成之。魏祖喜曰：「任城吾子房也。」（北魏書）孟珙辟楊拔於幕，常用其策，呼爲小子房。（宋史）

【家中視事】

安帝二年，太常臨川王寶啓府舍窄狹，不足移家，母鍾年高，違離靡寧，乞還第攝事。詔聽之。（晉起居注）何澄字季玄，遷左僕射領選，以脚疾辭。詔聽不朝，坐家視事，又領本州也。（同上）

【將門有將】

王鎮惡，猛之孫，以五月五日生，家人以俗忌，欲弗舉。祖猛曰：「昔孟嘗君以惡月生而相齊，是兒亦將興吾門矣。」故名爲鎮惡。武帝與語，異之，謂諸佐曰：「鎮惡王猛孫，所謂將門有將。」

（本傳）帝好征伐，楊玄胤陰求將領。帝嘉之曰：「將門有將，故不虛也。」（隋書）

【佳句書扇】

羊孚作雪賦：「資清以化，乘氣以霏，遇象能鮮，卽潔成輝。」桓胤遂以書扇。（世說）柳惲少

工箝什，爲詩云：「亭皋木葉下，隴首秋雲飛。」琅琊王融見而嗟賞，因書白團扇。（梁書）

【文傳異域】

溫子昇文章清婉，陽夏守傅標使吐谷渾見其國主，牀頭有書數卷，乃子昇文。（後魏書）杜正殘字爲善，著碑、銘、頌、詩、賦，百餘篇；又著文章體式，時人號爲文軌，乃至海外高麗、百濟，亦共傳習，稱爲杜家新書。（隋書）劉孝綽詞藻爲後進所宗，每作一篇，朝成暮編，諷誦傳寫，流聞絕域。（梁書）本傳）唐馮定，字介夫，初源寂使新羅，其國人傳定黑水碑畫鶴記，韋休符使西番，所館寫定商山記於屏，其名播戎狄如此。（焦氏類林）

【騏驥妻女】

杜廣爲勳景廢卒，景問其意，廣中敍有條，景告妻曰：「不覺廢中乃有騏驥！」遂妻以女，後爲刺史。（史學璧珠）馮素弗慷慨有大志，南宮令成藻有高名，素弗造與談藻奇之曰：「吾遠求騏驥，不知近在東鄰！」遂妻以女。（同上）

品藻門

【可人】

孔子曰：「管仲遇盜，取二人焉，曰：可人也！」（禮記）延熙七年，假禕節，率衆往禦魏軍，光祿大夫來敏至，禕許別求共圍棋，於時羽檄交馳，人馬擐甲，嚴駕已訖，禕與敏留意對戲，無厭倦。敏曰：「向卿觀試君耳，君信可人，必能辦賊者也！」禕至，敵遂退，封成鄉侯。（蜀志費禕傳）桓溫過王敦墓下曰：「可人可人！」（晉書）

【蘇李】

西漢蘇武、李陵能詩，謂之「蘇李」。（詩註）唐蘇味道，里人李嶠，俱以文章顯，時號「蘇李」。（同上）蘇頌、李又，對掌文誥，明皇謂頌曰：「前朝有李嶠、蘇味道，今有卿及李又，亦世不乏人。」（同上）宋蘇軾、李公擇，同以文章名世，世亦稱「蘇李」，東坡有寒食答李公擇三絕，云：「從來蘇李得」

名雙。」（本集）

【臥龍】

諸葛亮琅琊人也，避亂躬耕南陽，自比管仲樂毅。徐庶語先主曰：「孔明臥龍也。」凡三顧乃見。（本傳）嵇康寓河內之山陽，夏月嘗與向秀鍛柳下。鍾會訪之，康鍛如故，不交一言。會去，康曰：「何所聞而來？」會曰：「聞所聞而來，見所見而去。」會以是憾之。乃譖於昭曰：「嵇康臥龍也，公無憂天下，憂在康耳。」（懷慶流寓攷）

【非百里才】

龐統爲耒陽不治，魯肅曰：「士元非百里之才。」治中別駕，始展驥足。（通鑑）蔣琬爲廣祚長，不治常醉。諸葛亮曰：「公琰社稷之器，非百里之才。」（三國史）

【如蒼生何】

謝安高臥東山，諸人每言「安石不起，如蒼生何？」（晉書）於時擬浩爲管葛。王濛謝尚猶伺其出處，以下江左興亡，相與省之。知浩有確然之志，既返，相謂曰：「深源不起，當如蒼生何！」

（晉書殷浩傳）

【卿必坐此】

王儉爲丹陽尹，於後堂引見袁昂，指北堂謂曰：「卿必坐此。」（南史）李靖初仕隋，爲長安縣功曹。楊素嘗拊其牀，謂之曰：「卿終當坐此。」（舊唐書）

【比明珠】

劉孺幼聰敏，七歲能屬文。叔父瑱，爲義興郡，攜以之官。常置坐側，謂賓客曰：「此吾家明珠也。」（南史本傳）狄仁傑以明經舉授汴州判佐。時工部尚書閻立本爲河南道黜陟使，仁傑

爲吏人，誣告立本，見而謝曰：「仲尼云：『觀過知仁。』」足下可謂海曲之明珠，東南之遺寶。」薦授并州都督府法曹。（舊唐書本傳）

【比孔明】

劉亮本名道德，以勇敢見知，爲當時名將。屢陳謀策，多合機宜。周文謂曰：「卿文武兼資，卽孤之孔明也。」乃賜名亮。（北史本傳）秦王苻堅，一見王猛，大悅，自以爲劉玄德之遇諸葛孔

聞，蓋以國事任之。（晉書）劉基字伯溫，青田人，精象緯學。嘗遊西湖，有異雲起西北，光射湖中。同遊者魯淵、宇文公諒輩，以爲慶雲，將紀以詩。基縱飲，徐言曰：「此天子氣也。應在金陵，十年後當有王者起其下。」時東南猶全盛，皆駭基爲狂言。無能知基者。唯西蜀趙天澤以爲諸葛孔明儔也。（明史本傳）

【天才】

九月九日，閩都督大宴滕王閣，宿命其婿作序以誇客。因出紙筆，徧請，莫敢當者。至王勃，慨然措辭。公恚之，遣吏候其文語奇之。至「落霞秋水」二句，歎曰：「此天才也！」（唐書）郭祥正母夢李白而生祥正，梅堯臣見之曰：「天才如此，真李白後身也！」（本傳）機雲別傳曰：「陸機天才綺練，文藻之美，獨冠於時。」（吳志陸抗傳注）徐渭字文長，由陰人。天才超軼，詩文絕世倫輩。善草書，工寫花草竹石，嘗自言：「吾吾第一，詩次之，畫又次之。」（明史本傳）董其昌字玄宰，華亭縣人。天才俊逸，少負重名。在講席見知光宗，爲僉人所忌。其後魏璫重燎衣冠，奄人請書翰，一切謝絕，然不激不隨，故得免於黨人之禍。官至宗伯，卒諡「文敏。」（明史本傳）

■優賞

【得善言而賞】

齊桓公出遊於野，見亡國故城，郭氏之墟，問於野人曰：「是爲何墟？」野人曰：「是爲郭氏之墟。」桓公曰：「郭氏者，曷爲墟？」野人曰：「郭氏者，善善而惡惡。」桓公曰：「善善而惡惡，人之善行也，其所以爲墟者何也？」野人曰：「善善而不能行，惡惡而不能去，是以爲墟也。」桓公歸以語管仲，管仲曰：「其人爲誰？」桓公曰：「不知也。」管仲曰：「君亦一郭氏也。」於是公招野人而賞焉。（新序）晉文公田於陂，遇一老夫，而問曰：「陂之爲陂久矣，子處此故矣，陂亡有其說乎？」對曰：「陂公斷則不能，諫則無與也。不能斷，又不能用人，此陂之所以亡。」文公輟田而歸，遇趙衰而告之。趙衰曰：「今其人安在？」公曰：「吾未與之來。」

也。趙衰曰：「古之君子，聽其言而用其人；今之君子，聽其言而棄其身。哀哉！晉國之憂也。」文公乃召賞之。於是晉國樂納善言，文公卒以霸。（同上）

【婦人封侯】

漢陰安侯，乃高帝兄伯妻，爰頤侯母邱嫂也。（漢書）樊伉母呂氏封臨光侯。（同上）

【谷量牛馬】

烏民羸求奇繪物，聞獻戎王。戎王十倍其價，予畜至用谷量牛馬。（史記）婁提雄傑有識度，僮僕數千，牛馬以谷量。（後魏書）

【一言取相】

田千秋無他材能術業，特以一言寤主，旬月間取宰相，世未嘗有也。（漢書）房瑄以忠義自奮，一言寤主，而取宰相。（唐書）

【靈壽杖】

孔光辭位，詔曰：「其令太師每朝十日一賜餐，賜太師靈壽杖。」（漢書孔光傳）（註服虔曰：靈壽木名，師古曰木似竹有枝節，自合杖制，不須削治。）李靖遷右僕射，乞骸骨，帝遣岑文本諭旨曰：「自古富貴而知止者，少公今引大體，朕成公美，爲一代法。」乃授特進，就第三日一至中書門下平章政事，加賜靈壽杖。（唐書李靖傳）

【延年杖】

魏黃初二年，十月己亥，公卿朝朔旦，引楊彪待以客禮，諭延年杖馮几。（通鑑）後周武帝以子謹爲三老，賜延年杖。（玉海）

【絕席】

王常爲橫野大將軍，位次與諸將絕席。（東觀漢記）張禹爲太傅，尚書鄧太后以孺帝初育，欲令重臣居禁內，乃詔禹與三公絕席。（同上）

【東南西北將軍】

鎮東將軍，後漢末魏武帝爲之。鎮南將軍，後漢末劉表爲之。魏張魯晉當陽侯杜元凱並爲之。鎮西將軍，後漢劉表爲之。魏鍾會鄧艾並爲之。安東將軍，後漢陶謙曹休並爲之。安南將軍，光武時以岑彭爲之。晉范陽王虓亦爲之。安西將軍，後漢末段穎魏鍾會石監爲之。安北將軍，晉郗鑒爲之。

平東將軍，晉常陽侯杜元凱、王濬等爲之。平南將軍，晉盧欽、羊祜、胡奮等爲之。平西將軍，晉嵇紹爲之。平北將軍，漢獻以張燕、晉以阮坦爲之。（杜氏通典）

【蓋 覆】

孫權，大暑時，嘗於船中宴飲於船樓上。值雷雨，權以蓋自覆。又命覆劉基，餘人不可得也。（劉基傳）吳軍振旅過武昌，權令左右以御蓋覆陸遜，出入殿門。凡所賜遜，皆御物上珍，羣臣莫與爲比。（吳志）魏篡魏，帝東歸，過汧，幸遵營，勞饗士卒，作黃門武樂，良夜乃罷。時遵有疾，詔賜重茵，覆以御蓋，令進屯隴下。（後漢書祭遵傳）

【給追鋒車】

賈充持節都督秦涼二州諸軍事，假羽葆鼓吹，給第二駙馬一匹，追鋒車一乘，臥乘軍一乘。（晉起居注）杜預爲鎮南大將軍，都督荊州諸軍事，給追鋒車第二駙馬御府，人馬錢三十萬。（王隱晉書）武帝受禪，以欽爲都督沔北諸軍事，平南將軍，假節，給追鋒輜車各一。（晉書盧欽傳）

【兩 妻】

賈充前妻李氏，坐徙；後妻郭氏，李以大赦得還，詔充置左右夫人。（晉書）毛仲娶二妻，其一乃上所賜。（五代史）

【改鄉爲賢相】

竇貞固少時，中蠱，若贅在喉中，常鯁闕。及爲相日，因大吐，有物狀蜚蠊，落銀盤中，毒氣衝盤，焚於中衢，臭聞百步外，人皆異之。隱帝卽位，加司徒，改本貫永安鄉爲賢相鄉，班瑞里爲勳

貴里。（宋書本傳）李穀既貴，訪得舊地，建園若，又立垣屋，凡族人之不仕者，分田居之，詔改清風鄉高陽里爲賢相鄉，勳德里。（宋史本傳）

【刺 本 州】

僧珍去家久，表求拜墓。武帝欲榮以本州，乃拜南兖州刺史。（南史呂僧珍傳）馮遷本徵，不爲時輩所重。一旦刺舉本州，唯以謙恭接待鄉邑，人無怨者。（北史本傳）亮出爲岐州刺史，朝廷以其作牧本州，特給路軍鼓吹，先還其宅，并給騎士三千，列羽儀游鄉黨，經過故人，歡飲旬日，然後入州，世

以爲榮。(北史蘇亮傳)張旣出爲雍州刺史，太祖謂旣曰：「還君本州，可謂衣繡畫行矣。」(魏志本傳)宋梁州范百年，因事謁明帝，帝言次及廣州貪泉，因問之曰：「卿州復有此水否？」百年答曰：「梁州唯有文川武鄉廉泉讓水。」又問：「卿宅在何處？」曰：「臣居在廉讓之間。」上稱善，後除梁州刺史。(談藪)

【緇流有爵】

後魏太祖，以沙門法果爲輔國宜城子，累加忠信侯，卒後贈老壽將軍胡靈公。(紺珠)隋文帝以沙門彥崇爲翻經館學士(同上)姚廣孝長州人，本醫家子，年十四，度爲僧，名道衍，字斯道。讀書工詩，事道士席應真，得其陰陽術數之學。時無知者，獨里人王行識爲非常人，嘗游嵩山寺，相者袁珙曰：「是何異僧，目三角形，如病虎，性必嗜殺，劉秉忠流也。」洪武中，選高僧，以病免。經北固山賦懷古詩，其儕宗泐見之，曰：「此豈釋子語？」道衍笑不答。識燕王於客邸，謂有九五之尊，王厚遇之。及佐定天下，錄功以爲第一。永樂二年，拜資善大夫太子少師，復其姓，賜名廣孝，贈祖父如其官。帝呼少師而不名。年八十四卒，葬以僧禮，追贈榮祿大夫上柱國榮國公，諡恭靖。仁宗元年配饗太廟。(明史本傳)

【築沙隄】

拜相禮絕班，行府縣，載沙築路，自私第至于城東街，名「沙隄」。(唐故事)唐安南黃暉，有文聲，部守烏仲孺以女妻之。人築沙隄十里，直抵其家，號「秀才隄」。(一統志)

【帝鬚療臣疾】

李世勣嘗得暴疾，方云鬚灰可療，上自剪鬚爲之和藥。(唐太宗紀)呂夷簡感風眩，詔疾稍愈，數日一至，中書夷簡力辭，帝手詔曰：「古謂鬚可療疾，今剪以賜卿。」(通鑑宋仁宗

紀)

【賜瑞錦】

王繼字方慶，武后時，遷廣州都督。清惠之政，境內翕然。議者以爲治廣第一。下詔賜瑞錦，以著清政。(合璧事類)馮定字介夫，與宿齊人方漢二馮第進士異等，遷太常少卿。文宗嘗詔開元霓裳羽衣舞，參以雲韶，肄於庭，定部諸工立縣間，端凝若植。帝異之，召升殿，賜禁中瑞錦。(同上)

【羽流有爵】

唐玄宗授葉法善銀青光祿大夫，後封越國公。（史學彙珠）中宗墨勅以鄭普思為秘書監，葉靜能入直翰林國子祭酒。○周武帝封衛元崇蜀郡公。（俱同上）

【帝手書揭旗以賜】

韓世忠，帝手書「忠勇」二字，揭旗以賜。（宋史本傳）岳飛，帝手書「精忠岳飛」字製旂以賜之。（宋史本傳）（評曰：製旂手書帝之榮寵極矣，而猶不免於刑

戮放逐，吁！權臣之足畏也。）

■名譽

【二 高】

漢王霸、韓恂、申屠蟠，為三高。陸龜蒙有三高士贊。（玉海紺珠）初何允、二兄求點，並棲遁，求先卒，至是允又隱，世號點為大山，允為小山，亦曰東山。兄弟發迹雖異，克終皆隱，世世謂「何

氏三高」。（南史本傳）鷓夷子皮范蠡，江東步兵張季鷹，翰甫里先生陸魯望，龜蒙，為吳中三高。吳江有三高祠。

（玉海紺珠）鄭遨隱華山，與道士羅隱之、李道殷善，世目為三高士。鄭賣藥自給，道殷隱之釣魚不餌。（五代史）

【三 才】

魏收、溫子升、邢子才，時號三才。（玉海紺珠）晉東濟王越府有三才：潘滔、大才，劉輿、長才，裴逸、清才。（同上）

【三 君】

寶武陳蕃、劉淑為三君。君者，一世之所宗也。（後漢書黨錮傳）（按玉海紺珠云：天下忠誠寶游平天下義府陳仲舉，舉天下德宏劉仲承）後漢韋順、韋豹、韋義，號「韋氏三君」。（京兆

舊事）陳羣父子，並著高名，世號三君，當時榮之。（續漢書）高適有三君詠，謂魏鄭公、徵郭代公、元振狄梁公、仁

傑也。（唐詩）

【三 老】

天子幸太學，命祥為三老。祥南面，几杖以師道自居，天子北面乞言。（晉書王祥傳）德輝與

元裕李洽游封龍山，時人號爲「龍山三老」。（元史張德輝傳）後周武帝以于謹爲三老，賜延年杖。（玉海紺珠）

【三】少

義之深爲從伯敦導，所器重。時陳留阮裕有重名，爲敦主簿，敦嘗謂義之曰：「汝是吾家佳子弟，當不減阮主簿。」裕亦目義之與王承王悅爲王氏三少。（晉書王羲之傳）北齊李師盧公順崔君洽同志友善，謂之康寺三少。（玉海紺珠）唐李真嗣劉獻臣徐昭皆少有名，號三少。（同上）石憲憑悠號橋林三少。（同上）

【四】皓

高帝及燕置酒，太子侍，四人從太子，年皆八十有餘，鬚眉皓白，衣冠甚偉。上怪之，問曰：「彼何爲者？」四人相對，各言名姓，曰：「東園公，角里先生，綺里季，夏黃公。」上乃大驚。（史記留侯世家）伯珍兄弟四人，皆白首相對，時人呼爲四皓。（齊書徐伯珍傳）

【四】賢

蜀司馬相如王褒嚴君平揚子雲元魏常景，以四賢皆有高才，而無重位，託意贊之。（玉海紺珠）王華劉湛王曇首殷景仁，俱爲侍中。宋文帝曰：「四賢一時之秀。」（南史）景祐中，蔡襄作四賢一不肖詩。四賢謂范仲淹余靖尹洙歐陽修（通鑑）熙寧間，康節邵先生雍有四賢贊，謂富彥國弼呂晦叔公著司馬君實光程伯淳顯。（宋史）徐鹿卿字德夫，幼以文學鳴於鄉，居官尤著直節。會右史方大琮編修劉克莊，正字王遂以言事黜，鹿卿贈以詩，言者并劾之。太學諸生作四賢詩。（宋史徐鹿卿傳）

【四】真

嘉祐中，富弼真宰相，歐陽修真學士，包拯真中丞，胡翼之瑗真先生。（玉海紺珠）莊子南華真人，文子通玄真人，列子冲虛真人，庚桑子洞靈真人，韓文公有四真詩。（同上）

【四】友

孟懿子問書曰：「欽四鄰何謂也？」孔子曰：「王者，前有疑，後有丞，左有輔，右有弼，謂之四近。言前後左右近臣，當長敬之，不可以非其人也。周文王胥附奔輳，先後禦侮，謂之四鄰，以免乎。」

姜里之害。」懿子曰：「夫子亦有四鄰乎？」孔子曰：「吾有四友焉：自吾得聞也，門人加親，是非行附乎？自吾得賜也，遠方之士日至，是非奔轅乎？自吾得師也，前有光，後有輝，是非先後乎？自吾得仲由也，惡言不至於門，是非禦侮乎？」（孔叢子）魏國既建，遷太子中庶子，每與大謀，輒有奇策，為太子所信重，與陳郡吳質、朱鑠，號為「四友」。（晉書宣帝紀）昇明初，炫以清尚與劉僕、謝朓、江革，號為「四友」。（齊書褚炫傳）杜審言少與李嶠、崔融、蘇味道為「文章四友」，世號「崔李蘇杜」。（唐書本傳）王荊公司馬溫公，呂申公、黃門、韓公、維、仁宗朝，同在從班，特相友善，時目為「嘉祐四友」。（徐度之卻掃編）齊高帝為驃騎將軍輔政，選朓為長史，勅與河南褚炫、濟陽江革、彭城劉僕，俱入侍。宋帝時號為「天子四友」。（梁書謝朓傳）

【五 老】

杜祜公，王渙、畢世長、朱貫、馮平，為「南都五老」。（玉海紺珠）文濂公，彥博、范景仁、鎮張仲巽、史中輝、劉白壽，為「西京五老」。（同上）

【五 君】

顧邵、諸葛瑾、步騭、嚴峻、張承，吳周昭著書稱「五君」。（玉海紺珠）宋徐鉉、李昉、石熙載、王祐、李穆，李至有五君詠。（同上）

【七 賢】

汝南太守趙謙，擊黃巾，兵敗，功曹封觀王簿、陳端，門下督范仲，禮議生袁祕，與劉偉、德丁子嗣、張仲然等七人，以身扞刃，皆死於陣，謙得以免，詔旌祕等門閭，號曰「七賢」。（後漢書袁閔傳）嵇康所與神交者，唯陳留阮籍、河內山濤、豫其流者，河內向秀、沛園劉伶，籍、子咸、琅琊王戎，遂為竹林之遊，世謂「竹林七賢」也。（晉書本傳）

周有八士：伯達、伯适、仲突、仲忽、叔夜、叔夏、季騮。（論語）八素山在武義縣，東陽山水記云：「秦末有八士來隱於此，故名。」（郡國志）

【八 士】

董昶字仲道，王澄字平子，阮瞻字千里，庾數字子嵩，謝鯤字幼輿，于法龍字沙門，光逸字孟祖，

【八 達】

董昶字仲道，王澄字平子，阮瞻字千里，庾數字子嵩，謝鯤字幼輿，于法龍字沙門，光逸字孟祖，

胡母輔之字彥國，八人飲不舍晝夜，時人謂之「八達」。（萬花谷）安平王孚字叔達，宣帝次弟也。初孚長兄朗字伯達，宣帝字伯達，孚弟馯字季達，恂字顯達，進字惠達，通字雅達，敏字幼達，俱知名，故時號爲「八達」焉。（晉書安平王孚傳）

【八 俊】

李膺荀昱杜密王暢劉祐魏朗趙典朱寓，爲「八俊」。（玉海紺珠）張儉檀彬濟鳳張肅薛蘭馮禧魏玄徐乾，亦爲「八俊」。（同上）順帝時遣八使巡行風俗，皆選威望素著者，乃拜周舉爲侍中，與杜喬周栩馮義纘巴張綱郭遵劉班分行天下，號曰「八俊」。（舉劾二千石若干人，聲振海內。）豫州人物記）（按玉海紺珠云天下模楷李元禮天下英秀王叔英天下良輔杜甫甫天下冰陵米季陵天下忠貞魏少古天下好交荀伯條天下稽古劉伯祖天下十英趙仲經）輔元伯父德仁隨剡縣丞與同郡人齊王文學王孝逸，文林郎繁師元，羅川郡戶費靖君亮，司隸從事鄭祖咸，宣城縣長鄭師善，王世充，中書舍人李行簡，處士盧協等八人，以辭學擅名，當時號爲「陳留八俊」。（舊唐書格輔元傳）

【八 顧】

郭泰范滂尹勳巴肅宗慈夏馥蔡衍羊陟，爲「八顧」。（顧者言能以德行引人也。）（按玉海紺珠云天下和雍郭林宗天下慕侍夏子治天下英藩尹伯元天下清苦羊嗣祖天下寶金劉叔林天下雅志蔡孟喜天下臥虎巴恭祖天下通儒宗孝初）（後漢書無劉儒有范滂）劉表與同郡人田林張隱薛郁王訪劉祗官靖公楮恭，爲八交，或謂之「八顧」。（漢紀）

【八 及】

張儉翟超岑陞范康劉表陳翔孔昱檀敷，爲「八及」。（及者言其能導人追宗也。）（按玉海紺珠云海內貴珍陳子麟海內忠烈張元節海內蹇諤范孟博海內通士檀文士海內才珍孔世元海內彬彬范仲真海內珍好岑公孝海內所稱劉景升景升名最重）又朱楷田槃疎耽薛敷宋布唐龍瀛咨宣褒，亦爲「八及」。（玉海紺珠）

【九 老】

胡杲八十九，吉皎八十六，鄭據八十四，劉真盧真皆八十二，張渾白居易皆七十四，狄兼盧真皆七十九，人皆高年，燕集繪爲「九老圖」。(唐書)張好問年八十五，李迺八十，宋琪武允成皆七十九，僧贊寧七十八，魏丕七十六，楊徽之七十五，朱昂李昉皆七十一，宋至道稱九老云。(宋書)

【一 龍】

歆與北海邴原管寧俱遊學，三人相善，時人號三人爲「一龍」。歆爲龍頭，原爲龍腹，寧爲龍尾。(魏志華歆傳)賈循父會有高節，嘗稱疾不答辟署，里中號「一龍」。(唐書本傳)太安之際，有童謠云：「五馬浮渡江，一馬化爲龍。」永嘉中，帝與西陽汝南南頓彭城五王獲濟，而帝竟登大位焉。(晉書元帝紀)

【二 龍】

建安王爲荊州刺史，表求管紀以革爲征北記室，參軍帶中廬，令與弟觀少長共居，不忍離別，苦求同行，乃以觀爲征北行參軍兼記室。時吳興沈約樂安任昉並相賞重，昉與革書云：「此段寮府，妙選英才，府房之職，總卿昆季，可謂馭二龍於長途，騁騏驎於千里。」(梁書江革傳)謝子微見許子將兄弟曰：「平與之淵，有二龍焉。」(劉義慶世說)梁簡文帝餞臨海太守劉孝儀，蜀郡太守劉孝勝曰：「兩杜昔夾河，二龍今出守。」(南史)柳惔好學工製文，尤善音律，少與長兄悅齊名。王儉謂人曰：「柳氏二龍，可謂一日千里。」(南史本傳)烏承珙字德潤，張掖人，開元中與族兄承恩皆爲平盧先鋒。沈勇而決，號「幪門二龍」。(唐書本傳)南唐徐鉉與弟鐸齊名，時人謂之「徐氏二龍」。(紺珠)

【五 龍】

張岱少與兄太史中舍人寅，新安太守鏡，征北將軍永，弟廣州刺史辨，俱知名，謂之「張氏五龍」。(齊書本傳)儀學問優博，風度峻整，弟儼侃僖儼，皆相繼登科，當時號爲「賢氏五龍」。(宋史賢儀傳)靖少有逸羣之量，與鄉人汜衷張黼索紘索永俱詣太學，海內號聲「敦煌五龍」。(晉書索靖傳)

【六】龍

溫羨祖父恢，魏揚州刺史；父泰，濟南太守。兄弟六人，並知名於世，號曰「六龍」。（晉書本傳）卞壺，父粹，以清辯鑒察稱。兄弟六人，並登宰府，世稱「卞氏六龍」。元仁無雙。元仁粹字也。

（晉書）

【二】驥

劉政兄弟二人，時號「二驥」。（萬化谷）豫章王彞，為江州，以繪為左軍主簿，隨鎮江陵，轉鎮西外兵曹彥軍驃騎主簿。繪聰警有文義，善隸書，數被賞召，進對華敏，僚吏之中，見遇莫及。瑯琊王翊為功曹，以吏能自進，彞謂僚佐曰：「吾雖不能得應嗣陳蕃，然閣下自有二驥。」（齊書劉繪傳）

【雙】璧

陸暉與弟恭之，並有時譽。洛陽令見之曰：「僕已年老，更視雙璧也。」（世說）夔夔兄回回，字子淵，與夔夔皆為世之名臣，世號為「雙璧」云。（元史夔夔傳）

【二】馮

漢馮野王君卿，弟立，聖卿，世號「二馮」。（玉海紺珠）唐馮宿拱之弟定介夫，亦號「二馮」。（同上）

【二】陸

陸機陸雲，時稱為「二陸」。（玉海紺珠）陳陸瑜陸瑛，並以文學侍東宮，亦稱「二陸」。（後魏陸暉與弟恭之時亦稱「二陸」。（俱同上）宋左丞陸佃，山陰人，與弟傅，俱有才名，時比晉「二陸」。王十朋會稽風俗賦曰：「二陸常棣，如雲與衡。」（史學璧珠）九齡與弟九淵，相為師友，和而不同，學者號為「二陸」。（宋史陸九齡傳）

【二】蘇

亮少與從弟綽，俱知名。然綽文章少不逮亮，至於經畫進趣，亮又減之，故世稱「二蘇」焉。（周書蘇亮傳）蘇章孺文蘇不韋，公，先時號「二蘇」。（玉海紺珠）宋蘇軾子瞻，轍子由，時

號「二蘇」。（同上）

【三】張

張嘉貞延賞宏靖，三世宰相，號「三相張家」。（玉海紺珠）張廷珪張九齡張休，皆牧洪州，

有「三張」之稱。(同上)亢字季陽，才藻不逮二昆，亦有屬綴，又解音樂伎術，時人載協，亢曰：「三張。」(晉書張亢傳)

【兄弟九人並知名】

杜勣兄弟九人，兄嵩，岑崧，岷，巖，麟，岸，及弟幼安，並知名當世。(梁書杜勣傳)份，長子琳，字孝璋，位司徒左長史，琳齊代取梁武帝妹義興長公主，有子九人，並知名。銓，錫，尤以孝行稱。(南史王份傳)昕，母清河崔氏，學識有風，訓子九人，並風流蘊藉，世號「王氏九龍」。(北齊書王昕傳)

【大小兄弟】

馮立居職公廉，治行略與野王相似，而多知有恩貸，好爲條教，吏民嘉美，野王立相代爲太守，歌之曰：「大馮君，小馮君，兄弟繼踵相因循。聰明賢知惠吏民，政如魯衛德化鈞。周公康叔猶

二君。」(漢書本傳)宋異用事，車馬常填門，魏郡中吳指異門曰：「此中輻湊，皆以利往，能不至者，唯有大小王東陽。」小東陽，卽承弟穉也。(梁書王承傳) (按南史穉作幼)憲遷右僕射，參掌選事，於是憲長兄簡懿子

爲左僕射，至是憲爲右僕射，臺省因目簡懿爲大僕射，憲爲小僕射，朝廷榮之。(陳書袁憲傳)何允與點，先後隱

遁，世號點爲大山，允爲小山。(南史本傳)時隴西李冲常朝任事，亮從兄光往依之，謂亮曰：「安能久事筆硯，而

不往托李氏也？彼家饒書，因可得學。」亮曰：「弟妹飢寒，豈可獨飽，自可觀書於市，安能看人眉睫乎？」光言之於

冲，冲召亮與語，因謂亮曰：「比見卿先人相命論，使人胸中無復沐迫之念，今遂亡本，卿能記之否？」亮卽爲誦之，

涕淚交零，聲韻不異。冲甚奇之，迎爲館客。冲謂其兄子彥曰：「大崔生寬和篤雅，汝宜友之；小崔生峭整清徹，汝宜

警之。二人終將大至。」(魏書崔亮傳)長謙與休第二仲子文，同年而月長，其家謂之「大二小二」。(北齊史

休傳)景通與弟暉，尤精漢書，當時習漢書者，皆宗師之。嘗云：「景通爲大秦君，暉爲小秦君。若不經其兄弟指授，

則謂之不經師，匠無足採也。」(舊唐書秦景通傳)光進爲都將時，光顏亦至大夫，故軍中號「大小大夫」。(

唐書李光進傳。宋庠弟祁，字子京，與兄同時舉進士。禮部奏祁第一，庠第三。章獻太后不欲以弟先兄，乃擢庠第一，置祁第十。人呼曰「二宋」。以大小別之。（宋傳本史）蘇軾字子瞻，轍字子由，眉山人。兄弟同登進士科，又同策制舉，文采粲然，救一時磔裂詭異之弊。時號「大蘇小蘇」。（宋史）之亨代之選，爲南郡太守，在郡有異績，荆士懷之，不復稱名，號爲大南郡，小南郡。（南史劉之亨傳）

【五】絕

太宗嘗稱世南有五絕：一曰德行，二曰忠直，三曰博學，四曰文辭，五曰書翰。（舊唐書虞世南傳）宋文帝云：「天下有五絕，而皆出錢唐。」謂杜道鞠、彈琴、范悅詩、褚欣遠楷書、褚胤圍棋、徐

道度療疾也。（南史張融傳）張知憲兄弟五人，武后稱其才容五絕。（唐書）祕書省內落星石，薛稷畫鶴，賀知章草書，郎令餘畫鳳，相傳號四絕。元和中，韓公武爲祕書令，挾彈中鶴一眼，時人乃謂至五絕。（錢希白南部新書）

【三】絕

鄭虔嘗自寫其詩并畫以獻帝，大署其尾曰：「鄭虔三絕。」（唐書本傳）帝嘗謂李揆曰：「卿門第人物文章，皆通國所推。」故時人稱爲「三絕。」（舊唐書李揆傳）時司戶韋昂善

判事，司李李互工於翰札，而彥伯以文辭雅美，時人謂之河東三絕。（舊唐書徐彥伯傳）晉義熙初，始遣使獻玉像，經十載乃至。像高四尺二寸，玉色潔潤，形制殊特，殆非人工。此像歷晉宋，在瓦官寺。先有徵士戴安道手製佛像，五軀及顧長康維摩畫圖，世人號曰「三絕。」（南史師子國傳）謝瞻與從叔岷，族弟靈運，俱有盛名。嘗作喜霽詩，靈運寫之，岷詠之，王宏在坐，以爲三絕。（南史本傳）世傳愷之有三絕，才絕、畫絕、癡絕。（晉書顧愷之傳）

【二】絕

時大理正蘇珍之，亦以平幹知名，寺中爲之語曰：「決定嫌疑蘇珍之，視表見理宋世軌。」時人以爲寺中「二絕。」（北齊書宋世軌傳）曼容爲尙書兵部，嘗與袁桀罷朝相會，言玄理。

時論以爲「一臺二絕。」（南史伏曼容傳）宣城王爲揚州刺史，野王及琅邪王褒，並爲賓客。王甚愛其才，野王又善丹青，王於東府起齋，乃令野王畫古賢，命王褒書贊。時人稱「東府二絕。」（陳書顧野王傳）

【比孔子】

震少好學，受歐陽尚書於太常桓郁，明經博覽，無不窮究，諸儒爲之語曰：「關西孔子。」（後漢書楊震傳）起兼太常卿禮儀使，帝題詩太子笏以賜，詔畫像便殿，號「當世仲尼。」其寵遇如此。（唐書王起傳）

【比曾子】

張霸字伯饒，少知孝讓，鄉人號爲「張曾子。」（後漢書）叔卿博涉，有孝行，時人號曰「裴曾子。」（北史裴延儻傳）（按叔卿延儻姪孫）儻有至性，祖母病疽經年，手持膏藥，漬指爲爛。母嚴氏甚嚴明，謂親戚曰：「阿稱便是今世曾子。」（齊書劉瓛傳）（按阿稱瓛小字）宗元卿字希蔣，南陽人，有至行。早孤，爲祖母所養。祖母病，元卿在遠，輒心痛。大病則大痛，小病則小痛，以此爲常。鄉里宗事之，號曰「宗曾子。」（南史解叔謙傳）循父會，有高節，親亡負土成墓，廬其左手。蒔松柏，時號「關中曾子。」（唐書賈循傳）太守王僧虔，引曇恭爲功曹，固辭不就。王儉時隨僧虔在郡，號爲「滕曾子。」（梁書滕曇恭傳）

【儒宗】

望之堂堂，折而不撓，身爲儒宗，有輔佐之能，近古社稷臣也。（漢書蕭望之傳贊）瑒少傳家業，齊時沛國劉瓛爲會稽府丞，見瑒深器異之，嘗與俱造吳郡張融，指瑒謂融曰：「此生神明聰敏，將來當爲儒者宗。」（梁書賀瑒傳）梅殷字伯殷，夏邑人，尙寧國公主，時李文忠以上公典國學，而殷視山東學政，賜勅褒美，謂「般精通經史，堪爲儒宗。」當世皆榮之。（明史）

【文宗】

崔光由著作郎，遷中書侍郎給事，黃門侍郎，甚爲高祖所知，待常曰：「孝伯之才，浩浩如黃河人而已。」（晉書陸機傳）陳氏家世豪富，子昂獨苦節讀書，尤善屬文，初爲感遇詩三十首，京兆司功王適見而歎曰：「此子必爲天下文宗！」（魏書本傳）唐太宗制機文曰：「遠超枚馬，高躡王劉，百代文宗一人而已。」（晉書陸機傳）陳氏家世豪富，子昂獨苦節讀書，尤善屬文，初爲感遇詩三十首，京兆司功王適見而歎曰：「此子必爲天下文宗！」（舊唐書陳子昂傳）

【書聖】

書之絕時者，則謂之書聖，故衛協張墨於今有書聖之名焉。（抱朴子）徐希季號王志，爲書

聖（南史）

【第一人】

來耶」（唐書）

【荒穀儉梁】

劉孝綽遷秘書丞，武帝謂舍人周捨云：「第一官當知用第一人，故以孝綽居此職。」（南史本傳）李揆使蕃，會長曰：「聞唐有第一人李揆，公是否？」揆畏蕃留之，因曰：「彼李揆安肯世稱庚文康為豐年玉，稚恭為荒年穀。」（世說）劉孝標稱劉歊兄弟「誠儉歲之梁稷，寒年之纖續。」（南史）

【有祖風】

祖風（舊唐書智永傳）

暮為宰相，議事天子前，讜切無所回畏。宣宗嘗曰：「暮名臣，孫有祖風，朕心憚之。」（唐書魏暮傳）釋智永者，晉右軍將軍王羲之之裔也。學書以羲之為師法，筆力縱橫，真草兼備。綽有劉訐與從兄歊，各履高操，族祖孝標曰：「訐超越俗，如天半朱霞；歊矯矯出塵，如雲中白鶴。」（齊郡人物記）邴原字根矩，博覽洽聞，金玉其行，知世將亂，避地遼東，公孫度厚禮之，曰：「邴君所謂雲中白鶴，非鶉鷄之所能羅也。」（邴原別傳）

【雲中白鶴】

邴君所謂雲中白鶴，非鶉鷄之所能羅也。」（邴原別傳）

【改里名高陽】

荀儉兄弟八人，並有名稱。穎陰令以高陽氏有才子八人，改其所居西豪里為高陽里。（漢記）賀德仁兄弟八人，時比漢荀氏。太守王伯仁改所居甘謗里，為高陽里。（史學璧珠）

【詩文託人見重】

長安有慶虬之善為賦，嘗為清思賦，時人不知貴也，乃託以相如所作，遂大見重於世。（西京雜記）張率年十六，作賦頌二十餘首，虞訥見而詆之，率一旦焚毀，更為詩示之，託

【童鳥】

揚子雲之子名童鳥。（法言）王詢小字童鳥。（南史）

云沈約，訥便句句嗟稱。（南史）

異稟門

【蛇身】

世言女媧爲伏羲氏之妹，風姓，人首蛇身。（通志紀）庖犧氏蛇身人首，有聖德。（帝王世紀）賈逵曰：「共工諸侯也，炎帝之後。」歸藏啓筮曰：「共工人面蛇身，朱髮。」（通志）

【獸乳鳥覆】

后稷誕置之隘巷，牛羊腓字之，誕置之寒冰，鳥覆翼之。（詩經生民章）齊惠公之妾，蕭同叔子，見御有身，以其賤，不敢言也。取薪而生頃公於野，野，乳而鸛覆之。（搜神記）

【日角】

伏羲山準日角。（合誠圖）黃帝日角龍顏。（廣博物志）蒼帝姬昌日角，鳥鼻，高長八尺二寸。聖智慈理也。（雜靈書聽）顏淵山庭日角。（論語摘輔象）子產日角。（御覽）老子有

七十二相，日角月圓。（法輪經）秦始皇虎口日角。（河圖）光武隆準日角。（注日角謂庭中骨起狀如日）

（後漢書本紀）永建三年，后與姑俱選入掖庭，時年十三，相士茅通見后，驚再拜賀曰：「此所謂日角偃月，相之

極貴，臣所未嘗見也。」（後漢順烈梁皇后紀）儉陰說秦王建大計，高祖嘗召訪之，儉曰：「公日角龍庭，姓協圖

識，系天下望久矣！」（唐書唐儉傳）成祖在藩邸時，嘗借衛士類己者九人，操刀矢雜飲肆中。珙一見，即前跪曰：

「殿下何親身至此？」九人者笑其謬。珙言愈切，王乃起入宮，召見珙，諦視曰：「龍行虎步，日角插天，太平天子也。

年四十，鬚過臍，即登大寶矣。」（明史袁珙傳）

【四乳】

辰放氏六頭四乳，在位二百五十年。（春秋命歷序）文王龍顏虎眉，有四乳。（帝王世紀）宋范鎮兄范鏃，卒於隴城，聞其有遺腹子，徒步求之，二年而得之，曰：「吾兄體有四乳，是兒當

亦然。」驗之果然。（誌銘）明倪文僖謙，四乳。（明史本傳）

【狼頰】

司馬懿狼腹。（史學璧珠）周嵩亦狼頰。（同上）

【蒙 魘】

仲尼面如蒙魘（楊子非相篇）（蒙魘方相也）陽貨面如蒙魘（胡邦衡贈劉琮寫真序）

【犀 角】

曾子珠衡犀角（論語摘輔象）尾生犀角（御覽）

【重 瞳】

舜目重瞳故名重華（帝王世紀）顏回重瞳（劉書新論）越王句踐蜂目重瞳（吳越春秋）項羽重瞳子（史記項羽本紀）王莽重瞳子（漢書）呂光身長八尺四寸目重瞳子（涼州記）隨魚俱盧相表異人目有重瞳（北史）梁康王友孜目重瞳子（五代史）李煜一目重瞳子（南唐書）五代劉旻重瞳子（韻瑞）陸修靜字見寂目有重瞳與陶潛慧遠結社廬山一日若趣裝將行忽然尸解（吳興仙釋考）廬山智常禪師以目有重瞳以藥手按摩目皆皆赤號「赤眼歸宗和尚」（傳燈錄）智顓禪師眼有重瞳俊朗通悟（廣博物志）大士傅弘兩目明亮重瞳外耀色貌端峙有大人之相（神僧傳）唐人朱友敬重瞳子（史學璧珠）明玉珍身長八尺餘目重瞳子（明史本傳）（愚謂古稱倉頡為軒轅氏史官生而神聖有四目觀鳥跡蟲文制字以四目視重瞳更異矣）

【駢 脅】

晉公子重耳及曹曹共公聞其駢脅欲觀其裸浴薄而觀之（左傳）張儀駢脅相秦（論衡）先聖生有異質駢脅參膺（祖庭廣記）梁武帝生而舌紋八字兩體駢脅（本紀）唐王廷湊生而駢脅歷居戎職子孫相繼藩鎮百年（唐年譜錄）

【長頸烏喙】

夏禹長頸烏喙（尸子）范蠡自齊遺大夫種書曰「越王為人長頸烏喙可與共患難不可與共安樂子何不去」（史記）

【耳 三 漏】

禹耳三漏是謂大通（春秋元命苞）老子耳有三漏（雲仙雜說）（按瀨鄉記曰老子耳有三門三門即三漏也）漢蕭何長七尺八寸昂星精生耳三漏（春秋佐助期）

【兌上豐下】

湯質皙而長顏以髯，兌上豐下，倨身而揚聲。（晏子）帝豐下而兌上，項赤色有似於堯。（後漢書明帝紀）

【方 瞳】

老子方瞳長眉，鼻雙柱，齒六八。（仙鑑）老聃在周末居反景日室之山，與世人絕跡，唯有黃髮老叟五人，或乘鴻鶴，或衣羽毛，耳出於頂，瞳子皆方，面色玉潔，手握青筠之杖，與聃共談天地之數。（拾遺記）劉根目瞳子方。（白帖）晉孫略有孝行，卒時大殮日，有一老父，縵袍草履，不通姓氏，徑入撫柩而哭，哭止便出，容貌清異，眼瞳又方。喪主怪而追焉，直去不顧。時人以爲孝行感通，故神仙來弔之也。（廣博物志）

【耳長七寸】

務光夏時人，耳長七寸。（列仙傳）黃阮，丘睢山道士也。衣裳被髮，耳長七寸，口中無齒，日行四百里。（同上）老君耳長七寸。（抱朴子）

【感星娠子】

老子姓李，名耳，字伯陽，楚國苦縣賴鄉人也。其母感大星而有娠。生時，剖其母左腋而出。（神仙傳）桓玄，溫之孽子，母馬氏，嘗與同輩夜坐於月下，見一流星墜銅盆中，水忽如二寸火珠，炯然明淨，以瓢接取，馬氏得而吞之，遂有孕生玄。（晉書）李白母夢長庚星，遂生白。（唐書本傳）黃元字清臣，建州蒲城人，母夢星墮於懷，掬而吞之，遂有娠。（宋史本傳）王潛，母董氏，夢大星墜於懷，乃有娠，二十四月始生潛。（元史）貫雲石，母夜夢神人授以大星，使吞之，已而有娠，乃生雲石，神采秀異。（同上）

【甫生能言】

神農氏生三辰而能言，五日而能行，七朝而齒具。（元命苞）李乾爲周上御史，取洪氏曰嬰，數，感飛星而震，十有二年而生僖。（僖與聘同）甫生而能言，黃面皓首，故謂之老子。（神仙傳）

【豺 聲】

尉繚說秦始皇以并天下之計，始皇從之，與之抗禮，衣服飲食，與之齊同。繚曰：「秦王爲人龍。」

準長目，鸞鷹豺聲，居約易以下人，得志亦輕視人。秦王得志，天下皆爲虜矣，不可與交游。乃亡去。（論衡）隱者董仲道見彌謂之曰：「君豺聲豹視，好亂樂禍，若天下騷擾，不作士大夫矣。」（晉書王彌傳）李自成爲人高頰深顴，鵠目，鼻聲如豺，性殘忍，日殺人，斷足剖心爲戲。（明史流賊本傳）

【體白如瓠】

張蒼陽武人也，好書律歷。秦時爲御史，主柱下方書，有罪亡歸。及沛公略地過陽武，蒼以客從攻南陽，蒼當斬，解衣伏質，身長大，肥白如瓠。時王陵見而怪其美士，乃言沛公赦勿斬。（漢書本傳）方國珍黃巖人，長身黑面，體白如瓠，力逐奔馬。（明史本傳）

【孕二十四月而生】

黃帝母曰：「附室之郊野，見大電繞北斗樞星，感而懷孕，二十四月而生。黃帝於壽邱。」（史記五帝紀）王潛母童氏，夢大星墜於懷，乃有娠，二十四月而生。潛（元史）

【鳥爪】

王遠字方平，降蔡經家，因遣人召麻姑至，年可十八九，衣服光彩耀目。坐定各進行廚，皆金盤玉杯，餚膳多是花香，擘脯而食之。麻姑手爪似鳥，經見之心中念曰：「背大痒時，得此爪以爬背，當佳也。」遠已知經心中所言，即使人鞭經背曰：「麻姑神人也，汝何忽謂其爪可爬背耶？」（神仙傳）女冠耿先生，鳥爪玉貌，宛然神仙。（馬令南唐書方術傳）

【鳶肩】

竇將軍，鳶肩，駱賓王亦鳶肩。（胡邦衡贈劉琮寫真序）中書侍郎岑文本，謂所親曰：「吾見馬君論事多矣，援引事類，揚推古今，舉要刪蕪，會文切理，一字不可加，一言不可減，聽之令人忘倦。昔蘇張終賈，正應此耳。然鳶肩火色，騰上必速，恐不能久耳。」（舊唐書馬周傳）

【食祿七十年】

孔光字子夏，賜靈壽柩，歸老於第。凡爲御史大夫，丞相，各再居公輔，前後七十年。（前漢書）張萬福詔圖形凌烟閣，卒年九十，始終祿食七十年，未嘗一日言病。（唐書）

【垂手過膝】

先主身長七尺五寸，垂手下膝，顧目見其耳。（蜀志昭烈帝紀）劉曜身長九尺三寸，垂手過

膝，生而眉白，目有赤光，鬚髯不過百餘根，而皆長五尺。（晉書劉曜載記）王衍爲人方頤大口，垂手過膝。（五代史蜀世家）

【木 生】

黎陽王德祖，有林檎樹，生瘻大如斗，瘻爛，德祖撤其皮，見一孩，抱胎而出，七歲能言。問：「誰育我？」具以實告，因名梵志，蓋菩薩化身也。（輿地記）東陽鎮朱氏，聞木巢中兒啼，收育之，遂以朱爲姓。後爲高僧，卽寶誌公也。嘗對梁武帝食鱸，帝曰：「朕不知此味二十餘年，師何爲爾？」公乃吐出鱗尾依然。（仙釋傳）

【臂垂過膝】

劉元進好任俠，爲州里所宗。兩手各長尺餘，臂垂過膝。（隋書本傳）苻堅背有赤文，隱起成字曰「草付臣又土。」王咸陽臂垂過膝。（晉書苻堅載誌）

【有濟勝之具】

許掾好遊山水，而體便登陟。時人云：「許非徒有勝情，實有濟勝之具。」（世說）劉歛性重興樂，尤愛山水，登危履險，必盡幽遐，人莫能及，皆歎其有濟勝之具。（南史）

【食 石】

董威整，不知何許人。晉武末，在洛陽白社中，衣不蔽形，恆吞一石子，經日不食。時或著詩，莫知所終。（神仙傳）白石先生，中黃道人弟子也。常煮白石爲糧，因號白石先生。日行三四百里，容貌不衰。（列仙傳）鮑靚爲南海太守，嘗行部入海，遇風，飢甚，取白石煮食之，以自濟。（晉書本傳）單道開常衣粗褐，或贈以綵服，皆不著。不畏寒暑，晝夜不臥，恆服細石子，一吞數枚，日一服，或多或少。好山居，而山樹諸神，見異形，試之初無懼色。（晉書本傳）

【食 沙 石】

崑崙之東十萬里，有大秦之國，人民長三十丈，壽萬八千歲，不知田作，但食沙石子。（河圖）蚩尤兄弟八十一人，皆銅頭鐵額，食沙石。（龍魚河圖）

【學龜吞氣不飢】

人有山行墜深澗者，無有出路，饑餓分死。左右見龜蛇甚多，朝暮引領向東方。人因伏地

學之，遂不饑，體殊輕便。經數年，試竦身舉臂，遂超出澗上，得還家。（博物志）郗儉少時行獵，墮空塚中，見有大龜數數迴轉，所向無常，張口吞氣，或俯或仰。儉知龜能導引，乃試隨龜所爲，遂不復飢，竟能咽氣斷穀。（抱朴子）

【妒婦賜鳩】

唐初兵部尙書任瓌，勅賜宮女，皆國色。妻妒，爛二女頭髮，禿盡。太宗聞之，令上宮齋金胡餅酒，賜之云：「飲之立死。」瓌三品合置姬媵，爾不妒，不須飲之，若妒，卽飲。」柳氏拜勅，訖曰：「妾與瓌結髮夫妻，俱出微賤，更相輔翼，遂致榮官。瓌今多內嬖，誠不如死。」遂飲盡，然非鳩也。既睡而醒，帝謂瓌曰：「其性如此，朕亦當畏之。」因詔二女別宅安置。（朝野僉載）梁公夫人盧氏至妒，太宗將賜公美人，屢辭不受。帝乃令皇后召夫人，告以妾媵之流，今有常制，且司空年暮，帝欲有所優詔之意。夫人執心不迴，帝乃令謂之曰：「若寧不妒而生，寧妒而死。」乃遣酌卮酒，與之曰：「若然，可飲此鳩。」盧氏一舉而盡，無所留難。帝曰：「我尙畏見，何況玄齡？」（國史異纂）

【伏犀貫玉枕】

馬周聞天綱，天綱曰：「公伏犀貫腦，兼有玉枕；又背如負物，富貴不可言。近古以來，君臣道合，罕有如公者。」（舊唐書袁天罡傳）天綱見竇軌曰：「君伏犀貫玉枕，輔角完起，十年且顯，立功其在梁益間耶？」（同上）

【人中馬中】

張飛有馬，號玉追，時人爲之語曰：「人中有張飛，馬中有玉追。」○呂布常御良馬，號赤兔，時人語曰：「人中有呂布，馬中有赤兔。」（並史學璧珠）

【斬湧白膏】

唐周朴，閩人，黃巢入閩，得朴，將用之，謝曰：「吾爲處士，尙不屈天子，安能從賊？」巢怒，斬之，湧白膏數尺。後人立廟以祀。（閩越人物考）文天祥陷虜中，欲降之，終不屈。忽必烈始令殺之，公聞受刑，歡喜，踊躍就死，行步如飛。及斬，頸間微湧白膏，剖腹而視，但黃水，剖心而視，則純乎赤。忽必烈取心與肺，與衆食之。（鄒所南心史）（舊傳武林法相寺定光像乃古佛現生肉身也，五代時羣寇犯武林，至寺中斫以

亦湧白膏寇懼而去。至正九年，伯顏領福寧州州事，爲賊帥王善所執，強以州事不從。賊怒斬之，頸斷湧白液如乳，暴屍數日，色不變。（元史王伯顏傳）

【處變鼻息自如】

寇準在澶淵，每夕與楊億飲博歌謠，諧謔歡呼，常達旦。或就寢，則鼻息如雷。上使人視之，喜曰：「得渠如此，吾復何憂？」（宋名臣言行錄）章惇蔡卞用事，欲殺劉元城，凡遠惡

州軍，無所不至。雖盛夏所在州軍監督，日行一舍。或從海往來，人謂必死。七年之間，未嘗一日病。及貶海州，有土豪持厚貲入京師，以能殺公意達惇，除本路轉運判官。其人飛馭至公所，郡將勸公治後事，公色不動，留客飲酒，談笑自若。俄報運使翌日當至，家人聞之，益號泣不食，而公起居如常。夜半伺公，則鼻息如雷。忽聞鐘動，上下驚曰：「何太早也？」問之，乃運判一夕嘔血斃矣。明日，客慰之，公亦無喜色。（蒙訓）王韶用兵有機略，臨出師，召諸將授指，不復更問。每戰必捷。嘗夜臥帳中，前部遇敵，矢石已交，呼聲震山谷，侍者往往股栗，而韶鼻息自如。（宋史本傳）趙師旦知康州，儂智高破邕州，順流東下。師旦與監押馬貴部士卒固守州城，召貴食，貴不能食，師旦獨飽如平時。至夜，貴臥不安席，師旦即臥內大解。（宋史本傳）

【火從口出】

仙翁與客談話時天寒，翁謂客曰：「居貧不能得爐火，請作之。」因吐氣，火赫然從口中出，須臾火滿室，客皆減衣。（葛仙翁別傳）厭火國人首獸身，火出口中。（山海經）

先兆

【夢食天】

湯將奉天命放桀，夢及天而飮之。（宋志）鄧皇后少時，夢捫天蕩蕩正青，若有鍾乳狀。乃仰嗽飲之，以訊占夢者，曰：「吉不可言！」後果爲皇后。（續漢書）

【雨爲兵祥】

武王伐紂，大雨，散宜生諫曰：「此非妖歟？」王曰：「非也，天洗兵也。」（說苑）（按六韜云

武王問散宜生卜伐紂吉乎曰不吉不可舉事太公曰是非卜所知也將行之日雨輜重車至軫太公曰此洗濯兵甲也。軍行雨沾衣，是潤兵也，其軍有喜。（抱朴子）

【久陰不雨廢立之兆】

時霍光與田延年張安世謀廢昌邑王，王出遊，光祿大夫魯國夏侯勝當乘輿前諫曰：「天久陰而不雨，臣下有謀上者，陛下出欲何之？」王怒謂勝爲妖言，縛以屬吏。吏白光，光讓安世，以爲泄語。安世實不言，乃召問勝，對言在洪範傳曰：「皇之不極，厥罰常陰。」時則下人有伐上者，光安世大驚，以此益重經術士。（通鑑紀事本末）吳王亮太平三年，自八月沉陰不雨四十餘日，亮以大將軍繇專恣，與太常全尚將軍劉丞謀誅繇。九月戊午，繇以兵取尚遣弟恩攻殺承於蒼龍門外，召大臣會宮門，黜亮爲會稽王，時年十六。（吳志）吳孫皓寶鼎元年十二月，太史奏久陰不雨，將有陰謀。皓深驚懼，時陸凱等謀，因其謁廟廢之，及出，留平領衆前驅，凱語平不許，是以不果。皓既肆虐，羣下多懷異圖，終至喪亡。（同上）宋後廢帝元徽三年四月，連陰不雨八月，又多陰不雨，後二帝廢殞。（宋志）

【屋倒不傷人】

劉安，河中也。通鬼道，未來之事，皆預知之。河間趙廣家，槽馬上忽變作人面，全家大驚。往以爲異，一時走出看之，堂內無人，堂屋一時崩倒，全家得免。（搜神記）夏侯漢母病，將詣淳于智卜，有一狐當門，向之嗥叫。漢愕懼，遂馳詣智，智曰：「禍甚急，君速歸。在狐嗥處，拊心啼哭，家人驚怪，大小畢出一人不出，啼哭勿休。然其禍僅可救也。」漢如其言，母亦扶病而出，家人既集，堂屋五間，拉然而崩。（同上）

【劍有名字】

漢平帝衍掘得一劍，上有帝名，故佩之。（刀劍錄）魏武帝嘗於谷中得一劍，有金字，銘曰：「孟德。」王常服之。○光武未貴時，在南陽鄂山得一劍，文曰「秀霸」，小篆書，帝常服之。○袁紹在黎陽，夢有神人授以寶劍，及覺，果在臥所。銘曰：「思召。」紹解之曰：「思召，紹字也。」（並同上）

【星隕大臣災】

齊龍二年，諸葛亮帥衆十餘萬，出斜谷，軍於五丈原，會有長星墮亮之壘，亮病尋卒。（晉紀）王曾，寶元元年冬，有大星墮其寢，左右驚告，曾曰：「後一月當知之。」如期而薨。（宋史）本傳）韓琦斃年六十八前，一夕，大星隕於治所，樞馬皆驚。○陳堯咨所居棟摧，大星隕於庭，散爲白氣，已而卒。○王信上章請老，以通議大夫致仕，有星隕於其居，光如炬，不及地數尺而散，數日信卒。○趙方字彥直，自儒生帥邊十年，以戰爲守，屢挫金人之鋒，病革，猶引其裨將於臥內，勉以協心報國，貽書宰相論疆場大計，尋卒，是夕有大星隕於襄陽，累贈太師，諡忠肅。○孟珙病革乞休，授檢校少師，寧武軍節度使，致仕，終於江陵府治，是月朔，大星隕於境內，聲如雷。○趙葵咸淳元年，加少傅，二年乞致仕，特授少師，武安軍節度使，進封冀國公，舟次小孤山，薨，年八十一，是夕五洲星隕如箕，贈太傅，諡忠靖。（俱宋史本傳）朱善字備萬，豐城人，洪武八年，對廷試第一，授翰林院修撰，十八年擢文淵閣大學士，論說多稱旨，嘗講家人卦心箴，帝大悅，未幾請告歸，卒，年七十二，卒之前，有星如虹，墜其舍，正德中諡文恪。（明史本傳）

【夢日三分取一後爲二分主】

魏文帝爲王時，夢日墜地，分爲三分，已得一分，納懷中，必與吳蜀鼎足分天下。（談藪）陳文帝諱蒨，梁太清初，夢兩日鬥，一大一小，大者光滅墜地，色正黃，其大如斗，文帝因三分取一而懷之，後陳高祖竊先崩，文帝繼篡大業，與周齊爲與國，應三分之兆。（陳書本紀）

【屋 咤】

晉惠帝太安中，周玘於陽羨起宅，始成，而邊戶有聲如人嘆咤，玘尋亡，後家誅滅。（宋志）齊武帝不豫，徙御延昌殿，始登階，而殿屋鳴咤，上惡之，未幾崩於殿中。（南史本紀）

【木 妖】

唐安史二逆之後，大臣宿將，競崇棟宇，人謂之木妖。至大曆中，踰制者皆毀。（德宗實錄）代宗卽位，宰輔朝士當權者，爭修第舍，議者以皆土木之妖，無何皆易其主。（封氏聞見錄）

【禍人自禍】

王氏據閩，薛文傑有寵於閩主。文傑以古制檻車，疎闊，乃更其制，形如木櫃，令上下通，中以鐵芒內向，動輒觸之。後文傑誣殺吳英，英軍士憤怒，即以檻車送之。（迪吉錄）洛州司馬弓嗣業，洛陽令張嗣明，造大枷，長六尺，闊四尺，厚五寸，倚前人，莫敢犯。後嗣業及嗣明資遣逆賊徐真北投突厥，事敗，業等自著此枷，百姓快之。（唐書）周武氏時，魚思嘏希旨鑄銅爲甌，以受天下密奏。無何，有人投甌告嘏，靈爲徐敬業作刀輪以衝陣，殺傷官軍甚衆，推問具承伏誅。○周興慘文喟抵妄殺無數。天授中，或告興與邱神勣謀反，武后詔來俊臣鞠獄，初興未知被告，方對俊臣食。俊臣曰：「囚多不服，奈何？」興曰：「易耳，內之大甕，熾炭，周之何事不承？」俊臣曰：「善！」命取甕且熾炭，徐謂興曰：「有詔按君，請嘗之。」興駭服罪，詔誅神勣，徒興嶺表，道爲仇家所殺。○索元禮嘗作鐵籠，繫囚首加以楔，至腦裂死。又橫木關手足，轉之，號晒翅。或縛囚梁上，繼石於頭，武后數引見，賞賜以張其威。後以受賄收下吏，不服，吏曰：「取公鐵籠來！」元禮伏罪，死獄中。（並同上）宋王謂其相唐鞅曰：「寡人所殺戮者衆矣，而羣臣愈不畏，何也？」唐鞅對曰：「王之所罪，盡不善者也。罪不善，善者故爲不畏。王欲羣臣之畏也，不若無辨其善與不善，而時罪之。若此，則羣臣畏矣！」居無幾，宋君殺唐鞅。（呂氏春秋）商君法，舍人無驗者，坐之。後商君得罪，出亡，莫敢舍者。喟然歎曰：「嗟乎！爲法之弊，一至此哉！」（本傳）蘇子由謫雷州，不許占官舍，遂僦民屋。章子厚又以強奪民居，下本州究治。不一二年，子厚謫雷州，亦問舍於民，民曰：「前蘇公來，爲章丞相幾破吾家，今不可也。」（合璧事類）

【作梅詩爲狀元宰相之讖】

王曾布衣時，以梅詩謁呂文穆云：「雪中未問和羹事，且向百花頭上開。」呂讀之曰：「此生已安排作狀元宰相矣！」弱冠三試皆首冠，仁宗朝大拜。（宋史）梁克家嘗館於潮州揭陽縣治東齋，賦梅花詩云：「九回變調終有待，百花羞澁敢言芳。」後魁天下，高宗朝登宰輔。（宋史本傳）

【夢魁天下】

天聖初，宋元憲公在場屋日，夢魁天下，故事四方舉人，集京師，當入見，而宋公姓名偶爲衆人之首。禮部奏舉人宋郊等，公大惡之，以爲夢徵止此矣。然其後卒爲大魁。（老學菴筆記）紹興初，張子韶夢魁天下，比省試，類榜坐位，圖出其第一人，則張九成也。公殊怏怏。及廷試唱名，亦冠多士。（同上）

【疑獄夢告】

黃幹通判安豐軍，淮西帥司檄幹鞫和州獄。獄故以疑未決，幹釋囚桎梏，飲食之，委曲審問，無所得。一夜夢井中有人，明日呼囚詰之曰：「汝殺人投之於井，我悉知之矣，胡得欺我？」囚遂驚服，果於廢井得尸。（宋史道學別傳）張洽爲袁州司理參軍，民有殺人賄其子焚之。居數年，事敗，洽治其獄，無狀，憂之。且白郡，委官體訪。俄夢有人拜於庭，示以傷痕在脅。翌日，委官上其事，果然。（同上）張氏羅江士人女，其母楊寡居。一日，親黨有婚會，母女偕往。其典庫雍乙從行。既就坐，乙先歸。會罷，楊氏歸，則乙死於庫，莫知殺者主名。提點刑獄張文亮疑楊有私，懼爲人知，殺乙以滅口。遂命石泉軍勘治。楊言與女同榻，實無他，遂逮其女，拷掠苦毒。女謂母曰：「我不勝楚，將死矣，死必訟冤於天。」言終而絕。於是石泉地大震，有聲如雷，天雨雪，屋瓦皆落。邦人震懼，勸官李志寧疑之。夕具衣冠，禱於天。俄假寐坐廳事，恍有猿墜前，驚寤，索之不得。志寧自念殺人者得非袁姓乎？有門卒忽言張氏饋食之人曰袁大。執而訊之，袁色動曰：「願就死。」問之，適盜庫金，會雍歸，遂殺之。楊乃得免。女死才數日，獄上，其榜其所居曰孝感坊。（宋史列女傳）

【夢人授筆】

江淹少時夢人授五色筆，由是文藻日新。（南史）紀少瑜嘗夢陸睡以束青鏤管筆授之，曰：「卿自擇其善者。」其文因此大進。（青箱雜記）王恂夢人以大筆如椽與之，人謂曰：「君當有大手筆。」俄而孝武崩，哀策諡議，皆恂所草。（世說）質生之夕，母夢神人授以五色筆。（宋史范質傳）

【夢人授墨】

王勃嘗夢人遺以丸墨盈袖，自是文章日進。（西陽雜俎）唐寅少時祈夢於鯉仙山，夢贈墨一丸，自是文思並進。（明詩紀事）

造書鬼哭

蒼頡造書，而天雨粟，鬼夜哭。（淮南子）李陽冰篆鄂字，上有四口，鬼哭於空。（鄂州圖經）唐堯在位七年，鷓鴣逃於絕漠之外。（拾遺記）子產治鄭，蒺藜不生，鷓鴣不至。（梁冀別傳）

鵠不至

道西有道兒君碑，是魯相陳君立。昔曾參居此，鵠不入郭。（水經經）

六事自咎而雨

湯伐桀之後，七年大旱，洛坼川竭，煎沙爛石。太史氏曰：「當以人禱。」湯曰：「請雨為民也。若以人禱，我自當之。」乃齋戒剪髮斷爪，素車白馬，嬰以白茅，身為犧牲，禱於桑林之社。持三足鼎，祝諸山川曰：「勿以予一人之不敏，俾上帝鬼神傷民之命。」乃以六事自責曰：「政不節與？民失職與？宮室崇與？婦謁盛與？苞苴行與？讒夫昌與？」言未訖，雨大作，方數千里。（通志）晉僖公時，雨澤不澍，比於九月，率羣臣禱山川，以六過自讓，退舍南郊，天立大雨。（春秋考異郵）

昔者太王居邠，狄人侵之，乃屬其耆老而告之曰：「狄人之所欲者，吾土地也。吾聞之也，君子不以其所以養人者害人，二三子何患乎無君？我將去之。」去邠，踰梁山，邑於岐山之下。居焉。邠人曰：「仁人也，不可失也。」從之者如歸市。（孟子）吳王闔閭滅楚，楚昭王出亡，父老送之。王曰：「父老返矣，何患無君？」父老曰：「有君如此，其賢也。」相與從之，或奔走赴秦，號哭請救。秦人為之出兵，昭王返國。（杜氏通典）劉琮以荊州降操，劉備將其眾去，過襄陽，呼琮懼，不能起。琮左右及荊州人，多歸備。備過，辭表慕，涕泣而去。比到當陽，眾十餘萬人，輜重數千兩，日行十餘里。別遣關羽乘船會江陵。或謂：「備宜速行，保江陵，今擁大眾，被甲者少，曹公兵至，何以拒之？」備曰：「夫濟大事，必以人為本，今人歸吾，吾何必棄去？」（通鑑漢獻紀疏注）

民從賢君亡

（晉鑿齒曰）文德頗沛，險難而信義愈明，勢逼事危而言不失道，追景升之顧，則憤感三軍，戀赴義之士，則甘與同

敗終濟大事不亦宜乎

【降人以義不以攻】

晉文公伐原，與大夫期五日，五日而原不降。文公令去之，吏曰：「原不過三日將降矣，君不如待之。」君曰：「得原失信，吾不為也。」原人聞之曰：「有君義若此，不可

不降也。」遂降。（新序）趙之中牟叛，趙襄子帥師伐之，圍未合而城自壞者十堵。襄子擊金而退士，軍吏曰：「君誅中牟之罪，而城自壞，是天助也。君曷為去之？」襄子曰：「吾聞之於叔向曰：『君子不乘人於利，不迫人於險，』使之城而後攻。」中牟聞其義，乃請降。（同上）

【匿兒袴中】

屠岸賈與諸將攻趙氏於下宮，殺趙朔、趙同、趙括、趙嬰，齊皆滅其族。趙朔妻成公姊，有遺腹，走公宮匿。趙朔客曰公孫杵臼，杵臼謂朔友人程嬰曰：「胡不死？」嬰曰：「朔之婦有遺腹，若幸

而男，吾奉之；即女也，吾徐死耳。」居亡何，而朔婦免身生男。屠岸賈聞之，索於宮中，夫人置兒袴中，祝曰：「趙宗滅乎？若號即不滅，若無聲！」及索兒，竟無聲已脫。（史記趙世家）平文皇后王氏，年十三，得幸於平文，生昭成帝。平文崩，昭成時在襁褓，國有內難，將害帝子。后匿昭成於袴中而咒曰：「若天祚未終者，汝無聲！」遂良久不啼，得免於難。（北魏書）

【市無二價】

孔子宰中都，男女別途，市無二價。（家語）宋登守潁川，市無二價，道不拾遺。（後漢書）陸雲為浚儀令，市不敢二價。（晉書）

【二月催花盡開】

二月花猶未吐，則天詔曰：「明朝遊上苑，火速報春知。花須連夜發，莫待曉風吹。」焚詩而次晨皆發。（史學璧珠）二月朔，苑花未吐，明皇擊鼓催之曰：「花可速開，莫待再催。」

「須臾盡開。」上曰：「不喚我作天公可乎？」（同上）

【塚樹交枝】

宋大夫韓馮妻美，康王奪之，馮自殺，妻自投臺下死。王怒，令分葬，塚相望而已。宿昔有文梓生

二塚之端，根交於下，枝錯於上。宋王哀之，因號其木曰「相思樹」。（搜神記）潘章夫婦，死葬後，塚木交枝，時號「並枕樹」。（段成式隴上記）（按天中記載潘章有美容，王仲先與爲友情，若夫婦後同死，葬羅浮山塚上，忽生一樹，枝葉無不相抱，時人異之，號爲其枕樹，與隴上記所載人同事異，必有一誤。姑并記之。廣記同）吳黃龍中，吳郡海鹽陸東美，妻朱氏有容止，夫妻相愛，時號爲「比肩人」。後妻卒，東美不食死。塚生梓樹二株，同根相抱，有雙雁常宿於上。孫權封其里曰「比肩」，墓曰「雙梓」。後子弘與妻張亦相愛慕，吳人又呼爲「小比肩」。（天中記）

【如廁心動】

趙襄子如廁，心動，得豫讓。（通鑑）漢高帝過柏人，如廁，心動。（自帖）是時上幸林光宮，日日禪奏（師古曰：奏，向也）廁心動，立入坐內戶下。須臾，何羅袖白刃，從東廂上，見日禪色變，走趨臥內，欲入行觸寶瑟，僵，日禪得抱何羅，因傳曰：「莽何羅反！」上驚起，左右拔刃欲格之。上恐，并中日禪，止勿格。日禪捍胡（晉灼曰：胡頸也）投何羅殿下，得禽縛之。窮治皆伏辜。繇是著忠孝節。（漢書金日禪傳）

【擊地水出】

竹王嘗入山大石上，命作羹，從者曰：「無水。」王以鉤擊石，得水。（華陽國志）秦始皇入湘，觀衡山，道中渴甚，徐福以如意擊地，清水湧出。後人就此鑿井，名秦皇井。（楚地記）荊州記曰：「縣南十里有平岡，岡上有金井數百，淺者四五尺，深者不測。俗云：金人以杖撞地，輒成井。」（後漢書郡國志註）

【移文河伯出屍】

毛寶據邾城陷，寶屍沈江不出。戴詳移告河伯，請神使出寶屍，十餘日乃出。（王隱晉書）荀林宗字君儒，乘水省舅，陷河而死。兄淪於水側，投牋於河伯，岸側水開，君儒執牋浮出。（藝文類聚異苑）

【約婚別嫁既死還魂復爲夫婦】

奉始皇時，有王道平，長安人也。少與同里唐叔偕，女小名文喻，誓爲夫婦。尋道平從征南國，九年不歸。父母以女適劉祥。女厲志殊苦，而能自止。仍祝曰：「我與汝立誓天地，保其終身。寧料參差若此！汝有靈，使我見汝；若無靈，從茲而別。」言訖，又復哀泣。遂巡其女魂自墓出，與道平敝認鬪，且云：「妾身未損，可以再生，還爲夫婦。可速開塚。」道平乃啓墓門，女果活，乃結束隨平還家。劉祥聞之，申訴於州，錄狀奏王，王斷歸道平爲妻。（搜神記）晉惠帝時，梁國女子許嫁，已受禮聘。其夫尋戍長安，經年不歸。女家更以適人，女不樂行，父母逼強，不得已去。尋得病亡。前夫還，問女所在，其家具說之。其夫徑至女墓，不勝哀情，使發塚開棺，女遂活。因與俱歸。後堵聞之，詣官爭理，所在不能決，秘書郎王導議曰：「此事非常，不得以常理斷之，宜還前夫。」朝廷從其義。（宋志人癡類）晉武帝時，河間有男女相悅，許相配適。而男從軍，積年不歸。女家更以適人，女不願行，父母逼之而去。尋病死。其夫戍還，問女所在，其家具說之。乃至塚哭之，鼓裏而不勝情，遂發塚開棺，女即蘇活。因負還家，將養平復。後夫聞，乃詣官爭之，郡縣不能決，以讞廷尉。奏以精誠之至，感於天地，故死而更生，是非常事，不得常理斷，請還開棺者。（搜神記）

【夫死入夢】

秦嘉雋秀之士也。婦徐淑，亦以才美流譽。桓帝時，嘉赴洛，淑歸寧，晝睡流涕。嫂怪問之，曰：「適見嘉自說病亡。」及書至，事如所夢。（幽明錄）封卓妻劉氏，成婚一夕，卓官於京師，後以事伏法。劉氏在家，忽夢見知卓氏，哀泣憤歎而卒。時人比之秦嘉妻。（魏書）

【受賂賜錢】

張武爲郎中，令受賂，文帝賜錢以媿其心。（通鑑）皇甫嵩字義真，爲冀州牧，吏有受賂，嵩更賜錢，懷慚或至自殺。（白帖）

【請以身塞隄】

王尊爲徐州刺史，遷東郡太守。久之，河水盛溢，泛浸瓠子金隄，老弱奔走，恐水大決爲害。尊

躬率吏民，投沈白馬，祀水神河伯，尊親執圭璧，使巫策祝，請以身填金隄，因止宿廬居隄上。吏民數千萬人爭叩頭，救止尊，尊終不肯去。及水盛隄壞，吏民皆奔走，唯一主簿泣尊旁，立不動，而水波稍卻迴還。吏民嘉壯尊之勇節，白馬三老朱英等，奏其狀，下有司考皆如言。（漢書）始興忠武王蕭憺爲荊州刺史。六年，州大水溢隄壞，憺親率將吏，冒雨賦丈尺築之，而雨甚水壯，衆皆恐，或請避焉。憺曰：「王尊尙欲身塞河隄，我獨何心以免？」乃登堤，歎息終日，輟膳，刑白馬，祭江神，酌酒于流，以身爲百姓請命。言終而水退隄立。（南史）

【夷戎哭墓泣】

李嵩字伯景，爲度遼將軍，誠心懷撫，信賞公明，乃去烽燧斥堠，邊方晏然。及卒，匈奴舉國傷惜，單于入朝賀，每見墳，輒哭泣祭祀。（漢書）司馬駿鎮西戎，旣葬，西戎之人，每見碑，無不涕泣。（晉諸公贊）祭遵卒，匈奴朝賀過遵塚，拜謁號泣。（白帖）陳龜世習邊俗，鮮卑不敢近塞。上疏請誅梁冀，知不免，不食而死。西域爲舉哀吊祭其墓。（同上）

評曰：孰謂夷狄無人心哉？古稱蠻夷侵侮，其釁必自邊將開之，非虛語也。後漢張奐以德懷諸羌，諸羌爭上馬遺金，奐於諸羌前以酒酌地曰：「使馬如羊，不以入廄，使金如粟，不以入懷。」悉還之。於是羌夷感悅，威化大行。噫！誠若得張奐者，司邊陲鎖鑰，則守在四夷，雖千載可也。

【賊不犯】

鄭玄警道，遇黃巾賊，知爲玄，皆下拜，相約不敢犯境。（白帖）胡昭居陸渾山，躬耕力學，閭里嚴事之。漢末，孫狼作亂，至陸渾，相戒曰：「胡居士賢者，不得犯其境。」一邑賴以安。（河南人物攷）黃晟，鄴人，官散騎常侍，盜賊四起，獨相戒曰：「無犯黃公境。」江東儒者多依之。（明州人物攷）徐穉字孺子，家貧，業耕，非其力不食，清風凜然，世稱南州高士。漢末，盜賊縱橫，相戒勿犯徐先生境。（南州人物記）吳復古，揭陽人，父爲侍講，當廕官，謝去灌園教子，隱居麻田山中，絕粒不食。蘇軾兄弟雅重之。黎寇犯境，望其居曰：「是蘇黃門舊游地也。」麾兵退，賴以保全。志稱復古曰：「嶺海高士。」（潮州人物志）宋查道字湛然，果州守洞賊

作亂，相戒曰：「查使君以仁義撫此境，大得衆心，未可攻也。」抵城而退。（順慶名宦志）翟湯字道淵，南陽人，篤行任素，義讓廉潔，饋贈一無所受。值亂，多寇聞湯名，德皆不敢犯。（晉陽秋）袁閔父賀，爲彭城相，徒步往省。至府門，累日吏不通。偶老嫗出見，白夫人，乃呼入。比辭去，遣車送之，不肯乘。郡人無有知者。僻居力學，從父逢隗並貴，盛餉閔皆不納，嘗嘆曰：「吾先公福祚後世，不能以德守之，而競爲奢縱，此卽晉之三郤矣！」遂散髮絕世，築土室四周於庭，不爲戶，自厲納飲食而已。黃巾賊起，相戒不入其境。（本傳）

【化鄉里爭訟】

王烈字彥方，以義行稱鄉里。有爭財者，將質之於烈，或至途而返，或望塵而還，皆相推以直，不敢使烈聞。（蒙訓）蔡衍字孟嘉，以禮讓化鄉里，有爭財者，輒詣衍決之，所爭者皆無怨。感愧，收兵謝罪。（同上）蕭道賜以禮讓稱，居鄉有爭訟，專賴平之。又周其疾急，鄉里號曰「壺王」。（南史）

【主人避盜】

淳于恭以謙儉推讓爲節，有盜爲恭禾者，恭見而避之。去後，乃自刈遂之。鄉里感愧，莫敢侵犯。（孫尋字文度，年儻毅貴，人有牛刈其禾，尋見而避之。去後，乃自刈遂之。鄉里感愧，莫敢侵犯。）白帖）會稽陳翳，少時於郭外水濱捕魚，人有盜取之者，歸見避之草中，追以魚遺之，盜慚不受。自是無復盜其魚者。（後漢書）何隨家養竹園，人盜其符，隨行遇見，恐盜者怖走，竹傷其足，挈履徐步而歸。（華陽國志）

【盜還物】

孔嵩字仲山，爲阿里街卒。正身厲行，街中子弟皆服其訓。辟公府之京師，道宿卞亭，盜共竊其養母。母卒，義力自辦葬，不掩墳壙，盡則負土築墳，夜則慟哭，柩側嘗遇盜劫其衣服，既而知是義服，悉還之。（宋史孝義傳）戴書字平仲，遇盜悉被掠奪，唯餘七縑，賊不知也。追以與之，賊曰：「賢人也。」遂盡還之。（白帖）

【郡縣善政致芝草】

沈豐爲零陵太守，慎刑重殺，鞭杖不舉。僚友有過，初不暴揚。有奇謀異略，輒爲談述。

曰：「太守所不及也。」到官一年，甘露降，瑞芝生。（後漢書）唐薛振爲饒州刺史，凡六載，合郡稱神明。素山產芝，民謂德政所感，立亭其上，改曰「芝山」。（豫章名宦記）王方翼遷肅州刺史，他郡飢民走方翼境者，出私錢以濟之，全活甚衆。芝產其地。（合璧事類）韓思復遷徐州刺史，多異政，有黃芝五，生州署，民爲刻石以頌其祥。（本傳）宋新昌令邵叶，下車三月，靈芝五色，生於燕坐之所，作「瑞芝亭」，黃庭堅記。（瑞州古蹟記）至大元年，改稱建廉訪使，澤有德於閩，閩人安之，有芝五色產於憲司之澄清堂。（元史烏吉孫澤傳）

【太極殿材缺神木自至】

晉元南渡，謝安作新宮太極殿，缺一梁，有梅木一株，流至石頭城下，壯偉異常，適可充用。因畫梅花於梁上，以表其瑞。（廣博物志）初侯景之亂，太極殿被焚，承聖中議欲營之，獨缺一柱。俄有神木大十八圍，長四丈五尺，流泊陶家後渚，監軍繇子慶以聞，詔中書令沈衆兼起部尚書，措太極殿。（陳書高祖武帝紀）

【因孝致疾夢親授藥】

邱傑字偉躄，烏程人也。十四，遭母喪，以熟菜有味，不嘗於口。歲餘，夢母謂曰：「死正是分別耳，何事乃爾茶苦？」汝歐生菜，遇蝦蟆毒，靈牀前有三丸藥，可取服之。」傑驚起，果得甌，甌中有藥，服之下科斗數升。（南史）張汝明事親孝，執喪水漿不入口三日，日飯脫粟飲水，無鹽醃草木之滋，浸病羸，行輒踣。夢父授以服天南星法，用之大效，人以爲孝感。（宋史本傳）

【灑淚樹變】

王真少立操尚，以父儀爲晉文王所害，絕世不仕。立屋墓側，旦夕常至墓前，朝拜悲號，柏樹涕淚所著，枝葉爲變。（晉書）梁武帝每拜山陵，涕淚所洒，松草皆爲變色。（梁本紀）

【掩骨致雨】

周暢性仁惠，和篤，穆帝時爲河南尹。永和二年夏旱，久禱無雨，因收葬洛陽城旁，客死枯骨萬餘，應時大雨。後位至光祿勳。（晉書）後魏孝明帝神龜二年，二月壬寅，詔以旱故，命察理冤獄，掩諸埋骼，振窮恤寡。三月甲辰，澍雨大洽。（北史本紀）賀蘭祥爲荊州刺史，境內亢旱，見發掘古塚，暴露骸骨

者，命收葬之。即日澍雨。（後周書）周嘉傳：文帝永初二年，夏旱，嘉收葬客死骸骨，應時澍雨，歲乃豐稔。（後漢五行志注）後魏宋世良以御史使河北，還過汲郡，見城傍多暴露，移文州郡，悉令收瘞。其夜甘雨滂沱。（北史）

【爲詩感夫】

濠梁人南楚材者，旅遊陳穎，歲久穎守慕其儀範，將欲以女妻之。楚材家有妻，以受知於穎，收邊語之，遣僕歸取琴書，似無旋返意。其妻薛媛善書畫，妙屬文，微知其意，乃對鏡圖其形，并詩四韻，以寄之曰：「欲下丹青筆，先拈寶鏡寒。已經顏索寞，漸覺髮凋殘。淚眼描將易，愁腸寫出難。恐君渾忘卻，時展畫圖看。」楚材得之，甚慚，遂還借老。（雲溪友議）嚴灌夫娶慎氏，十年無嗣，乃拾其過而出之。慎慨然爲詩以訣曰：「當時心事已相關，雨散雲飛一箇間。便是孤帆從此去，不堪重上望夫山。」灌夫覽之，悽感，復爲夫婦。（同上）司馬相如將聘茂陵人女爲妾，卓文君作白頭吟以自絕，相如乃止。（西京雜記）

【井變甘泉】

滄州有甘井，開元二十年，令毛某母老，苦水鹹，無以養。縣舍地泉忽湧而甘，民謂之毛公井。（玉海地理志）李錫爲虞城令，官舍舊井，水清而味苦，下車嘗之，莞爾笑曰：「既清而苦，足以符吾志也。」遂汲用不改，未幾，忽變爲甘泉。（萬花谷）

【鹿乳】

太微真人尹澄字初默，曾行山中，遇鹿，有傷足，躓頓不前者。澄哀其苦，乃以藥封之。後因入山，忽遇洪雨，食盡衣單，困於林藪。時有羣鹿奄至，相依而止。飢則吮其乳，安則臥其懷。相隨累日而返。（仙鑑）伯夷叔齊棄薇不食，有白鹿乳之。（廣博物志）

【解虎爭】

商亮字子華，舉孝廉，到陽城，遇兩虎爭一羊。亮按劍直前，斬羊剖爲二，虎乃各負其半去。時人爲之謠曰：「石叟之勇，商子華，暴虎見之藏爪牙。」（廣博物志）曇詢山行，值二虎相鬥，累時不歇，詢乃執錫分之，以身爲齧。語云：「同居林藪，計無大乖，幸各分路。」虎低首受命而去。（神僧傳）

【人稱佛】

余崇龜爲九江守，開禱中，夏秋不雨，崇龜到部，舉家蔬食禱祈，旣而雨注，歲遂有秋。民呼爲「

余佛」(宋史)邊鑄小字康樂，從查友徵克建州，凡所俘獲皆全之，建人稱爲邊佛。及克潭州，市不易肆，人謂之「邊菩薩」。(五代史周太祖紀)

【郡縣善政木連理】

高繼勳知瀛州時，歲飢，募富人出粟以給貧者。明年大稔，木生連理者四，郡人上治狀。(宋史本傳)夏侯恭叔爲竟陵令，惠化大行，木連理，上有光如燭，咸以爲善政

所致。(南史桓崇祖傳)

【誠乞泉出】

泰山之東有滂泉，其形若井，本體是石也。欲取飲者，皆洗心志跪而搥，則泉出如飛，多少足用。若或污慢，則泉止焉。蓋神明之警志者也。(搜神記)徂山縣北有石穴，平居無水，有渴者至誠請乞，輒得；戲請則不得。(袁山松宜都縣記)神泉出高密琅琊郡，人誠心禱祈，則飛泉湧出，清冷味甘，或污之便濁。(述異記)

【鸚鵡滅火】

昔有菩薩，現爲鸚鵡，常處於樹，風吹彼樹，更相切摩，便有火出。火漸熾盛，遂焚一山。鸚鵡思維，猶如飛鳥，驅止於樹，故當反復，起報恩心。何況於我，長夜處之而不滅火，即往詣海，以其兩翅取大海水，至彼火上，而洒於火，或以口洒，東西奔馳。時有善神，感其勤苦，尋爲滅火。(僧伽羅刹經)有鸚鵡飛集他山山中，禽獸輒相貴重。鸚鵡自念，雖樂不可久也，便去。後數月，山中大火，鸚鵡遙見，便入水濡羽，飛而洒之。天神言：「汝雖有志，竟何足云也？」對曰：「雖知不能救，然嘗僑居是山，禽獸行善，皆爲兄弟，不忍見耳。」天神嘉感，卽爲滅火。(張華感應類從志)

珍奇

【盤盛物同色】

漢明帝，以赤瑛盤盛櫻桃，賜羣臣。月下視之，與盤同色，皆疑空盤。(本紀)董偃以水精爲

盤，貯冰同色，坐處皆疑空盤。（三輔黃圖）

【琉璃盤】

同昌公主以紅琉璃盤，盛夜光珠，立堂中，其光如晝。（杜陽編）肅宗曰：「平嶺南進琉璃盤，而闊九寸，朕以為寶，及破載家，得而徑尺者。」（鄴侯家乘）

【煖玉】

武宗會昌九年，夫餘國貢火玉三斗，色赤，長半寸，上尖下圓，光照數十步，積之可以然鼎，置之室內，嚴寒不復挾纊。（六帖）寧王有煖玉為案，冬日據之。（天寶遺事）

【屈伸劍】

聞人紹常寶一劍，以十大釘陷柱中，揮劍一削，十釘皆截，隱如秤衡，而劍鋒無纖跡，用力屈之如鉤，縱之鏗然有聲，復直如絃。（沈存中夢溪筆談）神諫常蓄一劍，可以屈置盒中，縱之復

直。（同上）

譎諫

【諫刑人數三當死】

齊景公有馬，其圜人殺之，公怒，援戈將自擊之。晏子曰：「此不知其罪而死，臣請為君數之。」公曰：「諾。」晏子舉戈臨之曰：「汝為吾君養馬而殺之，而罪當死，汝使

吾君以馬之故殺圜人，而罪又當死，汝使吾君以馬故殺人，聞於四隣諸侯，而罪又當死。」公曰：「夫子釋之，勿傷吾仁也。」（劉向說苑）景公好弋，使燭雛主鳥而亡之，公怒，欲殺之。晏子曰：「燭雛有罪，請數之，以其罪乃殺之。」

公曰：「可。」乃召燭雛，數之。景公前曰：「汝為吾君主鳥，而亡，是一罪也，使吾君以鳥之故殺人，是二罪也，使諸候聞之，以吾君重鳥而輕士，是三罪也。」數燭雛罪已畢，請殺之。景公曰：「止勿殺。」而謝之。（同上）武帝時，有

賤人，二當死，匈奴有急，以鹿觸之，三當死。」帝默然赦之。（初潭集）使陛下以鹿殺人，一當死，天下聞陛下重鹿

【獵得善言】

梁君出獵，見白雁羣，梁君下車，彀弓欲射之。道有行者，梁君謂行者止。行者不止，白雁羣駭。梁君怒，欲射行者。其御公孫襲對曰：「昔齊景公之時，天大旱三年，卜之曰：『必以人祠乃雨。』景公下堂頓首曰：『凡吾願與他人何也？』」公孫襲對曰：「昔齊景公之時，天大旱三年，卜之曰：『必以人祠乃雨。』景公下堂頓首曰：『凡吾所以蒙雨者，爲吾民也。今必使吾以人祠，乃且雨，寡人將自當之。』言未卒，而天大雨，方千里者何也？爲有德於天而惠於民也。今主君以白雁之故而欲射人，襲謂主君言無異於虎狼。」梁君援其手，與上車，歸入廟門，呼萬歲曰：「幸哉！今日也！他人獵皆禽獸，吾獵得善言而歸。」（新序）晉文公逐麋而失之，問農夫。老古曰：「吾麋何在？」老古以足指曰：「如是往。」公曰：「寡人問子，以足指何也？」老古振衣而起曰：「一不意人君如此也。虎豹之居也厭閑，而近人故得魚鼈之居也。厭深而之淺，故得諸侯厭衆而亡而國。詩云：『維鵲有巢，維鳩居之。』君放不歸，人將君之於是。」文公恐歸，遇樂武子。樂武子曰：「獵得獸乎，而有悅色？」文公曰：「寡人逐麋而失之，得善言，故有悅色。」樂武子曰：「其人安在？」曰：「吾未與來也。」樂武子曰：「居上位而不恤其下，驕也。緩令急誅，暴也。取人之言而棄其身，盜也。」文公曰：「善，遠載老古俱歸。」（同上）

【酒勸柱】

陸玩拜司空，有人詣之，索美酒，得便自起，瀉着梁柱間地。祝曰：「當今乏才，以爾爲柱石之用，勸柱，而語柱曰：『詎可便作棟梁。』自過周得之欣然，遂爲衿契。」（同上）（徐廣晉記曰：顧顯字孟著）

【效技獨誦古】

齊高帝幸華林宴集，使各效技藝。褚彥回彈琵琶，王僧虔柳世隆彈琴，沈文季歌子夜，來敬兒舞。王儉曰：「臣無所解，唯知誦書。」因跪上前，誦相如封禪書。上笑曰：「此盛德事，我何以堪之？」（商史）郭山惲景龍中，累遷國子同業。時中宗數引近臣，及修文學士，與之宴集。嘗令各效技藝，以爲笑樂。工部尚書張鷟爲談容娘舞，將作大匠宗晉卿舞渾脫，左衛將軍張洽舞黃鸞，左金吾衛將軍杜元琰誦婆

羅咒給事中李行言唱駕車西河，中書舍人盧藏用效道士上章山，憚獨奏曰：「臣無所解，請誦古詩兩篇。」帝從之，於是誦鹿鳴蟋蟀之篇（舊唐書）

■ 豪奢

【肉 林】

紂以脯肉爲林。（六韜）武帝爲酒池肉林，令外國徧觀之。（漢書）

【殺賭牛】

彭城王有快牛，至愛惜之。王太尉與射賭得之，彭城王曰：「君欲自乘，則不論；若欲噉，當以二十肥代之。」既不廢噉，又存所愛，王遂殺噉。（初潭集）王君夫有牛，名八百里駘，常瑩其蹄角。王武子語君夫：「我射不如卿，今指定卿牛以千萬對之。」君夫既恃手快，且謂俊物無有殺理，便相然可，令武子先射。武子一起便破的，卻據胡床，叱左右速探牛心來。須臾炙至一轡便去。（同上）

【錦 維 舟】

甘寧字興霸，道路住止，以繒錦維舟去。或割棄以示奢侈。（吳志）煬帝錦以爲纜，維舟而行。（隋紀）

【食萬錢猶言無下箸處】

何曾性奢豪，廚膳滋味，過於王者。每燕見，不食大官所設，帝輒命取其食蒸餅。上不圻，作十字不食，日食萬錢，猶言無下箸處。（晉書）任愷既失職，乃縱酒

耽樂，極滋味以自奉。每食萬錢，猶言無可下箸處。（同上）

【一食萬錢】

韓晉明好酒誕縱，招飲賓客，一席之費，動至萬錢。猶恨儉率。（北齊書）趙巖一食萬錢。

【一食二萬錢】

何邵驕奢，有父風，衣裘服玩，新故巨積，食必四方珍異。一日之供，以錢二萬爲限。時論以爲大官御膳，無以加之。（晉書）（按邵曾子）李德裕每食一杯羹，其費約三萬錢。（獨異

【彫人執燈】

中王每夜與諸王貴戚聚宴，以龍檀木彫成獨髮童子，衣以綠衣袍，繫之束帶，使執畫燭，列立於宴席之側，目爲燭奴。（開元天寶遺事）寧王宮中，每夜於帳前羅列木彫矮婢，飾以綵繒，各執華燈，自昏達旦，目之爲燈婢。（同上）

【殺生子入鑊】

唐何澤者，嘗攝廣州四會縣令。性豪橫，唯以飲啖爲事。尤嗜鵝鴨，鄉胥里正，恆令供納。嘗妾養鵝鴨千百頭，日加烹宰。澤止一子，愛憐特甚。一日烹雙鷄，爨湯待沸。其子似有鬼物撮置鑊中，一家驚駭，促出之，則與雙雞俱爛矣。（慈愷訓）平江府劉吉以殺鵝鴨爲生，設肆市橋。一日常烹數百人，皆勸之改業，劉不聽。其子年七歲，一日在旁遊戲，忽若人提入湯鑊中，股爛而死。（同上）

齊齋

【和嶠王戎李】

和嶠性至儉，家有好李，王濟嘗就求之，不過數十。濟候其上，直率少年詣園共啖，畢伐樹而去。（本傳）王戎性好興利，家有好李，嘗出貨之。恐人得種，恆鑽其核，以此獲譏於世。（本傳）

說諧

【獻胙加毒以讒賜死】

驪姬謂太子申生曰：「君夢齊姜，必速祭之。」太子祭於曲沃，歸胙於公。公曰：「姬實諸宮。」六日，公至，毒而獻之。公祭之地，地墳與犬，犬斃與小臣，小臣亦斃。姬泣曰：「賊由太子。」太子奔新城，公殺其傅杜原款。或謂太子：「子辭君，必辨焉。」太子曰：「君非姬氏，居不安，食不飽。我辭，姬必有罪，君老矣，吾又不樂。」曰：「子其行乎？」太子曰：「君實不察其罪，被此名也，以出人，誰納我？」遂縊。

於新城。(左傳)蜀侯惲祭山川，獻饋於秦孝文王。惲後母害其寵，加毒以進王。王將嘗之，後母曰：「饋從二千里來，當試之。」王與近臣、近臣即斃。文王大怒，遣司馬錯錫惲劍，使自殺。惲懼，夫婦自殺。(華陽國志)

掩鼻進讒

魏王遣楚王美人。楚王悅之。夫人鄭袖知王之說新人也，甚愛新人，禮服玩好，擇其所喜而爲之。宮室臥具，擇其所善而爲之。愛之甚於王。王曰：「婦人所以事夫者，色也；而妒者其情也。今鄭袖知寡人之說新人也，其愛之甚於寡人，此孝子之所以事親，忠臣之所以事君也。」鄭袖知王以己不爲妒也，因謂新人曰：「王愛子美矣，雖然，惡子之鼻。子見王則必掩子之鼻。」新人見王，因掩其鼻。王謂鄭袖曰：「夫新人見寡人，則掩其鼻，何也？」鄭袖曰：「妾知之。」王曰：「雖然，必言之。」鄭袖曰：「其似惡聞王之鼻也。」王曰：「悍哉！」令劓之。(楚策)衛太子戀鼻，嘗有疾，至甘泉宮。江充告太子勿入，陛下有詔，惡太子鼻，戀當以紙蔽其鼻。充語武帝曰：「太子不欲聞陛下臆鼻，故蔽鼻。」帝怒太子，太子走還。(三輔故事)

姦凶

驢王

宋東海王禕，志性兇劣，當時號爲「驢王」。(宋書)元恆傲狠兇殘，安豐王延明每切責之，曰：「昔宋東海王禕，人號曰驢王，我熟觀汝所作，亦恐不免。」當時聞者，亦號爲「驢王」。(

後魏書)

炙手可熱

唐元載爲相，有用事者四人，重灼中外，人爲之語曰：「卓李鄭薛，炙手可熱。」(東坡詩註)安樂公主，玄宗之季妹，附會韋氏，炙手可熱，人咸異之。(唐書遺事)

四凶

共工驩兜，鯀三苗，舜時「四凶」。(左傳)黃履蔡確，章惇邢恕，相比爲姦，時號「四凶」。(宋紀)

【五 鬼】

眞宗時王欽若丁謂林特劉承珪李環任蹤跡詭秘時號「五鬼」(宋史)南唐馮延巳馮延魯魏岑陳覺查文徽侵蠹政事時號「五鬼」(五代史)

■ 隱語

【當 歸】

姜維字伯約天水人既歸蜀得母書令求當歸維曰「但有遠志不在當歸」(蜀志)曹公聞太史慈名遺慈書以篋封之發省無所道而但貯當歸(吳志太史慈傳)

【茶藥合中內召】

於合中得大玉環京拜賜即治行(同上)

王冀公自金陵召還不降詔止於茶藥合中賜御飛白「王欽若」三字冀公即上道至國門輔臣以下皆未知(陸游老學庵筆記)政和中蔡京在錢塘一日中使賜茶藥亦

■ 異徵

【遺杖成林】

夸父逐日渴飲河渭不足北飲大澤未至道渴而死棄其杖化爲「鄧林」(山海經)張愈隱逸不仕丁內艱鹽酪不入口再期植所持柳杖於墓忽生枝葉後成合抱(宋史隱逸傳)

【以疾得福】

宋人有好行仁義者三年不懈家無故黑牛生白犢以問孔子曰「此吉祥也」以薦上帝居一年父無故而盲其牛復生白犢又問孔子曰「吉祥也」復教以祭居一年子亦無故而盲

其後楚攻宋圍其城丁壯者皆乘城戰死者大半此人以父子有疾皆免及解圍而疾俱復(列子)北叟塞上之翁也馬無故亡入胡人弔之翁曰「安知非福乎」後其馬將胡駿馬而歸人賀之翁曰「安知非禍乎」其子騎墮而折臂人弔之翁曰「安知非福乎」後胡兵大出丁壯者戰死唯子以跛故得父子相保故以北叟知禍福相

因倚而生也。(淮南子)

【鶴言城郭是人民非】

蘇耽去後，忽有白鶴十數隻，夜集郡東門樓上。一隻足畫作字言曰：「城郭是人民，非三百甲子當復歸。」咸謂是耽。(列仙傳)遼東城門有華表柱，忽有一鶴集，徘徊空中，言曰：「有鳥有鳥，丁令威，去家千歲今來歸，城郭如故人民非，何不學仙去，空梓塚壘壘。」遂上冲天。

(搜神記)

【爲形示罰禍中其人】

丁侯不朝武王，乃畫丁侯形，三旬射之。丁侯病大劇，使人卜之，祟在周。丁侯懼，遣使請武王，願舉國爲臣虜。武王許之，尙父謂使曰：「歸矣！吾已告諸神，言丁侯前

畔使義，今已遣人來降，勿復過也。」比使者歸，丁侯病漸愈。四夷聞之，皆懼，各以其職來貢。(太公金匱)河東沐堅字璧強，石勒時監作水田，御下苛虐，百姓怨毒，乃爲堅形，以刃矛斫刺，咒令倒斃。堅尋得病，若被捶割，於是遂殞。(異苑)

【臣死還寃】

杜伯爲周大夫，宣王之妾曰女鳩，欲通之。杜伯不可，女鳩訴之。宣王曰：「竊與妾交。」宣王信之，使薛甫與司空綺殺杜伯。其友左儒九諫而王不聽。後三年，宣王游囿田，從人滿野，日中見

杜伯乘白馬，素車朱冠，起於道左，執朱弓彤矢，射王中心，折脊伏於弓衣而死。(顏之推還魂記)燕臣莊子儀無罪，簡公殺之。子儀曰：「死者無知，則已；若其有知，不出三年，當使君見之。」明年，簡公祀於祖澤，子儀起於道左，荷朱杖擊公公死車上。(同上)

【預銘犯墓】

始皇東遊，犯孔子墓，得一碑，文曰：「不知何一男子，自稱秦始皇，上我堂，踞我牀，顛倒我衣裳。行至沙邱而亡。」(秘書)後魏天賜中，河東人張恩盜發湯塚，得志云：「我死後二千年，困於恩。」恩得古鐘磬，皆投於河。(史系)

【以賊誣亡鬼來會計】

漢光武二年，鮮于冀為清河太守，作公廩，未就而亡。後守趙高，計工用二百萬。黃秉劉適言四百萬。冀乃鬼見白日，道從入府，與高及秉等對共計校，定為適秉所

割匿。冀乃書表自理，言高貴不尙節，冀畝之夫，而箕踞遺類，媚世求顯，偷竊銀艾，鄙辱天官，臣不勝鬼言去三十里。車馬皆滅不見，秉等伏地物故。高以狀聞，詔差代以旌幽中之詔。（李石續博物志）會稽朱弼為王國郎中，令營立第舍，未成而卒。同郡謝子木代其事，以弼死亡，乃定簿書，多張工費至百餘萬，以賊誣弼。子木夜寢，忽聞有人道弼姓字者，俄頃到堂前，立謂子木曰：「卿以枯骨腐肉，專可得誣當以某日夜更相質。」言終忽不見。（續搜神記）

評曰：「天下欺人既亡，每以不可受之名誣之者，何可勝記？猶鮮于冀朱弼能自白乎？貝邱之豕歷歷，軹道之

犬彰彰，晉侯之二豎難逃，武安之雙魂共守。經史所載，聞見所及，禿穎莫窮，敝舌難罄，果報分明，可畏哉！

【牛糞金銀】

漢建武間，有人騎白牛曰：「吾北海使者，將看天子登封田父。」尋至山上，唯見牛跡，遺糞皆銀也。明年，世祖登封，遂名其山為銀牛，在太原北。（酉陽雜俎）吳時有道士牽牛渡江，語舟

人曰：「船內牛溲，聊以為謝。」舟人驚異，視之皆金也。

【為后妃宿疾頓愈】

杜皇后長鬚無齒，成帝納采之日，一夕盡生。（異苑）梁武妃丁貴嬪，有赤痣，上有五采，而體多疣，納之其疣並失。（梁書）上巡狩過河間，見青紫氣自地屬天，望氣

者以為其下有奇女，必天子之祥，求之見一女子在空館中，姿貌殊絕，兩手一拳，上令開之，數百人擘，莫能開。自上披手，即申。由是得幸，進為婕妤，生昭帝。（漢武故事）

【虎送禽獸報德】

都區寶者，後漢人居父喪，鄰人格虎，虎走趨其廬中，即以衰衣覆藏之。鄰人尋跡，問寶寶曰：「虎豈有可念而藏之乎？」此虎後送禽獸以助寶祭。（安成記）晉郭文嘗見虎，忽

開口向文，文視其口有橫骨，乃以手探去之。明日，虎乃獻一鹿以謝。（白帖）蘇易者，廬陵婦人，善看產，夜忽為虎

所取，行六七里，至大壙，潛置地，蹲而守。見有牝虎當產，不得解，匍匐欲死，輒仰視。易怪之，乃為探出三虎子，生畢，牝虎負易還，再三送野肉於門內。（搜神記）唐建中初，青州北海縣有秦始皇望海臺，臺之側有別澗泊，泊邊有取魚人張魚舟，結草庵，止其中。嘗有一虎，夜突入庵中，值魚舟方睡，至欲曉，魚舟乃覺有人，初不知是虎，至明方見之。魚舟驚懼，伏不敢動。虎徐以足捫魚舟，魚舟心疑有故，因起坐。虎舉前左足示魚舟，魚舟視之，見掌有刺，可長五六寸，乃為除之。虎躍然出庵，若拜伏之狀。因以身觸魚舟，良久，迴頭而去。至夜半，忽聞庵前墜一大物，魚舟走出，見一野豕，膾甚，幾三百斤，在庵前，見魚舟，復以身觸之，良久而去。自後每夜送物來，或豕，或鹿，或絹，自魚居卜居，虎亦不復來。（廣異記）

【文成夢吐鳳】

揚雄著太玄經，夢吐鳳皇，集玄之上，頃而滅。（西京雜記）揚雄甘泉賦成，夢吐白鳳。（白帖）

【誦法華舌不壞】

後漢范陽五侯寺，有僧誦法華為常業。初死，權殮隄下。後改葬，骸骨並枯，唯舌不壞。（高僧傳）雍州有僧，亦誦法華，隱白鹿山。惟一童子供給，及死，置屍巖下，餘骸並枯，唯舌不朽。○齊武陵世，并東看山人，土中掘得一物，狀如兩唇，其中有舌鮮紅，赤色，以事聞奏。帝問道俗，沙門法尚曰：「此持法華者，誦滿千遍，其徵驗矣。」乃集持法華者，圍繞誦經，纔發聲，此靈唇口一齊鼓動，見者稱異，乃石函藏之。（並同上）

【文愈頭風】

陳琳字孔璋，少有辨才。魏武帝命掌書記，書檄多琳所作。武帝時苦頭風，臥省琳之書，翕然而起曰：「善愈我疾矣！」（北堂書鈔文士傳）阮瑀字元瑜，嘗著書檄成，呈太祖，太祖時苦頭

風，觀書遂瘥。（魏志）

【樂致鳥】

夔曰：夏擊鳴球搏拊，琴瑟以詠，祖考來格，虞賓在位，笙后德譟，下管鼗鼓，合止柷敔，箎簫以開。

鳥獸踏踏，簫韶九成，鳳凰來儀。（書經益稷）雷音漢師中，每彈則羣鳥集。（琴譜）蕭史吹簫，常致孔雀。（神仙傳）

【石自移】

「逃石」在曲江縣。經云：本在桂陽縣，因夜迅雷至此，遂名之爲逃石。（盛弘之荊州記）晉惠帝太安元年，丹陽夏架湖有大石，浮二百步而登岸。民驚譟相告曰：「石來！」干寶曰：「尋有石冰入建康。」（宋書志）吳郡玄墓有巧石一座，玲瓏可愛，非人力所能致，相傳自西洞庭山飛來，又相傳太湖中忽有一山行來，適爲孕婦所見，指之遂止，不去，因名之移山。

【火不燬經】

晉沙門安慧，工書，嘗止洛陽天市寺，手書黃縑大品經，凡十餘本。一本與汝南周仲智妻母胡氏供養。胡過江，齋經自隨，後被火災，倉卒不暇取經，悲泣懊惱。火息，乃於灰中得之，一無虧損。而此經文字悉存，無所毀失。（冥祥記）晉沙門士行，潁川人也。魏甘露五年，西至于闐，尋求經藏。西域僧徒，多小乘學，聞士行求方等諸經，咸駭怪不與。士行曰：「經云：千載將末，法當東流。若疑非佛說，請以至誠驗之。」乃焚柴灌油，煙焰方盛，士行捧經涕泣，稽顙誓曰：「若果出金口，應宣布漢地。諸佛菩薩，宜爲證明。」於是投經火中，騰燎移景，既而一積煨燼，文字無燬，皮牒若故。舉國欣敬，因留供養。（法苑珠林）

【手出香】

功德直，西域人，道契既廣，善誘日新。宋大明年，到荊州，爲釋玄暘翻譯，刊正文義，詞旨婉密。舒手出香，掌中流水，莫之測也。（翻譯）大士傳弘者，住東陽郡烏傷縣雙林寺，體權應道，躡躡維摩，時或分身濟度，爲任。或金色表於胸臆，異香流於掌心。（神僧傳）

【字識】

初桓溫於南州起齋，悉畫龍於其上，號曰「盤龍齋」。及玄纂，劉毅討玄，玄死於齋，而毅居之。毅小字盤龍。（晉書）初長安謠云：「鳳皇鳳皇，止阿房。」苻堅遂於阿房城植桐數萬株，以待之。其後慕容冲入阿房城而止焉。冲小字鳳皇。（秦記）魏時起安世殿，武帝後居之，安世武帝字也。（晉書）

司馬道子於東府造土山，名曰靈秀山。無幾而孫恩作亂，再踐會稽。會稽道子所封，靈秀孫恩字也。（沈約宋書五行志）

【銅鐘出】

義熙十二年，五月，廬江霍山崩，獲銅鐘六枚。（通志宋高武帝紀）十四年，漢中成固縣漢水崖際，有異聲如雷。俄頃岸崩，有銅鐘十二，出自潛壤（同上）

【上有龍】

梁武帝所柱齋，常有氣五色回轉，狀若蟠龍。（梁本紀）常從王媪武負，賁酒醉臥，武王媪見其上常有龍。（史記本傳）北齊神武（高歡）初舉文宣（洋）時，家徒四壁，立武明太后（洋母）與姻親相對，共憂寒餒。晉陽有沙門乍愚乍智，時人不測，呼為阿禿師。太后見諸子，歷問祿位，至帝，再三舉手指天而已。口無所言，見者異之。神武嘗從諸子過鳳陽門，有龍在上，唯神武與帝見之。（北齊紀）

【負錢作牛】

卞士瑜者，其父以平陳功授儀同。慳吝，常僱人築宅，不遺其價。作人求錢，卞父鞭之曰：「若實負錢，吾死當與爾作牛。」未幾，卞父死，僱人有牛，產一黃犢，腰下有黑文，橫絡周匝，如人腰帶。

右膊有白文斜貫，大小正如笏形。牛主呼之曰：「卞公何為負我！」牛即屈前膝，以角着地。瑜以錢十萬贖之，牛主不許，死乃收葬。（法苑珠林）永徽中，汾州義縣人路伯達，負同縣人錢一千元。後共錢主佛前誓曰：「我若未還公，吾死後與公家作牛畜。」語訖，逾年而卒。錢主家特牛生犢子，額上生白毛，成一「路仲達」三字。其子姪恥之，將錢五千元求贖。主不肯，與乃施於隰成縣啓福寺。僧真如助造十五級浮圖。人有見者，發心止惡，競投錢物以布施焉。（同上）洛陽畫工解奉先，為嗣江王家畫壁像，未畢而及。逃見擒，乃妄云：「工直已相當。」因於像前誓曰：「若負心者，死當為汝家牛。」歲餘，奉先卒。後歲餘，王牴產一犢，有白文於背曰：「解奉先。」（隋唐嘉話）施汴為廬州營田吏，恃勢奪民田數十頃。其主退為耕夫，不能自理。數年，汴卒，田主家生一牛，腹有白毛，方數寸，作「施汴」二字無缺。（感應篇）

【用僧物作牛】

佛迹寺有牛產犢，出首還隱，已過信次，母將亡，僧告智曠，知惻然答曰：「此犢是一居士，侵便出。」（神僧傳）隋并州竹永通，曾貸寺中粟六十石，年久不還，索之云：「還訖。」遂於佛堂誓言：「若實未還，當與寺家作牛。」此人尋死，後寺家生一黃犢，足有白文，乃是「竹永通」字。鄉人觀者日數千。其家用粟百石，於寺贖牛，別立一室，事之如生。乃為造經寫經，月餘遂死。（廣博物志）

【雷收杼】

梓潼縣有善板祠，民歲上雷杼十枚，歲盡不復見。（常璩華陽國志）玉門西南有一國，國中
按磻千林切）
有山石磻千枚，名為霹靂磻。從春雷而磻減，至秋減盡，收復生年年如此。（任昉述異記）

【殺龍天譴】

唐崔道紀及第後，遊江淮間，遇酒醉甚，臥客館中。僕汲井，有一魚隨器而上，以告道紀。道紀喜曰：「魚囊能醒酒，可速烹之。」既食，良久有黃衣使者自天而下，連呼道紀，使人拘執，宣勅曰：「崔道紀，上上小民，敢殺龍子，官合至宰相，壽七十，並宜除。」言訖，昇天去。是夜道紀暴卒。（慈儉訓）同光中，滄洲民子道逢白蛇，以繩繫之，傷其首而斃。須臾，雷電擊此子上空中，為雷火燒死，墜地而背有朱書曰：「此人妄殺天龍，為天符所誅。」（同上）

【斷牛舌生子病舌】

賀悅，唐時人。一日鄰家有牛，偶犯其稼，悅惡之，令僕以繩勒斷其舌。後悅生三子，皆舌短不能言。（慈儉訓）阮倪者，性特忍害，因醉出郭，見有放牛，直探牛舌本，割之以歸，為彘食之。其後倪生一子，無舌，人以爲牛之報也。（同上）

【鴉鳴遷官】

有鴉鳴於張率更庭樹，其妻以爲不祥。張曰：「吾當改官。」言未畢，賀者已在門矣。（唐書）
路敬潛爲遂安令，有鴉嘯其屏，久之遷衛令，進中書舍人。（新唐書）

物異

【石 磬】

帝顓頊有浮金之鐘，沈明之磬，以羽毛拂之，則聲震百里。石浮於水上，如萍藻之輕，取以為磬，不加磨琢。（王嘉拾遺記）歷城縣光政寺有磬石，形如半月，膩光若滴，扣之聲及百里。北齊時，移於都內，使人擊之，其聲杳絕。卻令歸本寺，扣之聲如故。土人語曰：「磬神聖，戀光政。」（西陽雜俎）

【劍作龍虎吟】

顓頊有書影劍，騰空劍，若四方有兵，劍則飛指其方，故戰則尅。未用時，在匣中，常如龍虎吟。（拾遺記）王子喬慕在京陵戰國時，有盜發之，都無所見，唯有一劍，停在空中，欲進取之，劍作龍鳴虎吼，徑飛上天。（世語）

【草活死人】

昔高陽氏，有同產而為夫婦。帝放之於野，相抱而死。神鳥以不死草覆之，七年男女皆活，同顓二頭四手，是蒙雙民。（博物志）祖洲近在東海之中，地方五百里，上有不死之草，生瓊田中。或名養神芝，形如菰苗，長三四尺。昔秦始皇大苑中，多枉死者，有鳥如烏，銜此草覆死人面，當時起坐而自活也。（十洲記）漢武帝時，西方日支國有獻活人草三莖，死者將草覆面即活。（述異記）

【切玉刀】

周穆王征西戎，西戎獻昆吾之劍，赤刀，切玉如泥。（列子）昔國家有優曰史利，漢氏舊優也。云梁冀有火浣布，切玉刀，舉朝以為誕，而不信。正始初，得火浣布，乃信。（聖證論）時西湖有獻香者，腰帶割玉刀。（陳思王辨道論）帝起建章宮，以四方珍寶充之，琉璃珠玉，火浣布，切玉刀。（漢武故事）

【白 狐】

天子獵於滲澤，得白狐。（穆天子傳）章帝元祐二年，白狐見信都。（古今注）

【駿馬伏虎】

桓公乘馬，虎望見而伏。公問管仲，仲曰：「意者君乘駿馬。」公曰：「然。」仲曰：「駿馬食虎豹，故伏焉。」（管子）管平公出田，見乳虎伏而不動，平公顧謂師曠曰：「聞之霸王君出，猛獸」

伏而不敢起。今者寡人出，乳虎伏而不動，此猛獸乎！師曠對曰：「鵠食狼，狼食鵠，鵠食駿，駿食虎。夫駿之狀如駿馬。今者吾君當驂駿馬以出乎？」平公曰：「然！」（劉向說苑）

【陰虹屬項】

寧戚所使牛，陰虹屬項。（相牛經）（注曰：陰虹者雙筋白尾骨屬頸）王愷之牛，陰虹屬項。（廣博物志）

【龍門】

鄭大水，龍門於時門之外洧淵，國人請爲鑿焉。子產不許，曰：「我門龍，不我覲也。龍門我，獨何覲焉？吾無求於龍，龍亦無求於我。」乃止。（左傳）褚無量幼孤貧，近臨平湖，湖中有龍門，傾里間就觀之。無量時年十三，讀書晏然不動。長精三禮史記。（唐書）普通二年，始平郡石鼓村龍門。（梁四公記）周宣帝大象二年夏，滎陽汴水北有龍門。初見日光，屬天，自東方來，有白龍長十許丈，西北回趾掌而鳴。西北有黑龍，亦乘雲而至，風雷相擊。乍合乍離，暴雨大注，自午至申，白龍昇天，黑龍墜地。（五行記）南齊廢帝東昏侯永元三年，秋七月丙辰，龍門於建康淮，激水五里。（南齊紀）

【穿井得羊】

季桓子穿井，獲一土缶，中有羊焉。使問仲尼，對曰：「木石之怪，夔魍魎，水之怪，龍罔象，土之怪，爲羊，是羊肝必土。」殺羊視之，果然。（韓詩外傳）（愚謂二說出一時，此必記載之誤）

【石相隨行下海】

周赧王四年，濟東有二石，高三尺有餘，相從而行，入海數百步。（樂資春秋後傳）始皇作石橋，欲過海，看日出處，時有神人能驅石下海，石去不速，神輒鞭之，皆流血，至今皆赤。陽城山石盡起立，巖巖東傾，狀如相隨行。（三齊略記）

【樹精爲青牛】

秦始皇伐梓樹，有青牛走入河，遂立牛祠。（玄中記）（通志秦紀文公二十七年伐南山，大梓豐水，特注今武都故道，有怒特祠，崗大牛上生樹，木有牛從樹中出，後見於豐水之中）

然則玄中所記疑即此事稱始皇者誤也。嵩嶽有大松，或百歲千歲，其精變為青牛，或為伏龜採食，其實得長生。
（嵩高山記）（按玄中記曰百歲之樹其汗亦如血千歲之樹精為青羊萬歲之樹精為青牛）

【鞭石出血】

始皇作石橋，欲過海看日出處。有神人鞭石流血。（三齊略記）王琴卒後，墓門前有石人獅子孫寒微，實與汜氏，致之車破牛死，鞭之皆有血出。（劉彥明燉煌實錄）

【能言龜】

元封三年，數過國獻能言龜一頭，長一尺二寸。（洞冥記）崑崙山第五層有神龜，長一尺九寸，有四翼，萬年則升木而居，亦能言。（王嘉拾遺記）

【聞歌草舞】

漢武帝使董弼乘浪霞之輦，升壇候王母。王母至，與帝宴歌奏春歸之樂。歌聲繞梁三匝，草樹枝葉皆動。（洞冥記）舞草出雅州，人近草發歌，必掀動如舞。（酉陽雜俎）（又博物志云

虞美人草聞吳歌而舞）

【刀 飛】

帝解鳴鴻之刀，以賜東方朔。刀長三尺，朔曰：「此刀黃帝採首山之銅鑄之，雄已飛去，雌者猶存。」帝臨崩，舉刀示朔，恐人得此刀，欲銷之，刀自手中化為鶻，赤色，飛去雲中。（洞冥記）陶

真白隱居貝都山，嘗畜二刀，一名善勝，一名寶勝，往往飛去，望之如二青蛇。（太平廣記）

【四目龜】

秦始皇二年八月丙辰，四目龜見會稽。（宋志）齊永明五年六月，建城獲四目龜。（同上）

【六目龜】

齊永明五年八月，延陵獲六目龜。（宋志）玄宗先天二年八月，江州獻靈龜六眸。（同上）

一，以獻。詔示近臣。（同上）君山廟下池中有三尺六眼龜。（義輿紀）長山縣王惠獲六目龜一頭。（南齊書）

有星池，千里池，中有神龜，八足六眼，背負七星日月八方之圖，腹有五岳四瀆之象，時出石上，望之煌煌如列星矣。

（拾遺記）

【八目龜】

秦始皇六年九月，吳興獻八眼龜。（宋志）梁天監五年四月，始豐獲八目龜。（同上）

【金鳳飛去】

漢宣帝以皂蓋車一乘，賜大將軍霍光，悉以金鉸具。至夜，車轎上金鳳皇輒亡去，至曉乃還。如此非一，守車人亦嘗見。後南郡黃君仲北山羅鳥得鳳皇，入手卽化成紫金。守車人列上云：「車轎上鳳皇每飛去，曉則俱還。今月十二夜，去則不返，恐爲人所得。」光甚異之，具以列上。後數日，君仲詣闕上鳳皇子云：「十二夜北山羅鳥所得。」帝聞而疑之，置承露盤上，俄而飛去。帝使尋之，直入光家，止車轎上，乃知信然。帝取其車，每遊行乘御之，帝崩，鳳皇飛去，莫知所在。（梁吳均續齊諧記）吳王亮命工人潘芳作金螭風鏤祥物，一百三十種，皆有生氣，逼視若真。一日與夫人戲，屏觸屏，墜其一鳳，頃之飛去。（馮贇南部烟花記）鄴城鳳陽門五層樓，去地三十丈，長四十丈，廣二十丈，安金鳳皇二頭於其上。石虎將衰，一頭飛入漳河，見於水中，一頭今猶存。（楊龍驤洛陽記）

【石鼓鳴】

成帝鴻嘉三年，天水冀南山，石鼓自鳴，隆隆如雷，有頃止。俗云石鼓鳴有兵。（漢書五行志）陳倉有石鼓山，將有兵，此山則鳴，土人常以爲候。（三秦記）（按異錄云：鳴淺殃萬姓，鳴深

殃君王）城東有神祠，祠有石鼓，舊說云將有寇難，則鼓自鳴。（齊地記）河東郡有石鼓一所，高五尺，邊作銘云：「上郡太守，石姓何有？」時自鳴，則有兵。（荊州記）吳興長城縣夏架山，有石鼓，長丈餘，而徑三尺許，下有盤石爲足，鳴則聲如金鼓。三吳有兵，晉安帝隆安中，大鳴。後有孫靈秀之亂。（沈約宋書五行志）華山高巖四合，重嶺秀起，上有石池，北有石鼓。父老相傳，言常有聞其鳴者。（華山記）城西有石鼓山，上有三石鼓，鼓鳴則天必雨。（武昌記）逢山在廣固南三十里，有祠，并石人石鼓。齊世將亂，石人輒打鼓聲，聞數十里。（郭緣生述異記）燕山在易縣，岩側有石鼓，去地百餘丈，望之若數百石，左右梁貫之。鼓東南有石人，援桴向擊。世云燕山石鼓鳴，則有兵。（隋圖經）姚泓永和元年，天水石鼓鳴，聞數百里，野雉皆雊。（後秦記）

【斬石人】

光武夜至趙州南，迷路，聞人語，問之弗應。見二人立於傍，帝怒拔劍斬之，其人急走，熟視之乃石也。（野史趙州志）漢劉子光西征，道渴，遇山無水，子光在山南，見一石人，問之曰：「何處有水？」石人不言。乃拔劍斬石人，須臾窮山水出。（獨異記）

【鳥擁車】

虔國遷日南太守，每行縣，有鴈恆飛翔隨車上。歸府使止廳事庭中，時人異之。（謝承後漢書）李元紘開元初，爲奸時令，賦役平允，不嚴而治。遷潤州司馬，發離百里，吏民遮留，鳥鵲羣飛翔集，以擁行車，有詔褒美。（開元遺事）

【樹生血】

漢獻帝建安二十五年，魏武帝在洛陽起建始殿，伐濯龍樹，而血出。又使工蘇越往徙美梨，掘之根盡，血出，越白狀，帝親往視之，以爲不祥，遂寢疾，尋崩。（晉五行志）泰山廟中柏皆二十餘圍，夾兩塔，赤眉嘗斫一樹，見血而止。今斧創猶在。（從征記）（按泰山記云山南有泰山廟，種柏樹千株，大者五六圍，長老傳云漢武帝所種）聶友夜射白鹿，中之，尋蹤不見，乃見箭著一梓樹皮，即伐木皮，便有血出，旋斫旋合，不可斷。（豫章記）

【蠅傳赦】

晉明帝嘗欲肆眚，乃屏曲室，去左右，下帷作詔，有大蒼蠅觸帳而入，羣於筆端，有頃皆出，帝竊異焉，令人尋之，即蠅所集處，輒傳有赦，喧然已徧。（異苑）苻堅將赦，屏人作赦文，有大蠅赤頭，聲甚厲，入室，驅之復來，俄而人皆知有赦書。於是詰其所得，皆云有青衣童子，呼於街中，堅曰：「是前青蠅也。」

（白帖）

【魚爲美人】

謝靈運守永嘉，游石門洞，入沐鶴溪，泊舟溪旁，見二女浣紗，顏貌娟秀，非塵俗態，以詩嘲之，曰：「浣紗誰氏女，香汗透新雨，對人默無言，何事甘良苦？」俄而二女微吟曰：「我是潭中魚，暫出溪頭食，食罷自還潭，雲蹤何處覓？」吟罷不見。（廣記）明月峽中有二溪，東西流，宋順帝昇平二年，溪人徵生

亮釣得一白魚長二尺，投置船中，以草覆之。及歸，取烹，見一美女在草下，潔白端麗，自言高唐之女，偶化魚出游，爲君所得。亮曰：「旣爲人，能爲妻否？」女曰：「冥契使然，何爲不得？」遂爲亮妻。三年，忽曰：「數已足矣，請歸高唐。」亮曰：「何時復來？」答曰：「情不可忘，有思復至。」其後一歲三四往來，不知所終。（三峽記）

【虎檻墮人出檻成虎】

長沙所屬贛縣東高，居民曾作檻捕虎。檻發，明日衆人共往格之，見一亭長赤幘大冠，在檻中坐。因問君何以入此中，亭長大怒曰：「昨忽被縣召，夜辟雨，遂誤入

此。急出我！」曰：「縣令召，不當有文書耶？」卽從懷中探一牒相示。於是卽出之，尋視乃化爲虎，上山走。（搜神記）
（梁衡山侯蕭泰爲雍州刺史，鎮襄陽時，虎甚暴，村門設檻，機發，村人炬火燭之，見一老道士自陳云：「從村告乞還，誤落檻中。」共開之，出檻，卽變成虎，咆哮而去。（虎蒼）

【獺 女】

東平呂球，乘船至曲阿湖，值風不得行，泊菰際。見一少女乘舟採菱，舉體皆衣荷葉。因問：「姑非鬼耶？衣服何以若此？」女則有懼色，迴舟逶巡而去。球遙射之，卽獲一獺。向者之舟，皆蘋蘩

蘊藻之葉。見老母立岸側，知有所候。見球，因問云：「君向來，不見湖中採菱女子耶？」球云：「近在後。」尋射復獲老獺。居湖次者咸云：「湖中常有採菱女，容色過人。有時至人家，結好者甚衆。」（幽明錄）
河東常有醜奴，湖邊拔蒲，暮恆宿空田舍中。時日向暝，見一少女，姿容極美，乘小船載蓴，逕前投醜奴舍寄住。因臥，覺有臊氣。女已知人意，便求出戶，變爲獺。（同上）

【犬作人言】

嘉興縣朱休之，有一弟。宋元嘉中，兄弟對坐。家中有一犬，忽徧視二人，搖頭笑曰：「言我不能歌，聽我歌梅花。今年故復可，奈汝明年何？」其家驚懼，斬犬，榜首路側。至來歲梅花時，兄弟相門，並被囚，繫經歲，得免。至夏，舉家時疾，兄及弟俱死。（述異記）
晉懷帝永嘉中，嘉興張林有狗名阿永，時天下飢荒，狗行欲倒。林言：「阿永汝得肉故健，今餓不能復行耶？」狗忽語云：「我道天下人飢死。」狗語不已，聞者大怖。

時天下荒亂，帝沒於胡。（廣古今五行志）宋武帝永初二年，京邑有狗作人言。（宋志）

【犬與人通好】

文帝元嘉二十九年，吳興東遷孟慧度婢，與狗通好，如夫妻彌年。（宋志）明帝初，晉安王子勳稱僞號於潯陽，柴桑有狗與女人交，三日不分離。（同上）杜修己者，趙人也，善醫。其妻卽趙州富人薛氏女也，性淫佚。修己家養一白犬，甚愛之。每與珍饈，食後，修己出，其犬突入室內，欲嚙修己。薛氏仍似有姦私之心，因怪而問之曰：「爾欲私我耶？若然，則勿嚙我！」犬卽搖尾而登其床。薛氏懼而私焉。其犬略不異於人爾。後每修己出，必姦淫無度。忽一日，方在內同寢，修己自外入，見之，因欲殺犬。犬走出，修己怒出其妻。薛氏後歸薛贊，半年，其犬忽突入贊家，口銜薛氏髻而背負走出。家人趕奪之，不得，不知所之。犬攜薛氏直入恆山，潛之，每夜下山竊食之。經年生男，雖形貌如人，而徧身白毛。又一年，其犬忽死。薛氏抱子出山求食，爲薛贊所知，遽令家人取至其家。（瀟湘錄）

【肉 芝】

蕭靜之掘地，得人手，潤澤而白，烹食之，問何物？曰：「肉芝也。」（葛洪神仙傳）萬歲蟾蜍，頭上有角，頷下有丹書，重八字，曰「肉芝」。以五月五日取陰乾，以其足畫地，卽流水帶之於身，能辟兵。若遇人射己，得此則矢自還。（抱朴子）

【五 色 龜】

高祖宣皇后章氏，後母蘇，嘗遇道士，以小龜遺己，光采五色，曰：「三年有徵。」及期，后生而紫光照室，因失龜所在。（陳書高祖章皇后傳）史論作將軍時，忽覺妻所居房中有光異之，因與妻徧索房中，且無所見。一日，妻早妝開奩，奩中忽有五色龜，大如錢，吐五色氣，彌滿一室，後常養之。（段成式酉陽雜俎）千歲之龜，五色具焉。其額上有兩骨，起似角。（玉策記）

【懷 中 龍】

有史生游華山，時暑，環憩一小溪，忽有一葉大如掌，紅般可愛，隨流而下。史獨接得，寘懷中。食頃，覺懷中冷重，潛起觀之，葉上鱗起，粟粟而動。史驚懼，棄林中，遽白衆人。曰：「此必龍也，可速

去。須臾林中白烟生，彌布一谷。史下山，未半，風雷大至。（西陽雜俎）元和，中故都尉韋宥出牧溫州，忽忽不怡。江波修永，舟船燠熱，一日晚涼，乃跨馬登岸，忽蘆枝拂鞍，見新綠箏絃，周纏蘆心。宥即拔蘆伸絃，其長倍尋，則試縱之，應手復結。宥奇駭，因實於懷。行次江館，其室家已維舟入亭矣。宥故駙馬也，家有伎樂，即付箏妓，令施於器，以試之。更無少異，唯短二三寸耳。時方饌，伎即置之，赴食。及食罷，就視，則已蜿蜒舒展，選嚙搖動。妓乃驚告，衆來競觀，而雙眸瞭然矣。宥駭曰：「得非龍乎？」遽命衣冕，焚香致敬，盛諸盂水，投江。纔及中流，風浪大作，蒸雲走電，咫尺昏晦。俄有白龍長百尺，擎擢升天，良久乃滅。（薛用弱集異記）

【舞象】

明皇所教舞象，天寶之亂，祿山大宴士衆，給之曰：「此自南海奔至，以吾有天下，雖異類必拜。」因令左右命舞象，象怒，目不肯，祿山怒，盡殺之。（六帖）丁亥，詔文單國所獻舞象三十，令放荆山之陽。（舊唐書德宗紀）

【呼虎見客】

慧忠禪師嘗有供僧穀兩廩，盜者窺伺，虎爲守之。縣令張遜至山謁，忠問有何弟子曰：「有三人。」五人。遜曰：「可得見乎？」忠敲禪床，三虎哮吼而出，遜驚怖而退。（指月錄）潭州華林善覺禪師，觀察使裴休訪之，問曰：「還有侍者否？」師曰：「有一兩個，祇是不可見客。」裴曰：「在甚麼處？」師乃喚：「大空小空。」時二虎自菴後出，裴覩之，驚悸，師語虎曰：「有客且去。」二虎哮吼而去。（同上）

【蚌蛤現佛菩薩像】

隋帝嗜蛤，所食數噓千萬，忽有一蛤，椎擊不損，帝異之，置几上，一夜有光，及明肉自脫，有一佛二菩薩像，帝悔而不食。（續西陽）唐文宗嗜蛤，一日有大蛤，擘不能開，帝自擘之，中有觀世音像，帝驚異，召唯政禪師問焉。對曰：「啓陛下信心耳。經云：應以菩薩身得度者，即現菩薩身而爲說法。」帝曰：「菩薩形則現矣，未聞說法。」師曰：「陛下信否？」帝曰：「安敢不信？」師曰：「陛下聞其說法。」竟，帝大悅，遂永不食蛤。詔天下家立菩薩像事焉。（慈儉訓）溧水俞集，宣和中，赴泰州興化尉，淮上多蚌蛤，舟

人日買食。集見輒贖放。他日復得一籃，倍價償之，而舟人不可，遂寘釜中。忽大聲從釜起，光燄相屬，舟人大恐。熟視，一大蚌裂開，現觀世音像於殼間，旁有竹兩竿，挺如生。菩薩相莊好端嚴，冠垂纓珞，及竹葉枝幹，皆細真珠綴成者。集令舟中相誦佛悔罪，而取其殼以歸。同上。

【試劍石】

唐郭元振游學登封龍山，見一石中裂出五色雲氣，因得寶劍。左丞史彬書「試劍石」三字以顏之。（真定府志）虎邱有試劍石，闔閭試劍於此。（虎邱山志）嶧家廟旁有高皇試劍石，石中分如截。（陸務觀劍南詩稿注）（按務觀懷小益南鄭詩云西戍梁州鬚未絲，嶧山漾水幾題詩，劍分蒼石高皇迹，巖擁朱門老子祠，燒兔驛庭微雪夜，騎驢棧路早梅時，登臨不用頻悽斷，未死安知無後期，則漢高試劍石有二處矣）

【枕中得志】

道者呂翁，於邸舍中，遇盧生。見其抑鬱不得志，乃探囊中枕授之曰：「枕此，當令子榮適如意。」其枕瓷而竅其兩端，生遂睡之，覺舉身入至一宅，娶清河崔氏女，美麗而產殷。尋解褐，登甲第，官清華。中間爲仇所誣，凡兩竄嶺表，再登台鉉，出入中外，迴翔臺閣，三十餘年間，崇盛赫奕，一時無比。五子皆美官，孫十餘人，末節奢湯，感疾卒。條欠伸而寤，店中炊黃粱猶未熟也。（李泌枕中記）宋世焦湖廟，有一柏枕，枕有小坑，時單父楊林爲賈，客至廟祈求，廟巫曰：「君欲作好婿否？」林曰：「幸甚。」巫卽遣林近枕邊，因入坑中，遂見朱樓瓊室，有趙太尉在中，卽嫁女與林，生六子，皆爲祕書郎。歷數十年，並無思歸之志。忽如夢覺，猶在枕旁，林愴然久之。（幽明錄）

【冰成花】

開成末，河陽黃魚池冰作花如纈。（西雜陽俎）慶歷中，京師集禧觀渠中冰紋皆或花果林木，又元豐末，秀州人家屋瓦上冰，亦成花，每瓦一枝，如畫家折枝。有大花，如牡丹芍藥者，細花如海棠萱草者，枝葉生動，以紙揭之，無異石刻。（夢溪筆談）金末，河水凍成龜文，又有花卉禽獸之狀，時人謂之

大畫（金志）景福中，倉州城塹中，冰有紋如畫，有竹木牡丹車馬樓閣之狀，時人以其地常有兵難（長編）

【鸚鵡問安】

宋高宗時，隴山人進鸚鵡，能言。高宗養之宮中。一日，問曰：「爾思鄉否？」鸚鵡曰：「豈不思鄉？羽足雖具，行止在上皇，思之何益？」高宗遣中貴送還隴山。後數年，使臣過其地，鸚鵡問曰：「相公何來？」曰：「自杭來。」鸚鵡曰：「上皇安否？」曰：「崩矣。」鸚鵡悲鳴不已。使臣感歎，賦詩郵亭，以述其事。

慈儉訓（關中）商有得鸚鵡於隴山，能人言，商愛之。商偶以事下獄，出而歎恨不已。鸚鵡曰：「郎在獄數日，已不堪；鸚鵡遭籠閉累年，奈何？」商感而放之去。後每有同輩過隴者，鸚鵡必於林間問商安否，以託寄聲焉。（廣小學）

【令人不畏雷】

飛魚如豚，赤又無羽，食之辟兵，不畏雷。（山海經）半石山有華，名曰「嘉榮」，服之不畏霹靂。○瑜次之山，有鳥焉，其狀如梟，人面而一足，名曰「橐琴」，冬見夏蟄，服之不畏雷。（

並同上）

【鳥衛火】

嶠山有鳥，其狀如鴉，而赤身白首，名曰「竊詣」，可以衛火。（山海經）符愚之山，有鳥名鷓，其狀如翠，可以衛火。（同上）

【不飢之草】

招搖之山，有草焉，其狀如韭，而青華，名曰「祝餘」。（或作桂茶）食之不飢。（山海經）岱輿山北有玉梁千丈，架玄流之上，紫苔覆漫，味甘而柔滑，食者千歲不飢。（拾遺記）

【食之不妒】

軒轅之山，有鳥焉，其狀如梟，而白首，其名曰「黃鳥」。其名自諉，食之不妒。（山海經）秦室之山，有木焉，葉狀如梨，而赤斑，其名曰「楛木」，食之不妒。（同上）

【山驗豐歉】

會稽有射的山，遠望如射侯，土人以占，暗則歲歉，而米貴。諺云：「射的白，斛一百，射白玄，斛一千。」（水注經）石廩其中可容千斛，廩口開，則歲儉，閉則年豐也。（臨川記）

【冶石爲刀劍】

范文本日南西捲縣奴也。爲奴時，牧羊於藪中，得二鯉，欲私食之。郎知，詰文，文詐云：「將礪

石邊，非魚也。一郎至魚所，果見兩石，文異之。石有鐵文，因入山就石冶鐵，作兩刀，舉向鄣咒曰：「鯉魚變化，冶石成刀，斫石鄣破者，是有靈神，文當治此。」因斫石鄣，如龍淵，干將之斬蘆芻，遂君其地。（水經注）流州在西海中，上有昆吾石，冶之成鐵，作劍光明洞照，如水精狀，割玉如泥土。（十洲記）

【風 井】

官都狼山縣，山上有風穴，名風井。夏風出，冬風入，出入之時，吹拂左右常淨。有樵人冬過其地，置笠穴口，風吸之入。經月還涉長陽谿，而得其笠，則知谿穴潛通。（荊州記）恆山風井口如瓮，春分後出，秋分後入。（宋炳詩序）

【金 霧】

蓬萊東有鬱夷國，時有金霧。（拾遺記）輿岱山南有平沙千里，色如金，風吹沙起，若霧，亦名「金霧」，又名「金塵」。沙著樹，燦然若黃金塗矣。（同上）

【蛇陷邑爲湖】

邛都縣有一老姥，家貧孤獨，每食輒有小蛇在床間，頭上戴角。姥憐而餉之，食後稍長大，遂長丈餘。令有駿馬，蛇遂吸殺之。令大忿恨，責姥出蛇。姥云在床下，令卽發地，深數丈，無所見。令遂遷怒殺姥。蛇因作人言：「何令殺吾母？當爲母報讎！」此後每夜輒聞若雷若風，四十餘日，百姓相見，咸相驚語：「汝頭那忽戴魚？」是夜方四十里，與城一時俱陷爲湖，惟姥宅無恙。（搜神記）武強縣耆宿云：「邑人有行於道，見一小蛇，疑其有靈，持而養之，名曰檐生。長而吞噬人，里中患之。遂捕繫獄，檐生負其人而奔，邑淪爲湖，縣長及吏咸爲魚矣。」（水經注）

【蛟 哭 母】

長沙某家，有女，下渚澣衣，覺身中有異，遂妊，生三物，皆如蝦魚。女以己所生，甚憐之，著深盤水中養。經三月，遂大，乃是蛟子。一日天暴雨，三蛟俱去。後天每欲雨，蛟輒來，女知其當來，常候之。蛟子亦舉頭望母，若相答者。經年，此女亡，三蛟一時俱至，墓所哭泣，經日乃去。（續搜神記）後漢定襄太守竇奉，妻生子武，并生一蛟子，奉送蛟子於野中。及武長大，有海內俊名。母死，將葬未定，賓客聚集，有大蛇從林草中出，竟

至棺下，委地俯仰，以頭擊棺，血淚並流。有頃而去。時人知爲竇氏之祥。（搜神記）

【觸正依邪之獸】

崑崙西有獸，其狀如犬，有兩目而不見，有兩耳而不聞，有腹而無五臟。人有德行，往抵觸之，人有凶惡，往憑依之。天使其然，名曰「渾沌」。（異經）西北有獸，其狀如虎，有翼能飛，食人，知人言語。聞人鬥，輒嚙其直者，逢忠信之人，每食其鼻；逢惡逆姦邪之人，則捕禽獸以饋之。名曰「窮奇」。（同上）

【蟲致丈夫憐愛】

勸畢國貢細鳥，以方尺玉籠，盛數百頭，狀如鸚鵡，大小如大蠅。國人常以細鳥候時，亦名曰「候日蟲」。嬪妃有此鳥，集其衣者，輒蒙愛幸。武帝末，多飛去。人猶愛其羽，服者多爲丈夫所媚。（洞冥記）鶴草蔓，當夏開花，形如飛鶴，嘴翅尾足皆備。出南海，云是媚草。草上有蟲，老蛻爲蝶，赤黃色。女子藏之，謂之媚蝶，能致其夫憐愛。（草木狀）

【鳥解人語】

婆利國有鳥名舍利，解人語。（雜俎）條支國來貢，有鳥名鵠，鵠形，高七尺，解人語。其國太平，則鵠鵠羣翔。（拾遺記）

【鳥聲合樂】

神鳥者，赤神之精也。知音聲清濁，和調者也。鳴中五音，肅肅雝雝，喜則鳴舞。（宋書）幽州之墟，羽山之北，有善鳴之禽，人而鳥喙，八翼一足，毛色如雉，行不踐地，名曰「青鶴」。其聲如鐘磬笙等也。世語曰：「青鶴鳴，時太平。」故盛明之世，翔鳴水澤，音中律呂。禹平水土，栖於川岳，所集之地，必有聖人出焉。自古鑄諸鼎器，皆圖像其形，銘鑄至今不絕。（拾遺記）鳥鳳如喜鵲，鳴聲清越，如笙簫，能變曲，妙合宮商。又能爲百蟲之音。（廣博物志）

【石鏡】

方丈山西有照石，去石十里，視人物之形如鏡焉。（拾遺記）臨安縣東五里，石鏡山，東有石鏡一所，徑二尺四寸，甚清亮，其見人形狀。（山謙之吳興郡記）石鏡在山東，上有一圓石，懸

崖明淨，照人毫細必察，號石鏡。（張僧監尋陽記）涪溪上有石高尺五寸，闊倍之，厚三尺許，嵌崖壁間，色如漆，可鑑人鬚眉。（永州古蹟記）官亭湖邊，傍山間，有石數枚，形圓若鏡，明可鑑人，謂之石鏡。（劉義處幽明錄）武都丈夫化爲女子，顏色美好。蜀王娶以爲妻。未幾物故，於成都郭中葬之，以石鏡一枚爲表，徑二尺，高五丈。（揚雄蜀本記）濟南郡有方山，相傳有奩生得仙於此。山南有明鏡崖，石方三丈，魍魎行伏，事事在鏡中。南燕時，鏡上遂著漆焉。俗言上神惡其照物，故漆之。（廣博物志）

【石 鳴】

昆明池，刻石爲鯨魚，每至雷雨，常鳴吼。（西京雜記）石虎末，洛陽城西北九里，石牛在青山，破上，忽鳴，聽聞三十里。（後趙錄）

【山 樂】

零都君山，上有玉臺，方廣數丈，周迴皆白。石柱自然，石覆如屋形也。四面多松杉，遙眺峨峨，相向，如鷓尾，石室數十所，經過皆聞有金石絲竹之聲。（盛弘之荊州記）南海始昌縣，西有夫廬山，高入雲霄。世傳云：上有湖水，至甲戌日，輒聞山上有鼓角簫箏之響。（顧微廣州記）永寧縣濤山，有河，水色紅赤，有自然石橋，多魚獺禽異，陰雨時，嘗聞鞞角之聲甚亮。（異苑）鳴鏡山，蕭子開建安記云：一名大戈山，越王無諸乘象輅，大將軍乘鳴鏡，載旗路獵，登於此山。古老傳天欲雨，其山卽有音樂聲也。（建州圖經）廬山西南，有康王谷，北嶺上有一城，號劉城。每天欲雨，輒聞鼓角簫箏之聲。村人以爲候。（述異記）九疑山清澗中，有黃色蓮花，芳氣竟谷。舜廟在山之陽，入廟者，常聞絃歌之聲。（王歆之神境記）安定隴西道，其谷中有彈箏之聲，行人過，輒聞之，謂之彈箏谷。（郡縣志）

【石 鳥 飛】

零陵山，有石燕，風雨時，則飛如真燕，止還爲石。（顧凱之啓蒙記）廬山頂上，有三石鴈，霜降則飛。（潯陽記）太白山南，有陳倉山，山有石，與雞無別。趙高燒山，雞飛去，晨鳴山頭，聲聞三

十里。(三秦記)

【泉如酒】

君山左右，皆有美酒數斛，得飲之者不死。(湘中記)南昌國有酒山，山有泉，其味如酒，飲之甚美，醉經月不醒。(異物志)衛青破月支，其地有井，色如酒，因名曰酒井。(羊頭山記)酒泉城下有金泉，泉味如酒，故曰酒泉。(應劭漢官儀)瀛洲有玉膏山，出泉如酒味，名爲玉酒。(十洲記)西北荒中有玉饋之酒，酒泉注焉。廣一丈，深三尺，酒美如肉，澄清如鏡，上有玉樽玉鑊，取一樽，一樽復生焉。與天同依，無乾竭時。飲此酒，令人不死。(神異經)

【九井汲一皆動】

隨郡北界有厲鄉村，村南有重山，山下有一穴，父老相傳云：「神農所生。」林西有兩重壘，中有九井。神農既育九井，自穿浚一井，則衆井水皆動，卽以此爲神農社。歲祠之。庖犧生乎陳，神農育乎楚，考籍應圖，於是乎在。(盛弘之荊州記)襄邑縣南瀾鄉，老子之舊鄉也。有老子廟，廟中有九井，能潔齋入祠者，水溫清隨人意。瀾鄉記曰：「老子廟中有九井，汲一井，餘井水皆動。」(劉義慶幽明錄)

【飛魚】

飛魚，翼如胡蜂，沈泳海底，飛則凌雲。(根邑記)鳶魚似鳶，燕魚如燕，陰雨皆能飛，高丈餘。(臨海異物志)

【醒酒石】

天門山前有巨石，號醒酒石。劉伶醒酒處。(懷慶府古蹟記)平泉乃李德裕舊莊，中多怪石，醒酒石尤奇。(河南府山川考)

【山自遷】

懷來山，自蜀中來，與嵩山爭高而不勝，故云「懷來」。(嵩山記)羅羅山也，浮浮山也，二山合體，謂之羅浮。相傳云浮山從會稽來，今浮山上猶有東方草木。(羅浮山記)晉惠帝元康

四年，夏五月，蜀郡山移。(通志)

【山聞鼓角】

縣西北有枯竹嶺，上常有鼓角聲。(王歆之始興記)南海始昌縣西，有夫廬山，高入雲霄，甲

戍日，輒聞山上有鼓角筋簫之響。（廣州記）武昌有峴山，每陰雨，上有吹角聲。（史笈武昌記）永寧縣濤山，有河水，色紅赤，多魚鱓異禽。陰雨，常聞鞞角聲。（異苑）廬山西南劉城，每天欲雨，輒聞鼓角之聲。（述異記）涼州西有沙山，俗云昔有覆師於此者，積尸數萬。從是有大風吹沙，覆其上，遂成山阜，因名曰沙山，時聞有鼓角聲。（異苑）

【塚聞鼓角】

鼓角聲。（同上）

始興縣城東有塚，昔有發之者，垂陷而塚中有角聲，震於外，懼而塞之。（幽明錄）晉司空鄒方回葬婦於驪山，使會稽郡吏史澤治墓，多平夷古塚。後壞一墓，搆制甚偉，器物殊盛。塚發，聞

【知更鳥】

有雞夜鳴，隨鼓節，一更爲一聲，號「五時雞」。（洞冥記）裴耀卿畜一雀，初夜及逐更必鳴，號「知更雀」。（天寶遺事）

【食鐵獸】

南方有獸名曰「嚼鐵」，大如水牛，色如漆，食鐵，其糞可作兵器。其利如鋼。（廣異記）建寧郡有獸名「貂」，黑毛白臆，似熊而小，以舌舐鐵，須臾便數十斤。（蜀都賦注）昆吾山有獸

如兔，食銅鐵，膽腎如鐵。吳國武庫中兵刃俱盡，而封署如故。得雙兔殺之，有鐵膽腎，方知兵器爲兔所食。乃鑄腎爲二劍，雄爲干將，雌爲鑊鄣。（拾遺記）

【樹酒】

枸樓國仙漿，取之樹腹中。青田核以水注之，少頃成酒。（異物志）南方頓遜國，有酒樹，似安石榴。取花汁，貯杯中，數日成酒，美而醉人。（梁書）（按博物志作典遜國）椰子樹，葉如楓

毛，結實樹端，肉附殼而生，色純白，味微甘，稍帶乳氣。肉中有汁，卽所稱椰酒也。（粵劍編）椰子昔人呼爲越王頭，舊傳林邑王與越王有怨，遣使客刺得其首懸之於樹，俄化爲椰子。林邑王憤之，命剖以爲飲器。南人至今效之。常刺時，越王大醉，故其漿猶如酒味云。

【已 瘦】
錯)

臯塗之山，有獸如鹿，而白尾馬足。名曰「櫻如」，有鳥如鷓而人足，名曰「數斯」。食之能已瘦。〔埠蒼〕甘藷之山，有獸獸獸（音虺）鼠而文。題其名曰「杜衝」，食之已瘦。〔詞林海

【木 麵】

桃椰樹，有麵，大者至百斛。〔蜀志〕交趾檳木，其皮中有如白米屑者，乾擣出，以水淋之，似麵可食。〔地理志〕

【草 夜明】

北極種，火之山，有明莖草，夜如金燈，折枝爲炬，照見鬼神。仙人甯封常服此草，於夜暝時，轉見腹光通外，亦名「洞冥草」。帝令剖此草爲泥，以塗雲明之館，夜坐不加燈燭，亦名「照魅草」。〔述異記〕祖梁國獻蔓金苔，宮人有幸者，以金苔賜之，置漆盤中，照耀滿室，名曰「夜光」。以藉足，履水不沉。〔述異記〕祖梁國獻蔓金苔，宮人有幸者，以金苔賜之，置漆盤中，照耀滿室，名曰「夜光」。苔著衣襟，則如夜光。〔拾遺記〕

【竹 爲 船】

篩竹一名太極，長百餘丈，南方以爲船。〔神異經〕南方荒中，有涕竹長數百丈，圍三丈，五六尺，厚八九寸，可以爲船。其筍甘美，煮食之可以止創瘍。〔同上〕雲母竹，一節爲船，出扶南。〔草木狀〕〔晉武昌戴凱之竹譜云員邱帝竹一節爲船〕

【飲酒久不醒】

南昌有酒山，山有泉，其味如酒，飲之經月不醒。〔物異記〕瑤琨去玉門九萬里，有碧草如麥，割之以釀酒，則味如醇醪，飲三合，三旬不醒，飲甜溪水，隨飲而醒。〔洞冥記〕狄希，中山人也，能造千日酒，飲之千日醉。〔搜神記〕劉玄石於中山酒家酤酒，酒家與千日酒，忘言其節度，歸至家，當醉而家人不知，以爲死也，權葬之。酒家計千日滿，乃憶玄石前來酤酒，醉向醒耳，往視之，云玄石亡去三年，已葬。於是開棺，醉始醒。俗云「玄石飲酒，一醉千日」。〔博物志〕河東人劉白墮，善釀，六月以罌貯酒，暴於日中，經旬，其酒不動，飲之者香美，醉而經月不醒。朝貴相餉，踰於千里，以其遠至，號白「鶴觴」。永熙中，青州刺史毛鴻賓，齋酒之番

路逢盜賊，飲之即醉，皆被擄。時游俠語曰：「不畏張弓拔刀，惟畏白墮春醪。」（洛陽伽藍記）

【忘憂】

萱草，令人好歡樂無憂。一本草，合歡蠲忿，萱草忘憂。（嵇叔夜養生論）帶山苾蒞之水，其中多儻魚，狀如雞而赤毛，三尾六足，四首，其音如鵲，食之忘憂。（山海經）

【牛拜】

桓沖鎮江陵，正會當烹牛，牛忽熟視帳下都督，目中淚下。都督咒之曰：「汝若向我跪，當啓活也。」牛應聲而拜，衆皆異之。都督復曰：「汝若須活，遍拜衆人。」牛涕淚如雨，遂遍拜衆人。值

沖醉不得啓，遂殺牛。沖聞大怒，都督痛加鞭罰也。（渚宮故事）大和中，光祿廚欲宰牝牛，牛有胎，非久合生。或曰：

「既如此，可換卻。」屠者操刀直前，略不介意。牛乃屈膝拜之，亦不肯退。此牛與子遂殞於刀下。屠者忽狂惑失常，

每日作牛啼，食草少許，身入泥水，以頭觸物，良久乃定。（原化記）廣陵有朱氏子，家世勳貴，性好食黃牛，所殺無

數。常以暑月中，欲殺一牛，其母止之曰：「暑熱如此，爾已醉，所食幾何，勿殺也。」子向牛言曰：「汝能拜我，我汝赦。」

牛應聲下淚而拜。朱反怒曰：「畜生安能會人言？」立殺之。數日，乃病恆見此牛爲厲，竟作牛聲死。（稽神錄）

【妻夢夫見】

天后時，劉幽求爲朝邑丞，嘗奉使歸。未及家，十餘里，適有蕭寺，路出其側。聞寺中歌笑歡洽，寺垣短缺，劉俯身窺之，見十數兒女，雜坐共食。見其妻在坐中，劉初愕然，不測其故。因擲瓦擊之，

中其壘，忽奔散。劉踰垣入視，殿廡皆無人，驚訝益甚，遂馳歸。比至家，婦方寢。聞劉至，乃起敍寒暄，訖妻笑曰：「頃夢

中與數人同遊一寺，會食殿庭，有人自外以瓦礫投之，杯盤狼藉，因而遂覺。」劉亦具陳所見，歎異久之。（自行簡

三夢記）貞元中，進士獨孤還家於長安，新娶白氏，下第將遊劍南，與其妻訣曰：「遲可周歲歸矣。」遐叔至蜀

羈樓不偶，逾二年乃歸。至郫縣西，去城尚百里，歸心迫切，取是夕到家。趨斜徑疾行，人畜既殆，去金光門五六里，天

色已暝，絕無逆旅。唯路隅有小庵，遐叔強憩西窗下。至夜分不寐，忽聞牆外有數十人擁入，尋有公子、女郎，共十數

輩，於庭中敷坐，獻酬縱橫，履舄交錯。中有一人，憂傷憔悴，側身下坐，恍似其妻。遐叔窺之，大驚。稍於暗處，迫而察之，

乃真妻也。方見一少年舉杯屬之曰：「一人向隅，滿座不樂。小人竊不自量，願開金玉之聲。」其妻冤抑悲愁，若無所控訴，遂掩袂歌曰：「今夕何夕，存耶沒耶？良人去兮天之涯，園樹傷心兮三日花。」滿座傾聽，遐叔驚憤久之，計無所出。乃就塔間捫一大磚向坐飛擊，悄然一無所有。遐叔悵然悲惋，謂其妻死矣。促駕歸，平明至宅，家人並無恙，妻臥猶未興。良久乃曰：「向夢與姊妹之黨，翫月出金光門，向一野寺，忽爲兇暴者數十脅與雜坐。」又說夢中聚會，言語與遐叔所見並同。又云：「方飲次，忽見大磚飛墮，因遂驚寤，而君適至。豈幽憤之所感耶？」（任蕃夢遊錄）

有張生者，家居汴州中牟縣東北赤城坂，以飢寒，一旦別妻子，遊河朔，五年方還。自河朔還汴州，晚出鄭州門，到板橋已昏黑矣。乃下道取陂中，逕路而歸。忽於草莽中見燈火熒煌，賓客五六人，方宴飲次，生乃下驢以詣之。相去十餘步，見其妻亦在坐中，與賓客語笑方洽。生乃蔽形於白楊樹間，以窺之。見有長鬚者，持盃請措大夫人歌。生之妻，文學之家，幼習詩體，甚有篇詠，欲不爲唱，四座勤請。乃歌曰：「歎衰草絡緯聲切切，良人去不復還。今日坐愁鬢如雪，長鬚云勞歌一盃。」飲訖，酒至白面少年，復請歌。張妻曰：「一之已甚，其可再乎？」長鬚持一籌筭云：「請置觥，有拒請歌者，飲一鍾。舊詞中笑語，准此罰。」於是張妻又歌曰：「勸君酒，君莫辭，落花徒繞枝，流水無返期。莫恃少年時，少年能幾時？」酒至紫衣者，復持盃請歌。張妻不悅，沉吟良久，乃歌曰：「怨空閨，秋日亦難暮，夫婿斷音書，遙天鴈空度。」酒至黑衣胡人，復請歌。張妻連唱三四曲，聲氣不續，沈吟未唱間，長鬚拋觥云：「不合推辭。」乃酌一鍾，張妻涕泣而飲。復唱送胡人酒曰：「一切切夕風急，露滋庭草濕，良人去不回，焉知掩閨泣。」酒至綠衣少年，持盃曰：「夜已久，恐不得從容，卽當喚索，無辭一曲，便望歌之。」又唱云：「螢火穿白楊，悲風入荒草，疑是夢中遊，愁迷故園道。」酒至張妻，長鬚歌以送之云：「花前始相見，花下又相送，何必言夢中，人生盡如夢。」酒至紫衣胡人，復請歌云：「須有豔意。」張妻低頭未唱間，長鬚又拋一觥，於是張生怒，捫足下得一瓦擊之，中長鬚頭，再發一瓦，中妻額，闕然無所見。張生謂其妻已卒，慟哭，連夜而歸。及明至門，家人驚喜出迎。張生問其妻，婢僕曰：「娘子夜

來頭痛。」張入室問之，妻曰：「昨夜夢草莽之處，有六七八人，遍令飲酒，各請歌。奴凡歌六七曲，有長鬚者拋觥，方飲次，外有發瓦來，第二中奴額，因驚覺，乃頭痛。」張生因知昨夜所見，乃妻夢耳。（夢遊錄）

【父子同名】

隋處士羅靖，父亦名靖。（宛委餘編）范陽邁，魏大將安同，父名屈，子亦名屈。（同上）

【惡感凶神善感吉神】

元自實，恨繆君負德，雞鳴，斫刃往殺之。道過一小庵，庵主軒轅翁者，有道士也。見其前往，有狎貓鬼數十從之，或握刀劍，勢甚兇惡。飯頃復回，則有金冠玉佩之士，百餘隨之。或擎幡蓋，和容嬌色，意甚安閑。翁意其死矣。天明往問，則固無恙。翁曰：「本晨於何往，而回之速？」自實隨言繆之負德，早將殺之。及至其門，自思彼實負吾，妻子何尤？且有老母，殺之不可。遂隱忍而歸。翁賀曰：「子將有厚祿，神明已知之矣！」（感應篇李傳）暨陽軍人張旺，素兇狠無賴。嘗夜盜城西田父菜，被執，濡其首，溺池中而釋之。故恨入骨，每思有以爲報。一夕，宿火瓦罌，往燒其家。道由觀溝，時月色微明，畫師吳碧山尙未寢，聞步履聲，穴窗窺之，見張前行，而殤鬼百數踵其後。飯頃，又聞步履聲，復窺之，則張回，而青衣童子二人前導焉。吳甚驚怪。吳素善張，詰且叩之，張初不承。及詰之密，因以前事告，且曰：「吾實欲燬其室，以快所憤。因念冤冤相報，無有了時。遂棄火歸，他無見也。」張乃告以其詳。吳大感悟曰：「一念之頃，可不謹哉！」（輟耕錄）

【筆落於地】

曹公開孫權，以荊州資劉備，方作書，筆落於地。（吳志）司馬宣王欲誅曹爽，而呼何晏作奏，宜上君名，晏忽落筆於地。（魏志）

【雲母窗】

帝起神室，有雲母窗，珊瑚窗。（漢武故事）宮中有臨高凌雲，宣曲，廣望，閭風，萬世，修齡，總章，聽訴，凡九觀，皆高十六七丈，以雲母著窗裏，日曜之，煒煒有光輝。（陸機洛陽地記）西臺高

【攝魂入夢】

六十七丈，上作銅鳳窗，皆銅籠，疏雲母幌，日之初出，乃流光照曜。（鄴中記）明皇所幸美人王氏，數夢人招飲密會。具言於上，上曰：「必術士所爲。汝若再往，以物誌之。」

其夕夢中又往，因就硯中濡手印於屏風上。既寤，卽告潛索於外，果於東明觀中得手印文。而軍士已遁矣。（唐宋遺史）
李生者，其舅盧有道術。別久，忽相遇，邀李詣其居，求得一妙善筮篋，令侍飲。李生見筮篋上有朱字云：「雲中辨江樹，天際識歸舟。」盧謂曰：「此人名家女，莫要昏因否？」李莫測而退。後娶陸長源女，乃所見於盧家者。問何能曰：「善筮篋。」取筮篋視之，則朱字宛然。李生具道其事，女亦曰：「往嘗夢至一處，亦記見生。」（盧子唐逸史）

【入火不燒】

赤松子者，神農時雨師也。服水玉，教神農能入火不燒。（神仙傳）
趙襄子率徒十萬，狩于中山，藉芴燔林，煽赫百里。有一人自石壁中出，從燼上下。衆謂鬼神，襄子徐察之，形色七竅人也。氣息音聲，人也。問奚道而處石，奚道而入火，其人曰：「奚物而謂石，奚物而謂火？」（列子）
魏明帝時，河東有焦生者，裸而不衣，入火不能燒，入水不能凍。（博物志）

【虎食人有定數求代獲免】

費州蠻人，舉族姓費氏。多境虎暴，俗皆樓居以避之。開元中，狄光嗣爲刺史，其孫博望，生於官舍。博望乳母增費忠，勇能射，嘗自州負米還家，山路見阻，不覺日暮，前程尙三十里餘。忠懼不免，以所持刀刈薪數束，敲石取火，烈之自守。須臾，聞虎之聲，震動林藪。忠以頭巾冒米袋，腰帶束之，立於火光之下，挺身上大樹。頃之，四虎同至，望見米袋，大虎前攫。旣知非人，相顧默然。次虎引二子去。大虎獨留火所，忽爾脫皮，是一老人，枕手而寐。忠素勁捷，心頗輕之。乃徐下樹，扼其喉，以刀擬頸。老人乞命，忠縛其手，而詰問之，云：「是北村費老，被爵爲虎。天曹有日歷，令食人。今夜合食費忠，故候其人。適來正值米袋，意甚鬱快，留此須臾，俟其復來耳。不意爲君所執。如不信，可於我腰邊看日歷當知。」費忠觀歷畢，問何以救我？答曰：「若有同姓名人，亦可相代。異時事覺，我當爲受罰，不過十日飢餓耳。」忠云：「今有南村費忠，可代我否？」老人許之。忠先持其皮上樹，然後下解老人。老人曰：「君第牢縛其身附樹，我若入皮，則不相識。脫開吼落地，必當

被食事理則然，非負約也。「忠與訣，上樹擲皮還之。老人得皮，從後脚入，復形之後，大吼數十聲，乃去，忠得還家。數日，南村費忠鋤地遇噉也。」（廣異記）

慈州稽胡者，以弋獵爲業。唐開元末，逐鹿深山，鹿急走投一室。室中有道士，朱衣凭案而坐，見胡驚愕，問其來由。胡遂具言姓名，云適逐一鹿，不覺深入，辭謝衝突。道士謂胡曰：「我是虎王，天帝令我主施諸虎之食，一切獸各有對，無枉也。適聞汝稱姓名，合爲吾食。案頭有朱筆及盃，兼簿籍。」因開簿以示胡，胡戰懼良久，固求釋放。道士云：「吾不惜放汝，天命如此，爲之奈何？若放汝，便失我一食。汝既相遇，必爲取免。」久之乃云：「明日可作草人，以己服衣之，及豬血三斗，絹一匹，持與俱來，或當得免。」

胡遲回未去，見羣虎來，朝道士處分所食，遂各散去。胡尋再拜而還。翌日，乃持物以詣。道士笑曰：「爾能有信，故爲佳士。」因令置草人庭中，置豬血於其側。然後令胡上樹，以下望之，高十餘丈，云：「止此得矣！可以絹縛身著樹，不爾，恐有損落。」尋還房中，變作一虎，出庭仰視胡，大吼數四，向樹跳躍，知胡不可得，乃攫草人，擲高數丈，往食豬血，盡入房，復爲道士，謂胡曰：「可速下來！」胡下再拜，便以朱筆勾胡名，於是免難。（同上）

開元中，峽口多虎，往來舟船，皆被傷害。自後但是有船將下峽之時，卽預一人充飼虎，方舉船無患，不然則船中被害者衆矣。自此成例，船留二人上岸飼虎。經數日，其後有一船內皆豪強，數內有二人單窮，被衆推出，令上岸飼虎。其人自度力不能拒，乃謂諸人曰：「某貧窮，合爲諸公代死。然人各有分定，苟不便爲其所害，某別有懇誠請，諸公能允許否？」衆人聞其語言甚切，爲之愴然，而問曰：「爾有何事？」其人曰：「某今日便上岸，尋其虎蹤，當自別有計較，但懇爲某留船灘下，至日午時，若不來，卽任船去也。」衆人曰：「我等如今便泊船灘下止住，今日午時，兼爲爾留宿，俟明日，若不來，船卽去也。」言訖，船乃下灘。其人乃執一長柯斧，便上岸入山尋虎，不見有人蹤，但見虎迹而已。林木深邃，其人見一路虎蹤甚稠，乃更尋之。至一山隘，泥極甚，虎蹤轉多，更行半里，卽見一大石室，又有一石牀，見一道士，在石床上而熟寐。架上有一張虎皮，其人意是變虎之所，乃躡足于架上，取皮執斧，衣皮而立。道士忽驚覺，已失架上虎皮，乃曰：「吾合食汝，汝何竊吾皮？」

「其人曰：『吾合食爾，爾何反有是言？』」二人爭競移時，不已。道士詞屈，乃曰：「吾有罪於上帝，被謫在此，爲虎令食一千人。吾今已食九百九十九人，唯欠汝一人，其數當足。吾今不幸爲汝竊皮，若不歸，吾必須別更爲虎，又食一千人矣。今有一計，吾與汝俱獲兩全可乎？」其人曰：「可也。」道士曰：「汝今但執皮還船中，剪髮及鬚鬢少許，剪指甲，兼頭面脚手及身上各灑少血二三升，以故衣三兩事裹之。待吾到岸上，汝可拋皮與吾，吾取皮化虎，即將此物拋與吾取而食之，卽與汝無異也。」其人卽披皮執斧而歸。船中諸人，驚訝而備述其由，遂於船中依虎所教，待之。遲明，道士已在岸上，遂拋皮與之。道士取皮衣之，俄變成虎，哮吼跳躑。又拋衣物與虎，乃囓食而去。自後便不聞有虎傷人。衆言食人數足，自當歸天去矣。（解頤錄）

祥瑞

河圖

宓犧受龍圖，畫八卦，所謂「河出圖」。（宋志）河圖在佐輔曰：黃帝云：「余夢見兩龍，挺白圖，蘭葉朱文，以授黃帝，名曰『錄圖』」（玉海）（按晉天文志曰：黃帝受河圖始明休咎）堯修壇於河，雒率舜等升首山，遼河渚，有五老游焉。——蓋五星之精也。相論曰：「河圖將來。」告帝以期，二月辛丑昧明，禮備。至於日昃，有龍馬銜甲，赤文綠色，臨壇而止，吐甲圖而去。（宋志）（按魯頌閟宮疏云中候握河紀說：帝堯受河圖之禮云：稷辨護注辨護供時用相禮儀，又詩大明疏云：唐堯之受河圖也，昌名已在其錄）舜設壇於河，黃龍負圖，長三十二尺，廣九尺，出於壇畔，赤文綠錯。○禹觀於河，有長人出，曰：「吾河精也。」授禹河圖，言治水之事。（並同上）成王觀於河，青龍臨壇，銜元甲之圖，吐之而去。（中候）

日五色

少昊金天氏，邑於窮桑。天開，日五色，丕照窮桑。（田儉子）（禮斗威儀云：政太平則日九色）

〔開元〕二十五年十一月，青州奏日光五色。（玉海）長慶元年五月，饗太廟畢，出朱雀門中，路日抱珥五色，宰臣稱賀。（同上）

〔醴泉〕

神農作耒耜，地應以醴泉。（禮緯）堯時醴泉湧於山。（帝王世紀）甘露二年春，詔曰：「醴泉湧流，枯槁榮茂。」（漢官紀）光武中元元年夏，醴泉湧出京師，飲者痼疾皆愈。（後漢紀）明帝永平十一年，醴泉嘉禾，所在出焉。（同上）文帝初，郡國二言醴泉出。（魏書）天寶三載，武威郡奏天寶山有醴泉涌出。（會要）貞觀六年，四月癸卯，醴泉出丹霄殿之西，命公卿示之，因置酒於側，賜帛有差。（冊府元龜）貞觀七年二月，醴泉涌於縣州香溪，痼疾者飲之多愈。（會要）十一年九月，醴泉出。○景雲二年十月，江州言醴泉涌。○開元二十二年十月，丞相奏醴泉湧。○二十三年五月，蘭州有浪井出，及醴泉湧。○大歷二年，京兆尹李勉奏櫟陽縣醴泉湧出。○正元十八年五月，眉州言醴泉出。（並同上）祥符元年六月，庚戌日，賜百官泰山醴泉。（玉海）天禧三年閏四月丁未，醴泉出京師拱聖營，有疾者飲之多愈。（同上）永樂五年十一月己巳，甘露降孝陵松柏，醴泉出神樂觀，薦之太廟。（明史本紀）

〔朱草〕

炎帝教民耒耜，百穀滋阜，朱草蔓於階。（拾遺記）堯時朱草生於郊。（帝王世紀）（按大戴禮明堂篇朱草日生一葉至十五日生十五葉十六日一葉落終而復始）（愚謂按大戴說似朱草即萸莢然文苑萸華朱草合朔賦云瑞不慚於萸莢珍豈遜夫靈芝又是二物）光武中元二年，赤草生於水涯。（本紀注赤草朱草也）魏文帝黃初元年，朱草生文昌殿。（本紀）宋元嘉十一年，朱草生蜀郡。（宋書本紀）

〔景星〕

黃帝有景星之瑞，有赤方氣與青方氣相連，赤方中有兩星，青方中有一星，凡三星，生黃色。以天清明時見於「攝提」名曰「景星」。（宋志）（按符瑞圖云景星大星也狀如半月生

於晦朔助月爲明。堯時天下和，景星出翼。（册府元歸）舜景星曜於房。（世紀）開元十八年六月乙酉，鄂州奏景星見。（玉海）開寶四年八月辛卯，景星見。（同上）

【麒麟見】

黃帝時，麒麟在囿。（尙書中候）成王時，麒麟遊苑。（宋志）元和二年，麒麟見陳。（古今注）延光三年七月，潁川麟見。（宋紀）秦始皇二年十二月，麟見郡國。（晉紀）咸寧五年九月，麟見河南。○成帝咸和八年，麟見遼東。（並同上）唐武德三年，鄆州麟見。（玉海）九年，西州麟見。○貞觀三年，隋州言麟見。○九年十二月，獲麟於德州。○十一年，麟見京師之後苑。○開元元年十二月，麟見於峽州。○高宗龍朔三年，絳州介山麟見。○憲宗元和七年，麟見東川，李嶠賀麟跡表云：「祥開紫掖，瑞應元楊。」○興國九年，嵐州獻一角獸，角端有肉，徐鉉等以爲祥麟，有司作祥麟曲。（並同上）東川觀察使潘孟陽奏龍州武安縣嘉禾生，有麟食之，麟之來，羣鹿環之，光彩不可正視，使畫工圖之以獻。（舊唐書憲宗紀）永樂十三年，麻林及諸番，進麒麟、天馬、神鹿等物。（明紀）

【鳳皇見】

黃帝問天老鳳象，對曰：「鴻前麟後，龍文龜身，燕領雞喙。」帝齋於殿中，鳳皇蔽日而至，帝再拜稽首。「皇天降祉，不敢不承命。」鳳乃集東園，棲梧桐，食竹實。天老曰：「國安，其主好文，則鳳皇居之。今鳳皇翔於東郊，而樂之，其鳴音中夷，則與天相副。」（韓詩外傳）高辛氏，使鼓人拊鞀鼓，擊鐘磬，鳳皇鼓翼而舞。（宋符瑞志）少皞氏，鳳鳥適至，故紀於鳥，鳳皇氏歷正。（左傳）（注鳳知天時）堯卽位七十年，鳳皇止庭。（尙書中候）堯坐中舟，與太尉舜臨視，鳳皇負圖授堯，赤玉爲柙，黃玉檢，白玉繩，其章曰：「天赤帝符璽」五字。（春秋合誠圖）堯時，鳳皇巢於阿閣。（荀子注）帝舜曰：「朕惟不父，百獸鳳晨。」（中候）（註百獸率舞，鳳皇司晨鳴）舜好生惡殺，鳳皇巢其木。（書大傳）文王孟春六句，五緯聚房，後有鳳皇銜書，遊文王之郊。（宋志）武王受鳳書之紀。（元命苞）成王時，鳳皇翔舞，作神鳳操，曰：「鳳皇翔兮於紫庭，余何德兮以感靈。」

賴先王兮恩澤臻，於胥樂兮民以寧。」（古今樂錄）成王四年，旃塗國獻鳳雛，載以瑤華之車，駕赤象，至京師，育於靈禽之苑。及成王封泰山禪社首文彩炳耀。（拾遺記）昭王二十四年，塗循國獻青鳳丹鶴。（同上）昭帝始元三年，冬十月，鳳皇集東海，遣使者祠其處。（漢本紀）元鳳元年，注應劭曰：「三年中鳳皇比。」下東海，海西樂鄉，於是以冠元。（同上）漢宣帝本始元年，鳳皇集膠東千乘。（通鑑）四年五月，集北海安邱淳於。（安邱淳於二地名屬北海）地節二年四月，集魯郡。○元康元年，集泰山陳留。○神爵二年，春正月，集京師。○四年，春二月，集京師。十月，鳳皇十一集，二月集上林。○五鳳三年三月，鸞鳳又集長樂宮東闕中木上，飛下止地，文章五色，留十餘刻，吏民並觀。○甘露三年二月，集新蔡。（並同上）光武建武十七年，冬十月，有鳳皇，五見於潁川之郟縣。（漢紀）（東觀漢記曰鳳皇高八尺五采翠鳥並從蓋地數頃停十七日乃去）章帝元和二年，二月，鳳皇集肥城。（玉海）安帝延光三年，濟南言鳳皇集臺縣。十月，新豐言鳳皇集西斧亭。（同上）文帝時，郡國奏鳳皇十三見。（魏志）武帝泰始元年，鳳皇六見郡國。（晉紀）二年，六見郡國。○五年，見趙國。○穆帝升平四年，鳳皇將九雛，見於豐城。○五年，見沔北。（並同上）宋元嘉十四年，鳳皇二見於都下，衆鳥隨之。改其地曰鳳皇里。（玉海）宋端拱元年，廣州清遠縣有鳳，高六尺，集合歡樹，衆禽隨之。○景德元年，白州言五月七日午時鳳皇三，自南入城中，至萬歲寺前，棲百丈木，身長九尺，高五尺，其文五色，冠如金瓊，至申時，北向而去。畫圖來上，宰臣奉表賀。（並同上）唐武德九年，海州言鳳皇見。（唐書）太宗即位，八月辛未，雋州言鳳皇見。九月乙未，莒州言鳳皇二見。○貞觀九年，見黎州，十月見洛州。○二十一年六月，見淄州。（並同上）荀藐除太原榆次令，爲政以德，邑人懷之，有鳳皇集其境內。晉武帝下詔褒美。（荀氏家傳）荊州遠安縣，有鳳皇山。章臯作令時，鳳集於此。（荊州山川記）粵西桂林府，有鳳巢山。隋時雙鳳來巢。宋初復至，守臣以聞。（桂林府山川志）劉穆之字道民，素居京口，鳳皇集於庭，相人章叢曰：「子必協贊大猷。」（異苑）陸闕字子春，華亭人，篤行好學。光武時，爲潁川守，致鳳皇甘露之瑞。（吳中

人物錄)唐應智頊作靖州守,鳳皇降府治,後有碧落山,亦名鳳皇山。(瑞州山川考)天和二年,秋七月辛丑,梁州上言鳳皇集於楓樹,羣鳥列侍以萬數。(周書武帝紀)

評曰:三代而下,稱鳳集十九,賈爾漢五行志載章帝末,號鳳皇百四十九見,何敞以為羽孽,誠哉其為孽也!淮南子云:「三皇鳳至於庭,堯舜之世,至於門,周至鳳至於澤,德彌澆,所至彌遠,德彌精,所至彌近。」然則劉漢李唐已不足當之矣。何況其他?魏晉受禪之初,郡國之爭上諸瑞,不一而足,尤為欺罔。閔統纂弒,宇宙大變也。草木鳥獸以妖孽告,猶不足以盡之,何瑞之有嗚呼!

【青龍見】

黃帝治天下力牧,泰山稽輔之,青龍進駕。(淮南子)周公旦與成王觀於河洛,沈璧禮畢,青龍臨壇,銜玄甲之圖,吐之而去。(宋志)青龍元年,正月甲申,青龍見郊之摩陂井中。(魏書)秦始皇二年,青龍十見宏農。(玉海)五年,青龍十見滎陽。○太康五年,正月己亥,青龍二見於武庫井中。○九年十二月戊申,青龍黃龍各一,見魯國。○唐貞觀二十年十一月,汾州青龍見。(並同上)

【黃龍見】

漢公孫臣云:「黃帝得土德,黃龍見。」(封禪書)虞舜時,黃龍從洛水出。(顧野王符瑞圖)禹會諸侯於塗山,執玉帛者萬國,濟河,黃龍負舟,舟中人懼,禹仰天歎曰:「吾受命於天,竭力而勞萬民,何憂於龍焉?」視龍猶蜿蜒,顏色不變。龍俛首低尾而逝。(吳越春秋)漢文帝十五年春,黃龍見成紀。(漢書)宣帝甘露元年四月,黃龍見新豐。○黃龍元年二月,黃龍見廣漢,因以冠元。○成帝鴻嘉元年冬,見真定。○永始二年見東萊。○光武建武十二年六月,黃龍見東阿。○章帝建初三年,見汝南。○五年八月,有八黃龍,見於泉陵。(並同上)黃初三年,黃龍見鄴西漳水。(魏志)晉泰始二年,黃龍九見宏農。(玉海)太康九年,見魯國。○唐景龍二年六月十五日,黃龍再見於牛山。(並同上)建武中,曹武為北地太守,政化尤異,黃龍應於九里谷高岡,亭長三丈,大十圍,稍至十餘丈。天子嘉之,賜帛百疋,加秩中二千石。(酈道元水經注)

【龍負圖】

春秋斗樞曰：「黃帝時，黃龍負圖，中有壘章，文曰：『天黃符璽。』」（事始）舜以太尉卽位，與三公臨觀於河，黃龍五采，負圖出，置舜前。（河圖）

【屈軼草】

黃帝，羣瑞畢臻，有屈軼之草，生於庭，佞人入朝，則草指之。是以佞人不敢進。（宋志）昔在堯帝，至化維馨，伊屈軼之芳，正協王猷，與國經。（梁肅指佞草賦）

【洛躍瑞魚】

黃帝遊於洛，見鯉魚長三丈，青身無鱗，赤文成字。（河圖）湯東觀洛，沈璧，黃魚躍出於壇。（典略）

【白鹿見】

黃帝時，西王母使使乘白鹿，獻白環之休符。（孫柔之瑞應圖）黃帝時，南夷乘白鹿來獻鬯。（宋志）章帝元和二年，白鹿見。（東觀漢記）安帝延光三年七月，馮翊潁川白鹿見。六月，扶

風言白鹿見雍。（同上）太元十六年，豫章太守范寧獻白鹿一頭。（晉起居注）二十年，荊州獻白鹿。（同上）齊景公逐白鹿至畝邱，見封人曰：「使吾君壽，金玉是賤，百姓是寶。」公曰：「善！」（韓詩外傳）武帝苑有白鹿，以其皮爲皮幣。（封禪書）章帝建初七年，幸長安，獲白鹿。（後漢書）孝和永元中，豫章餘干，得白鹿，高一丈九尺。（伏侯古今注）武德二年，麟州獻白鹿。（玉海）九年六月，益州獻白鹿。○貞觀八年四月，圻州白鹿見。○十年二月，見於九成宮之冷泉谷。○十三年，濟州獻白鹿。○十七年，丹州獻白鹿。○十八年，趙州獻白鹿。○二十年，見澤州。○開元十三年，見潞州。○二十三年，見綿州。○天寶四載，有斑鹿產白鹿於苑中，獻之。○正元十四年，中書賀苑中獲白鹿。○魏文帝初，郡國奏白鹿十九見。○晉泰始八年，見扶風。○太康元年正月，見零陵泉陵。五月，見天水。○元帝建武元年，見高山縣。○太興三年，白鹿見豫章，又見晉陵延陵。○成帝咸和四年，見零陵洮陽。七月，長沙獻白鹿。○九年，又見長沙。○咸康三年，見豫章。○太元十八年，見江乘。○二十年，見巴陵。（並同上）巴陵縣清山水，得白鹿一頭。（晉殷仲堪上白鹿表）伏承獲白鹿於彭城之乘山，皓質玉暎，育性馴和。（宋孝武帝慶賀白鹿牋）

含淮縣南，有白鹿岡。晉咸和中，縣令張魴有德惠，白鹿羣遊岡上，因以爲名。（王韶之始興記）餘干縣有白鹿，土人皆傳千年矣。晉成帝遣捕，得銅牌在角，書漢元鼎二年。（任昉述異記）廬山有白鹿洞。（朱文公有白鹿洞記）

龍負舟

禹南省方濟於江，黃龍負舟。（淮南子）（事詳前）宋文帝入奉皇統，行臺於江陵，有黑龍躍負上所乘舟，左右莫不失色。上謂王曇首曰：「此乃夏禹所以受天命，我何德以堪之？」（南史）中興元年，天子詔梁武帝平定東夏，以便宜從事。自發雍州，帝所乘艦，恆有兩龍導引，左右莫不見者。（梁書本紀）吳猛坐郭璞事，被收寄載往南，令船勿開戶。船主聞船下有如樹杪聲，試窺之，見二龍負船，一宿至宮亭湖。（豫章記）高祖詔曰：「近日秋始，謀欲弔人，益部樓船，盡令東驚。」便有神龍數十，騰躍江流，引伐罪之師，向金陵之路，船止則龍止，船行則龍行。四日之內，三軍皆觀。（隋書）明皇次益昌縣渡吉柏江，有雙魚夾舟而躍，議者以爲龍。（舊唐書）

白狼見

商湯爲天子，都於亳，有神手牽白狼，口銜金鉤，而入湯庭。（田隸子）周穆王征犬戎，得四白狼。（國語）周宣王時，白狼見，犬戎滅。（瑞應圖）（按文選云：王得白狼而戎狄賓服）

白鳩見

白鳩，成湯時來至。（符瑞志）（按吳志張紘書曰：殷湯有白鳩之祥，周武有赤鳥之瑞。又按瑞應圖云：王者養耆老，尊道德，不以新失舊，則至一本曰：成王時來）魏黃初初，郡國十九奏

白鳩見。（瑞應圖）

赤鳥十二年八月，白鳩見章安。（吳錄）晉太始八年五月甲辰，白鳩二集太廟南門。（宋志

）太康三年七月，白鳩見太僕寺。

○四年十二月，白鳩見安定。（並同上）平帝元始三年，濟南鳩生白子。（崔豹

古今注）

宋元嘉十八年，山陰獻白鳩，何承天上頌。（本紀）二十四年九月又見沈濱之上頌。（同上）

赤雀

周文王時，赤雀銜丹書來至。（符瑞志）（按六藝論言瑞命之事云：湯登堯臺見黑鳥至武

王渡河白魚躍文王赤雀至於戶秦穆公白雀集於車。魏武執政，赤雀見於庭，議郎魏不疑爲頌。（魏志）武德八年，赤雀巢於殿門，宴五品以上。（玉海）貞觀四年，赤雀見萬年。○二十年，房州赤雀見。○開元十七年，赤雀見翼州。○宋元嘉二十年，赤雀集南平。（並同上）陝州峽石東，有神雀臺。天寶二年，以赤雀見置。（地理志）

【赤鳥】

武王渡孟津，有火自上復於下，至於王屋，流爲鳥，其色赤，其聲魄。（周紀）文王之時，赤鳥銜丹書，集於周社，故其色尙赤。（呂氏春秋）吳大帝赤鳥元年，赤鳥集於殿前，改元。（吳志）吳景皇帝孫休，永安三年，西陵言赤鳥見。（同上）明帝卽位，踰年，暨陽縣言赤鳥見。郭璞請改元肆赦。（郭璞傳）唐正元十一年十一月，潭州獻赤鳥。（玉海）至道元年，知通利軍錢昭序表獻赤鳥。○祥符六年，嵐州獻赤鳥。（並同上）

【白魚入舟】

昔武王渡孟津，中流未濟，白魚入於王舟，俯取以祭。羣公咸曰：「休哉！」（終軍傳）宋明帝太始二年，十月己巳，幸華林天淵池，白魚躍入御舟。（宋書符瑞志）

【白雉】

周武王時，越裳獻白雉，去京師三萬里，三譯而至。（援神契）魯昭公時，白雉銜環入。（感精符）章帝元和初，日南徼外蠻夷，先不事人。（蠻夷別號）邑豪獻生犀白雉。（杜氏通典五嶺蠻總敘）明帝永平十一年，時麒麟白雉醴泉嘉禾，所在出焉。（後漢紀）丙辰，禪泰山下，陞東北蕭然山，縱遠方奇獸飛禽，及白雉諸物，下詔改元爲元封。（漢郊祀志）魏文帝延康元年，饒安縣奏白雉見。（玉海）平帝光始元年，越裳重譯獻白雉。（漢書）建武十三年，日南夷獻白雉。（光武紀）武德二年，寧州獻白雉。（唐書）貞觀十六年，申州獻白雉。（同上）

【白麟見】

終軍從上幸雍，獲白麟，一角五蹄。（漢書）咸寧五年，白麒麟見平原。（晉書武紀）泰始元年，白麟見，羣獸皆從。（王隱晉書）太康元年，白麟見頓邱。（晉書）

【白龍見】

秦始皇元年十二月，武帝初受禪，白龍二見於郡國。（玉海）六年夏四月，白龍二見於東莞。○咸寧二年六月丙申，白龍二見於新興井中十一月，白龍二見於梁國。○太康元年八月，白龍三見於永昌。○三年，閏四月己丑，白龍二見於濟南。○六年八月，白龍見京兆。○唐貞觀二十年十一月，汾州白龍見。（並同上）

【白鳥見】

成帝和平四年，白鳥集孝文廟。（伏侯古今注）和帝元興元年，白鳥一見廬江，足皆赤。（同上）唐正元十一年，河陽獻白鳥。（玉海）雍熙二年，霸州獻白鳥。○四年邢州進白鳥。（並同上）

【馴象】

元狩二年，南越獻馴象。（武紀）（應劭曰：教能拜起，周章從人意也。）太平興國八年，占城獻馴象，能拜伏。詔養於寧陵縣。（玉海）乾德中，吳越廣南交州繼獻馴象，計四十五頭。（同上）

【獲麟改元麟嘉】

秦始皇元年，白麟見，羣獸皆從，改年麟嘉。（晉書）呂光時，張掖金澤有麟見，羣獸皆從，改年麟嘉。（涼州記）

【五色鴈】

宣帝尊孝武為世宗，巡守郡國皆立廟，以立世宗廟告祠。孝昭寢，有鴈五色，集殿前。（郊祀志）唐正元十一年二月，同州獻五色鴈。（玉海）

【白虎見】

神爵元年，詔曰：「元康四年，南郡獲白虎。」（宣帝紀）元和三年，白虎見彭城。（東觀書）○（按陸機毛詩草木鳥獸蟲魚疏云：騶虞即白虎也，黑文尾長於軀，不食生物，不履生草，若王有德則見，應德而至者也。）

【神魚】

神爵元年三月，行幸河東，詔曰：「東濟大河，天氣清靜，神魚舞河。」（宣帝紀）章帝元和三年

年正月，車駕北巡，以太牢具祠北岳，見黃白氣，有神魚躍出十數。（宋志）

【野蠶成繭】

建武二年，野蠶成繭，被於宛阜，民收其利。（光武紀）宋元嘉十六年，宣城宛陵野蠶成繭，彌漫山谷。（玉海）黃龍三年，夏，野蠶成繭，大如卵。（吳志）武德五年四月，梁州野蠶成繭。

唐書）貞觀十二年，滁、亳二州，野蠶成繭。○十三年，野蠶又食樹葉成繭，其色綠。○十四年，滁州野蠶成繭。（並同上）文宗開成二年，陳許奏野蠶自生桑上，三遍成繭，連綿九十里，百姓以為絲綿細絹。（玉海）宋乾德四年，京兆府野蠶成繭，節度使吳廷祚緘絲以獻。○開寶七年，齊州奏野蠶成繭二萬枚。又陽武縣野蠶成繭。○咸平五年，藤州鑽津縣野蠶成繭。○六年，京兆野蠶成繭。○嘉祐五年，深州言野蠶成繭。○紹興二十二年，容州奏野蠶成繭。（並同上）永樂十一年十一月，戊寅，以野蠶成繭為衾。（明史本傳）

【龜書】

陶唐之世，越裳國獻千歲神龜，方三尺餘，背上有文，皆科斗書。記開闢以來，錄以為龜歷。（述異記）繫辭：河出圖，洛出書，聖人則之。疏：春秋緯云：河以通乾，出天苞；洛以流坤，吐地符。河龍

圖發，洛龜書感。河圖有九篇，洛書有六篇，孔安國以為八卦九疇。（玉海）黃帝遊洛水之上，見大魚，魚流於海，得圖書焉。龍圖出河，龜書出洛，赤文篆字。（尚書中候）堯率羣臣東沈璧於洛，退候至下，稷赤光起，玄龜負書而出，背甲赤文朱字，止於壇。（同上）稷讀曰辰，天與禹洛出書，神龜負文而出，列於背有數，至於九。（尚書孔注）倉頡為帝南巡，登陽紆之山，臨於元扈，洛汭之水，靈龜負書，丹甲青文，以授之。（河圖玉板）成王禮於洛，元龜青繩，蒼光，止於壇，背甲刻書，赤文成字，周公援筆寫之。（宋志）（公羊傳：青純注千歲之龜青髯）（淮南子云：至德之世，則洛出丹書，河出綠書）

【榮光出河】

堯帝即位七十載，修壇河洛，仲月辛日，禮備至。於日稷榮光出河，龍馬銜甲，赤文綠色，臨壇吐甲。（尚書中候）（甲所以藏圖）成王觀於洛，沈璧禮畢，退俟日昧，榮光出河。（同上）

【日月如合璧】

帝堯在位七十年，日月如合璧，五星如聯珠。（宋天文志）漢日月如合璧。（太初歷）（按道光元年四月朔日月如合璧）

【五色雲】

黃帝戰涿鹿之野，有五色雲氣，金枝玉葉，止於帝上。有花葩之象，因作華蓋。（崔豹古今注）高祖所居，上有雲氣，皆爲龍虎，成五色。（漢高帝紀）貞觀十五年十一月，幽州言五色雲見。

（玉海）柳宗元爲瀾東奏台州五色雲見。○唐正元壬午歲，有五色雲見長安。太史張璇曰：「在宋分後一百六十年，有聖人興其地。」至天成丁亥，太祖生洛陽。○太平興國九年六月己亥，舒州言五色雲見靈應觀上。○祥符元年，封泰山。十月戊戌，五色雲環日。○四年九月乙未，日有輝珥承氣，五色雲如飛鳳輔日。○五年九月甲申，大宴含元殿。日赤黃珥，旁有五色雲。上作七言詩賜近臣屬和。（並同上）苻堅立，有黃雲五色迴繞臺觀，時以爲景雲。（車頭秦書）胡大海攻婺州，久不下。太祖自將十萬往道徽州，至婺，石抹宜孫遣將率車師由松陵援太祖，遣胡德濟擊破之。城降，執厚孫。先一日，五色雲見城西如車蓋，城中人以爲異。及城下，乃知太祖駐兵地。（明史本紀）

【景雲】

張晏曰：「黃帝有景雲之瑞，因以名師與官。」（漢百官表注）唐高祖武德元年九月，益州言景雲見。（玉海）九年，太宗卽位。八月辛未，秦州景雲見。○高宗時，景雲見。○睿宗景雲元年，十月己巳，册皇太子，是日有雲景之瑞，改元。（並同上）

【黃雲】

黃雲將興，黃雲升於堂。（春秋演孔圖）堯母慶都，生而神異，常有黃雲覆其上。（春秋合成圖）元鼎四年，夏六月，迎鼎至甘泉，從上行，薦之至中山，晏温有黃雲焉。（郊祀志）赤帝起

黃雲扶日。（歸藏）祥符四年二月，祀汾陰，丁巳發永安鎮，有黃雲隨輦。（玉海）皇祐二年四月朔，幸金明池，司天言雲色黃，其形輪困，此聖孝感天之應。○嘉祐四年十月十七日，司天言十二日，廟中行禮，月色皎然，有黃雲捧月。○開元十六年十一月，南至御舍，元殿受朝，太史奏黃雲扶日。○祥符元年，封泰山。十月壬辰，天文院言上有黃

雲如龍鳳。己亥，致齊紫雲如蓋，起泰山頂，俄頃變黃色。召宰臣登亭以觀，復有黃雲如虹橋，葩蓋。（並同上）

【雲覆其上】

堯母慶都，生而神異，常有黃雲覆其上。（帝王世紀）黃帝與蚩尤戰於涿鹿之野，常有五色雲氣，金枝玉葉，止於帝上。（古今注）高祖常亡匿，隱於芒碭山澤間。呂后與人俱求，常得之。

高祖怪問呂后曰：「季所居上常有雲氣，故從往常得季。」高祖大喜。（漢書）高祖北征，至洛陽，常有紫雲見於軍上。（徐爰宋書）中興元年，梁武為征東將軍。五月己酉，帝移屯於漢南。是日有紫雲如蓋，蔭於壘幕。（梁書本紀）

【白雲】

堯沈璧於河，白雲起。（尚書中候）天命於湯，白雲入房。（春秋演孔圖）元鼎六年四月，至奉高封泰山，禪肅然山，其夜若有光，晝有白雲出封中。（漢郊祀志）祥符元年，封泰山，穆清

殿御座後，有白雲如幡，龍鳳之狀。（玉海）

【紫雲】

帝祀甘泉，有紫雲從西北來，散於殿前。（漢武故事）祥符元年，封泰山，天文院言紫雲如蓋。（玉海）九年十二月己亥日，有赤黃暈珥冠氣，紫雲如蓋。（同上）

【青雲】

蒼帝起，青雲扶日。（歸藏）成王觀於洛河，青雲浮洛。（中候）（按江淹書青雲浮維榮光塞河）祥符元年，封泰山，十月壬辰，天文院言紫雲如蓋，黃雲如龍鳳，青雲如竹木，名「梢雲」。

（玉海）（按瑞圖應曰：人君德至則梢雲出）十洲記曰：「天漢三年，月氏國獻神香，使者曰：『國有常占東風入律，百旬不休。青雲干呂，連月不散。』」意中國將有妙道之君，故搜奇異而貢神香。（初學記）

【慶雲】

舜時景星出房地，有乘黃之馬，和氣普應，慶雲興焉。（宋志）（瑞應圖曰：慶雲者太平之應）武德元年七月，京師慶雲見。（玉海）九年，太宗即位，八月丙午，宋州言慶雲見。○貞觀五

年二月，雋州慶雲見。○天寶元年，吐番攻逼定戎城，皇甫惟明奏破賊，既掃妖氛，兼有慶雲見。宰相賀云：「合戰之

時返風破敵，決勝之後，卿雲滿空。○天寶八載，殿產玉芝一莖，又龍池上有慶雲見。王維詩曰：「玉殿生三秀，銅池出五雲。」○代宗十月十三日，誕辰，有慶雲見。○大歷十四年，德宗即位，閏五月十四日，丙戌，澤州刺史李錡進慶雲圖。○正元二十一年，四月乙巳，册太子有慶雲見。○穆宗初，韓愈圖慶雲，乞付史官，表曰：「非烟非雲，抱日增麗，斯爲上瑞，應太平。」黃帝因之紀事，虞舜由之作歌。○唐太宗生於武功之別館，慶雲屬天。（同上）永樂十七年，九月十二日癸未，慶雲見。（明史天文志）

【蕒 莢】

堯時有草，夾階而生，月朔且生一莢，月半生畢。十六日後落，月晦而盡。若月小，餘一莢，焦而不落，王者占歷。一名歷莢，一名靈苑。（帝王世紀）舜即位，蕒莢生於階。（宋志）中候摛雜戒云曰：「若粵古姬公旦，欽惟皇天順，踐祚卽攝七年，鸞鳳見，蕒莢生，青龍銜甲，玄龜背書。」（周頌正義）

【蕘 莆】

蕘，卽政七十載，甘露潤澤。（中候）元康元年三月，詔曰：「鳳皇集泰山，陳留甘露降，未央宮其赦天下。」（漢宣紀）神爵二年二月，詔曰：「正月乙丑，鳳皇甘露降，集京師。」○四年二月，詔曰：「鳳皇甘露降，集京師。」○甘露二年正月，詔曰：「乃者甘露降，醴泉滂流，其赦天下。」（並同上）元延四年三月，甘露降京師。（成紀）光武建武十二年，甘露下，日南朱梧，積四十五日。（古今注）五鳳二年正月，甘露降京師。（宋志）明帝夜夢見先帝太后，覺悲不能寐，明旦，上陵，樹葉甘露，上令百官採之。（東觀漢記）文帝將受禪，郡國奏甘露二十七降。（魏略）武泰始十年四月乙亥，降西河。（晉紀）咸寧元年四月丙戌，張掖，五月戊午，清河。○二年五月，戊子元菟。○五年六月，戊申巴郡。○太康五年三月乙卯，東宮。○七年四月，京兆。○元帝建武元年六月，壽春。○大興三年四月琅邪。○成帝咸和七年四月癸巳，京邑。○八年四月癸卯，廬江宣城。○九年四

【甘露降】

月，詔曰：「鳳皇甘露降，集京師。」○甘露二年正月，詔曰：「乃者甘露降，醴泉滂流，其赦天下。」（並同上）元延四年三月，甘露降京師。（成紀）光武建武十二年，甘露下，日南朱梧，積四十五日。（古今注）五鳳二年正月，甘露降京師。（宋志）明帝夜夢見先帝太后，覺悲不能寐，明旦，上陵，樹葉甘露，上令百官採之。（東觀漢記）文帝將受禪，郡國奏甘露二十七降。（魏略）武泰始十年四月乙亥，降西河。（晉紀）咸寧元年四月丙戌，張掖，五月戊午，清河。○二年五月，戊子元菟。○五年六月，戊申巴郡。○太康五年三月乙卯，東宮。○七年四月，京兆。○元帝建武元年六月，壽春。○大興三年四月琅邪。○成帝咸和七年四月癸巳，京邑。○八年四月癸卯，廬江宣城。○九年四

月吳國。○咸康二年四月，降西堂，及尙書都堂桃木，又會稽吳興。○孝武太元十二年四月，降寧州並甘露。（並同上）宋文帝元嘉中，甘露如細雪。（玉海）梁大同中，甘露降士林館。（同上）武德二年，渝州甘露降。（唐書實錄）三年三月，降華陰及御史臺。○四年二月綿州。○六年沙州。○七年萬年縣。○八年四月連州。○九年四月二十三日降於中華殿之桐木。○貞觀元年降長安縣。○三年四月降雍州，七月降宣州。○五年四月萬年。○十八年正月台州。○二十年正月汝州。五月澤州。十月亳州。○開元八年正月甘露降。十二月壁州。○十三年代州。○二十年司農寺。○正元九年鄆州。○十一年九月成都。○十三年九月甲子幽州。○十四年四月婺州。○長慶三年四月，同州文宣王廟甘露降。○正元十八年五月，甘露降元和殿桐木丁香木。（並同上）乾德四年荆南進甘露。（玉海）太平興國三年三月，壽州甘露降官舍後園檜木，畫圖以聞。○九年三月丙子，甘露降太一宮祠庭柏木。○雍熙二年四月庚子，甘露降後苑。○端拱元年興化軍言甘露降。○二年三月丁酉，壽州言甘露降。○淳化三年正月，甘露降舒州靈仙觀。三清閣前柏樹，畫圖來獻。○四年六月丁卯，又降刺史廳梧桐木。○天禧元年二月，玉清昭應宮會靈觀並降柏木。○至道三年，真宗卽位，五月戊辰，河南府言甘露降嵩陽書院。○景德三年降榮州。○祥符九年十一月五日，賜玉清昭應宮甘露歌，十一日，又賜會靈觀甘露詩。十一月壬寅，甘露降玉清昭應宮太和殿檜柏，上作歌，羣臣皆賀。甲辰，降會靈觀柏木，上作七言六韻詩，羣臣咸和。○大觀三年十一月，降於叢柳，上賦七言詩。○紹興十九年四月，江西京西建康，並言甘露降。（並同上）永樂五年十一月己巳，甘露降孝陵松柏，醴泉出神樂觀，薦之太廟。（明史成紀）嘉靖十年二月，甲子甘露降顯陵，告太廟。（明史本紀）

祠壇神光

正月上辛用事，甘泉園丘，夜常有神光如流星，止集於祠壇。（漢禮樂記）元封四年春三月，祠后土詔曰：「朕躬祭后土地，見光集於靈壇，一夜三燭。」（漢武紀）元鼎五年十一月辛巳，朔旦冬至，昉爽，天子始郊拜泰一，有司云：「祠上有光。」（郊祀紀）宣帝三年，西河立世宗廟，神光興殿旁，

又與於房中，如燭狀。（漢志）神爵四年，詔曰：「修興太一五帝后土之祠，祈爲百姓蒙祉福。齋戒之暮，神光顯著，薦鬯之夕，神光交錯，集於壇上。其赦天下，賜民爵高年帛。」（漢宣紀）五鳳三年，詔曰：「朕飭齋戒，郊上帝，祠后土，神光並見，或興於谷，燭耀齋官，十有餘刻。」（同上）永始四年正月，幸甘泉郊泰畤，神光降集紫殿。（漢成紀）梁武帝大通五年，祀南郊。先一日，丙夜，南郊令解滌之等到郭取履行，忽聞異香，三隨風至。及將行事，奏樂迎神畢，有神光圓滿壇上，朱紫黃白雜色，食頃乃滅。（本記）

【九莖芝】

元封二年，夏四月，作甘泉通天臺，甘泉宮中，臺芝九莖連葉。（武帝記）金芝九莖，產於酒德殿銅池中。（宣帝紀）紹興二十五年五月，芝草生於太廟仁宗室柱，九莖連葉，宰臣率百僚

觀之表賀。（玉海）

【山稱萬歲】

太始三年二月，禮日成山，登之罘，浮大海，山稱萬歲。（漢武記）二月，東幸緱氏，禮登中嶽太室，從官在山上者，聞若有稱萬歲云。（武紀）（詔曰：朕用事華山，至於中岳，親登嵩高御史

乘屬在廟旁，吏卒咸聞呼萬歲者三）

【誕生赤光滿室】

光武生，赤光滿室，影如五麟七鳳。（金樓子）英宗天聖十年，生於宣平坊，赤光滿室，咸見黃龍往來宮中。（合璧事類）苻堅初生，有赤光流其室。（車頻秦書）後唐太祖，在

妊十三月而生，生時紅光燭室，白氣充庭，井泉暴溢。（北窗瑣言）石勒生時，赤光滿室，白氣自天，屬於庭。（本傳）宋高祖彭城縣綏輿里人，夜生，神光照室，盡明。是夕甘露降於墓樹。（徐爰宋書）孝文母李夫人，皇興元年八月戊申，生帝於平城紫宮，神光照於室內。（後魏本紀）宋武帝諱駿，文帝第三子，夜生，有光照室。（本紀）陳宣帝梁中大通二年七月辛酉生，有赤光滿室。（陳齊本紀）北齊文宣帝高洋，武明太后初孕帝，每夜有赤光照室。太后私怪之，及產，命之曰侯尼。子鮮卑言，有相子也。（北齊書）宇文周武皇帝諱邕，生時神光照室。（北史）粵

若高祖文皇帝，誕聖降靈，則赤光照室；韜神晦迹，則紫色騰天。（隋書薛道衡傳）太祖宣祖仲子也，母杜氏。後唐天成二年，生帝於洛陽夾馬營，赤光繞室，異香經宿不散，體有金色，三日不變。（宋史本紀）帝生於開封府第，赤光照室。（宋史真宗本紀）太祖諱元璋，字國瑞，生於鍾離之東鄉，紅光滿室。（明史本紀）宣宗仁宗長子也，母孝誠，昭皇后生帝時，宮中光彩騰耀。（明史宣紀）

【夢乘龍上天】

諸將勸光武卽帝位，光武乃召異詣，問四方動靜。異曰：「三王反叛，更始敗亡，天下無主，悟心中動悸。」異因下席拜賀曰：「此天命發於精神，心中動悸，大王重慎之性也。」異遂與諸將定議上尊號。（後漢書馮異傳）宣宗爲太子時，嘗夢乘龍昇天，言之於鄭后，乃曰：「不宜人知者，幸勿復言。」（舊唐書宣紀）

【蒼鳥】

宋大明元年五月，蒼鳥見襄陽。（宋志）（按志云：君孝慈則蒼鳥來）貞觀九年十二月，京師蒼鳥見。（唐書）

【白雀見】

梁大通九年，白雀集東宮，劉孝威上頌。（玉海）貞觀九年，萬安縣獲白雀。（本紀）開元十三年九月，交州奏白雀見。十月丁卯，太史奏白雀見。○正元二十一年，洛州獻白雀。（俱本紀）呂光太安三年，白雀巢陽川合蓋敏堂。（段龜龍涼州記）大明七年十一月，祀梁山，大閱水師於中江，有白雀二集華蓋。（南史宋武記）

【御座生芝】

唐太宗貞觀十五年五月，安禮門御榻產靈芝五莖。（本紀）（按玉海作定禮門）唐肅宗上元七年七月，廷英殿御座上生玉芝，一莖三花，御製玉靈芝詩五章，章八句。（本紀）

【太廟生芝】

開元十七年五月庚寅，有靈芝產於太廟第九室殿柱。（玉海）乾元二年四月丁卯，太廟殿院北門內，柱生芝草，兩莖紫蓋。○代宗永泰二年，太廟二室生芝。○紹興二十五年五月，芝草

生於太廟仁宗室柱，九莖連葉。○二十七年二月，仁宗英宗廟室柱，生芝四葉。○慶元五年八月，玉芝產於太廟太室之西楹，越十日辛巳，有司以聞，詔百寮觀之。（並同上）嘉靖四十四年六月，甲戌，芝生睿宗廟柱，告廟受賀，其地建玉芝宮。（明史本紀）

【著立】

中宗朝京將行，使術士韓禮筮之，著一莖，子然獨立。禮驚曰：「著立，奇瑞非常之事！」（舊唐書）周世宗在民間販貨，至江陵，有卜者王處士。世宗往問，忽一著躍出，卓然而立。卜者大驚曰：「著忽躍立，貴不可言，得非爲天下之主乎！」（五代史補）

【瑞木有天下太平字】

代宗大歷十二年，成都人郭遠，獲瑞木一枝，有文曰：「天下太平」四字獻之，宰臣奏賀。（唐書）紹興十四年，虔州言木柱內有「天下太平」四字，詔獎諭付史館。（本紀）

【夢筆點額作人主】

吳大帝夢人以筆點額，且告朝士，熊循賀曰：「王加點爲主，當作主矣！」（吳志）北齊文宣王夢人以筆點其額，王曇首賀曰：「王當作主！」（北齊書）

【宅邊桑樹如蓋與王之祥】

先主少孤，與母販履織席爲業。舍東南角，籬上有桑樹，生高五丈餘，遙望見童童如小車蓋，往來者皆怪此樹非凡，或謂當出貴人。先主少時，與宗中諸小兒於樹下，戲言我必當乘此羽葆蓋車。叔父子敬謂曰：「汝妄言，滅吾門也！」（蜀志）南齊高祖蕭道成舊宅，在武進縣。宅南有一桑樹，擢本三丈，橫生四枝，狀如華蓋。帝年數歲，好戲其下，從兄敬宗曰：「此樹爲汝生也！」（南齊本紀）

【明珠】

章帝元和元年，明珠出館陶，大如李，有光耀。（伏無忌古今注）三年，明珠出豫章，圍四寸八分。○和帝永元五年，鬱林得大珠，圍五寸七分。（並同上）祥符七年三月，漳州龍溪得珠圍

闊三寸七分，守臣王冕進表以賀。（玉海）（禮斗威儀曰其政平德至淵泉則江海出明珠）

【華平生】

東觀漢記曰「章帝元和二年，芝英華平，日月不絕，載於史官，不可勝紀。」（藝文類聚）（宋志云華平其枝正平王者有德則生德剛則仰德柔則低又類要云天子孝德屬於四海故有華平又瑞應圖云王者政令均則生）唐貞觀十七年，華平出於玄武門之池。（本紀）

【白毫生於左角】

懷帝母曰夏侯氏，帝生，有白毫生於目左角，龍顏隆準，眼有精曜。（晉起居注）元皇帝諱睿，咸寧二年，生於洛陽，有神光之異，一室盡明。及長，白毫生於日角之左，隆準龍顏，目有諱精曜，顧盼煒如也。（晉書本紀）

【河清】

後漢孝桓帝延熹八年夏四月，濟陰東郡濟北河水清。（後漢桓帝紀）九年夏四月，濟陰東郡濟北平原河水清。（同上）孝靈帝建寧四年春二月，河水清。（後漢五行志）北齊武成帝河清元年夏四月，河濟俱清。（通志）隋煬帝大業三年，武陽郡河水清，數里鑑徹。○十二年，又龍門河清。（並同上）元嘉中河濟俱清。（玉海）（京房易傳水清天下平）開皇七年九月，丹州言河水清。（會要）大中八年正月，陝州河清。○寶應元年九月甲午，太州至陝州二百餘里，河清澄澈見底。○武德九年二月，蒲州河清。○貞觀四年二月，陝州河清。（並同上）十六年正月，懷州河清。（五行志）十七年十二月，鄭滑州河清。○二十三年四月，靈州河清。（並同上）貞觀十四年，陝州刺史房仁裕稱元旦黃河載清；二月司空無忌等上表賀。（玉海）祥符三年十一月庚子，陝州言寶鼎縣河清。○雍熙五年正月戊辰，澶州言黃河清二百里。○淳化三年河清。○景德三年河清。（並同上）武宗六年十二月，黃河清，自清河口至柳鋪九十餘里者三日。（明史武宗紀）

【殿上生芝】

天寶七載，三月，大同殿柱產玉芝，有神光照殿。（玉海）長慶元年七月，壽昌殿柱生玉芝，一莖六尺。○天禧二年正月，內出真遊崇徽二殿，梁上芝草，圖示輔臣，上作歌一首詩，五七言各

一首。○天聖元年八月，芝生天安殿柱。○景祐四年五月壬戌，芝生於太宗神御殿，丙寅芝生於化成殿楹。（並同上）

蠶自成被

開寶七年，開封封邱民家蠶簇有繭成被，廣五尺，長倍之。（玉海）祥符元年内出酸漿，民程矩家繭自成被，付朝堂，示百官，輕黃密緻，非人力可及。○景祐四年五月，滑州言靈河縣民家蠶自成被，長二丈五尺，廣四尺，上以爲祥，賜其家茶綵。（並同上）英宗十年十二月，眞定府所屬州縣，野蠶繭，知府玉以絲來獻，製幔褥，陳於太廟之神位。（明史）

老人星

太元二年七月己卯，老人星見。（晉孝武紀）三年七月乙酉，見南方。○十年七月丁巳，老人星見。（並同上）天監四年秋八月庚子，至大同三年八月甲申，老人星凡三十五見。（梁書

武帝紀）貞觀十九年十月，老人星見。（玉海）開元七年八月，老人星見。○二十一年八月癸亥，沂州產紫芝三莖，是夜南方老人星見。○二十四年八月庚戌，老人星見。○祥符四年正月戊寅，老人星見。○天禧二年正月丁巳，老人星見。○治平四年九月二日，南方老人星見。（並同上）徽宗朝，老人星四十見。（宋志）永樂元年八月庚午，曉，老人星見丙位。（明史天文志）三年八月丁丑，見南極。○四年二月庚辰，見丁位，閏七月癸未，見。○五年八月癸巳，至二十一年八月戊午，凡十三見。○宣德十年八月丁卯，老人星見。○星泰二年八月戊子，老人星見。○天順五年八月乙亥，七年二月癸亥，八月戊子，俱見。○弘治元年二月戊戌，至十八年八月甲子，凡三十三見。○萬歷三十六年二月乙未，八月丙子，俱見。（並同上）（按天文家以爲人主壽昌天下治平之應）

日有五色雲

景德四年九月壬辰，日下有五色雲。（玉海）祥符二年十一月丙寅，日上有五色雲。○至和二年正月十二日，日傍有五色雲。○天禧三年八月丁未，日上有五色雲。（並同上）天聖五年，臨軒試進士，公名在第二，太史奏日下有五色雲見，左右從官賀殿上。（韓琦家傳）

【日重輪】

開元十三年十一月，禪社首，五色雲見，日重輪。（玉海）祥符元年十月辛亥，封禪，日重輪。○元符二年日重輪。（並同上）

【月重輪】

祥符四年二月祠后土，月重輪。（玉海）天禧三年十一月己巳，月重輪。（同上）

【瑞麥兩歧】

建武中，張堪為漁陽太守，麥秀兩歧。（本傳）景雲二年六月，洛州奏歧兩麥。（玉海）開元八年五月，平原麥一莖兩歧分秀。○乾德四年五月五日己巳，耀州貢兩歧麥。乙亥開封貢，庚辰單州貢，壬午濱州貢，麥兩歧至六七歧者，凡一百七十五本。○雍熙二年五月壬戌，亳州獻兩歧秀麥。○淳化五年五月壬子，亳州獻瑞麥圖，有分四歧三歧二歧者。○至道二年七月己亥，綿州奏麥秀兩歧。○三年，真宗即位，五月丙戌，合州獻麥兩穗圖。丁亥，黃州獻麥兩歧圖。○咸平四年五月己亥，亳州言麥一莖兩穗。六月戊午，益州言麥秀兩歧。○祥符九年五月辛未，施州言麥兩歧。○天禧三年五月，開封言麥一莖兩穗。○熙寧九年忠武軍麥秀兩歧。○天聖六年六月，陳州獻瑞麥圖，兩歧共秀。○皇祐五年六月，資州言麥秀兩歧。○嘉祐三年六月，綿州言麥一穗兩歧。（並同上）

【嘉禾異畝同穗】

成王時有三苗異畝而生，同為一穗，大幾盈車，長幾充箱。民有得而上之者，成王訪之周公，公曰：「三苗為一種，天下當和而為一乎！」果有越裳氏重譯而來，獻白雉。（白虎通）武德元年八月，永州獻嘉禾異畝同穎。（玉海）淳化三年九月乙卯，潞州言嘉禾異隴合穗，圖以獻，詔示近臣。○天禧三年深州言嘉禾異畝同穎。○熙寧八年，定州穀五壠合為一種。（並同上）

【嘉禾四穗】

玄宗先天二年八月，懷州言嘉禾一莖四穗。（玉海）興國七年九月己亥，滑州奏嘉禾一莖四穗。（同上）

【嘉禾九穗】

光武生於濟陽縣舍，是歲縣界有嘉禾一莖九穗，因名曰「秀」。（東觀漢記）和帝元年，嘉

禾生濟陰城陽，一莖九穗。（古今注）義熙十三年，嘉禾九穗。（晉起居注）文帝元嘉二十二年六月，嘉禾生籍田，一莖九穗。又醴湖屯生嘉禾，一莖九穗。（宋書本紀）乾德二年十二月乙卯，眉州進禾生九穗圖。（玉海）雍熙三年十月辛丑，益州貢嘉禾，一莖九穗。○咸平二年，梓州禾一莖九穗。○祥符元年十月，嘉州言禾九穗。○皇祐五年三月，資州言嘉禾一莖九穗。○熙寧九年，又言渠州粟一苗九穗。○祥符八年六月癸卯，眉州言禾一本九穗。○七月乙卯，邛州言禾一莖九穗。○天禧元年七月丁巳，渠州言禾一莖九穗。○二年十月辛丑，資州言禾一莖九穗。○三年七月癸酉，益州貢嘉穀一莖九穗圖。○紹興十四年八月，撫州臨川產瑞粟，一本十九穗，一本九穗，一本八穗，詔付史館。十二月朔，潼州獻嘉禾，一莖九穗者。○二十五年正月二日，瀘南獻嘉禾九穗。○景祐元年十月，成德軍言禾一本九穗。（並同上）孝武時新蔡縣獲嘉禾，一莖九穗。（齊書）

【嘉禾六穗】

相如封禪書，藁一莖六穗於庖。（藁瑞禾也）頌曰：「嘉穀六穗，我穡曷蓄；匪惟雨之，又潤澤之。」（史記）唐宣宗大中二年七月，福建觀察使殷儼進瑞粟十一莖，有五六穗。（代宗紀）

○考武大明元年，嘉禾生清暑殿鷓尾中，一莖六穗。（宋書）孝武時，固始縣進嘉禾，一莖六穗。（齊書）武德二年七月，益州獻嘉禾，一莖六穗。（玉海）

【嘉麥四穗】

晉武太康十年六月，嘉麥生扶風，一莖四穗。（宋志）開元九年五月，絳州奏瑞麥，七莖兩穗，一莖四穗。（唐書）

【嘉麥五穗】

正元三年閏五月戊午，陝虢李泌獻麥瑞一莖五穗。（舊唐書）皇祐三年五月辛亥，眉州彭山縣上瑞麥圖，一莖五穗者，數十本。（玉海）

【四星聚】

漢孝平帝元始四年，四星聚於柳張，各五日。（通志災祥略）後漢孝獻帝初平元年，四星聚於箕尾。○建安二十五年，四星又聚。○西晉懷帝永嘉六年，秋七月，四星聚於牛女之間。○孝

武帝太元十九年冬十月，四星合於氐。○安帝義熙三年春二月癸亥，土火金水聚於奎，從填歲也。○九年春二月壬辰，木火土金聚於東井，從星歲也。○後魏明帝永興四年春二月壬辰，火木土金聚於東井。○節閔帝普泰元年，冬十月甲寅，金火木土聚參鬚（並同上）。元帝壬申歲七月，四星聚於牽牛。（晉書）

【五星聚】

二十八宿，隨天左轉爲經，五星右旋爲緯。按春秋元命苞云：「文王之時，五星聚房。」（周禮大宗伯疏）（隋天文志云五星聚房啓姬王之肇迹，文選注云房蒼神之精，以周室木德故五星表木瑞）高帝元年冬十月，五星聚於東井。（漢本記）（按是年秦子嬰尙在本，以秦十月聚東井時人欲見漢德應天命故合而言之，史仍人言不改耳，應劭曰東井秦之分野，五星所在其下，當有聖人以義取天下，占見天下志金陵驗異錄云五星聚有三周將代殷，聚房桓將霸，聚箕漢高入秦，聚東井魚豢曰五星聚冀方而魏有天下）天寶九年，五星聚尾箕（會要）大歷三年七月，五星聚於東井（同上）乾德五年丁卯三月五日，五星如聯珠聚於奎（實錄）（按竇儼字望之，博物洽聞通音律歷數，盧多遜楊徽之爲諫官嘗謂之曰丁卯歲五星聚奎自此天下太平矣，二拾遺見之儼不見也已而果然）景德四年五星聚東井（同上）慶歷三年十一月壬辰，五星聚東方，占曰中國安寧。（宋志）

【嘉瓜異實同蒂】

安帝元初三年，東平陵有瓜，異處共生，八瓜同蒂。（宋志）晉太康三年，嘉瓜異體同蒂，生洛陽。○八年，嘉瓜二莖一實。○咸寧中，嘉瓜同蒂生成都。（並同上）正元中，越州嘉瓜二實同蒂。（玉海）宋祥符三年九月，鳳翔岐山有雙瓜共蒂之瑞。○天聖六年忻州二瓜同蒂。（並同上）

【木連理】

章帝元和中，木連理生郡國。（東漢紀）安帝元初三年正月，東平陵上言木連理。○延和三年，衛縣定陵縣木連理。○延光三年左馮翊有木連理。（並同上）晉武泰始元年，至太康十年，木連理二十八。（宋志）建和二年，河東木連理。（袁山松漢書）文帝嗣立爲魏王，是歲木連理。（魏略）武

帝咸寧三年，至太康元年，木連理八生。（干寶晉紀）建元元年，木連理四，膏山武昌汝陰汝陽。（晉中興祥徵記）泰興元年，又生武昌。（同上）延康元年，木連理。（玉海）黃初初，郡國二言木連理。○晉大興三年，木連理。○開寶五年三月，眉州木連理，六月和州木連理，俱畫圖獻。○興國二年，平陰縣木連理。○五年十月，資州二木合成連理。○九年，鳳翔木連理。○祥符三年十月，開封言尉氏木連理。○天聖元年，河陽木連理。○咸平二年，商州木連理。○祥符五年，瑞聖園槐杏連理，繪圖示輔臣。○九年，鄧州言木連理。（並同上）

【李木連理】

李木連理。（並同上）

【甘棠連理】

開元十一年，有連理甘棠，生於太原縣。又許州甘棠連理。（上官說進圖柳宗元有賀表）元豐三年，唐州甘棠木連理。○祥符九年，信州甘棠連理。（俱本紀）

【再熟稻】

開元十九年四月一日，揚州奏：稽生稻二百一十五頃，再熟稻一千八百頃，其粒常與稻無異。（會要）景祐元年十月，安州稻再熟。（玉海）至道二年十二月丙午，處州奏稻再熟。（同

上）

【竹一本兩歧】

以獻。（並同上）

景祐二年十一月，榮州奏言竹一本，上分兩歧。（玉海）天聖九年，永康軍青城生雙竹一本。○皇祐三年三月二十二日，召輔臣兩制館閣官，觀後苑瑞竹，其竹一本兩莖，爲退賦頌本。○按宋祁賦曰：梢紺蠶以儷修幹，綠玉而均直，旣內附以無外，蓋不孤而有德。

【天雨水銀】

隋文帝仁壽二年，宮中雨水銀花。（通志）四年，陝州又雨水銀。（同上）

【天開眼】

宋羊襲吉少時，忽見天開眼，其內雲霞繪錦樓閣，參差光明，下照山岳。後狀元及第。（曲襟溪

農桑要覽。明天順間，陝西陳鸞生一子啞，年十四，仰見天開眼。——上帝冕旒袍袂，端拱其中，儀衛甚衆。宮殿欄檻，炫彩耀目。其子亟拜，不覺聲出若鐘。後耕田，獲金獅一枚，遂大富。（同上）正德間，揚州有啞人，姓鄭，忽見空中紅光炳耀，仰視則天開眼也。隨拜隨喚，人觀不覺聲出。（七修類稿）

名勝

【馬鞍山】

馬鞍山，始皇時望氣者云：「南海有五色氣。」遂發卒千人，鑿以斷山之岡阜，今其山形如馬鞍，因以名之。（南越志）楚山一名馬鞍山。劉弘山簡，九日賞宴之所。（襄陽記）

【龍蟠虎踞】

蜀諸葛亮使於吳，謂大帝曰：「鍾山龍蟠，石城虎踞，真帝王所都也。」（樂史太平寰宇記）鹽亭縣負戴山，自劍門南來，過劍州，其山龍盤虎踞，起伏四百餘里，至此卻蹲。（同上）

【避秦】

晉太元中，武陵人捕魚爲業。（漁人姓黃名道真）緣溪行，忘路之遠近，忽逢桃花林，夾岸數百步，中無雜樹，芳草鮮美，落英繽紛。漁人甚異之，復前行，欲窮其林。林盡水源，便得一山，有小口，髣髴若有光，便捨船，從口入，初極狹，纔通人，復行數十步，豁然開朗，土地平曠，屋舍儼然，有良田美池桑竹之屬，阡陌交通，雞犬相聞。其間往來種作，男女衣着，悉如外人。黃髮垂髫，並怡然自樂。見漁人，乃大驚問所從來，具答之。便邀還家，設酒殺雞作食。村中聞有此人，咸來問訊。自云：「先世避秦時亂，率妻子邑人，來此絕境，不復出焉。遂與外人間隔。——問今是何世，乃不知有漢，無論魏晉。此人一一爲具言，所聞皆歎惋。（陶潛桃花源記）辰州府西北小西山，石穴中，舊有藏書千卷，相傳避秦人隱此。（沅陵山川志）寶慶府武岡上，有七十一峯，道書第六十九福地。昔盧侯二生，避秦於此。（寶慶山川志）長沙府有秦人三洞，茶陵洞有石門，不可入。但時聞鐘磬聲。世傳秦人避地於此。（長沙府志）永州華陽縣吳望山，秦人嘗避亂於此，舊名秦山。（永州山川志）

【絕境再訪迷路】

桃花源記漁人歸後，再訪迷路不得。（晉書）（事見前）宋時樵人逐鹿，入一石穴，豁然有邑，室宇連接，號小成都。樵人出，爲他人言之，相與再訪，不得路。（寰宇記）

【菊水多壽】

西陽鄖縣山中有甘谷，谷中皆菊花，墮水中，居人飲之多壽，有及一百五十餘歲者。（抱朴子）
豫章記云：「南陽有菊水，居其側者多壽。劉寬月致三十斛，水源芳菊被崖，故名。」（宗懷

荆楚歲時記）

【虎跑泉】

幕府山在金陵，西晉元帝初渡江，丞相王導建幕府其上，絕頂有虎跑泉。（廣輿記）
遠公與社賢遊此峯，虎跑石出泉，名虎跑泉。（廬山記）
性空禪師居大慈山，苦無水，忽有神人告曰：「明日常有水。」是夜二虎跑地作穴，泉水涌出，因號虎跑泉。（臨安新志）
（按東坡詩云：亭亭石塔東峯上，此老初來百神仰。虎移泉眼趁行脚，龍作浪花拱撫掌。至今游人灌漑罷，臥聽空階環玦響。故知此老如此泉，莫作人間去來想。）

【百花洲】

南昌府城東有百花洲，張澄建亭其上，扁曰「講武」，以習水軍。（豫章山川考）
姑蘇省盤之間，有百花洲。（蘇郡志）
潮州程鄉有百花洲。（潮州府志）

【千人石】

南昌寧州清水巖巖前巨石，可坐千人。（豫章山川考）
虎邱有千人石。（虎邱志）

【山有仙書】

嵩高山下有石室，名謨觴，內有仙書無數。昔仙人方回讀書於內，玉女進以飲食。（記事珠）
積石河北有層山，山甚靈秀，山峯之上，立石數百丈，亭亭傑豎，競秀爭高，望遠參參若攢圖之寄霄上。其下層岩峭舉，壁岸無階，懸岩之中，多石室焉。室中若有積卷矣，而世士罕有津逮者，因謂之積書岩。岩堂之內，時見神人往還，蓋鴻衣羽裳之士，鍊精餌食之夫耳。（水經注）
武陵記：天門山岩中有書數千卷，見而不可取。（廣博物志）
伏滔北征記：皇天場古陶穴，藏書二千餘卷。（同上）

【青草湖】

岳州府有青草湖，一名巴邱湖。北連洞庭，南接漢湘，東納汨羅之水。（岳州山川志）汀州府城東有青草湖，草色至冬常青。（汀州山川志）

【墨池】

武昌興國州鍾山上，有鍾繇墨池。（江夏山川考）撫州府學內，有右軍墨池。韓子蒼雜記，池中忽時水黑，謂之墨醜。見則士子應試者，得人必多，屢驗。（撫州古蹟記）金溪白水寺有墨池，相傳爲謝靈運滌硯處。（撫州山川考）府城東有唐僧懷素塔，懷素嘗於此草書，旁有墨池筆塚。（永州古蹟志）

【劍池】

瑞州府治，後圃有劍池，相傳仙人李八百淬劍於此。（瑞州山川考）虎邱有劍池。（虎邱志）豐城有劍池，卽雷煥得劍處。（南昌山川考）

【煙雨樓】

嘉禾南湖有煙雨樓，五代時所建。（嘉禾志）處州府有煙雨樓，宋范成大修。（處州府志）沔陽有煙雨樓。（本志）粵東韶州英德縣，有煙雨樓，志稱「千岩萬壑，一日可盡」。（廣輿記）

■ 災異

【天雨血】

三苗將亡，天雨血。（汲冢紀年）桀將亡，天雨血。（夏紀）紂在位以來，天雨肉，雨血於亳。（商紀）漢孝惠帝四年，雨血於宜陽一頃所。（本紀）孝哀帝建平四年，夏四月，山陽湖陵雨血，廣三尺，長五尺，大者如錢，小者如麻子。（通志）晉惠帝元康六年春三月，彭城呂縣有流血，東西百餘步。（宋志）永康元年春三月，尉氏雨血。（晉書五行志）北齊武成帝河清二年冬十二月，雨血於太原。（北齊書）後

主武平中，有血點地，自斛律明月宅至太廟。（通志）廣明元年，雨血於靖陵。（唐本紀）正統二年，正月朔，汗城雨血。（元順宗紀）

【日 鬪】

夏桀五十二歲，兩日鬥。（通鑑纂要）晉元帝太興四年，春二月，癸亥日鬥。（晉紀）乾符六年十一月丙辰，兩日並出而鬥。（唐本紀）後周武帝天和元年二月庚午，日鬥光遂微。（後周紀）嘉靖四十五年八月，兩日相鬥。（明史天文志）

【日中黑子】

建武四年三月，日中有黑子，著作佐郎郭璞上疏，以爲陰陽錯繆，皆繁刑所致，赦不欲數，然子產知鑄刑書，非政之善，不得不作者，以救弊故也。今之宜赦，理亦如之。（東晉紀）德祐二年二月，日中有黑子，大如鵝卵，相盪久之。（南宋紀）洪武三年五月，至十二月，日中屢有黑子。（本紀）萬曆四十六年夏四月，日中黑子，撫順失守，中外戒嚴。（明史本紀）

【六月隕霜】

桀將亡，六月霜降。（夏紀）梁武大同三年夏六月，青州胸山隕霜。（梁書本紀）

【兒在腹有聲】

孝武大明中，張暢爲會稽郡，妾懷孕，兒於腹中啼，聲聞於外，暢尋死。（宋人齋志）後廢帝元徽中，南東莞徐垣妻懷孕，兒在腹有聲。（同上）

【牛作人言】

晉武帝太康元年，幽州塞北，有死牛頭語，蓋牛禍也。（晉書五行志）晉惠帝太安中，江夏張騁所乘牛，言曰：「天下方亂，乘我何之？」騁懼而還。牛又言曰：「歸何蚤也？」（同上）

【日夜出】

三苗將亡，日夜出，晝日不出。（汲冢紀年）漢孝武帝建元二年，夏四月，戊申，有如日夜出。（通志）晉元帝太興元年，冬十一月乙卯，日夜出，高三丈，中有青赤珥。（同上）

【木 冰】

桀將亡，天雨木冰。（夏記）春秋魯成公十六年春，正月，雨木冰。（通志）魏文帝黃初六年，正月，雨木冰。（宋書五行志）晉元帝太興三年二月，辛未，雨木冰。○晉穆帝永和八年正月

乙巳，雨木冰。○晉孝武帝太元十四年十二月乙巳，雨木冰。（並同上）

【天 雨 冰】

夏桀雨冰。（通志）赧王十二年，齊地雨冰，廣者六尺。（廣博物志）漢桓帝時京師雨冰。○張駿太元元年，秋九月，雨冰片如纊。（並同上）（按京房云雨冰大疫）

【枉 矢】

桀將亡，枉矢流地。（世說）秦二世二年，項羽救鉅鹿，枉矢西流。（通志災祥略）晉惠帝永平四年，秋九月甲午，枉矢東北行竟天。○六年，夏六月丙午，夜有枉矢，自斗魁東南行。○光熙

元年，夏五月，枉矢西南流。○元帝太興三年，夏四月壬辰，枉矢出虛危，沒翼軫。○穆帝永和二年冬十二月，枉矢自東南，流自西北，其長竟天。○隋大業十二年，秋九月戊午，有枉矢二，出北斗魁，委曲蛇行，注於南斗。（並同上）（按枉矢類流星而色蒼黑蛇行望之如有毛日長數尺主反萌亦爲以亂伐亂星經云枉矢所觸天下所伐也）

【桑 生 忽 長】

伊陟相太戊，亳有祥桑穀，共生於朝。一暮大拱，太戊懼而修德，祥桑枯死。（史記）元康九年六月庚子，有桑生東宮西廂，日長尺餘，甲辰枯死。此與殷太戊同妖，太子不能悟，故至廢戮。（

晉書五行志）

【山 鳴】

殷紂將亡，河竭山鳴。（商紀）漢獻帝建安十八年中，長沙醴陵縣，有大山，常鳴如牛响，聲積數年。後豫章賊攻沒醴陵縣，殺略吏民。（後漢五行志）後魏宣武帝延昌三年，詔曰：「肆州

秀容郡，敷城縣，雁門郡，原平縣，並自去年四月已來，山鳴地震，於今不已。」（北魏記）

【天 雨 肉】

殷紂末年，天雨肉。（廣博物志）漢桓帝建和三年，秋七月，北地廉縣雨肉，似羊肋，或大如手。是時梁太后攝政，梁冀專權。（搜神記）晉愍帝建興元年，冬十二月，河東雨肉。（晉書本紀）

【天 雨 土】

殷紂時，十日，雨土於亳。（尚書中候）漢孝昭帝始元中，雨土晝昏。（西漢紀）後魏宣武帝景明四年，涼州雨土如霧。（後魏紀）後周宣帝大象二年，春正月，戊申，雨雪，又雨土。（後周

紀) 隋文帝開皇二年春二月庚子京師雨土。(隋紀) 文宗開成元年七月乙亥雨土。(唐本紀) 懿宗十四年三月癸巳雨土。○昭宗天復三年二月雨土。○天祐元年閏四月甲辰大風雨土。(俱同上)

【天雨灰】

商紂末年天雨灰。(通志) 梁武帝大同三年正月壬寅天雨灰黃色。(本紀)

【天雨石】

商紂末年天雨石皆如大甕。(尚書中候) 秦始皇二十年東郡隕石刻曰「始皇死而地分。」始皇盡誅石旁人燔其石。(史記) 漢孝惠帝三年隕石綿諸二。(本紀) 孝武帝征和四

年春二月隕石於雍二聲聞四百里。(本紀) 僖公十六年春隕石於宋五。(左傳) 孝元帝建昭元年春正月戊辰隕石梁國六。(後漢五行志) 成帝建始四年春正月隕石。○陽朔三年春三月壬戌隕石東郡八。○鴻嘉二年夏五月隕石杜郵三。○元延三年春三月隕石都關二。○孝哀帝建平元年春正月隕石北地十九年甲辰隕石虞二。○平帝元始二年夏六月隕石鉅鹿二自惠至平隕石凡十一皆有聲如雷。○後漢殤帝延平元年秋七月隕石陳留四。○孝桓帝延熹七年春三月隕石右扶風一又隕石鄠三。(並同上) 晉武帝太康五年夏五月丁巳隕石於溫及河陽各二。○六年春正月隕石於溫三。(宋志) 成帝咸和九年春正月隕石於涼州二。(晉紀) 穆帝升平元年春正月隕石於槐里一。(同上) 隋文帝開皇十七年隕石於長安滄陽間十餘。(通志) 張駿十年春正月隕石於破胡。(前涼錄) 魏武帝末年鄴中雨五色石。(述異記) 古今注曰「章帝建初四年五月戊寅隕陰石從天墜大如鐵鑽色黑下時聲如雷。」(後漢五行志注)

【井溢】

周昭王元年井水溢。(周紀) 漢成帝建始二年春三月北宮井水溢出。(漢成紀) 後漢孝桓帝建和元年夏六月郡國水涌井溢。(本紀) 晉孝惠帝元康八年夏五月金墉城井水溢。

(本紀) (按沈約宋志漢成帝時有此妖異班固以爲王莽之象及趙王倫篡位卽此應也倫廢帝於此城) 九年夏四月宮中井水沸溢。(通志) 陳後主貞明二年井涌。(本紀)

【日暈再重】

周幽王末年，日暈再重。（周紀）晉武帝泰始五年秋七月甲寅，日暈再重。（通志災祥略）

【日暈三重】

晉惠帝永康元年，春正月癸亥朔，日暈三重。（通志災祥略）後魏孝明帝正光五年春三月丁卯，日暈三重。（同上）

【日暈五重】

晉孝懷帝永嘉二年春二月癸卯，青黃暈五重。（通志災祥略）海西公太和六月日暈五重。（同上）

【星隕如雨】

周莊王十年夏四月，辛卯夜星隕如雨。（通志）漢成帝永始二年，春二月癸未，夜過中，星隕如雨。（同上）晉武帝泰始四年七月，星隕如雨。（晉五行志）太康九年八月壬子，星隕

如雨。（同上）梁武帝中大通四年秋九月甲辰，星隕如雨。（梁紀）

【天雨蝨】

春秋魯文公三年，雨蝨於宋。（通志）襄公二年雨蝨於江。（同上）

【狼入咸陽市】

秦惠王四年，狼入咸陽市。（劉向洪範傳）昭王六年狼入咸陽市。（同上）

【襲月】

秦胡亥立，日月薄蝕，山林淪亡，柱矢流光，熒惑襲月。（劉向說苑）慶忌勇猛之將，被要離謀殺，以劍自刎，感彗星襲月。（白帖）

【天裂】

漢惠帝二年，天開東北，長二十餘丈，廣十餘丈。（通志）成帝建始三年七月，夜有青黃白氣，長十餘丈，光明照地。或曰天裂，或曰天劍。（伏侯古今注）惠帝元康二年二月，天西北大裂。

按劉向說苑天裂陽不足，地裂陰有餘。是時人主昏替，后妃專制。（晉五行志）太安二年八月庚午，天中裂爲二，

無雲有聲如雷者三。○成帝咸和四年，天裂西北。○穆帝升平五年八月己卯夜，天中裂，廣三四丈，有聲如雷，野雉

皆鳴。（並同上）梁武帝天監十三年，春二月朔，震於西南，天如裂。（梁本紀）太清二年夏六月，天裂於西北，長

十丈，闊二丈，光出如電。冬十二月戊申，天西北裂，有光如火。（同上）陳後主至德元年，冬十二月戊午夜，天開自

西北至東南，其內有青黃雜色，隆隆若電聲。（通志）正德十一年七月，巴陵見天裂東南，長三丈。（明史天文志）嘉靖四十五年八月，華容見天裂。○隆慶二年八月甲辰，絳州見西北天裂，自丑至寅乃合。（並同上）

【日食三朝】

漢惠帝七年，正月朔，日有食之，谷永以爲正月朔日，是爲三朝。三始卽三朝也。（漢紀）哀帝元壽元年，正月旦日食。（本紀）宋文帝時日食三朝。（本紀）

【天狗】

漢文帝六年，秋八月，天狗下梁。○景帝三年秋，七月，天狗下。○哀帝建平元年，春正月，丁未，日出時，有著天白氣，廣如一疋布，長十餘丈，西南行，謹如雷，一刻而止。名曰天狗。○後漢獻帝初平四年，夏六月辛丑，天狗西北行。○晉穆帝升平四年冬，十月庚戌，天狗流於西南。○孝武帝大元十三年，閏月戊辰，天狗東北下有聲。○北齊孝昭帝皇建二年，天狗下晉陽。（並同上）崇禎九年冬，天狗見豫。（明史）十七年三月，天狗隕，尾長竟天。（同上）

【長星】

漢孝文帝八年夏，有長星出於東方。（本紀）孝武帝元狩四年夏，有長星出於西北。○後漢孝明帝永平八年夏六月壬午，長星出於柳張，三十七度，犯軒轅，刺天船，陵太微，氣至上階，凡見五十六日去。（並本紀）晉孝武帝太元二十一年，長星見，帝甚惡之，於華林園舉酒祝之曰：「長星勸汝一杯酒，自古何有萬歲天子耶？」（晉紀）恭帝元熙二年，夏四日，長星竟天。（本紀）齊東昏侯永元三年，春正月乙巳，長星見，互天。（南齊紀）梁武帝中大通五年，正春月己酉，長星見。（梁紀）隋煬帝大業三年春正月，有長星竟天，出於東壁，二句而止。（隋紀）

【蚩尤旗】

漢武帝建元六年，秋八月，長星出於東方，長互天，三十日去，占曰爲「蚩尤旗」。（通志）後漢獻帝初平二年，秋九月，蚩尤旗見，長十餘丈，色白，出角亢之南。○魏高貴鄉公正元元年冬，十月，白氣出南斗側，廣數丈，長互天。王肅曰：「蚩尤旗也。」○晉武帝咸寧四年，夏四月，蚩尤旗見於東井。（並同）

上)齊東昏侯永元三年,二月壬午,蚩尤旗見。(南齊紀)萬歷四十六年,九月乙卯,蚩尤旗見於東南。(明史)

【四月隕霜】

漢武元光四年四月,隕霜殺草。(通鑑)晉武帝咸寧九年四月,隕霜傷粟麥。(解頤新語)周幽王時,四月隕霜,小雅正月篇云:「正月繁霜。」毛傳云:「正月,夏之四月。」(宋志)武

帝太始九年,四月辛未,隕霜。(同上)武帝太康八年四月,隕霜傷麥。(晉紀)九年夏四月,隕霜傷麥。○十年夏四月,郡國八隕霜。○穆帝永和十一年四月,隕霜。(並同上)

【雹殺蜚鳥】

宣帝地節四年五月,山陽濟陰雨雹,大如雞子,深二尺五寸,殺二十人,蜚鳥皆死。(漢書)成帝河平二年四月,楚國雨雹,大如斧,蜚鳥皆死。(同上)

【天雨毛】

漢武帝天漢元年,春三月,天雨白毛。時征役繁興,戶口凋弊。(搜神記)天漢二年秋八月,天雨白毛。(漢紀)西晉武帝泰始八年,蜀地雨白毛。(宋志)隋文帝開皇六年,秋七月,乙丑

京師雨毛,如馬尾,長者二尺餘,短者有五六寸。(隋紀)元統二年三月,雨毛彰德路,如線而緣。民謠云:「天雨線,民起怨,中原地,事必變。」(元順帝紀)

【天雨魚】

漢孝武帝鴻嘉四年秋,雨魚,長五寸以下。(通志)成帝時,雨魚,時王氏專政。(搜神記)蜀李期末年,宮中雨魚,色黃,是年為李壽所殺。(十六國春秋)

【人生角】

漢景帝元年,九月,膠東下密人年七十餘,生角。角有毛,京房易傳曰:「冢宰專政,厭妖人生角。」五行志以為人不當生角,猶諸侯不敢舉兵,以向京師也。其後遂有七國之難。(搜神記)

晉武帝泰始五年,元城人年七十生角,殆趙王篡亂之應也。(同上)隋煬帝大業元年,雁門人房回安,母年百歲,額上生角長二寸。(集異志)

【黃霧四塞】

成帝建始元年,春正月,壬子,封舅諸吏,光祿大夫關內侯,王崇為安成侯,賜舅譚商立恨逢時,

母關內侯。夏四月，黃霧四塞，詔博問公卿大夫，楊興等以爲高祖之約，非功臣不侯。今太后諸弟，皆無功爲侯，外戚未曾有也，故天爲見異。於是大將軍鳳懼，上書乞骸骨，上優詔不許。（通鑑紀事本末）元璽六年，蔣幹遣劉猗、費傳、國璽詣晉求救，猗負璽私行數里，忽黃霧四塞，迷途不得進，乃還。易行璽始得去。（燕書）孝武泰元八年二月癸未，黃霧四塞。是時道子專政，親近佞人，朝綱方替。（晉五行志）明帝太寧元年正月癸巳，黃霧四塞。二月，又黃霧四塞。是時王敦擅權，謀逆愈甚。（同上）晉惠帝永康元年冬十月乙未，日闇黃霧四塞。（災祥略）崇禎十四年正月壬寅，黃霧四塞。（明史天文志）

【無雲而雷】

漢成帝元延元年夏四月丁酉，無雲有雷聲。（漢記）後漢獻帝初平三年夏五月丙申，無雲而雷。四年夏五月癸酉，無雲而雷。（後漢五行志）隋文帝開皇二十年春二月丁丑，無雲而雷。（隋本紀）晉惠帝太安二年八月庚午，無雲而雷。（晉紀）晉孝武帝太元十五年三月己酉朔，東北有聲如雷。按劉向說，以爲雷常託於雲，猶君託於臣，無雲而雷，此君不恤下，下民將畔之象也。及帝崩而天下漸亂，孫恩桓玄交陵京邑。（宋志）

【樹生人】

漢成帝永始元年，河南街郵樗樹生枝，如人頭，眉目鬚皆具。（漢五行志）哀帝建平三年，汝南西平遂陽鄉柱仆地，生枝如人形，身青黃色，面白，頭有鬚髮，長六寸一分。（同上）靈帝熹平中，有樗樹，暴長丈餘，大一圍，作胡人狀，頭目鬚髮皆具。京房易傳曰：「王德衰下，人將起，則有木人之狀。」（後漢志）中平中，長安空樹中有人面生鬚。（同上）南唐元宗溧水桑樹中，生一木人，長六寸，如僧狀，右袒右跪，衣械皆備。其黑如漆，可鑿，謂之須菩提。（陸勳集異記）晉劉曜時，陝城西明門內，大樹風吹折，經一宿，忽變爲人形，髮長一尺，鬚眉長三寸，皆黃白色，有斂手之狀，兩足皆備。（同上）明帝太寧元年九月，會稽剡縣木生如人面，是後王敦稱兵作逆，禍敗無成。（晉五行志）

【日死】

漢平帝河平元年春正月二日，日出如血無光。（後漢五行志）孝靈帝時，日數出，東方正赤，如血無光，高二丈餘，乃有景入西方，去地二丈，亦如之。（同上）宋武帝大明七年，冬十一月，日始出四五丈，色赤如血，無光不沒，四五丈亦如之，謂之日死。（通志）齊建元元年，冬十二月未時，日暈，色黃無光。二年閏月乙酉，日黃無光。四年冬十一月丙午，日黃色無光。○後魏孝文帝太和十一年冬，十一月丁亥，日失色無光。○孝明帝熙平元年，春三月丁丑，日出無光。（並同上）弘治十八年八月癸酉，至九月甲午，日色無光。（明史天文志）嘉靖元年正月丁卯，日色慘白，變青無光。○萬曆二十五年五月辛卯朔，日光轉盪，旋為黑餅。○崇禎十四年正月壬寅，日青無光。○十七年三月，日色無光兩旬。（並同上）

【陰爲陽下人爲上】

漢平帝元始元年朔，朔方女子趙春病死，既棺斂，六日出棺外，太守以聞，說曰：「至陰爲陽，下人爲上。」其後王莽篡位。（搜神記）獻帝初平中，長沙人，姓桓，死月餘，其母聞棺中有聲，發之，遂生。陰爲陽下人爲上，其後曹公由匹庶起。（讀漢書）

【門鳴】

王莽天鳳三年十月，王路朱鳥門鳴，晝夜不絕。（廣博物志）漢哀帝元壽元年，孝元廟殿門銅龜蛇鋪首鳴。（五行志）

【太白入月】

後漢孝明帝永平十五年冬十一月乙丑，太白入月中。（通志）晉元帝太興三年冬十二月己未，太白入月。○成帝咸康元年春二月乙未，太白入月。○六年春二月乙未，太白入月。（並同上）

同上）

【熒惑入月】

孝帝武太元十二年春二月戊寅，熒惑入月。（通志）十八年春正月乙酉，熒惑入月。（同上）安帝永初六年，河東池水變色，皆赤如血。（後漢書）漢安帝延平中，河東水化爲血。元初中，

【水變血】

潁州襄城水化爲血，不流。（古今注）吳諸葛恪將見誅，盟血水，吳侍者授衣，衣亦臭。（沈約宋志）晉武帝太康五年四月，任城魯國池水變赤如血。（晉紀）武后時來俊臣井水變赤如血，井中常有吁嗟之聲。（陸勳集異記）晉安帝元^四二年十月，錢塘臨平湖水赤如血。（宋志）陳後主禎明二年，夜中索飲，忽變爲血，又有血霑階。（本紀）劉聰僞建元二年正月，平陽地震，其崇明觀陷爲池，水赤如血。（晉五行志）齊東昏侯永元三年秋七月辛未，淮水變赤如血。（本紀）陳孝宣帝大建十四年秋七月，自建業至荊州，江水色赤如血。（陳本紀）後周宣帝大象元年，夏六月，咸陽有池水，變爲血。（通志）

【雌雞化爲雄】

魏明帝景初二年，延尉府中雌雞化爲雄。（晉五行志）元帝大興中，王敦鎮武昌，有雌雞化爲雄。○安帝隆安中琅邪王道子家，青雌雞化爲赤雄雞。○元興中，衡陽有雌雞化爲雄。

（並同上）

【槐樹自拔倒豎】

漢靈帝熹平五年冬十月壬午，御殿後槐樹自拔倒豎。（後漢志）中平五年冬十月壬午，御殿後槐樹自拔倒豎。（同上）

【生兒兩頭四臂】

漢靈帝光和二年，洛陽女子生兒，兩頭四臂。（後漢本紀）中平二年，洛陽民生兒兩頭四臂。（同上）

【生兒兩頭共身】

漢靈帝中平元年，洛陽女子生兒，兩頭共身。（本紀）四年六月，洛陽上西門外，劉倉妻生男，兩頭共身。（同上）建安中，女子生男兩頭共身。（後漢五行志）

【人死復生】

獻帝初平二年，長沙有人姓桓氏，死棺斂月餘，其母聞棺中聲，發之遂生。（後漢本紀）建安四年，武陵女子李娥，年六十餘，瘞於城中，有行人聞塚中有聲，告家人出之。（續漢志）（按

獻帝紀云武陵女子死十四日復活）吳景皇帝永安四年，安吳民陳焦死，埋之六日更生，復穿塚出。（吳志）魏

明帝太和二年，曹休部曲兵奚農女死，復生。（宋書）晉明帝太寧二年七月，丹陽江寧侯紀妻死，三日復生。（同上）貞元十一年十一月，翰林待詔戴少平死，十有六日而蘇。是歲宣州南陵縣丞李凝死，殯三十日而甦。（唐書）光啓元年，隰州溫泉民家有死者，既葬，且半月，行人聞聲，呼地下，其家發之，遂生。（同上）

【燕生鷹】

黃初末，宮中有燕生鷹，口爪俱赤，此與商紂宋隱同象。（沈約宋志羽蟲之孽）景初元年，有燕生鉅，斲於衛國涓桃里李蓋家，形若鷹，吻似燕，高堂隆曰：「此魏室之大異，宜防鷹揚之臣，於蕭牆之內。」其後晉宣王起，遂有魏室。（同上）

【彗星竟天】

高貴鄉公正光二年春正月，彗星見於吳楚分，西北竟天。（通志）齊和帝中興元年，彗星竟天。（同上）
評曰：彗亦不勝書也。彗竟天，彗其甚者耳。

【赤雪】

晉太康七年十一月，河陰降赤雪二頃。（五行志）河北降赤雪，河東地震五六年不止。孫甫時爲右正，言推洪範五行傳及前代變驗上疏。（宋史孫甫傳）

【地中得雌雄犬】

惠帝元康中，吳郡婁縣人家聞地中有犬子聲，掘之得雌雄各一，還置窟中，覆以磨石，經宿失所在。（晉五行志）輔國將軍孫無終家於暨陽，地中聞犬子聲，尋而地坼，有二犬子，皆白色，一雄一雌。取而養之，皆死。後無終爲桓溫所滅。（同上）

【日中飛燕】

晉惠帝元康九年正月，日中有若飛燕者，數日乃消。王隱以爲惑懷廢死之徵。（晉五行志）孝懷帝永嘉五年三月庚申，日散光如血下流，所照皆赤，日中有若飛燕者。（同上）

【日光四散赤如血】

晉惠帝光熙元年夏五月壬辰癸巳，日光四散，赤如流血，照地皆赤。甲午又如之。（晉本紀）懷帝永嘉五年春三月庚申，日散光如血，下流所照皆赤。（災祥略）隋

煬帝大業十三年，冬十一月辛酉，日光四散，如流血。（隋本紀）

【豕八石】

晉元帝建武元年，有豕生八足。（宋志豕禍）晉孝武帝太元十年四月，京都有豕一頭，二身八足。十三年，京都民家家產子，一頭二身八足。（同上）

【水中有火】

晉穆帝昇平三年，春二月，涼州城東池水中有火。（通志）四年夏四月，姑藏澤水中又有火。（同上）

【雹如斗】

石遵襲位，鄴中暴風雨，震雷雨雹如斗。（歷代紀）永初三年夏，河西縣大雨雹，皆杯棬，大者如斗。（孔叢子）延光二年，河西大雨雹如斗。（後漢書）獻帝初平四年六月，右扶風雹如

斗。（後漢五行志）

【日中鳥見】

晉穆帝永和八年，日中有三足鳥，見五日乃止。（東晉紀）後周武帝天和元年，春二月庚午，日中見鳥。（後周紀）宣帝大象元年，春二月癸未，日將及入時，其中並有鳥見，大如雞卵，經

四日乃滅。（後周本紀）

【妻見夫失頭】

北齊爾朱世隆爲尙書令，嘗晝寢。其妻奚氏，忽見一人，持世隆首去。奚驚怖，就視而寢如故。不久被誅。（陸勳集異記）謝文靜於後府接賓，婦劉氏見狗啣謝頭來，久乃失所在。婦具

說之，謝容無異色，是月薨。（同上）

【掘石有字】

甘露事敗，王幡舉家皆死。初璠在浙西繕城壕，掘得一石，上有字曰「山有石，石有玉，玉有瑕，卽休休。」一老人解曰：「此石非尙書吉兆也。尙書祖名崑，生礎，是山有石也。礎生尙書，是石

有玉也。尙書之子名瑕，休，休絕也。庸作吉徵。」果赤族。（舊唐書）唐虔山刺史王哲，在平原里治第，掘得一石，朱書曰：「修此不吉。」其月哲卒。（酉陽雜俎）

【白芝兆禍】

政和中，宗室士頓所居鈍軒，忽生白芝數本於梁棟上。賓客歌詠，以為和氣所致。次年，士頓死。（宣政雜錄）王黼賜第，有白芝生於正寢。又一本在廳事壁間。六年而黼誅。（史學璧珠）

【雀生鷓】

毫有雀生鷓，占之曰：「以小生大，威振名昌。」紂益愈輕肆，棄耆舊貴戚大臣，商容微子之徒不用，而用飛廉惡來，以至於亡。（大紀）宋康王時，有雀生鷓於城之陬，使史占曰：「小而生

巨，必霸天下。」康王大喜，於是滅滕伐薛，取淮北之地，乃愈自信，欲霸之，亟成，故射天笞地，斬社稷而焚之，曰：「威嚴伏天地鬼神。」罵國老之諫者為無頭之棺，以示有勇。剖偃者之背，鏗朝涉之脛，而國人大駭。齊聞而伐之，民散城不可守，王乃逃兒侯之館，遂得病而死。（新序）

聞奇

【食 龍】

夏帝孔甲之世，天降乖龍，河漢各二龍。有雌雄。時有劉累學擾龍於豢龍氏，事孔甲，能飲食之，賜氏曰「御龍」。以更豕韋之後，龍一雌死，潛醢以進。夏后饗之美，既而復求之。累懼，遷於魯縣。（廣博物志）張華食鮮，知為龍肉，坐客未信。華曰：「以洒沃之，常有異。」漬以洒，果有五色氣浮起。（白帖）

【通淫塚屍】

赤眉發掘諸陵，取寶貨，汚辱呂后。凡有玉匣者，皆如生。故赤眉多行淫穢。（范曄後漢書）漢桓帝馮夫人病亡，靈帝時，有盜賊發其塚，七十餘年，顏色如故。但小冷，共姦通之，至鬥爭相殺。

（列異傳）

【無 鬼 論】

開元時，有崔尙者，著無鬼論，詞甚有理。既成，將進之，忽有道士詣門求見其論。讀竟，謂尙曰：「詞理甚工。然天地之間，若云無鬼，此謬矣。」尙謂何以言之？道士曰：「我則鬼也。豈可謂無？若

若進本當爲諸鬼神所殺。不如焚之。」因爾不見，竟失其本。（玄怪錄）宗岱爲青州刺史，禁淫祀，著無鬼論，甚精。無能屈者。鄰州咸化之後，有一書生，葛巾修刺，詣岱與之談甚久。岱理未屈，辭或未暢，書生輒爲申之。次及無鬼論，便苦難信。岱理欲屈，書生乃振衣而起曰：「君絕我輩血食二十餘年，君有青牛髯奴，未得相困耳。今奴已叛，牛已死，即日得相制矣。」言絕，遂失書生。及明日，而岱亡。（雜語）阮瞻素乘無鬼論。一日有客詣之，寒溫未及，鬼神事反復甚苦。客遂屈之，乃作色曰：「鬼神古今聖賢所共傳，君何獨言無？」即變爲異形，須臾便滅。阮嘿然，色大惡，年餘病死。（幽冥錄）吳興施續有門生，嘗乘無鬼論。忽有一單衣白袷客，與共語，遂及鬼神。移日，客詞屈，乃曰：「君詞巧而理不足。僕即是鬼，何以云無？」問鬼何以來，答曰：「受使來取君期盡。」明日食時，門生請喫酸苦。鬼問有人似君者否？云：「施續帳下都督與僕相似。」便與俱往，與都督對坐。鬼手中出一鐵鑿，可尺餘，安着都督頭，便舉椎打之。都督云：「頭覺微痛。」向來轉劇，食頃便亡。（搜神記）

【野葛藥鬼】

他在下口居，忽有一鬼來往劉家。初因開髮髻，見形如人，著白布袴。自爾後數日一來，不復隱形，便不去。喜偷食，不以爲患，然且難之。初不敢呵罵。吉翼子者，強梁不信鬼。至劉家，謂主人：「卿家鬼何在？嗔擊今爲卿罵之。」即聞屋梁作聲。時大有客，共仰觀，便紛紜擲一物下，正著翼子面，視之乃主人家婦女褻衣，惡齿著焉。衆共大笑爲樂。吉大慚，洗面而去。有人語劉，此鬼偷食，乃食盡必有形之物，可以毒藥中之。劉卽於他家著治，爲取二升汁密齋，還向後，令作糜，着於几上，以盆覆之。後聞鬼外來，發盆取糜，既喫，擲破甌出去。須臾，聞在屋頭吐，嗔怒非常，便棒打窗戶。劉先已防備，與鬥，亦不敢入戶。至四更中，遂絕。（續搜神記）安帝義熙中，劉遁母憂在家，常有一鬼來往。遁家搬徙，床几傾覆器物，歌哭罵詈，好道人之陰私，僕役不敢爲罪。遁令弟守屋，見繩繫弟頭，懸著屋梁，狼狽下之。因失魂踰月，乃瘥。遁每饜欲熟，輒失之。乃密市野葛，煮作糜。鬼復竊而食之，於屋北，乃聞吐聲，從此寂滅。故世傳劉遁藥鬼。（廣古今五行記）（愚以爲此二則皆狐非鬼也，鬼無形，豈有在屋角

者乎斃之者以備藥狐之用也

【祖先不饗過繼子食】

汝南周翁仲初爲太尉掾，婦產男，及爲北海相，吏周光能見鬼，署爲主簿，使還致敬於本郡縣，因告之曰：「事訖，臘日可與小兒俱侍祠。」主簿事訖還，翁仲問之，對曰：「但見屠人弊衣蠶髻而踞神坐，持刀割肉，有衣冠青墨綬數人，彷徨堂東西廂不進，不知何故？」翁仲因持劍上堂，謂嫗曰：「汝何故養此子？」嫗大怒曰：「君常言兒體貌聲氣，喜學似我，今老翁欲死，作爲狂語？」翁仲具告之，祠祭如此，不具服。子母立截，嫗涕泣言昔以年長無男，不自安，實以女易屠者之男，畀錢一萬，此子年已十八，遣歸其家，迎其女，已嫁賣餅者爲妻，後適西平李文思，官至南陽太守。（風俗通）晉昇平元年，剡縣陳素家富，娶婦十年，無兒，夫欲娶妾，婦禱祠神明，忽然有身，鄰家小人婦，亦同有，因貨鄰婦云：「我若生男，天願也，若是女，汝是男者，當交易之。」便共相許，未幾，鄰婦生男，此婦後三日生女，便交取之，素忻喜，養至十三，當祠祀，家有老婢，素見鬼，云：「見府君家先人來至門首，便住，見一羣小人來座所食噉此祭。」父甚疑怪，便迎見鬼人，至祠時，轉令看，言語皆同，素便入問婦，婦懼，且說言此事，還男本家，喚女歸。（幽明錄）

【吐金】

晉陵薛願有虹，飲其釜，澳噏響便竭，願登酒灌之，隨投隨吸，須臾連唾，皆黃金滿器。（異苑）

【鐵券分界】

鄂社縣渡口，有黃衣人，登舟及岸，連吐舟中而去，視其唾，皆精金也。（述異記）

【外嬖內亂】

婁敬爲高車使者，持節至匈奴，與分地界，作丹書，曰：「自海以南，冠蓋之士處焉，自海以北，控絃之士處焉。」（三輔故事）愍帝在關中，與氏羌，鐵券誓不相侵。（晉中興書）

光愛幸監奴馮子都，常與計事，及顯寡居，與子都亂。（漢書霍光傳）冀愛監奴秦宮，官至太倉令，得出入冀妻孫壽所，壽見宮輒屏御者，託以言事，因與私焉。宮內外兼寵，威權大振。（後

漢書梁冀傳）

【日中無影】

周昭王二十四年，東甌獻二女，曰延娟、延嫫。此二人辨口麗辭巧，善歌笑，步履無形，行日中無影。及王遊漢水，二女夾擁王身同溺。後人立祠江湄，恆見王與二女乘舟戲於水際。（拾遺記）

（玄俗住河間已數百年，鄉人言常見之日中無影。河間令召視之，果驗，遂以女妻之。）（神仙傳）梁武帝身映日無影。（南史）柳州曹泰，年八十五，偶少妻，生子，日中無影，年七十方卒。（唐張鷟耳日記）韓衆終丹法，漆蜜和丹煎之，服可延年，久視日中無影。（抱朴子）溟海之北，勃鞞之國，人衣羽毛，無翼而飛，日中無影。（拾遺記）

【樹影不移】

高祖在襁褓之時，母置放其莊柏樹之陰，而往餉田。比及餉回，日斜而樹影不移。（玉堂閑話）宋祖太微時，往鳳翔，謁節度使王彥才，得錢數千，遂過原州，臥於日間，而樹陰覆之不移，謂

之龍泉水。（雞肋）

【龍卵】

孝通廟在臨江府新塗縣，相傳秦時有溫媪，經程溪得巨卵，藏於家，生七龍，放之江。媪或至江口，龍輒獻嘉魚，若奉養然。媪死，葬程溪。將圯，一夕雷電遷之高岡。鄉人爲立祠。唐賜額曰「孝通」。（江西通志）州有小珠山，雙峯嵯峨，高入雲際。正隆三年秋，雨民行山間，見一卵在地，可盛粟。二石斑爛，有光彩。民刈葛藟，昇以歸。數少年攫去，卽煮食之。旬日颶風大作，居者百餘家，皆掀舉躋於山顛。食卵者悉撲殺之。老幼千計，皆無恙。始知爲龍卵也。（膠州志）天聖中，近輔獻龍卵，云得自大河中。詔遣中人送潤州金山寺，匿藏之。是歲大水，金山廬舍爲水所漂者數十間，人皆以爲龍卵所致。至今匿藏。予屢見之，形數色理，俱似雜卵。大若五升囊，舉之至輕，惟空殼耳。（夢溪筆談）成化五年六月，河決杏花村，有一卵，浮於河，大如人首，下銳上圓，質青白，微具五色。又多鰲點。漁者得之，守河者以十疋布易焉。以手撼之，中汨汨作聲，水也。又甚重，氣暖而潤澤。或曰龍卵。吾聞龍有胎，未聞卵生。或曰「蛇亦卵生，此其類也。」占法，江湖見龍卵，主大水。卵送開封府，皆懼不敢收。守與判相卻之，聞墜破，中惟水而已。（懸筭瑣瑢）成化中，河南省下有漁人，得一龍卵於黃河邊泊中。大容三升許。一商以

數正布易之，遂於官，置於延慶觀。時周斌知開封，命擊破之，中包碧水，餘無所有。數日，復大風揚沙，黑雲自觀中起，勢甚猛。庭前有兩樹，都司前一大樹，皆拔去。左政章繪宅，有樓去其半。有一大銅盆，亦從空飛去。（紀略）嘉靖六年，通州西北海嘯，平地水高丈餘，漂沒不可勝計。三日水退，海濱遺一卵甚巨，鄉民朱鶴等曳之上岸，滑堅如玉，令石工鑿之，厚尺二，黃白與雞卵同。其狼藉者，每人尙得一二担，以油煮之，味甚美。知州某取其殼以盛水，日久不變。水汎至殼口，而不溢。一殼在朱鶴家，後鬻於山西鹽商，得銀半鎰，終不識爲何物。伊州語錄云：「常有穿地得卵，寄於金山寺，龍能湧水入寺取卵，更一等龍也。」（說圃識餘）

【佛髮】

滑屋南沙嘴立一塔，塔中安佛，髮長及二丈，有奇。拳爲巨螺，其大如容數升物之器，髮之色，非無礙。（昨夢錄）月支國有佛髮，盛以琉璃甕。（異苑）梁大同五年，扶南國遣使獻生犀，因言其國有佛髮，長一丈二尺。帝詔遣沙門釋曇寶，隨使往迎致之。先是三年，帝改造阿育王佛塔，出舊塔下舍利及佛爪髮，髮青紺色，衆僧以手伸之，隨手長短，放之則旋屈如蠶形。按僧伽經云：「佛髮輕而細，如藕莖絲。」又三昧經云：「我昔在宮沐頭，以尺量髮，長一丈二尺。放已右旋，還成蠶文，則與帝所得同也。」（南史）

■ 雜志

【墮深谷中乘龍以出】

京兆韋氏，名家女也。適武昌孟氏。唐大曆末，孟與妻弟韋生同選，韋生授楊子縣尉，孟授閩州錄事參軍，分路之官。韋氏從夫入蜀，路不通車輿，韋氏乘馬從夫，至駱谷口中，忽然馬驚墮於岸下數百丈，視之杳黑，無入路。孟生悲號，一家慟哭，無如之何。遂設祭服喪，捨去。韋氏至下墜，約數丈，枯葉之上，體無所損。初似悶絕，少頃而甦。經一日，飢甚，遂取木葉裹雪而食。傍視有一巖罅，不知深淺。

仰視處如大井焉。分當死矣，忽於岩谷中見光一點如燈。後更漸大，乃有二馬漸近，是龍目也。韋懼甚，負石壁而立。此龍漸出，可長五六丈。至穴邊，騰孔而出。頃又見雙眼，復是一龍，欲出。韋氏自度必死，寧爲龍所害，候龍將出，遂抱龍跨之。龍亦不顧，直躍穴外，遂騰於空。韋氏不敢下顧，任龍所之。如半日許，意疑已過萬里，試開眼下視，此龍漸低。又見江海及草木，其地度四五丈，恐負入江，遂放身自墜，落於深草之上。良久乃甦。韋氏不食，已經三四日矣。氣力漸憊，徐徐而行。遇一漁翁，驚非其人。韋氏問此何所，漁翁曰：「此揚子縣。」韋氏私喜曰：「去縣幾里？」曰：「二十里。」韋氏具述其由，兼飢渴。漁翁甚異之，舟中有茶粥飲食之物，與嘗之。韋氏問曰：「此縣韋少府到否？」漁翁曰：「不知到未。」韋氏曰：「某卽韋少府之姊也，倘爲載去，至縣當厚相報。」漁翁與載至縣門。韋少府已上任數日矣。韋氏至門遣報，孟家十三姊。韋生不信曰：「十三姊隨孟郎入蜀，那忽來此？」韋氏令具說此由。韋生雖驚，亦未深信。出見之，其姊號哭，語其述厄，顏色痿痺，殆不可言。乃舍之將息。詩亦平復。韋生終有所疑。後數日，蜀中囚問至。韋生意乃豁然。方更悲喜，追酬漁翁二十千，遣人送姊入蜀。孟氏悲喜無極。後數十年，韋氏表弟裴綱，貞元中猶爲洪州高安尉，自說其事。（原化記）貞元十二年，趙齊嵩選授成都縣尉，收拾行李，兼及僕從，負劊以行，欲以赴任。然棧道甚險而狹，常以馬鞭拂小樹枝，遂被鞭梢繳樹，猝不可脫。馬又不住，遂墜焉。枝葉軟不能礙，挽直至谷底，而無所損。視上直千餘仞，旁無他路，分死而已。所從僕輩無計，遂聞於官而歸。趙子進退無路，墜之翌日，忽聞雷聲，殷殷乃知天欲雨。須臾石窟中雲氣相旋而出，俄而隨雲有巨赤斑蛇，粗合拱，鱗甲煥然，擺頭而雙角出，搖身而四足生，奮迅鬚鬣，搖動首尾，乃知龍也。趙生自念曰：「我住亦死，乘龍亦死，寧出而死。」遂攀龍尾而附其身。龍乘雲直上，不知幾千仞。趙盡力而攀之，既而至中天，施體而行。趙方能跨之，因歎曰：「必死於此矣！」南視見雲水一色，乃南海也。趙又歎曰：「今日不葬於山，卒於泉矣！」而龍將到海，飛行漸低，去海一二百步。趙捨龍而投諸地。海岸素有蘆葦，雖墮而靡有所傷。半日乃行，路逢人問之，曰：「清遠縣也。」然至於縣，且無伴從，憑據人不之信，不得已，繼

維迺邇，以至長安。月餘日，達舍家。內始作三七齋僧徒大集。忽見趙生至，皆驚恐奔曰：「魂來歸！」趙生當門而坐，妻孥輩亦恐其有復生，云：「請於日行，看有影否？」趙生怒其家人之詐恐，不肯於日行。疎親曰：「若不肯日中行，必是鬼也。」見趙生言，猶云：「乃鬼語耳！」良久，自敘其事，方大喜。行於危險乘騎者，可以為戒也。（太平廣記）

【登聞鼓】

泰始五年六月，西平人麴路伐登聞鼓，言多祿謗。（晉書武紀）劉繇等執黃幡，搗登聞鼓，上言。（衛瓘傳）世祖闕左懸登聞鼓，以達冤人。（後魏書）神龜四年十月，闕右置登聞鼓，以

納諫。（通鑑）顯慶五年八月，有人賣鼓於朝堂，訴上令東都置登聞鼓。嘉石西京亦然。（唐會要）大明宮東朝堂置石，西朝堂置登聞鼓。（六典）垂拱元年二月，勅朝堂登聞鼓，肺石不須防守，令御史臺受狀為奏。（玉海）大曆十四年六月，朝堂別置三司，決庶獄辨爭者，輒擊登聞鼓，請上疏，於是悉歸有司。（唐書裴諝傳）宋國初，曰鼓司。景德四年五月，改登聞鼓院。（玉海）

【銅鼓】

援好騎，善別名馬，於交趾得駱越銅鼓，鑄為馬式。（後漢書馬援傳）（註裴氏廣州記曰：狸獠鑄銅為鼓，唯高大為貴，而闊丈餘，初成懸於庭，尅晨置酒招致同類來者，盈門豪富子女

以金銀為大斂，執以叩鼓，畢留遣主人）建武二十四年，南郡獻銅鼓，有銘。（虞書志秋）天竺伎有銅鼓。（唐志）赫連鑄銅為大鼓，以金飾之。（水經注）乾德四年四月辛亥，南蠻進銅鼓，以請內附。○七月丁丑，溪州刺史田思遷以銅鼓來貢。○興國三年五月丁亥，廣州獻銅鼓一。○淳化元年七月，南丹州刺史洪皓貢銅鼓三。○景德元年四月癸酉，象州貢銅鼓，高一尺八寸，闊二尺五寸，旁有四耳，銜環鏤入，騎花蛤，推之有聲。（並玉海）

【釣臺】

南皮縣有釣臺，相傳姜太公釣魚東海上。（輿地記）富春山清麗奇絕，號錦峯繡嶺，前臨大江，上有嚴子陵釣臺（同上）池陽古蹟，有昭明太子釣臺。○袁州府城東震山，其下岩壑深

秀，唐彭雲隱釣於此。郡守嘉其行誼，名其岩曰詔君釣臺。（袁州山川記）

黃袍被體

遼主入寇，漢太后命郭威將大軍擊之。十二月，威發大梁，館於澶州。癸丑旦，將發，將士數千人，忽大譟，威命閉門，將士踰垣發屋而入曰：「天子須侍中自爲之，將士已與劉氏爲仇，不可立也。」或裂黃旗以被威體，共扶抱之，呼萬歲震地。因雍威南行，威乃上太后箋，請奉漢宗廟，事太后爲母。己未，太后詔廢贇爲湘陰公，以侍中威蓋國，百官藩鎮相繼上表勸進。（五代漢鑑）庚申，周恭帝元年，春正月朔辛丑，周使趙匡胤帥師禦漢。至陳橋，匡胤自立而還。初，鎮定二州言遼北漢連兵入寇，周主遣殿前都點檢趙匡胤率禁兵禦之。癸卯，發汴京殿前散指揮使苗訓，善觀天文，見日下復有一日，黑光摩盪者久之。指示楚昭輔曰：「此天命也。」是夕次陳橋驛。（在開封府）都指揮使石守信等相與謀曰：「主上幼弱，我輩出死力破敵，誰則知之？不如先立點檢爲天子，然後北征。」都押衙李處耘具以事白都知匡義及歸德掌書記趙普。匡義普共以事理譬曉之，諸將不可。甲辰，黎明，軍士擐甲執兵，直逼寢所曰：「諸將無主，願策太尉爲天子。」匡胤驚起，披衣未及對，黃袍已加身矣。衆即羅拜，呼萬歲。掖之上馬，擁逼還汴。匡義進曰：「夫濟天下者，當使百姓戴若父母，京師天下根本，願號令諸將，禁戢攘奪。」匡胤曰：「甚善。」乃攬轡誓諸將曰：「汝等自貪富貴，立我爲天子，能從我命則可，不然不能爲若主。」皆下馬曰：「願受命。」匡胤曰：「太后主上，我北面事者，不得驚犯公卿，皆我比肩，不得侵陵。朝市府庫，不得侵掠。用命有重賞，不然當族誅。」皆應曰：「諾。」遂肅隊而行。自仁和門入，秋毫無犯。（綱鑑）

評曰：周祖誠逼於擁戴，未免有虧臣節，故再傳而宋祖蹈之。雖杯酒以釋兵權，永絕擁戴之風，唯取之於寡婦孤兒，失諸太忍。所以崖山之禍，仍以太祖子孫當之。天道好還，豈不信然！

還妾生貴子

馬涓父，中年無子，置一妾，極姝麗。每理髮，見涓父至，必引避，如有沮喪之狀。公怪問之，對曰：「某父本守某官，不幸死去，家甚遠，無力可歸，故鬻某。今猶未卒，約髮者，實素帛，暫以絳綵蒙其上，不欲公見，初無他也。公爲惻然，即日訪其母還之，且厚有資助。是夕夢一羽衣士語公曰：「天賜爾子，慶

流涓涓。明年果生男，因名涓。後狀元及第。（本傳）詔父爲郡小吏，給事通判廳，勤謹無失。夫妻俱近五十，無子，其妻資遣之，往臨安置妾。既得妾，察之有憂色，且以麻束髮，外綵飾，問之，泣曰：「妾故趙知府女也。家四川，父歿家貧，故鬻妾以爲歸葬計耳。」公卽送還之，其母泣曰：「聘財且用破，將何以酬？」曰：「賤吏不敢辱娘子，聘財盡以相奉。」且聞其家尙不給，復以囊中營與之，遂獨。妻迎問之，曰：「妾安在？」告以故，且曰：「吾思之，無子命也。吾與汝周旋久，若有子，汝豈不育，必待他婦人哉？」妻亦喜曰：「君設心如此，行當有子矣。」明年，遂生韶。紹定元年，韶拜參知政事。（宋史袁韶傳）

【鼠啣試卷】

李昭嘏舉進士，不第。登科年，已有主司，並無薦託之地。主司晝寢，忽寤見一卷軸，在枕前。看其題乃「昭嘏之卷」。令送于架上，復寢。暗視有一大鼠，啣卷軸，復送枕前。如此再三。昭嘏來春及第，主司問其故，乃三世不畜貓，皆云鼠報。（聞奇錄）嘉靖庚子科第八十三名舉人顏芳，其硃卷已爲房考抹擲案下矣。忽又在案上，再擲去，又復雜所取卷中。房考心訝之，因再擲而假寐，伺之，則羣鼠共抱，自地而置之案也。因取以中式。出闈後，詢芳曰：「爾家必有陰德，不然何以鼠爲拖卷若此？」芳對曰：「不省有何陰德，第三世來戒不畜貓耳。」（客坐贅語）

【丹脂效粧】

吳孫和悅鄧夫人，嘗置膝上和弄水晶如意，誤傷夫人頰，血汚袴帶。醫者曰：「得白獺髓雜玉琥珀屑，當滅痕。」及差，有赤點，更益其妍。諸嬖人爭以丹脂點頰，以要寵。（張沁粧樓記）薛夜來初入魏宮，一夕，文帝在燈下詠，以水晶七尺屏風障之。夜來至，不覺面觸屏上，傷處如曉霞將散。自是宮人俱用丹脂做畫，名曉霞粧。（採蘭雜記）

【遺命不得請謚立碑】

范質自愧忘周事，遺命不請謚立碑。（本傳）許衡自愧背宋臣，遺命勿請謚立碑。（元史）

【三字獄】

秦檜矯詔遣使召飛父子，下大理寺獄，命中丞何鑄、大理卿周三畏鞠之。鑄引飛至，庭詰其反狀。飛裂裳以背示有舊痕，洎「盡忠報國」四大字，深入膚理。既而閱實無驗。鑄察其冤，白之檜。檜曰：「此上意也。」鑄曰：「鑄豈區區爲一岳飛者強敵未禡，無故戮一大將，失士卒心，非社稷之長計！」檜乃改命万俟卨、高素與飛有怨，遂誣飛，令子致書張憲、王貴，令虛申報，以動朝廷。雲與憲書，令措置使飛還軍。且云：「書已焚。飛坐繫兩月，無可證者。時大理卿薛仁輔等皆言飛無辜，判宗正寺王儼請以百口保飛無他。且曰：『中原未靖，禍及忠義，是忘二聖，不欲復中原也。』皆不聽。韓世忠心不平，詰其實。檜曰：『飛子雲與張憲書，雖不明其事體，莫須有……』」世忠曰：「莫須有三字，何以服天下也！」（宋綱目）方上之復辟也，有貞、嘖言官以迎立。外藩議劾，王文且誣于謙下獄，所司勘之，無驗。金牌符赦，見在禁中。有貞曰：「雖無顯跡，意有之。」法司蕭維禎附有貞輩，遂以此成獄。（明史）

【毀壁得書】

河內女子毀李耳之宅，於垣壁中得古文科斗書。（漢書）魯恭王壞孔子舊宅，以廣其居。於壁中得先人所藏虞夏商周之書。（尚書序）

【子婦美自取】

衛宣公蒞夷姜，生伋，爲娶齊女，宣公聞其美，欲納之，恐其不從，故于河上作新臺，而要之。邶風爲賦新臺之篇。（詩疏）楚平王求秦女爲太子建妻，至國，女好而自娶之。（史記秦本紀）唐玄宗天寶三載，初武惠妃薨，上悼念不已。後宮數千，無當意者。或言壽王妃楊氏之美，絕世無雙。上見而悅之，乃令妃自以其意乞爲女。冠號太真，更爲壽王娶左衛郎將韋昭訓女，潛納太真宮中。太真肌態豐豔，曉音律，性警穎，善承迎上意。不期歲，寵遇如惠妃。宮中號曰娘子。凡儀禮，皆如皇后。（通鑑紀事本末）

【鑄銅人】

秦始皇收天下兵，聚之咸陽，銷以爲鐘，鑄金人十二，重各千石，置宮庭中。（史記）魏明帝景初元年，發銅鑄爲巨人二，號曰「翁仲」，置之司馬門外。（本紀）漢靈帝中平三年，使掖庭

令畢風鑄山人四，列于蒼龍玄武闕外。（後漢本紀）

【凶宅得金】

魏郡陳應買一宅，舉家疾病。因轉售何文，文獨持大刀，暮入中堂，夜分梁間有一人，長丈餘，高衣冠是誰？答曰：「金也在西壁下。」問：「君是誰？」答曰：「我杵也，今在竈下。」文掘得金三百觔，燒去杵。由是大富，宅遂清靜。（合璧事類）壽州大將趙璘，本州有凶宅，人莫敢居。璘輒居之，獨據中堂，夜有物推床曰：「我等在此已久，爲君所壓，甚不快，君可速去。」鬼乃相與移其床于庭下。璘亦安寢，明日于置床處掘得銀一窰，遂安。（稽神錄）

【孤女如女嫁之獲冥報】

江南有縣吏鍾離瑾，與隣縣許令結姻，買一婢爲媵。一日，執箕帚至堂前，熟視語曰：「幼時吾父於此地穴毬窩，導我戲劇也。」瑾曰：「爾父何人？」曰：「父即前令某，身歿家破，流落民間。」瑾訊實，大爲憫惻，戒家人爲易衣飾，視如己女，沒書許公，求緩期，將贖己女嫁資，先爲求婚。許亦惻然報曰：「蕩伯玉恥獨爲君子，願以前令女歸吾子，君子別求良配。」於是前令女卒歸許瑾。夜夢一絲衣丈夫拜曰：「不圖賤息過蒙君賜，已得請於帝矣。」後瑾歷十郡太守，以壽考終。（勸善錄）南昌王令，一日見婢執簪堂下泣，詰之，云是舊令女，爲鄱陽賊所劫，流落至此。王惻然，命妻撫養如女，以嫁之。後見一人拜庭下曰：「我前令陸鴻漸也，感君嫁女，故來謝公，以此增壽一紀。」語畢不見。（續韻府）

【沒字碑】

唐明宗欲拜崔協爲相，任園曰：「協不識文字，而盧有表儀，號沒字碑。」（唐書）安叔千狀貌堂堂，而不通文字，所爲鄙陋，時人謂之「沒字碑。」（五代史）

上海图书馆藏书



A541 212 0011 7800B



版出月五年四十二國民華中

新式
標點
學

史

標點者 周 去 病

出版者 大達圖書供應社

發行人 周 健 人

發行所 大達圖書供應社

上海河南路
一三七號

分發行所全國各大書坊

洋裝一冊定價一元三角

5.9
19

